

CHARITAS.

Ex Bibliotheca P. P. Mi-  
nimorum Conventus  
Monacensis.



Ad usum R<sup>di</sup> Martini Thurneri  
Pastoris in Bördkirchen, paratus ē  
hic liber 5. Cal. Septemb. R<sup>o</sup> 97.  
Vno floreno, et 40. crucif.

<36700075730013

<36700075730013

33 Bayer. Staatsbibliothek



1600

Platina

XV 1495

Bay



V I T Æ  
ROMANO:  
RVM PONTIFI  
CVM A D. PETRO VSQVE  
AD CLEMENTEM VIII.

EX PLATINAE HISTO.

ria in Epitomen redactæ, ac iuxta Onu-  
phrij Panvini, Eremitæ Augustinia-

ni censionem ordinatæ

*Ex Libris D. d. Minimorum Monacensis*

His præter alia accesserunt eorundem Pontificum

Imagines ad viuum expressæ, labore & industria

IOANNIS A GLANO Leodicensis incisa.



LEODII  
Ex Officina Henrici Houij  
Anno M. D. XCVII.




HVIC OPVSCVLO AD  
MAIOREM PERSPICVITATEM  
PRAEMITTVNTVR.

*Primum leges in creando Rom. Pontifice.*

*Forma & ordo ab illustrissimis Cardinalibus in  
Pontificis electione seruari solitus, ex Panuinij ad  
Gregorium Decimum & Clementem Quintum anno-  
tationibus.*

*Index fidelissimus omnium Pontificum, Concilio-  
rum generalium, & Schismatum, annos & duratio-  
nem cuiusque assignans.*

*Tabula omnium Pontificum ordine Alphabetico,*





# SER<sup>mo</sup> PRINCIPI

ERNESTO

## ARCHIEPISCOPO ET

ELECTORI COLONIENSI

*Episcopo & Principi Leodicensi, Monasteriensi,  
Hildisheimensi, Frisigen: Administrat: Stabulensi:  
Comiti Palatino Rheni, Duci utriusque Bavariae,  
Westfaliae, Angariae, Bullonij: Marchioni Fran-  
chimontano: Comiti Loffen: Longien: Hornen:  
Dom. suo clementissimo.*



ET V S lex Persarum  
fuit, Reges, Heroës, &  
Principes viros, sine ali-  
quo munere non esse sa-  
lutandos, legis Persicæ instituto pro-  
uocatus, C. T. imagines ac vitas Pon-  
tificum Romanorum, à me & scul-  
ptas, proximasque veritati redditas,  
& scriptas & compositas adfero, o-  
peris argumētum, quod ut dignitati  
tuæ cōsentaneum, ita patrociniij tui  
tutelam à te iure suo deposcit, olim  
olea Palladi, lyra Apollini, spicæ  
Cereri, muneraque alia Dijs conue-  
nientia dicabātur, vouebantur, offe-  
rebantur,



rebantur, sic maiorum exemplo homines quibus gliscit animus, Princeps, & Mœcenates suos literis vel monumentis decorare, quod cuique conueniat propius despiciunt. Videmus Hectorem ab Aiace, balthео, ense verò Aiace ab Hectore donatum, ego, vt par est, Ser<sup>mo</sup> Electori, Antistiti, Heroi & Hero meo clementissimo, Romanæ Ecclesiæ filio (cuius & Legia filia) & fortissimo adsertori, atque assiduo vindici, Pontificia hæc dico, voueo, offero, hoc vnū demissè postulans, vt qua solet alienos labores humanitate, pari, meos suscipere non grauetur. Quod si C. T. opus meum probari sciam, à paucis sanè Ser<sup>me</sup> Princeps metuum improbari, sperans euētnrum quod de Domitio Seuero scripsit olim Apollinaris: *Hic si te probet, omnibus placebis.*  
 Leodici 6. Id. Decemb. 1596.

V. C. addictissimus clientulus.

Ioannes à Glano Leodius.



# IN HAS ROMANORVM

PONTIFICVM EFFIGIES,

Ioan: Polit: Leod: I.C:

**A**spicis ingentem fato consistere ROMAM,  
Perq<sup>3</sup> tot assultus tollere ad astra caput?  
**CAESARIBVS** Sedem illa dabat sublimis, & idem  
Imperio limes Urbis & Orbis erat.  
Illa tamen subiit crudelia iussa Neronum,  
Et timuit vires sanguinolenta suas  
Sanctior auspicijs rerum nunc vertitur ordo  
Et summo attingit vertice Roma Deos.  
Quae prius intumuit populis dominata superbis  
Nunc animas humiles ducit ad astra potens.  
Cernito tot Patrum viuos leto agmine vultus  
Sculptoris quas dat, nobilis arte manus!  
Ille diu Gallos Latias lustrauit & vrbes  
Virtutum iuuenis carpere doctus iter.  
**PONTIFICES** saluete sacri quos Numine dextro  
Constituit terris prouida cura Dei.  
Non interrupto succeditis ordine **CHRISTO**  
Vnus amor vobis, **LEX**, **DEVS**, vna **FIDES**.  
Vos penes Imperium Sacrorum, & summa potestas,  
Vos penes aetherei pandere regna poli.  
Exere septenos veneranda **A V S O N I A** montes  
Dicēis patribus terra beata tuis:  
Hinc etiam maior tibi **LEGIA** gloria surget,  
Sic tua & artificis fama perennis erit.

**AD**





## AD LECTOREM

**P**LACUIT semper illud, candide lector, sapientissime dictum, plena ingenui pudoris res est per quem profeceris agnoscere. Nos in hoc qualicunq; cudendo opere, Thomam Costum Neapolitanum & Academicum Florentinum, qui Italico suo sermone argumentum hoc profecutus est, tanquam viæ ducem secuti sumus, & ad eius ordinē, methodū, breuitatemq; quantum licuit industriam nostram attemperauimus. Verū quia vir ille doctissimus Italis suis, quibus fere Pontificia omnia sunt comperta & explorata, idiomate vernaculo scribit, ob idque pressius quandoq; & succinctius: visum nobis est fusa magis oratione vti res postulat describere. Ad institutū nostrum etiam & scopum in quem collineamus, spectare iudicamus nonnulla ab eodem auctore prætermissa, vel breuiter admodum tractata, addere vel explicare, nimirum ea quæ Romani Pontificis maiestatem, auctoritatem, eminentemque & supremam in Ecclesia dignitatem exaggerant. Cū enim Ioannes à Glano incisus à se Pontificum icones in lucem edere vellet, vitam cuiusque illi attexere volumus, vti nostrates, & maximè rudiores Ecclesiæ Romanæ prerogatiuam cernant: quippe  
qua



quæ ut ante D. Hieronymus epistola ad Damasum scribens: Profligato à sobole mala patrimonio, apud Romanum Pontificem solùm incorrupta seruetur hæreditas; & quicumque extra Ecclesiam Romanam agnum comederit, profanus est.

Sola enim est Ecclesia Romana, quæ de continua successione Episcoporum gloriari potest. Magnum proinde ex tot Pontificum continua serie capient Christiani documentum, ut studiosius & propensius sub Ecclesiæ Romanæ obediëntia & disciplina sese cõtineant.

Hic succedentium Pontificum cõtinuam legent seriem, eorum mores, decreta, concilia, ætates, schismata, variasque Ecclesiæ vicissitudines. Quæ res magno, ni fallor, erit argumento, rudioribus præsertim qui facile dolis hæreticorum deluduntur, irretiuntur, & à vera religione auertuntur: eoque magis quod apud rudem plebeculam, quæ plus auctoritatis & fidei oculo quàm intellectui, plus opinioni quàm Religioni tribuit; de quolibet Pontifice cuius vita & mores ceu in tabella hîc spectanda proponuntur, possumus illud Poëtæ adijcere:

*Sic oculos, sic ille manus, sic ora ferebat.*

Hîc primos eos intuebuntur naucleros, qui D. Petri in vastissimo & procelloso hoc mari nauiculam direxerunt. Hic primos vinitores intelligent, qui vineam, id est Ecclesiam à Iudæa transplantatam in Græcia, & in omni Eu-



ropa inferuerunt, quæ etiam nunc magno cum diuini honoris incremento, & hominũ profectu in extremas orbis oras propagatur. Intelligent quibus ceremonijs Deum colebant & placabant, quibus sacramentis culpas suas expiabant, & Deum sibi demerebãtur, quibus sacrificijs Deo litabant prisci illi Pontifices, quorum labore & vigilantia Religio plantata & propagata est. Etsi deinceps eorum animis infederit adhuc vlla dubitatio aut scrupulus, audiant Diuum Ambrosium sermo. de SS. Nazario & Celso.

Magni periculi res est post Prophetarum oracula, post Apostolorum testimonia, post martyrum vulnera, veterem fidem quasi nouellam discutere, & post tot manifestos duces si in errore permanes, & post morientium sudores otiosa disputatione contendas. Est equidem verum, resque adeò manifesta, vt nemo possit inficiari, inter Pontifices aliquos fuisse qui à sanctitate quæ Pontificiæ dignitati hæreditaria esse debebat descuerunt & degenerarunt. Sed ea res magnam non habet admirationem. Nam vt mellifluus ait Leo, hæreditas in indigno hærede perseuerat. Discimus etiam hinc verum esse quod ait Crispus Salustius, quæcunq; sunt orta, cadere & aucta senescere. Nec quicquam fore tam sanctè institutũ, tam solidè stabilitum quod aliquando non conuescat, interitumq; patiatur. Deinde imperiũ  
ijdem



ijisdem artibus retineri intelligimus, quibus initium partum est. Nam S. Sedes Apostolica inter tot tamq; barbaros & immanes persecutores, nulla armorū vi, nullis externarum rerū præsidijs fulta, sed insigni pietate & præstante doctrina tantum subnixa creuit, & ad tam sublime fastigium peruenit, vt teste B. Leone longius præsideret religione diuina quā dominatione terrena, & quamuis Roma multis aucta victorijs, longe lateq; fines imperij protulerit, minus tamen est quod illi bellicus labor subdidit, quā quod pax Christiana subiecit: & bene B. Prosper contra Pelagianos cecinit:

*Sedes Roma Petri quæ pastoralis honoris  
Facta caput mundi, quicquid non possidet armis  
Religione tenet.*

At dum virtutis studium deferbuit, seueriorq; disciplina per luxum & molliciem eliminata est, Diuini honoris zelus ambitioni, sincera electio turpi suffragiorum nundinationi celsit, tum Apostolica sedes magis fuit vt ita dicam, occupata quā possessa, onerata potius quā honorata, & quæ supra modum accensa lucere debuit ad subditorum eruditionem extincta nihil præter tetri odoris fumum exhalauit ad multorum offensionē & infectionem. Insuper ex hac morum varietate verū esse constabit quod sapienter dici cōsuevit: *non viro magistratum, sed magistratui virum* decus & auctoritatē conferre. Etenim Ro-




mani Pontifices qui sanctitatem egregiamque  
 eruditionem pietati coniunctam retinuerunt,  
 vniuersæ Ecclesiæ magno fuerunt adiumento,  
 Principibus viris in vtraque forma præsidio,  
 Clero honori, impijs & facinorosis formidini.  
 Qui verò à diuinarum legum iugo colla sub-  
 duxerunt, omnemque vitæ splendorem inani  
 fastu & turpi luxu deturpauerunt, illi regibus  
 & principibus fuere contemptui, Clero inuisi,  
 populo exosi & ridiculi, Deo sic disponente  
 vt testatum faceret quàm ex diametro sibi op-  
 ponerentur & ab officio longè recederent.  
 Postremò, vt breuiter dicam, tam variij inter  
 summos Pontifices meritorum gradus, nostræ  
 vtilitati, & sanctorum Pontificum dignitati  
 magnum afferet momentum. Nam sicut in ta-  
 bella candor nigrorem deprimat, & ab aspe-  
 ctu nostro longius abiungit: vice versa à ni-  
 grore candor eleuatur, ac velut è tabella profi-  
 liens obtutibus nostris se subiicit & ostentat,  
 ita in tam longa tot sæculorum serie, plurimi  
 in summo illo gloriæ & honoris theatro Pon-  
 tifices præfulsere, quorum vitam heroicam  
 egregios pro Catholica Ecclesia labores, &  
 præclara facinora dum intuemur acriter ocu-  
 los nostros perstringunt & deriuent, ne alio-  
 rum turpitudinē spectemus, aut vt eam quàm  
 minime moremur. Ex aduerso si in vitiosi  
 Pontificis vitam oculus noster incurrat, tum  
 naturæ nostræ ad vitium pronitatem non tam  
 damna-



damnamus quàm admiramur integerrimam  
 tot sanctorum Pontificum virtutem & animi  
 magnitudinem, qui quanquam, vt vult Ber-  
 nardus, periclitatur castitas in delitijs, humili-  
 tas in diuitijs, pietas in negotijs, veritas in mul-  
 tiloquio, caritas in hoc sæculo: Sic tamen sapi-  
 enter vitæ suæ rationes & consilia temperarūt,  
 vt in se ipsis consistèrent, non infra se deiici,  
 nec supra se attolli, nō euadere in longius, non  
 extendi in latius potuerunt. Hinc post quosdā  
 fastuosos & impuræ vitæ Pontifices, illustrio-  
 res redduntur nostro sæculo Pij, Gregorij,  
 & Clementes.

LEGES





# LEGES PRAECIPVAE

QVAE IN COMITIIS ET

electione Romani Pontificis observari  
debent. Ex Onuphrij ad Grego-  
rium Decimum anno-  
tationibus.

I. **V**T noui Pontificis comitia habeantur, loco idoneo, vbi Pontifex precedens cum sua curia residens, causarumq; & literarum Apostolicarū audientiam habens, mortuus fuerit. Quod si in villa, pago, aut oppido obierit & propterea cōmodè ibidem comitia haberi nequierint, in vrbe in cuius diocesi villa, pagus vel oppidum fuerint, habeantur, nisi interdicta sint. Quo casu in proximiorē vrbe non interdicta ipsa electio fieri debet. Si verò ipsa audientia alio loco fuerit, tunc non vbi Papa obierit, sed vbi eadem audiētia fuerit, futuri Pontificis creatio habeatur Gregorius X. & Clemens V.

II. Vt mortuo Pontifice, comitia nō habeantur, nisi ad minus decē dierū spatium interiecto quo tēpore, & Cardinales absentes, expectari, et nouēdialia demortui Pōtificis per Cardinales praesentes celebrari debēt.

III. Vt Cardinales oēs quauis ratione à cōclauī absentes, nullū ferendorū suffragiorū ius habere possint.

IIII. Vt non solum Cardinales absentes, sed & omnes cuiusvis ordinis & conditionis homines in Romanum Pontificem creari possint.

V. Vt finitis nouēdialibus, sacrisq; die decimo ritē sancto spiritui factis omnes Cardinales, qui adsunt  
(siue



( siue absentes venerint, siue non ) in palatio, in quo mortuus Pōtifex habitabat, loco tuto vndique clauso, ac optimè custodito, quod conclauē vocant, recludantur, cum duobus tantum, vel, vt nunc consuetudo est, tribus, aut quatuor famulis, qui eis necessaria subministrant, quo in loco comitia habeantur. Nec alicui præterea fas sit locum ingredi, vel egredi, nisi infirmitatis causa, certisq; quibusdā hominibus, quorū opera in conclauē existentibus maximè est necessaria. Is porrò locus conclauis nullum intermedium parietem habeat, sed omnes Cardinales in cellulis suis laneis distinctis pannis ipsum inhabitent in communi.

V I. Vt locus & portæ conclauis diligentissimè custodiantur, si Romæ electio habeatur, priuim à prætorianis, deinde à regulis Romanis, & oratoribus principum sacramento prius astrictis, demum in loco ostio conclauis proximiorē ab Episcopis, & conseruatoribus vr̄bis. Si autem extra vr̄bem comitia hæc habentur, à loci eiusdē dominis temporalibus, eodē iuramētō fidelitatis obligatis. Quorum munus est cōclauē custodire, & diligenter cauere, ne quid conclauē inferatur, seu exportetur, quo minus legitima suffragia ferri possint atque singula scrutari, quæ vel cibi, vel alterius rei causa inferuntur ad eos, & prouidere, ne quid detrimētī patiantur Cardinales, omnibusq; ipsorū nutibus presto esse ac eligere Pontificē differētes ad maturandū arc̄tare. Milites verò prætoriani, ac reguli Romani conclauē ab omni impressione tutū reddere debēt.

V I I. Vt Cardinales conclauē egredi nulla ratione possint, nisi Romano Pontifice creato, quod si re infecta egressi



*egreſſi fuerint ab his qui conclauis custodia praesunt, iterum ingredi cogi debent.*

**VIII.** *Vt Cardinalibus venientibus post ingressum conclauis, & ante Papae creationem, potestas sit conclauae ingredi, & cum ceteris suffragia ferre, nullusq; Cardinalis quauis occasione, aut praetextu etiam excommunicationis vinculo innodatus, ab electione ipsa arceri possit.*

**IX.** *Vt post triduum ingressus conclauis, nisi Pontifex renunciatus fuerit, Episcopi, reguli Romani, & qui conclauis custodia praesunt, maximam in epulis, & cibis quae Cardinalibus inferuntur rationem habeant, & illis non nisi ferculum vnum inferri permittant.*

**X.** *Vt in comitijs habendis sub anathematis poena, nulli fas sit aut largitione vti, aut quicquam polliceri, aut prensare, siue ambiendo, animos Cardinalium sibi in noua creatione deuincire. Quo interim tempore Cardinalibus nulli alij negotio vacandi ius potestaeq; sit, vt electio maturetur.*

**XI.** *Vt nemo Romanus Pontifex renunciari possit, nisi duarum partium ex tribus Cardinalium in conclau praesentibus integra suffragia tulerit.*

**XII.** *Vt mortuo Romano Pontifice, omnes Ecclesiastici magistratus & officia statim cessent, atque à muneribus suis vacent, praeter Pœnitentiarium maiorem, minoresq; & Camerarium S.R.E. quorum munera etiam mortuo Papa perdurant. Ex libro 1. Constitutionum Clementis V. Pontificis, titul. de electione & electi potestate. cap. Ne Romani.*

FOR.



FORMA ET ORDO AB  
ILLVSTRISSIMIS CARDI.

NALIBVS IN ELECTIONE

Romani Pontificis seruari solitus: Ex

Panuini ad Clementem V.

annotationibus.

**P**ATRES Conclauē ingressi diem integrum  
sequentem formandis legibus impendunt, ad  
sanam Romani Pontificis administrationem maxi-  
me necessarijs, quibus patrum quisque subscribens  
iureiurando votoq<sup>3</sup> promittit obtemperaturum se il-  
lis, si Pontifex factus fuerit, his actis, statō quodam  
die prima comitia indicuntur. Mane autem diei pa-  
tres omnes induti pallijs à summo deorsum apertis,  
quas croccias vocant, in capellam vbi corpus Christi  
asseruatur conueniunt. Ibi diuina Spiritus Sancti  
ritè sacra celebrantur. Quibus absolutis, suo locō  
disponunt se per subsellia. Quisque autem quem eli-  
gere decreuit in codicillo ante describit, huncq<sup>3</sup> suo  
annulo obsignat. Inde tres ex patribus ad altare  
ascendentes, Decanus videlicet, presbyterorum, &  
Diaconorum primi, calicem in quo eo die sacra facta  
sunt, ad medium altaris constituunt custodes ipsi om-  
nium, ac inspectores astantes; Post hac eodem ordi-  
ne procedunt & reliqui Patres, atque ante altare in  
genua procidentes, codicillum sigillatim in calicem  
dimittunt. Id autem postquam ab omnibus factum  
est, tres illi quos dixi calicem ipsum ad ceteros in-  
ferius



ferius confedentes, sublato altius ostendunt, consistentes in subselliorum medio, vnde spectari & audiri à circumstantibus possunt: numerant mox codicillos, quorum, vt conuenisse numerus inuenitur, singuli à Decano aperiuntur, & leguntur, ac Diacono proximo pronuntiandi traduntur. Patrum quisque papirum tenens, ac pugillare, quos quisque eligit, chirographo annotatus. Nullus autem ex Alexandri III. constitutione pro Pontifice haberi potest, nisi qui duarum partium ex Cardinalibus integra suffragiatulerit. Qui numerus si ex codicillis adimpletur, tum Pontifex creatus est: sin minus liberum est cuique quem voluerit Patrum, non electum à se scripto, voce eligere, quæ electionis ratio accessus appellatur. Rarum est quempiam ex solis codicillis eligi, vocum accessio, conficere totum opus solet. Alius est quoque creandi Pontificis mos, qui per orationem dicitur. Hoc autem est, cum duæ partes Cardinalium non expectato, vt vocant, scrutinio, sed voce tenus omnium consensu & voluntate quempiam ex Cardinalibus in Romanum Pontificem salutant, atque venerantur.

## INDEX



# I N D E X

## B R E V I S E T E X A C T V S

O M N I V M P O N T I F I C V M,

*Conciliorum Generalium, & Schismatum, assignans in quem Christi annum, vnumquodque eorum inciderit, quot annos duraverit.*

*Item interregni cuiusque*

*Pontificis inter-*

*uallum.*

Annus Christi	Num. & ordo Pontif.		An- ni.	mē- ses.	dies
44	1	<b>P</b> etrus Galilæus, & Apostolorum Corephæus.	24	5	12
57	2	Linus Etruscus Vola- terranus ; viuento Petro.	11	3	12
68	3	Clemens Romanus post Petrum.	9	4	26
77	4	Cletus Romanus. vacauit sedes	6	5	3
84	5	Anacletus Græcus A- theniensis. vacauit	12	2	10 13
96	6	Euaristus Hæbræus Bethleemitanus. vacauit	13	3	19
109	7	Alexander Romanus vacauit	7	5	19 25
117	8	Sixtus Romanus. vacauit	9	10	9 2

\* \*

Thele-



127	9	Thelesphor <sup>o</sup> Anachoreta Græcus.	10	8	28
		vacauit			7
138	10	Hyginus Græcus Atheniensis	4		
		vacauit			3
142	11	Pius Aquileiensis	11	5	27
		vacauit			13
154	12	Anycetus Syrus	9	8	24
		vacauit			17
163	13	Soter Fundanus	7	11	18
		vacauit			21
171	14	Eleutherus Græcus Nicopolitanus.	15		13
		vacauit			5
186	15	Victor Aphricanus	12	1	28
		vacauit			12
198	16	Zephyrinus Romanus	20		17
		vacauit			6
218	17	Calyxtus Romanus	5	1	13
		vacauit			6
223	18	Vrbanus Romanus	7	7	5
		vacauit			23
231	19	Pontianus Romanus	5	5	2
		vacauit			1
236	20	Anterus Græcus		1	
		vacauit			9
237	21	Fabianus Romanus	14		11
		vacauit		5	21
251	22	Cornelius Romanus	2	2	3
					vacauit



		vacauit		2	5
		SCHISMA I.			
252		Nouatianus Romanus schismaticus contra Cornelium			
253	23	Lucius Romanus	I	3	13
		vacauit		I	5
255	24	Stephanus Romanus	2	3	24
		vacauit		I	12
257	25	Syxtus Atheniensis	I	10	23
259		vacauit		II	15
260	26	Dionysius Græcus Monachus	10	5	5
270		vacauit			5
271	27	Fœlix Romanus	4	5	
		vacauit			5
275	28	Eutichianus Etruscus.	8	6	4
		vacauit			8
283	29	Caius Dalmata	12	4	6
		vacauit		2	8
296	30	Marcellinus Roman.	7	9	26
		vacauit		2	2
304	31	Marcellus Romanus	5	6	21
		vacauit			20
310	32	Eusebius Græcus	I	7	27
		vacauit			7
311	33	Melchiades Africanus	3	2	
314		vacauit			17
315	34	Syluester Romanus	20		4
336		vacauit			15



325		<i>Prima Synodus vni-</i> <i>uersalis Nicææ cele-</i> <i>brata 318. Episcoporu</i>			
336	35	Marcus Romanus.		8	20
		vacauit			20
336	36	Iulius Romanus	14	5	16
		vacauit			25
351	37	Liberius Romanus	15	4	17
		vacauit			6
		SCHISMA II.			
355		<b>F</b> œlix 2. Romanus			
		fedit in schismate			
		contra Liberium.	10	3	11
366	38	Damasus Hispanus	13	2	10
		vacauit			17
366		Vrsicinus Romanus			
		fedit in schismate			
		contra Damasū post			
		mortem Liberij &			
		Fœlicis.	1	1	23
		<i>Secunda Synodus vni-</i> <i>uersalis Constantino-</i> <i>poli 150. Episcoporum.</i>			
384	39	<b>S</b> iricius Romanus	13	1	25
		vacauit		1	15
398	40	Anastasius Romanus	4		21
		vacauit			10
402	41	Innocentius Albanus	15	2	21
		vacauit			22

Zosimus



416	42	Zosimus Græcus	2	4	7
418		vacauit			1
419	43	Bonifacius Romanus	4	9	28
423		vacauit			9
		SCHISMA III.			
419		<b>E</b> Vlalius Romanus in schismate con- tra Bonifacium			
423	44	Cælestinus Romanus	8	3	7
432		vacauit		5	3
430				1	11
		<i>Tertia Synodus gene- ralis Ephesi 20. Episcoporum.</i>			
432	45	<b>S</b> Yxtus 3. Romanus	7	11	
		vacauit		1	11
440	46	Leo Magnus Roman.	20	11	2
		vacauit			7
451		<i>Quarta Synodus gene- ralis Calcedone 630. Episcoporum.</i>			
461	47	<b>H</b> ilarius Sardus	6	3	10
		vacauit			10
467	48	Simplicius Tiburtin.	15	6	23
		vacauit			6
483	49	Fœlix secundus dictus 3. Romanus	8	11	17
		vacauit			5
492	50	Gelasius Aphricanus	4	8	19
		vacauit			5



496	51	Anastasius secundus Romanus vacauit	I	II	24 2
498	52	Symmachus Sardus vacauit	15	7	28
514		SCHISMA IIII. Laurentius Romanus in schismate contra Symmachum.	I		
514	53	Hormisda Frusini <sup>9</sup> in Campania vacauit	9		17 5
523	54	Ioannes Etruscus vacauit	2	9 I	6 27
526	55	Felix 3. dictus 4. Sa- mius vacauit	4	2	18 3
530	56	Bonifacius secundus Romanus vacauit	I	3	2 5
530		SCHISMA V. Dioscorus Romanus in schismate contra Bonifacium			
532	57	Ioannes secundus cog- nominat <sup>9</sup> Mercurius Romanus. vacauit	2	4	28 6 6
534	58	Rusticus Agapitus Ro- manus		II	19 vacauit



535		vacauit sedes ex morte Agapiti vsq; ad ordinationē Syl- uerij		6	25
535	59	Syluerius Campanus à consecratione sua	I	5	2
		SCHISMA VI.			5
537	60	Vigilius Romanus creatus in schismate contra Syluerium	17	6	29
		vacauit		3	5
553		<i>Quinta Synodus vni- uersalis, &amp; secunda Con- stantinopolitana 165.</i> <i>Episcoporum.</i>			
155	61	<b>P</b> elagius Romanus	5	10	28
		vacauit		4	15
161	62	Ioannes tertius Roma- nus	12	11	26
574		vacauit		10	19
575	63	Benedictus Romanus.	4	1	29
		vacauit		4	
579	64	Pelagius secundus Ro- manus	10	2	10
		vacauit		6	25
590	65	Gregorius Magnus monachus	13	6	10
		vacauit		5	17
604	66	Sabinianus Etruscus	1	5	24
		vacauit		11	25



607	67	Bonifacius 3. Romanus		8	27
		vacauit		10	3
608	78	Bonifacius 4. Marfus	6	8	11
		vacauit		4	23
615	69	Adeodatus Romanus	3	10	27
	70	vacauit		1	16
619		Bonifacius 5. Neapoli- tanus	3	10	
		vacauit			13
622	71	Honorius Capuanus	12	11	7
		vacauit	1	7	18
637	72	Seuerinus Romanus	1	2	4
		vacauit		1	22
638	73	Ioannes 4. Dalmata	1	9	18
		vacauit		1	14
640	74	Theodorus Hieroso- limitanus	6	5	28
		vacauit		4	1
647	75	Martinus Tardertinus	6	1	28
		vacauit		8	28
654	76	Eugenius Romanus	2	9	14
		vacauit		1	17
657	77	Vitalianus Seguinus	14	5	29
		vacauit		2	14
672	78	Adodatus Romanus	4	2	15
		Monachus			
		vacauit		4	6
676	79	Donus Romanus	2	5	10
		vacauit		2	28
679	80	Agatho Siculus Mo- nachus			



		nachus	2	6	
182		vacauit		7	
680		<i>Sexta vniuersalis Synodus, &amp; tertia Constantinopolitana 289. Episcoporum.</i>			
682	81	<b>L</b> Eo 2. Sículus		10	19
		vacauit		11	21
684	82	Benedictus 2.		10	27
		vacauit sedes ex morte Benedicti dicti secundi vsq; ad creation. Ioannis Quinti			
685	83	Ioannes 5. Syrus Antiochenus		2	9
		vacauit	I		9
686		Petrus Archipresbyter Romanus fedit aliquot diebus.		2	18
		<b>SCHISMA VII.</b>			
		Theodorus presbyter Romanus fedit in schismate contra Petrum aliquot diebus, vtroq; verò expulso, creatus fuit Conon			
686	84	Conon nat <sup>o</sup> in Thracia		II	
		vacauit		2	25

Theodo-



		Theodorus presbyter aliquot diebus sedē occupat.			
		SCHISMA VIII. Paschalis Archidiano sedit in schismate a- liquot diebus cōtra Theodorū, vtroq; autē destituto crea- tur Sergius.			
687	85	Sergius Syrus Antio- chensis vacauit	13	8 1	23 20
701	86	Ioannes 6. Græcus vacauit	3	2 11	14 18
705	87	Ioannes 7. Græcus. Non vacauit sedes	2	7	17
707	88	Sisinnius Syrus. vacauit			20 16
707	89	Constantinus Syrus vacauit	8	1 1	20 10
716	90	Gregorius 2. Roman. vacauit	14	10 1	22 3
731	91	Gregorius 3. Syrus vacauit	10	8	24 2
741	92	Zacharias Græcus vacauit	10	3	15 8
752	93	Stephanus 2. Romanus vacauit			4 1
757	94	Stephanus 3, dictus 2. vacauit	5		29



		vacauit			22
757	95	Paulus Romanus	10	1	
		vacauit	1	1	7
		SCHISMA IX.			
757		Theophilactus Roma.			
		Archidiacon. in schif-			
		mate contra Paulum.			
767		Constantin. Nepesi-			
		nus laicus, vi & contra			
		canones intrusus à lai-			
		cis fedit.			
		SCHISMA X.			
768		Philippus Roman. in			
		schismate creatus à			
		laicis cōtra Cōstanti-			
		nū fedit diebus 5. &			
		ambobus explosis			
		creatus fuit.			
768	96	Stephanus 4. dictus 3.			
		Siculus monachus	3	5	27
		vacauit			9
772	97	Hadrianus Romanus.	23	10	17
		Non vacauit Ecclesia			
		7. Synodus vniuersalis			
		quæ fuit & 2. Nicæna			
		350. Episcoporum.			
796	98	Leo 3. Romanus	20	5	10
		vacauit,			20
816	99	Stephanus 5. dictus 4.		6	23
		vacauit			2

Paschalis



817	100	Paschalis Roman. mo- nachus	7	3	17
		vacavit			4
824	101	Eugenius 2. Romanus	3	6	24
827		vacavit			1
		SCHISMA XI.			
824		Zinzinus Romanus creatus in schisma- te cōtra Eugenium sedit aliquot dies.			
827	102	Valentinus Romanus		1	10
		vacavit			3
828	103	Gregorius 4. Roman.	16		
		vacavit			15
844	104	Sergius 2. Romanus	3	2	3
		Non vacavit			
847	105	Leo 4. Romanus	8	3	6
		vacavit			16
855	106	Benedictus 3. Roman.	2	8	16
		vacavit			15
		SCHISMA XII.			
855		Anastasius 3. Romanus creatus in schismate contra Benedictum, sedit aliquot dies.			
858	107	Nicolaus Magnus Ro- manus	9	6	20
		vacavit			7
867	108	Hadrianus 2. Roman.	4	11	12
872		vacavit			12



		<i>Octava Synodus vni-</i> <i>uersalis, quæ fuit quarta</i> <i>Constantinopolitana</i> <i>300. Episcoporum.</i>			
872	109	Ioannes 8. Romanus	10		2
882		vacauit			3
		<i>Nona synodus vniuer-</i> <i>salis, &amp; quinta Con-</i> <i>stantinopolit. 383.</i> <i>Episcoporum.</i>			
882	110	Martinus Galleſius	I	I	
		vacauit			2
884	111	Hadrianus 3. Roman.	I	3	19
		vacauit			3
885	112	Stephanus 6. dictus 5.			
		Romanus	6		9
		vacauit			5
891	113	Formoſus Portuenſis	4	6	18
		vacauit			2
		SCHISMA XIII.			
		Sergius 3. Romanus			
		in ſchiſmate contra			
		Formoſum ſedit a-			
		liquot dies			
895	114	Bonifacius 6. Roman.			
		vacauit			15
896	115	Stephanus 7. dictus 6.			5
		Romanus	I	2	19
		vacauit			3
897	116	Romanus Galleſius		4	23
					vacauit



		vacauit			I
897	118	Ioannes 9. Tyburtinus monachus	I		11
		vacauit			I
897	119	Benedictus 4. Roman.	3	6	15
		vacauit			6
902	120	Leo Quintus		I	19
		Non vacauit sedes			
		SCHISMA XIII.			
902	121	Christophor <sup>o</sup> Roman. in schismate contra Leonem sedit		7	
		Non vacauit			
902	122	Sergius 3. Romanus	7	3	16
		vacauit			5
910	123	Anastasius 3. Romanus	2	I	22
		vacauit			2
912	124	Lando Sabinus		6	22
		vacauit			26
913	125	Ioannes 10. Rauennas	15	2	15
		vacauit			I
928	126	Leo sextus Romanus		6	15
		vacauit			I
928	127	Stephanus octauus di- ctus septimus Roma.	2	8	15
		vacauit			2
930	128	Ioannes 11. Romanus	4	10	15
		vacauit			I
935	129	Leo 7. Romanus	3	6	10
		vacauit		I	

Stephanus



939	130	Stephanus 9. dictus 8. Romanus vacauit	3	4	15 10
942	131	Martinus secundus Romanus vacauit	3	6	14 3
946	132	Agapitus Romanus 2. vacauit	9	7	10 12
956	136	Ioannes 12. Romanus. Non vacauit	8	4	6
963	134	Leo octauus Romanus vacauit	1	5 6	12 14
964		SCHISMA XV. Benedictus 5. Roman. in schismate contra Leonem.		I	10
965	335	Ioannes 13. Romanus vacauit		II	5 13
972	136	Donus 2. Romanus Non vacauit			
972	137	Benedictus 5. dictus 6. Romanus vacauit	I	6	10
974	138	Bonifacius 7. Roman. vacauit	I	I	12 6
975	139	Benedictus 6. dictus 7. Romanus vacauit	9	I	10 15
984		SCHISMA XVI.			
975		Bonifacius 7. & Be- neditus			



		neditus 6. & Ioan- nes 14.			
984	140	Ioannes 14. Tinuensis Non vacauit		8	
965		Bonifacius 7. ab Ioan- ne 14. pulsus de nouo rexit Ecclesiam vacauit Ecclesia		4	6 10
985	141	Ioannes 15. Romanus vacauit	9	6	10 1
995	142	Ioannes 16. Romanus vacauit		4	1 6
995	143	Gregorius 5. Saxo vacauit	2 8	1	3 10
995		SCHISMA XVII. Ioannes 17. Græcus in schismate creatus cō- tra Gregorium		10	
998	144	Syluester 2. Vasco vacauit	4	6	12 25
1003	145	Ioannes 17. Romanus vacauit		4	25 19
1003	146	Ioannes 18. Romanus vacauit	5	8	30
1009	147	Sergius 4. Romanus vacauit	2	9	12 8
1012	148	Benedictus 7. dictus 8. Tusculanus vacauit	11	8	21 1
1024	149	Ioannes 19. Tuscula- nus	8	9	9



		nus, & frater Bene- dicti			
		vacauit			2
1032	150	Benedictus 8. dictus 9.	12	4	20
		SCHISMA XVIII.			
1045		Siluester 3. Romanus in schismate contra Benedictum.		1	19
1045		Ioannes 20. Romanus creatus in schismate Tribus his Pontifi- cibus exauctoratis & destitutis fuit electus	1		21
1045	151	Gregorius 6. Roman.	1	7	20
		vacauit			4
1047	152	Clemens 2. Saxo		9	15
		vacauit		9	7
1048	153	Damasus 2. Bauarus			23
		vacauit		6	3
1049	154	Leo 9. Lotharingus	5	2	8
		vacauit		10	24
1055	155	Victor 2. Bauarus	2	3	16
		vacauit			4
1057	156	Stephanus 10. dictus 9. Lotharingus mo- nachus		7	28
		vacauit			6
1058		Benedictus 9. dictus 10. Romanus		9	20
		Non vacauit			

\*\*\*

Nico-



1059	157	Nicolaus 2. Sabaudus vacauit	2	6	25
				3	
1061	158	Alexander 2. Mediola- nensis	II	6	21
		Non vacauit			
1061		SCHISMA XIX. Honorius 2. Parmen- sis creatus in schif- mate contra Alexan- drum.	5		
			12	I	3
1073	159	Gregorius 7. Etruscus. vacauit	I		
		SCHISMA XX.			
1080		Clemens 3. Parmensis in schismate contra Gregorium, & suc- cessores.	21		
1086	160	Victor 3. Beneuenta- nus monachus.	I	3	24
		vacauit		5	23
1088	161	Vrbanus 2. Gallus mo- nachus.	II	4	18
		vacauit			14
1099	162	Paschasius 2. Etruscus Monachus	18	5	9
1118		vacauit			3
1101		Albertus Atellanus in schismate creatus post Clementem 3. contra Paschalem 2.		4	

Theodo-



1102		Theodorus Romanus in schismate	3	15
1102		Syluester 3. Roman. in schismate post The- odorum, contra Pa- schalem 2.		
1118	163	Gelasius 2. Caietanus Monachus vacauit Ecclesia	1	5 2
1118		SCHISMA XXI. Gregorius 8. Hispan <sup>9</sup> creatus in schismate contra Gelasium	3	
1119	164	Calixtus 2. Burgundus vacauit	5	10 13 1
1124		<i>Synodus vniuersalis, Lateranensis 997 Episcoporum.</i>		
1124	165	<b>H</b> onorius 2. Bo- noniensis vacauit	5	2 3 1
1130		SCHISMA XXII. Calixtus 2. Romanus creatus in schismate contra Honorium		
1130	166	Innocentius 2. Roma- nus vacauit	13	7 8 1
1130		SCHISMA XXIII. Anacletus 2. creatus		



		in schismate contra Innocentium 2.	8		
		vacauit sedes ali- quot diebus			
1138		Victor 4. Roman. cre- atus in schismate post Anacletum cōtra In- nocentium.	5		
1139		<i>Synodus vniuersalis, Lateranensis mille Episcoporum.</i>			
1143	167	<b>C</b> A Elestinus se- cundus Tuscus vacauit			13 12
1144	168	Lucius 2. Bononiensis. vacauit		II	4 I
1145	169	Eugenius 3. Pisanus monachus vacauit	8	4	12 I
1153	170	Anastasius 4. Roman. monachus vacauit	I	4	24 I
1154	171	Hadrianus 4. Anglus monachus vacauit	4	8	28
1159	172	Alexander 3. Senensis. vacauit	21	II	3 23 I
		SCHISMA XXIIII. Victor 4. Romanus creatus in schismate			

contra



1164		contra Alexandrū 3. Paschalis 3. Cremenſis in ſchiſmate	4	7	
1169		Calixtus 3. Hungarus in illo ſchiſmate.	5		
1180		Synodus vniuerſalis Lateranenſis 280 Epiſcoporum.	7	5	
1187	173	<b>L</b> Vcius 3. Lucenſis Nō vacauit ſedes	5	2	28
1185	174	Vrbanus 3. Mediolan. vacauit	1	10	25 1
1187	175	Gregorius 8. Beneuē- tanus vacauit		1	27 10
1188	176	Clemens 3. Romanus. vacauit	3	2	26 3
1191	177	Cæleſtinus 3. Roman. Non vacauit.	6	9	11
1198	178	Innocentius 3. Anagui- nus vacauit	18	6	9 1
1216		Synodus vniuerſalis Lateranenſis 412. Epiſcoporum.			
1216	179	<b>H</b> Onori⁹ 3. Rom. vacauit	10	8	1
1227	180	Gregorius 9. Anagui- nus vacauit	14	5 1	1



1241	181	Cælestinus 4. Medio- lanensis vacauit	I	8	17 15
1243	182	Innocentius 4. Genu- ensis vacauit	II	5	14 13
1254		<i>Synodus vniuersalis Lugduni in Gallia</i>			
1254	183	<b>A</b> lexander 4. A- naguinus. vacauit	6	5 3	1 3
1261	184	Vrbanus 4. Trecentis Gallus vacauit	3	2 4	4 2
1265	185	Clemens 4. Narbonen- sis Gallus vacauit	3 2	9 9	25 2
1271	186	Gregorius 10. Placent. vacauit	4.	4	10 10
1274		<i>Synodus vniuersalis Lugduni quæ &amp; Lu- gdunensis secun- da est.</i>			
1276	187	<b>I</b> nnoentius 5. Bur- gundus Dñicanus vacauit		5	1 19
1276	188	Hadrianus 5. Genuen- sis vacauit		I	7 25

Ioannes



1276	189	Ioannes 20. dictus 21. Lusitan <sup>o</sup> Vlixponēsis vacauit		8 6	8 4
1277	190	Nicolaus 3. Romanus vacauit	2	8 6	29
1281	191	Martinus 2. dictus 4. Turonensis Gallus. vacauit	4	1	7 4
1285	192	Honorius 4. Roman. vacauit	2	10	2 18
1288	193	Nicolaus 4. Picentinus ordinis Minorum vacauit	4 2	1 3	14 2
1294	194	Cælestinus 5. Eremita Esemienfis vacauit		5	7 10
1294	195	Bonifacius 8. Roman. vacauit	8	9	18 11
1300		Hic Pontificū primus fuit qui Iubilæum in- stituit & celebrauit			
1303	196	Benedictus 9. dictus 11. Ternisanus Do- minicanus vacauit		8 10	6 2
1305	197	Clemens 5. Burdega- lensis Vasco vacauit	8 2	10 3	16 17
1314 <sup>*</sup> 1311		Synodus vniuersalis Viennæ.			



1316	198	Ioannes 21. dictus 22. Cadurcensis Gallus.	18	3	28
		vacauit			16
1334		SCHISMA XXV.			
1327		Nicolaus 5. ordinis Mi- norum creatus in schismate contra Io- annem 21.	3	3	14
1334	199	Benedictus 10. dictus 12. Tholosus Gallus.	7	4	6
		vacauit			11
1342	200	Clemens 6. Lemoni- censis Gallus mona- chus.	11	7	
1352		vacauit	10	7	
1350		Hic Pontifex cele- brat secundum Iu- bilæum.			
1352	201	Innocentius 6. Lemo- nicensis Gallus.	9	8	26
		vacauit		1	15
1362	202	Vrbanus 5. Lemoni- censis Gallus mona- chus.	8	2	23
		vacauit			10
1370	203	Gregorius 11. Lemo- nicensis Gallus	7	2	27
		vacauit			12
1378	204	Vrbanus 6. Neapolit.	11	6	5
		vacauit			19

Hic



		Hic Pontifex celebrauit 3. Iubilæum.			
1378		SCHISMA XXVI.			
		Clemens 7. Gebēnen-			
		sis creat <sup>9</sup> in schisma-			
		te contra Urbanū 6.	15	II	18
		vacauit			12
1389	205	Bonifacius 9. Neapoli-			
		tanus.	14	II	
		vacauit			15
1400		Hic Pontifex 4. ce-			
		lebrauit Iubilæum.			
1394		Benedictus II. dictus 13			
		Hispan. in schismate			
		post Clementem 7.			
		cōtra successores Vr-			
		bani 6.	30		
1404	206	Innocētius 7. Sulmon.	2		21
		vacauit			32
1406	207	Gregorius 12. Venetus.	8	7	5
		Hoc exauctorato in			
		concilio Pisano va-			
		cauit			20
1409		<i>Synodus vniuersalis</i>			
		<i>Pisana.</i>			
1409	208	Alexander 5. Cretenfis			
		ordinis Minorum.		10	8
		vacauit			13
1410	209	Ioannes 22. dictus 23.			
		Neapolitanus	5		15
		***	5		
					Hoc



1415		Hoc Pontifice Constantiæ à patribus destituito vacauit	2	5	10
1414		<i>Synodus vniuersalis Constantiæ.</i>			
1417	210	<b>M</b> artinus 3. dictus 5. Romanus vacauit	13	3	10 11
1424		Clemens 8. Hispanus in schismate post Benedictum 12.	4		
1431	211	Eugenius 4. Venetus ordinis Canonicoꝝ Regularium vacauit	15	11	21 11
1439		<i>Synodus vniuersalis Florentiæ.</i>			
1439		SCHISMA XXVII. Fœlix 4. Allobrox Eremita creat⁹ in schismate contra Eugenium	9	5	
1447	212	Nicolaus 5. Sarzanensis vacauit	8		19 14
1455		Hic Pōtifex celebrauit 5. Iubilæum			
1455	213	Calixtus 3. Valentinus Hispanus vacauit	3	4	12
1458	214	Pius 2. Senensis	5	11	27 vacauit



		vacauit			16
1464	215	Paulus 2. Venetus	6	10	26
		vacauit			14
1471	216	Sixtus 4. Genuensis			
		Saonensis	13		4
1484		vacauit			16
1475		Hic Pontifex cele-			
		brauit 6. Iubilæum.			
1484	217	Innocētius 8. Genuēsis	7	10	24
		vacauit			16
1492	218	Alexander 6. Valenti-			
		nus Hispanus	11		8
1503		vacauit		1	3
1500		Hic Pontifex cele-			
		brauit 7. Iubilæum.			
1503	219	Pius 5. Senensis			26
		vacauit			14
1503	220	Iulius 2. Saonensis	9	3	21
1513		vacauit			18
1512		<i>Synodus vniuersalis</i>			
		<i>Lateranensis.</i>			
1513	221	Leo 10. Florentinus	8	8	20
1521		vacauit		1	7
1522	222	Adrianus 6. Batauus			
		Teuto	1	8	6
		vacauit		2	4
1523	223	Clemens 7. Florentin.	10	10	7
1534		vacauit			17
1525		Hic Pontifex cele-			
		brauit 8. Iubilæum			

Paulus



1534	224	Paulus 3. Romanus vacauit	15		28
				2	29
1550	225	Iulius 3. Aretinus. vacauit	5	1	16
1555					17
1550		Hic Pōtifex celebra- uit 9. Iubilæum			
1555	226	Marcellus 2. Politianus Etruscus. vacauit			21
					22
1555	227	Paulus 4. Neapolitan. vacauit	4	2	27
1559				4	7
1560	228	Pius 4. Mediolanensis. vacauit	5	11	15
1565					29
1566	229	Pius 5. Alexandrinus. vacauit	6	3	16
					11
1572	230	Gregorius 13. Bonon. Hic Pontifex cele- brauit 10. Iubilæum vacauit	12	10	27
1575					
					13
1585	231	Sixtus 5. ex Marchia Anconitana vacauit	5	4	3
					18
1590	232	Vrbanus 7. Romanus. vacauit		2	13
					9
1590	233	Gregorius 14. Medio- lanensis vacauit		14	10
					13
1591	234	Innocentius 8. Bonon. vacauit		2	1
1591				2	1
1592	235	Clemens 8. Florentin.			



# CATHALOGVS ROMANO- RVM PONTIFICVM, SECVN- dum ordinem Alphabeticum.

<b>A</b> Adrianus 1. pag.	191	Benedictus 5.	252
Adrianus 2.	216	Benedictus 6.	257
Adrianus 3.	221	Benedictus 7.	261
Adrianus 4.	325	Benedictus 8.	277
Adrianus 5.	365	Benedictus 9.	280
Adrianus 6.	453	Benedictus 10.	292
Agapiton 1.	115	Benedictus 11.	384
Agapiton 2.	249	Benedictus 12.	391
Agaton	160	Bonifacius 1.	85
Alexander 1.	15	Bonifacius 2.	112
Alexander 2.	295	Bonifacius 3.	134
Alexander 3.	328	Bonifacius 4.	136
Alexander 4.	352	Bonifacius 5.	140
Alexander 5.	412	Bonifacius 6.	227
Alexander 6.	441	Bonifacius 7.	259
Anacletus	12	Bonifacius 8.	381
Anastasius 1.	79	Bonifacius 9.	405
Anastasius 2.	102	<b>C</b> Alixtus 1.	39
Anastasius 3.	239	Calixtus 2.	310
Anastasius 4.	323	Calixtus 3.	425
Anicetus	22	Celestinus 1.	87
Antherus	36	Celestinus 2.	317
<b>B</b> Benedictus 1.	125	Celestinus 3.	338
Benedictus 2.	164	Celestinus 4.	347
Benedictus 3.	212	Celestinus 5.	379
Benedictus 4.	234	Clemens 1.	10
		Cle	



# I N D E X

<b>Clemens 2.</b>	285	<b>Fælix 3.</b>	98	<b>Honorius 4.</b>	374
<b>Clemens 3.</b>	336	<b>Fælix 4.</b>	110	<b>Hormisdæ</b>	106
<b>Clemens 4.</b>	359	<b>Formosus</b>	225	<b>Hyginus</b>	19
<b>Clemens 5.</b>	386	<b>Gaius</b>	54	<b>Innocentius 1.</b>	81
<b>Clemens 6.</b>	393	<b>Gelafius 1.</b>	100	<b>Innocētius 2.</b>	314
<b>Clemens 7.</b>	457	<b>Gelafius 2.</b>	308	<b>Innocentius 3.</b>	340
<b>Clemens 8.</b>	498	<b>Gregorius 1.</b>	129	<b>Innocētius 4.</b>	349
<b>Cletus</b>	9	<b>Gregorius 2.</b>	179	<b>Innocentius 5.</b>	363
<b>Conon</b>	168	<b>Gregorius 3.</b>	181	<b>Innocentius 6.</b>	365
<b>Cornelius</b>	40	<b>Gregorius 4.</b>	204	<b>Innocentius 7.</b>	408
<b>Constantinus</b>	177	<b>Gregorius 5.</b>	268	<b>Innocētius 8.</b>	438
<b>Christophorus</b>	236	<b>Gregorius 6.</b>	283	<b>Innocētius 9.</b>	497
<b>Damasus 1.</b>	75	<b>Gregorius 7.</b>	297	<b>Ioannes 1.</b>	108
<b>Damasus 2.</b>	286	<b>Gregorius 8.</b>	335	<b>Ioannes 2.</b>	114
<b>Deodatus 1.</b>	138	<b>Gregorius 9.</b>	344	<b>Ioannes 3.</b>	123
<b>Deodatus 2.</b>	156	<b>Gregorius 10.</b>	361	<b>Ioannes 4.</b>	146
<b>Dionisius</b>	48	<b>Gregorius 11.</b>	399	<b>Ioannes 5.</b>	166
<b>Donus 1.</b>	158	<b>Gregorius 12.</b>	410	<b>Ioannes 6.</b>	172
<b>Donus 2.</b>	258	<b>Gregorius 13.</b>	484	<b>Ioannes 7.</b>	174
<b>Leutherus</b>	24	<b>Gregorius 14.</b>	495	<b>Ioannes 8.</b>	218
<b>Euaristus</b>	14	<b>Hadrianus 1.</b>	191	<b>Ioannes 9.</b>	232
<b>Eugenius 1.</b>	152	<b>Hadrian<sup>o</sup> 2.</b>	216	<b>Ioannes 10.</b>	241
<b>Eugenius 2.</b>	201	<b>Hadrianus 3.</b>	221	<b>Ioannes 11.</b>	245
<b>Eugenius 3.</b>	321	<b>Hadrianus 4.</b>	325	<b>Ioannes 12.</b>	250
<b>Eugenius 4.</b>	420	<b>Hadrianus 5.</b>	365	<b>Ioannes 13.</b>	255
<b>Eusebius</b>	60	<b>Hadrianus 6.</b>	453	<b>Ioannes 14.</b>	263
<b>Eutichianus</b>	52	<b>Hilarius</b>	94	<b>Ioannes 15.</b>	265
<b>Abianns</b>	38	<b>Honorius 1.</b>	142	<b>Ioannes 16.</b>	266
<b>Fælix 1.</b>	50	<b>Honorius 2.</b>	312	<b>Ioannes 17.</b>	270
<b>Fælix 2.</b>	73	<b>Honorius 3.</b>	342	<b>Ioannes 18.</b>	273

Ioannes



# I N D E X.

Ioannes 19.	277	Martinus 3.	248
Ioannes 20.	279	Martinus 4.	372
Ioannes 21.	367	Martinus 5.	417
Ioannes 22.	388	Melciades , seu Melchia-	
Ioannes 23.	414	des.	62
Iulius 1.	69	<b>N</b> icolaus 1.	214
Iulius 2.	446	Nicolaus 2.	293
Iulius 3.	467	Nicolaus 3.	369
<b>L</b> Andus	240	Nicolaus 4.	377
Leo 1.	91	Nicolaus 5.	423
Leo 2.	162	<b>P</b> aulus 1.	187
Leo 3.	194	Paulus 2.	432
Leo 4.	208	Paulus 3.	461
Leo 5.	235	Paulus 4.	473
Leo 6.	243	Paschalis 1.	199
Leo 7.	246	Paschalis 2.	305
Leo 8.	253	Pelagius 1.	121
Leo 9.	288	Pelagius 2.	127
Leo 10.	449	Petrus	5
Liberius	71	Pius 1.	20
Linus	7	Pius 2.	429
Lucius 1.	42	Pius 3.	444
Lucius 2.	319	Pius 4.	477
Lucius 3.	331	Pius 5.	481
<b>M</b> Arcellinus	56	Pontianus	34
Marcellus 1.	58	<b>R</b> omanus	230
Marcellus 2.	471		
Marcus	67	<b>S</b> abinianus	132
Martinus 1.	150	Sergius 1.	170
Martinus 2.	220	Sergius 2.	206
		Sergius	



# I N D E X

<i>Sergius 3.</i>	237	<i>Stephanus 7.</i>	244
<i>Sergius 4.</i>	275	<i>Stephanus 8.</i>	247
<i>Seuerinus</i>	144	<i>Stephanus 9.</i>	291
<i>Syluester 1.</i>	64	<b>T</b> <i>Helesphorus</i>	18
<i>Syluester 2.</i>	271	<b>T</b> <i>Theodorus 1.</i>	148
<i>Syluester 3.</i>	282	<i>Theodorus 2.</i>	231
<i>Syluerius</i>	117	<b>V</b> <i>Alentinus</i>	203
<i>Symmachus</i>	104	<b>V</b> <i>Victor 1.</i>	26
<i>Simplicius</i>	96	<i>Victor 2.</i>	290
<i>Siricius</i>	77	<i>Victor 3.</i>	301
<i>Sisinnius</i>	176	<i>Vigilius</i>	119
<i>Sixtus 1.</i>	16	<i>Vitalianus</i>	154
<i>Sixtus 2</i>	46	<i>Vrbanus 1.</i>	32
<i>Sixtus 3.</i>	89	<i>Vrbanus 2.</i>	303
<i>Sixtus 4.</i>	435	<i>Vrbanus 3.</i>	333
<i>Sixtus 5.</i>	489	<i>Vrbanus 4.</i>	354
<i>Soter</i>	23	<i>Vrbanus 5.</i>	397
<i>Stephanus 1.</i>	44	<i>Vrbanus 6.</i>	402
<i>Stephanus 2.</i>	185	<i>Vrbanus 7.</i>	493
<i>Stephanus 3.</i>	189	<b>Z</b> <i>Acharias</i>	183
<i>Stephanus 4.</i>	197	<b>Z</b> <i>Zephirinus</i>	28
<i>Stephanus 5.</i>	223	<i>Zosimus</i>	83
<i>Stephanus 6.</i>	228	<b>F I N I S.</b>	



DE IESV  
CHRISTO  
SALVATORE  
NOSTRO.



**I**ESVS CHRISTVS Dei viuentis filius, pietatis affectu commotus & inflammatus erga genus humanum (quod primi parentis inobedientia & præuaricatione damnationi obnoxium manebat) carni molestiisque eius superuestiri deliberavit; vt illud in libertatem

A tem



tem iterū assereret, è cælis idcirco ad terras descendit, & per operationē Spiritus sancti in vtero immaculate virginis, ex purissimis sanguinis guttis incarnatus est: quod per internuncium antea futurę matri indicari curarat. Exinde in Bethleē terra Iuda in vili & lacero stabulo nascitur, pro natalitio thalamo antiquū præsepe, sed deinceps splendorē & maiestātē, ex tribus miraculis eodē tempore patratis fortitus est, quod scilicet Virgo integra & inuiolata permanēs, mater verē facta, sit, per creaturā creator editus, ac tertio Deus homo factus deitātē nō amisit. Accidit hoc à creatione mūdi anno 199. super quinque millia: septingētesimo quinquagesimo secūdo ab vrbe cōdita: Imperij Augusti Cæsaris quadragésimo secūdo. Ab oriēte tres magi seu potius reges sapientissimi, ad adorandū & muneribus donandū, decimo quarto post eius natiuitatē die superuenerunt: ex quorū relationibus Iudæorū regē natum Herodes intelligēs, dolos quibus eū (quod regno pelli timeret è mediō tolleret animo cogitare cœpit. Verum spōsus virginis Ioseph ab Angelo admonitus, vt ilico fugam caperet, cum ipsa & puero in Aegyptū secessit, vbi septēnio vsque ad mortē Herodis cōmoratus est, inde Hierosolymā reuersus Nazaretū petijt. Vbi hic puer educat⁹ est, vnde & nomē Nazareni sumpsit. Duodecimū annū, natus Hierosolymis in celebri cætu Doctorū, in templo cōgregato disputans reperi⁹ tus est, quo in loco euidentissima diuinitatis sue signa



signa coram omnibus exhibuit, emicante sapiē-  
tia, quæ tam teneram ætatem multis parasangis  
superabat. Ex illò tempore, ad trigesimũ ætatis  
suæ annum incognitus vixit, & tũc à suo præcur-  
sore Ioāne Baptista in Iordanis flumine Baptis-  
mum suscepit, vox patris è nubibus intonuit quę  
ipsum esse Dei filiũ asseruit. Cōtinuis tribus sub-  
sequentibus annis populo monita salutis æternæ  
annuncians, admiranda opera & stupenda mira-  
cula perpetravit, quæ ab Euangelistis in libros  
redacta sunt, ijsque multo plura edidit quæ Io-  
annes Euangelista propter infinitatem scriptu  
impossibilia affirmat. Numerum Discipulorum  
inter quos eos quos Apostolos vocamus, selegit,  
tenuis conditionis & rudes, at intentionis me-  
lioris. Per spiritũ sanctũ cœlitus missum, sapientiã  
& virtutem plusquam humanam & naturalem  
recæperunt. Postea principibus Iudæorum inui-  
diæ stimulis agitatis, comprehensus per Pontiũ  
Pilatũ Iudææ præfidẽ loco Tiberij Cæsaris, post  
multas iniurias acceptas, verberaque inflicta ad  
extremum in Crucem actus inter duos latrones  
medius mortuus est. Eius necis quemadmodum  
& natiuitatis, totiusque vitæ decursus prænunciij  
fuerunt Prophetæ & Sybillæ. Passionis tempore  
cæli ipsi insolitis & inuisitatis prodigijs com-  
missi sceleris signa manifesta dederunt. Nam à  
sexta vsq; ad nonã sol tenebris obductus splēdo-  
rem dare exhorruit, tellus contrenuit, petre scis-  
sæ, velum in duas partes diuisum est. Multa quo-



que monumenta reſerata, reddiderunt, quos cōtegebant mortuos qui palam multis ſe conſpiciendos præbuerunt: A motu à Cruce & ſepultus tertia die à morte excitatus eſt, vti ipſe viuens diſcipulis prædixerat, cum quibus poſtquam diebus quadraginta conuerſatus eſt, in cælū propria virtute viſibiliter adſcendit. Hæc eſt vita, & finis ſecutus; qui cum natura Deus eſſet noſtram ceu prædictum eſt, carnem aſſumpſit, atque ſeipſum in ligno crucis Deo patri offerens in holocauſtum, æterni ſacrificatoris & pōtificis maximi munere perfunctus eſt, diuinamque irā, quæ in humanū genus meritō exacuta erat, emolliuit Sacerdotium hoc & Pontificatum, propter nos, noſtramque ſalutē inſtituēs, Apoſtoliſ, & Petro, maximè (cui clauēs eminentiſſimæ poteſtatis ligandi atque ſoluendi tradidit) commiſit, & delegauit, à quibus hæc eadem poteſtas ad ſubſequentes ſucceſſores ad hodiernū vſque diem dimanauit. Nos aſpirāte & excitante fauore diuino, quos Sūmus ipſe rex & ſacrificator, cuius meminimus, habuerit vicarios, obiter enucleabimus, remque ab ipſo Petro ordiemur.

PETRVS



PETRVS PONTIFEX

PRIMVS. Anno 44.



**P**etrus Princeps Apostolorum in Galilæa natus in Bethsaidæ oppido. Huic inter cæteros Christus dixit: Tu es Petrus & super hanc Petrā ædificabo Ecclesiam, plenariamque potestatem claudendi & aperiēdi regnū cælorum tribuit. In prouinciarū diuisione inter Apostolos facta post acceptū Spiritum sanctū, Petro Pontus Galatia, Bithinia, Cappadocia obuēnit, cuius occasione iuxta Antiochiam in sua sede Pontificia septem annis resedit. Stabilitis & cōfirmatis Asiæ Ecclesijs, & reiectis eorū opinionib⁹ qui circūcisionē retētā volebant, Imperij Claudij anno secūdo



Romam venit, ut ciuitas throno Pontificali  
cohonestaretur, quæ toti orbi imperitabat, ibi-  
dem spectante & audiente populo grauis cum  
Simone Mago (qui præstigijs animos homi-  
num dementabat) ipsi est exorta disputatio  
hic in aëre volans, orationis Petri vi, & acri-  
monia, præcepit in terram delapsus est. Populum  
Romanum verbo & doctrina instantissimè eru-  
diebat in eius gratiam Marco ut Euangeliū scri-  
beret, curam dedit. Huius ratione, aliorumque  
bonorū operū intuitu, maximam apud omnes  
venerationē cum esset cōsecutus Neronis odium  
& indignitationem incurrit, cuius ut impio fu-  
rori caderet ex verbe egressus & pœnè miliario  
profectus, Christo venit obuiam, cuius monitis  
iterum in urbem iter reflexit. Cum iam marty-  
rium sibi imminere animaduertent Pontificatū  
Clemēti tradidit, ac postea Neronis sententia cū  
Paulo damnatus Martyrio consummatus est. In  
Crucem agi pedibus in cælum erectis petijt, in-  
dignum existimans eodem modo quò Christus  
mortuus est, vitā terminare. Eius corpus in Va-  
ticano prope Neronis hortos conditum fuit. In  
pontificatu viginti quinque annis vixit.



## LINVS. I. PONTIFEX

SECUNDVS. Anno 57.



**L**inus natione Tuscus suasu Clemētis Pontificatum suscepit, vndecim Episcopos & duodeuiginti presbyteros creauit. Is gesta S. Petri maximè verò disputationem quam cum Simone Mago habuit annotauit. Fœminis inhiuit vt non nisi velatis capitibus Ecclesias ingrederentur. Vitam sanctissimis institutis laudabilē duxit, multos à dæmone liberauit, mortuos ad vitam reuocauit. Saturnini Cōsulis mandato caput ipsi abscissum est, cuius tamen filiam à dæmonio vexatam incolumen restituerat maleficio beneficij memoriam sepeliens. Petri successor eadē



cū ipso sepultura honoratus est. Vndecim annis  
& aliquot mensibus Pontificatum gessit. Eius  
temporibus Romam venit celeberrimus ille  
Historiographus Iosephus, qui libros de anti-  
quitate Iudeorum composuit; Eodem etiam tē-  
pore Philo Iudæus magni nominis & famæ  
Philosophus in pretio erat.

CLE-





PONTIFICVM.  
 CLETVS I. PONTIFEX  
 TERTIVS. Anno 68.



**L** Ino successit Cletus Romanus, eximiae pietatis & sanctitatis praesul. Temporibus Tyti & Vespasiani pontificatum iniit, qui Romae confecto bello iudaico triumpharunt. Is morum & doctrinae commendatione ab omnibus est in magna aestimatione habitus. Duodecim annis plus minusue Pontificatum administravit, ordinatis viginti quinque Praesbyteris, martyrij corona sub Domitiano, honoratus est. Eius corpus in Vaticano apud S. Petrum conditum est. Huius temporibus florebat Lucas Euangelista, Philippus Apostolus Hierosolymis martirij palmam consecutus est.



## CLEMENS I. PONTIFEX

QVARTVS. Anno 77.



**C**lemens Romanus, licet à S. Petro successor delectus esset, tantæ tamen modestiæ fuit, vt Lino & Cleto primas dederit, eo tempore Domitianus internicioni datus est. Apostolus & Euangelista Ioânes insulâ Pathmos exilio suo celebrem reddidit. Scripsit Clemens aliquot Epistolas, quæ vsque in hodiernum diem leguntur. Traianus imperator fideles persequens, ipsum in insulam relegauit, vbi duo millia Christianorum, qui ob eandem causam exilio multati erant inuenit. Ipsis aquæ penuria laborantibus, miraculosè fontem limpidissimum impetrauit.



petrauit. Quo stupefacti prodigio plurimi ad fidem conuerſi ſunt. Qua re excandescens Traianus eum in mare proijci imperat. In Pontificis officio nouem annis & paulò plus ſedit, Presbyteros decem, Diaconos duos, quindecim Episcopos consecrauit, septem notarios instituit, qui vitis & facta Martyrum scriptis mandarent. Post mortem eius viginti duobus diebus ſedes vacauit.

ANACLE-





## ANACLETVS I. PONTIFEX

QVINTVS. Anno 83.



**A** Nacletus natione Græcus Clementem in Pontificatū secutus magnis laboribus Ecclesiam promouere & confirmare salutiferis pijsque institutionibus nisus est. Ne religiosi barbam aut comam nutrent sanxit, neque Episcopi à paucioribus quàm à tribus Episcopis consecrarentur, neque clerici clam sed publicè sacris initiarentur. Crescente fidelium numero tertiam Traianus in Christianos persecutionem exercuit, in qua præter ceteros Martyrium subiit temporis illius clarissimū lumen Ignatius Episcopus Antiochenus, & Simō Episcopus Hierosolymi-



Iolymitanus. Vixit in Pontificatu nouem annis  
& aliquot mensibus, creatis quinque presbyte-  
ris, Diaconis tribus & sex Episcopis Martyrio  
finem suis, vitæ & Pontificatui imposuit. Va-  
cavit sedes dies tredecim.

EVARI-





EVARISTVS I. PONTIFEX

SEXTVS. Anno 96.



**E** Varistus Græcus, patre tamen Iudæo natus, Romæ titulos presbyteris diuisit. Instituit septem Diaconos qui Episcopo prædicante adstarent, & vt populi accusationes aduersus Episcopum reciperent. Eo tempore viri aliquot doctrina & sanctitate cōspicui floruerūt, inter quos Papias episcopus Hieropolitanus Ioānis auditor, Quadratus Apostolorū discipulus. Septē presbyteros, duos diaconos, Episcopos quinque ordinavit. Vbi pontificatū nouē annis & decē mensibus administravit, Martyrio coronatus obiit sub Imperatore Adriano. Vocauit sedes nouemdecim diebus.



PONTIFICVM.  
ALEXANDER I. PONTIFEX  
SEPTIMVS. Anno 109.



**A**lexander Romanus in memoriam dominicæ passionis particularia verba canoni missæ adiecit. Sanxit præterea vt in consecratione sanguinis aliquid aquæ vino admisceretur & vt hostia ex Azymo conficeretur, aquæ quoque lustralis vsum instituit. Præsbyteros quinque Diaconos tres, Episcopos sex creauit. Ad extremum decem annis & mensibus septē in pontificati cōsummatis, martyriū cū Euentio & Theodoro perpeßus est. Eodem tempore duæ nobiles Saphica Antiochena, & Sabina Romana martyrij pālmam consecutæ sunt.



VITAE ROMANORVM  
SIXTVS I. PONTIFEX  
OCTAVVS. Anno 117.



**S**ixtus natione Romanus, instituit vt res diu-  
nis vsib<sup>9</sup> addictę nō nisi per cōsecratas perso-  
nas tractarētur vt corporale ex purissimo linceo  
fieret, in Sacrosancto Missæ officio adiunxit Sā-  
ctus, Sāctus, Sāctus, & plurimas easque vtilēs insti-  
tutiones, introduxit. Gallis religionis Catholicę  
Doctore postulātibus Peregrinum Romanū ci-  
uem misit, à quo fidei dogmatibus imbuerētur,  
qui cum eis fidem prædicasset, & in ea confir-  
masset, Romamque reuersus esset, vitæ martyrio  
finē imposuit. Simili ratione ipse Sixtus diem  
finiuit



finiuit extremum. Postquam tribus ordinationibus vndecim Presbyteros, totidem diaconos, quatuor Episcopos creasset. Pontificatum decennio & circiter quatuor menses obtinuit.

B

TE







**A** Ntonini Pij temporibus Telesphorus natione Græcus, instituit, vt Quadragesima obseruaretur, vt in die Natiuitatis tres missæ dicerentur. Eidem, Gloria in excelsis Deo, adiecit. Mēse Septembri quinque Præsbyteros, octo diaconos, Episcopos tredecim ordinauit. Postquam autem vndecim & quatuor plus minisue mensibus Pontificatum rexit, martyrium in fidei professione fortiter subiit. Eodem tēpore Instinus & Photinus Episcopi passi sunt.

HYGI-





**T** Elephoro in Pōtificatū successit Hygi-  
nus natione Græcus plurimas sanctiōnes  
saluberrimas adinuenit. Inter ceteras vt in Sacra-  
mento. Baptismatis vnus patrinus & vna suscep-  
trix adhiberetur. Qui mos adhuc hodie ex cano-  
nibus introductus perseuerat. Is Pontificatū qua-  
tuor annis & tribus mēsis administrauit, qui-  
bus expletis mortuus est, consecratis quindecim  
Præbyteris, quinque Diaconis & sex Episcopis.  
Eius ætate Polycarpus, Smyrnæ, Melython, Sar-  
dinensis, & Theodorus, Antiochēsis, Episcopi in  
Ecclesia floruerunt, qui doctrina & sanctimonia  
cæteris præluxerunt.





**P**ius Aquileiensis natione, consilijs & hortatu Hermetis ordinavit vt Pascha die Dominico celebraretur, pœnas ijs inflixit quorû culpa & negligentia Venerabile Sacramentum Eucharistiæ è manibus decideret, aliaque quâ plurima instituit. Vbi sanctissimè in Pontificatu vndecim annis & quatuor mēsis vixisset, mortuus est, consecratis suo tempore nouemdecim Presbyteris, viginti & duobus Diaconis, & decem Episcopis. Eo Pontificè Cataphrygæ hæretici suis erroribus veram fidem labefactare conati



nati sunt. Idem Seueriani & Eucratitæ aggressi.  
Eodem tempore Sancta Prudentia eiusque  
soror Praxedis, & Apollinaris Episcopus clare-  
bant.

B 3

ANI-



*[Faint, illegible text, likely bleed-through from the reverse side of the page.]*





**A** Nicetus natione Syrus vir sanctissimis moribus imbutus Pio successit, Antonini Veri Imperatoris simul & Philosophi tēporibus, qui deuictis Germanis alijsque populis triūphauit. Hic Pontifex plurima in vtilitatem Cleri, Episcoporum, & Archiepiscoporum instituit. Ecclesiam vndecim annis & quatuor mensibus gubernauit. Nouemdecim Præbyteris, Diaconis quatuor & nouem Episcopis ordinatis martyrio coronatus est. Illis diebus Aegesypus historiam Ecclesiasticam à passione saluatoris nostri ad sua vsque tempora deduxit.





**S** Other patria Fundanus, ne monachæ incen-  
sum acerræ imponerēt tempore quo sacrifi-  
cia fierent vetuit. Instituit etiā vt vxor legitima  
nō haberetur, quę secundū cōsuetudinē & cōsti-  
tutiones benedictionem à Præsbytero nō rece-  
pisset. Huius temporibus Dionysius Coriathio-  
rū Episcopus & S. Pauli Discipulus floruit, Cle-  
mēs Alexandrinns Origenis Præceptor, plures-  
quę alij. Quinque ordinationibus Præsbyteros  
octo, nouē Diaconos, Episcopos vndecim ordi-  
navit. Vbi nouē annis, mēsis fere quatuor Ec-  
clesiā administravit, vitā cū morte cōmutavit.





**E**leutherius Græcus ad Pontificiam dignita-  
 tem euectus, literas à Britannix rege Lucio  
 accepit, quibus rogabatur, vt se suosque in nu-  
 merũ Christianorũ reciperet, cuius postulatio-  
 nem approbavit & executus est. Eius tempore  
 incendiũ bis Roma pertulit, prima vice Capito-  
 lium deflagrauit, & omnis Bibliotheca inibi cõ-  
 tenta cremata perijt: secunda vero templũ Ve-  
 stæ, cum magna ciuitatis parte absumptum est.  
 Eodem tempore Apollonius martyrium susti-  
 nuit. Post eius obitum plurimæ pestilentes hæ-  
 reses pullularunt. Crescente in dies fidelium nu-  
 mero



mero Eleutherius inter alias sanctiones instituit, ut nemo accusatus, à dignitate decideret, aut amoueretur, nisi prius criminis conuictus esset. neue contra accusatum quicquam in eius absentia statueretur aut decideretur. Pontificatum quindecim annis & tribus mensibus obtinuit. Tribus ordinationibus duodecim presbyteros, octo diaconos, & quindecim Episcopos sacrauit. Eius morte sedes quinque diebus vacauit.

B 5

VIC





VITAE ROMANORVM  
 VICTOR I. PONTI-  
 FEX 15. Anno 186.



**V**ictor ex Africa traxit originem ; Eo Pontifice duo Imperatores Pertinax & Iulianus interempti sunt. Vt Pascha die dominico celebraretur vestigijs & institutioni Eleutherij insistentes, comprobauit. Cuius occasione grauissime inter primates Ecclesiæ illius temporibus controuersiaë suscitatae sunt. Idem voluit vt quauis aqua in euentu necessitatis Baptismus conferri posset. Et idcirco Cōcilium Palæstinū indictum fuit, quod Nicænæ Synodi decretis hac in re parendū & ad hærendum definiuit. Viguerē eo  
 tem-



tempore excellentes aliquot viri. Victor librum  
 multa de Religione continentem composuit.  
 Decem annis & tribus mensibus in Pontifica-  
 tu sanctissimè vixit. His peractis vitam fæliciter  
 finiuit.

ZEPHY-







**Z**ephyrinus Romanus Victori successit. Huius tempore de Parthis alijsque nationibus à se deuictis Seuerus Imperator triũphauit. Instituit vt presbyteri in cõspectu & præsentia Ecclesiasticorum, & laicorum fidelium consecrarentur, & vt sanguinis Iesu-Christi consecratio non in vase ligneo, vt antea moris erat, sed in vitreo conficeretur. Deinde vt Christianorum quilibet in festo Paschæ quotannis communicaret, & ne Episcopus apud iudicem alicuius criminis accusatus, & delatus, possit per superiorẽ condemnari, nisi interueniente & decernente Aposto-



Apostolica auctoritate. Item vt Episcopo celebranti sacerdotes honoris & reuerentiæ causa assisterēt. Tūc temporis Origenes claruit. Postquam in Pontificatu octo annis septem mensibus & decē diebus fuit, obdormiuit in Domino, diuersis ordinationibus, tredecim presbyteris, septem diaconis, & tredecim Episcopis consecratis.

CALIX.





## CALIXTVS I. PONTI-

FEX 17. Anno 218.



**C** Alixtus Seueri & Bassiani Imperatorum temporibus fuit. Hic quatuor tempora ordinavit. Idem quoque decrevit, ne Clericorum insimulatores infames, aut suspecti, in iudicijs admitterentur. Hæreticos declaravit eos, qui Præbyteros post aliquod gravè delictum, primis suis honoribus restitui posse negabant, etiamsi sufficienter & condignè suis peccatis pœnitentiam subijsent. Eius tempore Tertullianus & Origenes celebres fuerunt. Contra Ebionitas acrem sese opposuit propugnatorem. Quinque ordinationibus mēse Decembri habitis, sex Præbyteros,



ros, quatuor diaconos, octo Episcopos consecra-  
uit. Sex annis, decem mensibus & decem diebus  
Pontificatum administravit, sanctitate vitæ cō-  
spicuus martyrio vitæ finem imposuit. Sedes  
diebus sex tunc temporis vacavit.

VRBA







**Q**uo tempore monstrū illud immane Helio-  
gabalus Imperium obtinebat, Urbanus  
natione Romanus ad Pontificatum  
peruenit, qui multos sua sanctitate & industria,  
ad fidem Christianam, & veram pietatem per-  
traxit. Inter eos fuere Valerianus & Tyburtius,  
cum Cæcilia Valeriani vxore, qui omnes vnani-  
miter Tyranno ceruicem pro Christi religione  
dederunt. Hic Pontifex permisit, vt oblatos Ec-  
clesia à fidelibus prouentus, & facultates liberè  
reciperet, exque in vtilitatem clericorū distri-  
buerentur. Eius tempore florebat Tryphon Ori-  
genis



genis discipulus, Minucius, Fœlix & Alexander  
Episcopus Hierosolymitanus. Quinque ordina-  
tionibus, nouem Præsbyteros, totidem Episco-  
pos, & quinque diaconos ordinauit. Postquam  
Pontificiam dignitatem quatuor annis, decem  
mensibus, & duodecim diebus exercuit, marty-  
rio diem clausit extremum. Eo mortuo sedes  
per mensem rectore caruit.

C

PON.







**P**ontianus, antecessoribus morū & vitę sancti-  
monia non absimilis. Eius tēpore licet Alex-  
ander Seuerus virtutis speculum, Imperij habe-  
nas teneret; inuectione tamen & instigatione sa-  
criculorum, exulatum in Sardinia insula missus  
est. Eo Pontificē Origines Germanū Prębyterū  
Antiochenum, & Beryllum Arabiæ Episcopum,  
ab hæresi ad orthodoxam veritatem reuocauit.  
Superatis pluribus ærumnis, tormentisque eui-  
ctis, vbi exulabat, mortuus est. Pontificatum no-  
uem annis, quinque mensibus, & duobus diebus  
rexit. Duabus ordinationibus mense Decēbri ha-  
bitis



bitis sex Præbyteros, quinque Diaconos, & sex  
Episcopos cōsecrauit. Eius corpus Fabiano sum-  
mo Pontificè Romam, summo honore & reue-  
rentia delatum est. Post eius mortem sedes dies  
decem vacauit. Idem instituit vt noctibus atque  
diebus horæ in Ecclesijs decantarentur, & vt in  
principio Missæ Confiteor diceretur.

C 2

A N-







**A**Nterus Græcus vñdecim annis, mēse vno,  
 & vñdecim diebus Pontifex fuit imperāte  
 Romæ Maximino, qui contra Christianos sextā  
 commouit persecutionem, & vnā cum filio per  
 Puppienum iuxta Aquileiam (quam obsidio-  
 ne cinxerat) internecioni datus est. Hic Pon-  
 tifex res gestas martyrum scriptis mandari, eas-  
 que in ærario Ecclesiæ diligenter asseruari pri-  
 mus curauit. Concessit etiam vt Episcopus cum  
 altero Episcopatum commutare posset, acceden-  
 te tamen consensu & authoritate Pontificis. Eo  
 tempore florere Iulianus africanus Historio-  
 graphus.



graphus, Geminus Præbyter Antiochenus, Heraclas Alexandrinæ Ecclesiæ Antistes. Vnū solum Episcopum toto tempore quo Pontifex fuit creauit. Vita hoc modo sanctissimis moribus instituta, & transacta, martyrio coronatus est, sepultusque in cæmeterio Calixti via Appia, nonis Ianuarijs. Post eius mortem sedes tredecim diebus vacauit.

C 3

FABIA-





VITAE ROMANORVM  
FABIANVS I. PON-  
TIFEX 21. Anno 237.



**F**abianus Romanus, Imperium administrante Gordiano, Pontifex summus est resalutatus. Qui institutum antecessoris secutus, septē Diaconos per diuersas regiones adhibuit, qui facta Martyrum memorabilia scriptis traderent. Eius electionem prodigia relatu, & admiratione non indigna præcesserunt. Nam quo tempore de creando Pōtifice elaborabatur, in eius caput columba deuolauit. Eadem tempestate, Gordiano Philippus in Imperio successit. Romæ Conciliū quinquaginta Episcoporum indixit, in quo plures hæreses cōdemnatæ sunt. Prima Nouati qui

Apo-



Apostatas ab errore resilientes, pœnitētesque in Ecclesię gremium redire aut recipi prohibebat. Secunda, eorū qui animas cum corporibus simul interire sustinebant, & easdē postea cum corpore iterum suscitari. Tertia Helchelitaram, qui opera D. Pauli respuebant, & Christum in tormentis ore negari posse dicebāt, dummodo corde ei adhæreretur. Idem etiam instituit vt singulis annis feria quinta in cœna Domini Chrisma renouaretur. Aedificijs cœmeteria amplificauit, vt honorificentius Martyrum reliquiæ sepelirentur. Sub Decio, qui Philippo in Imperio successit septimam in Christianos excitāte persecutionem, ipse Fabianus cum multis alijs Martyrium passus est, cuius festum ab Ecclesia decimo tertio Calēdas Februarij celebratur. Creatis mēse Decembri ex quinque ordinationibus, viginti duobus Præsbyteris, 7. Episcopis, vndecim Diaconis, sepult⁹ est in cœmeterio Calixti. Demptis vndecim diebus Ecclesiam quindecim annis administravit, vacauit sedes sex dies.

C 4.

COR.







**C**ornelius natione Romanus, Fabianum in munere Pontificio secutus, eum virtute & sanctitate imitatus est. Eius tempore periculosum schisma excitatum est, nam Nouatus hereticus, cuius mentionem fecimus, Nouatianum quendam Antipapam creauit aduersus Cornelium, qui Apostatas poenitentes Ecclesiae restituebat. Hac ob rem legitimus Pontifex Centumcellis iuxta Ciuitatem veterem exulare coactus est. Quem ibi commorantem, Cyprianus Carthaginensis, & Dionysius Alexandrinus, Episcopi, qui partibus Catholicorum fauebant, literis suis consolati sunt.

Prius-



Priusquam in exiliũ progrediretur, Lucinæ sanctissimę matronę ope & auxilio, SS. Apostolorũ Petri & Pauli corpora Catacumbis efferri, eaque tutioribus locis recondi curauit. Decius intellecto Cornelium à Cypriano literas recepisse, reuocatum ipsum in tẽplo Deę Telluris coram se comparere iussit, post multasque obiurgationes plumbatis cædi imperauit: inde ad Martis templum deductum, vt idolum adoraret, cum id facere negaret, martyrij corona honoratus est tertio nonas Maij. Eius corpus Lucinę clarissimę fœminę diligentia sublatum, propè cẽmiterium Calixti sepultum fuit. Duabus ordinationibus mense Decembri, quatuor Prębyteros, totidem Diaconos, & septem Episcopos creauit. Sedem Apostolicam duobus annis, duobus mensibus, & tribus diebus obtinuit. Sustinuit etiam vt Sacerdotes in negotio grauis momenti iuramentum edere possent. Sedes triginta quinque diebus vacauit.

LVCIVS





VITAE ROMANORVM  
 LVCIVS I. PONTI-  
 FEX 23. Anno 258.



**L**ucius cum magna sanctitatis opinione, ad Pontificatum peruenit, quem tribus annis totidemque mensibus ac diebus administravit. Eodem tempore Gallus cū Volusiano filio imperium regebant, quibus mortuis Aemilianus, & Valerianus qui octauę persecutionis auctor cū Galieno filio suo extitit, parem meritis ambo, postea exitum sortiti sunt, nam miseris afflicti perierunt. Lucius instituit, vt duo Præsbyteri & tres Diaconi perpetuo Episcopum comitarentur, actionum eius testes futuri vbicumque locorum diuersarentur. Gallo & Volusiano Imperato-



peratoribus Cyprianus vir doctissimus, iuxta atque sanctissimus, Martyrium passus est. Qui post diutinam disceptationem cum Cornelio Pontifice de recipiendis hæreticis postquam pœnitentiam egissent, eius sententiæ ad extremum assensus est, censuitque sine vlla Baptismi reiteratione, sed sola manus impositione Ecclesiæ reuniendos esse. Hic Pontifex sese ad mortem odio & crudelitate Valeriani quæri intelligens, omnem Ecclesiæ potestatem suo Archidiacono Stephano concedidit, ac postmodum gladio octauo Calendis Septembris vitam finiit. Vbi 4. Præsbyteros, 4. Diaconos, ac 7. Episcopos, tribus ordinationibus, mēse Decēbri habitis creasset. Eius corpus eadem qua Cornelij veneratione & sepultura honoratum est. Sedes 35. dies vacauit.

S T E-







**S**tephanus natione Romanus, prædecessori-  
bus pari sanctitatis & pietatis opinione res-  
pondit. Hic instituit ne sacerdotes alibi quàm  
in Ecclesia & sacrificijs, sacris vestibus vteretur.  
Mota difficultate de rebaptizandis ijs qui ex he-  
resi ad fidei vnionem redibant, Cornelij deter-  
minatione amplexus est: in quo Asianas & Afri-  
canas Ecclesias conformes habuit. Eisdem tem-  
poribus Paulus Samosatenus Antiochiæ Episco-  
pus, Artemonis dogma de nouo excitauit, qui  
Christum purum hominem, eumque ex matre  
initium sumpsisse affirmabat, contra quem Mel-  
chion



chion author grauiſſimus, doctiſſimè ſcripſit,  
eiſque impietatem confutauit. Cum plurimos  
ad fidem, vitæ integritate & pijs exhortationi-  
bus conuerteret, ipſe cum multis alijs decreto  
Galieni apprehenſus eſt, & capite plexus 4. No-  
nas Auguſti; quo die eiſ feſtum ab Eccleſia ce-  
lebratur. Bis menſe Decēbri ordinationibus ha-  
bitis, Præbyteros ſex, Diaconos 5. Episcopos 3.  
ordinauit. Septē annis 5. mēſibus & duobus die-  
bus in Pōtificatu vixit. Sedes 22. diebus vacauit.

SIX-







**P**Lurimos Pontifices Romanos Sixtus natione Græcus huius nominis secundus, subsecutus, est ex Atheniensi Philosopho Christi factus Discipulus. Eius tēpore plurimæ hæreses diuersis in locis pullularunt. Ptolomaide Pentapoleos Christus Dei esse filius, atque inter creaturas primogenitus negabatur; Spiritui sancto intellectus adimebatur. Hi hæretici Sabelliani à Sabelio hui⁹ perniciosi dogmatis introductore vocati sunt. Cerynthus vero turpitudini & lasciuia addictissimus, adhærente sibi Nepote Episcopo Aegypti, fidelium resurrectionem mille expletis annis docebat, simulque Iesu-Christi regnū cum



cū omni voluptate & delicijs ciborum, fœminarum, & omniū eiusmodi sordium ad futurū, ex cuius ratione Chiliastarum nomen sumpserunt. Cōtra eiusmodi exurgentes errores, prædicationibus Sixtus viriliter sese opponens, in suspitionē lesæ maiestatis incidit: cōtraque Imperij editū prædicare accusatus, quo Christus adnunciari prohibebatur. Hinc Valeriani decreto capt⁹ est, in ædē Martis protactus, vt ei vel sacrificaret, vel sibi moriendum certò cogitaret. Hac impietate recusata, cū ad suppliciū raperetur, Laurētius Archidiaconus, doloribus victus sic eū compellans, quonā sine filio pater progredieris; respōsum accepit planè Propheticū, seseque triduo post subsequente Martyrij coronā reportaturū. Octauo idus Septēbris mortē in Christiana confessione fortiter obiit, cū sex alijs Diaconis, Fœlicissimo Agapyto, Ianuario, Magno, Innocētio & Stephano. 4. vero idus eiusdē mēsis Claudius diaconus, Seuerus pręsbyter, Roman⁹ Ostiarius, Crescētius Lector & Laurētius in craticula assatus, & omniū Martyrū princeps nuncupatus, passi sunt. Sixtus, autē duabus ordinationibus mēse Decembri habitis, 4. Pręsbyteros, 7. Diaconos, 2. Episcopos creauit. Pontificatū duobus annis 10. mēsibus & 23. diebus administravit, Sedes 36. dies vacua māsit. Idē contra consuetudinē introductā instituit, ne alibi quā in altari sacrificiū Missæ celebraretur. Eius corpus in cēmiterio Prætextati via Tyburtina cū prædictis Martyribus reconditū fuit.





**D**ionysius cuius etiam si origo incognita lateat, vir tamen fuit sanctissimæ vitæ. E statu religionis ad Pontificatum sublimatus, statim Ecclesias & cœmeteria vrbis Romæ præbyteris diuisit: parochias vero & diocæses extra ciuitatem existentes, vnicuique per limites & certos terminos, quibus contentus esset distribuit. Eius tempore Paulus Samosatenus, cuius paulò ante meminimus, magis ac magis execrandam suam hæresim euulgauit, qua Iesum Dei filium negabat. Huius occasione, Cōcilium plurium Episcoporum Antiochiæ, cuius hic Paulus Episcopus erat,



erat, conuocari iussit, in quo hic error vniuersim-  
ter damnatus est, atque explosus, & ex professo  
per Gregorium Cæsariensem Episcopum vi-  
rum doctissimum, qui postea pro fidei pro-  
fessione mortuus est, refutatus. Huic Concilio  
Pontifex interesse non potuit, erat enim decre-  
pitæ & fractæ ætatis sed omnis determinationis  
in eodem datæ certior per maximum Episco-  
pum Alexádrinum factus est. Bis mēse Decem-  
bri ordinationes habuit, quibus 12. Presbyteros  
6. Dianonos & 7. Episcopos ordinavit. Martyr  
secundum opinionem Platinæ mortuus est. Pá-  
uinius vero ipsum Cōfessorem vocat. Ultra sex  
annos in Pontificatu duobus mensibus & qua-  
tuor diebus vixit, eo mortuo sedes sex solum-  
modo diebus vacavit.

D

F OE-







**F**oelix Romanus huius nominis primus. Eius tempore nonam contra Ecclesiam mouit persecutionem Aurelianus Imperator, rebus à se in Bello gestis Clarissimus, qui Zenobiã Orientis Reginam nobilissimam subiugauit; & de ea triumphauit. Hic Pontifex ut celebritates martyrium quotannis fierent ordinauit. Eiusdem etiam institutum fuit, ut Missa non nisi in sacro loco & per viros sacris initiatos celebraretur, & ut locus de quo vtrum esset consecratus dubitaretur, denuò sacraretur. Eo Pontificè Persa quidam Manes nomine, vesano afflatus Spiritu, selectis



selectis duodecim Discipulis, quos secū comites  
ducebat se Christum predicare ausus est. Fœlix  
9. Præsbyteros, 5. Diaconos, ac totidem numero  
Episcopos consecrauit. Postquam Ecclesiæ curā  
4. annis, tribus mensibus & quindecim diebus  
habuisset, ad tranquilliores vitæ portum Mar-  
tyrio adauctus euolauit, ac via Appia sepultus est.  
Huic Pontifici ritum dedicandi Ecclesias attri-  
butum ferunt. Eius morte Ecclesia 5. diebus Re-  
ctore caruit.

D 2

E N





VITAE ROMANORVM  
 ENTYCHIANVS I. PON-  
 TIFEX 28. Anno 275.



**F**oelici successit Entychianus natione Tuscus, cuius tempore Dorotheus Eunuchus vir doctrinae opinione vulgatissimus floruit erat enim Graeca simul ac Hebraica lingua eruditissimus. Anatolius quoque Laodiceae Syriae Episcopus, magni tunc nominis passim habebatur, qui validum contra Manichaeos sese opposuit propugnaculum. Hi duo rerum principia vnum bonum, alterum malum ponebant, animasque ex diuina substantia habere originem vnde tanquam ex primario, fonte dimanarent asseriebant. Nouum testamentum tantum ex parte admittebant,



bant, vetus penitus reijciebant, hisce alijsque eiusmodique deliramentis in varias opiniones homines pertrahebāt. Entychianus prædecessorū suorū vestigijs firmiter inhærens 8. calendas Augusti Martyrij coronam reportauit vbi 14. Præsbyteros, 5. Diaconos & 9. Episcopos instituisse. Sepultus fuit in cœmiterio Calixti. Inter cæteras constitutiones, ordinauit etiam vt segetes benedicerentur, & vt in Martyrum tumulatione Dalmatica adhiberetur.

D 3

CAIUS







**Q**uo tempore Imperij habenæ per Probum Numerianũ, Carinium, Diocletianũ, aliosque plures Tyrannos dirigebantur Caius natione Dalmata Põtifex summ⁹ renũciatus est. Qui licet ex genere & prosapia Diocletiani oriundus esset, is tamen quia in Christianos gravem exercebat Tyrannidẽ, in criptis latitare ipsi necessum fuit. Ad extremum tandem ab Imperatoris satellitibus deprehensus, Martyrio cum fratre Gabinio, eiusque filia Susanna vitam fœliciter terminarunt, ac in cæmiterio Calixti sepulti sunt. Hic Põtifex primus instituit ordinum  
distin-



distinctiones, nimirū Ostiariorū, Lectorū, Exorcistarum, Acolytorum, Subdiaconorum, Diaconorū, & Præbyterorū, quibus quasi quibusdā gradibus ad Episcopalem dignitatem perueniretur. Regiones Diaconis qui res gestas Martyrū diligenter conquiritas describerent diuisit. Eodem tempore Agatha, Lucia, Agnes nobiles virgines Martyrio coronatæ sunt, paulò post Caij obitum, qui annis 11. mensibus quatuor, diebus 12. Pontificatum administravit. Quatuor ordinationibus mēse Decembri habitis 25. Præbiteros, 8. Diaconos, & 5. Episcopos creavit. Sedes eo mortuo 11. dies vacavit.

D 4

MAR-





VITAE ROMANORVM  
MARCELLINVS I. PON-  
TIFEX 30. Anno 296.



**D**Vrante Diocletiani & Maximiani Impe-  
rio, qui decimam contra Christianos com-  
mouit persecutionem, Marcellinus Pontificatui  
præfixus est. Qui tametsi exemplo & fortitudine  
plurimorum martyrum, qui numero septem &  
decē milia superabant, in fidei firmitate confir-  
matus esse debuerat: nihilominus ad idolū per-  
tractus carnificum minis incēsum adoleuit, Cu-  
ius ratione congregatio 180. Episcoporum. Si-  
nuessæ in Campania habita est, in qua assistens,  
tanto dolore cōmissi erroris percitus est, vt om-  
nium iudicio, & publica voce, absolutione dig-



nus iudicatus fuerit in peccando fragilis, in pœnitendo feruens Sancti Petri secutus exemplum. Eo pacto viriliter resumens spiritus Romam reuertitur, ac Diocletiano obuiam factus acribus adeo exprobationibus eum aggressus est, vt ira, & furore inflammauerit. Quapropter capitis cū Claudio & Antonino condemnatus est; quorum corpora proiecta 36. diebus insepulta iacuerunt, donec Marcellus Præsbyter à B. Petro in somnis admonitus, eadem debito sepulturæ honore via Salaria 6. Calēdas Maias profecutus est. Annis 9. duobus mensibus, & 15. diebus Pontifex fuit. Duabus ordinationibus mense Decembri celebratis, 4. Præsbyteros, 2. Diaconos, 5. Episcopos consecrauit. Sedes 26. diebus vacauit. Inter eos qui sub Diocletiano Martyriū subierunt maxime celebres fuerūt, Eufemia, Hilarius, Barbara, Christophorus, Anastasia, Sebastianus, Erasmus, Gregorius, Iulianus, Fœlix, & celebratissimus ille Ianuarius Beneuenti Episcopus qui modo Neapolitanæ Ciuitatis peculiaris protector atque patronus est, cuius adhuc hodie augustissima cruoris eius miracula vbique coruscant, ita vt per vniuersum orbē eius rei fama percrebuerit.

MAR-





VITAE ROMANORVM  
MARCELLVS I. PON-  
TIFEX 31. Anno 304.



**M**arcellus natione Romanus, quinque annis, sex mensibus & 21. diebus Ecclesiam administravit. Eius tempore Cōstantius Gallorius & Maxentius imperarūt. Hic quo Dei cultū & honorem magis promoueret 25. Parochias diversorum titulorum in vrbe in fauorem & cōmoditatē eorum qui baptizabātur erexit. Eodē impellente Priscilla nobilis Romana cæmiteriū proprijs expēlis via Salaria extruxit, Lucina Ecclesiam bonorum suorum heredem nominavit. Quod rescians Maxentius grauissimē tulit, & ad tēpus dictam matronam exilio mulctavit, Marcelli



celli fidem pluribus minis & artificijs, sed frustra tentauit. Quare ira incensus eum in loco fætoris & sordibus graui includi iubet, vt bestiarum quæ ibi alebantur curam gereret. Nouem menses eo in loco consumpsit nihil ex orationibus & ieiunijs à se obseruari solitis interim remittens. Ex eo tandem ergastulo Præsbyteris adiuuantibus extractus est, cuius rei certior factus Maxentius eodem retrudi imperat, vbi ob loci iniuriam & graueolentiam mortuus est. Eius corpus ad prædictum Priscillæ cæmeterium delatum est, 18. Calendas Februarij. Successu temporis eodem in loco quo obiit Ecclesia ædificata est tituloque S. Marcelli honorata. Hic primus instituit vt nullum generale Concilium celebrari posset nisi interueniente Pontificis autoritate mense Decembri, 26. Presbiteros, 2. Diaconos, 21. Episcopos ordinauit. Sedes eo mortuo 20. diebus vacauit, Sub hoc Pontifice Mauritiùs vna cum legione Christianorum Martyrium passi sunt.

E V-





VITAE ROMANORVM  
 EVSEBIVS L. PONTI-  
 FEX. 32. Anno 310.



**E** Vsebius Græcus Patrem medicum habuit. Pontificatus ipsi Maxentio & Constantino Imperantibus obuēnit. Huius mater Helena lignum sacratissimæ Crucis 5. nonas Maij, prodente quodam Iudæo, qui postea Baptismo intinctus fuit, Cyriacusq; vocatus, reperit. Quod tamen Panuinius improbat ac 25. annis post accidisse sustinet. Huius Pontificis opera plurimi hæretici Ecclesiæ, per manus impositionem restituti sunt. Statuit vt à laicis Episcopi in ius vocari non possent. Eodem tempore Lactantius Firmianus florebat, qui Crispi Cæsaris Constantini



tini filij Pædagogus fuit, & Eusebius Cæsariensis Episcopus sacrorum librorum cum Pamphilo Martyre diligens indagator. Collatione ordinum, quã semel mense Decembri instituit 13. Præbyteros, 3. Diaconos, 14. Episcopos ordinavit. Martyr Romę mortuus est 6. Nonas Octobris, ac in cimiterio Calixti sepultus. Ecclesiam 6. annis, vnico mense & diebus tribus administravit. Sedes vno solo die vacavit.

MEL-





MELCHIADES I. PON-  
TIFEX 33. Anno 311.

**M**Elchiades ex Africa oriundus, Martyrio (vt Platinæ placet) affectus, cuius contrariū tuetur Panuinius. Quidquid sit Calēdarium Romanum ipsum Martyrē appellat, quartoque Idus Decembris celebrat. Eodem tempore de Maxentio & Licinio acerrimis Christianorum persecutoribus victoriam Constantinus reportauit, sub quibus sanctissimæ virgines martyriū fortiter subierunt Dorothea & Sophronia, quæ effrenatis libidinis & concupiscentiæ stimulis Tyranni refragata, sibi ipsi propria manu, veluti Christiana quædam Lucretia vitā ademit. Melchiades



chiades animaduertens dies Solis & Iouis superstitiosa ac falsa obseruatione à Gētilibus maiori in pretio haberi, ijsdem ieiunari prohibuit. Plurimas alias sanctiones ordinauit, ad oblationes perficiendas vtilis, præsertim propter Manis hæresim, quæ indies magis magisque urbem Romam inflammabat. Ordinibus dandis semel solummodo vacans 7. Præsbyteros, 6. Diaconos, 12. Episcopos sacrauit. Dignitatem Apostolicam 4. annis, 7. mensibus, & 9. diebus obtinuit. Ad cēmiterium Calixti corporis eius delatum est. Sedes 17. diebus vacauit.

SIL







**S**ilvester Romanus vitæ sanctissimæ in ini-  
 tio Constantini Magni in Pontificem ele-  
 ctus est. Is Imperatoris fama & clementia com-  
 motus ex monte Soracte vbi delitescebat in Vr-  
 bem venit, omnemque mouit lapidẽ, vt Eccle-  
 siæ curam Imperatori commẽdaret, apud quem  
 in ea opinione & reuerentia fuit, vt eiusdẽ ma-  
 nibus baptizari cupierit. Hisce nixus fauoribus  
 plurimas basilicas ædificare cœpit, ac inter eas S.  
 Ioannis Lateranensis, SS. Petri & Pauli, S. Crucis  
 in Hierusalem, S. Agnetis, S. Laurentij extra  
 mœnia, & eam quæ Sanctis Martyribus Petro &  
 Marcel-



Marcellino sacra habetur: quas sacris imaginibus muneribusque magnificētissimis exornauit, calicibus, patinis, crucibus, statuis, lampadibus, coronis, candelabris, alijsque eiusmodi ornamentis, ex auro argentoque confectis, Ecclesias prouentibus, possessionibusque donauit: aliaque innumera beneficia, quę enumerare longū esset, contulit. Ipsam urbem Romam Pontifici, eiusq; successoribus propriā fecit, Aulāque Constanti-nopolim transtulit. Eodē tēpore Arrij Præsbyteri Alexandrini heresis exurrexit, qui filium ab æterno patre separabat. Ob quam causam Concilium Nicænum in Bithinia congregatum fuit, in quo 318. Episcopi præsentes aderant, ubi post multas, atque graues ratiocinationes, filium eiusdem esse cum patre substantiæ, conclusum est: Arriusque cū sex alijs qui eius sectæ adhærebant in exilium missi. Ibidem Photinus & Sabel-lius, antiqui hæretici condemnati sunt. Siluester instituit vt Chrisma per solum Episcopum conficeretur; & per eum baptizati, itēque per Præsbyteros, ad mortem infirmantes inungerentur. Ne sæcularis Ecclesiasticū in ius vocare, aut Ecclesiasticus, coram sæculari procedere posset: vt Sacerdos ministratur<sup>9</sup>. Dalmatica vestiretur, pal-lamque manu sinistra haberet, & oblaturus sacrificium nō alio quam albo lintheo vteretur. Plurimaq; alia utiliter instituit, quibus allecti multi ad fidem conuersi sunt. Sub hoc Pontifice Antonius Aegyptius heremita sanctissimus floruit.



Pontificis officium 23. annis, 10. mensibus & 11. diebus exercuit, septies mense Decembri ordines cōtulit, Prębyteros 42. Diaconos 36. Episcopos 65. ordinavit. Eius festum pridie Calendas Ianuarij incidit, quo die ad meliorem vitam ex hoc mundo migravit, Sepultusque via Salaria in Cęmiterio Priscillę. Sedes 15. dies vacavit.

MAR-





PONTIFICVM.  
MARCVS I. PONTI-  
FEX 35. Anno 336.

67



**M**arcus in Pontificatu Siluestrum subsecutus est, natione Romanus, quo tēpore Cōstantinus, æquitatis & honestatis obseruantissimus adhuc in viuis agebat: cui<sup>9</sup> mors per cometam, qui pluribus diebus apparuit, præsignificata dicitur. Instituit vt Ostiensis Episcopus, à quo Pontifex consecratur, Pallio vteretur: & vt diebus solennioribus post Euāgelium, Symbolum, eo modo quo in Nicæno Concilio declaratum est, in Ecclesia decantaretur. Duas Ecclesias ædificauit, vnā Romæ iuxta montem Palatinum, alteram in via quæ Ardeam versus tendit, quas



amplissimis muneribus dotauit. Duabus ordina-  
tionibus mense Decēbri celebratis, 25. Præsby-  
teros, 6. Diaconos, & 20. Episcopos creauit. Pó-  
tifex duobus annis, 8. mēfibus & 20. diebus fuit,  
3. Nonas Octobris obiit, sepultusque in cēmite-  
rio Balbinæ via Ardeatina. Sedes 20. diebus va-  
cauit. Eodem tempore Iuencus natione Hispa-  
nus fuit, qui 4. Euangelia carminibus Heroicis  
composita in 4. libros redegit.

I V-





PONTIFICVM.  
IVLIVS I. PONTI-  
FEX 36. Anno 336.

69



**I**ulius, huius nominis primus, temporibus tur-  
bulentissimis Pontificatum suscepit. Constan-  
tius enim Constantini filius, qui Imperium cum  
Constante & Constantino fratribus administra-  
bat, Christianos ut à fide Catholica recedentes ad  
Arrianorum sectam quibus ipse fauebat, trāsiret,  
solicitabat. Huic impio conatui sese Pontifex  
opponens 10. mensibus exulauit. Conuocatū de-  
inde Conciliū Laodiceæ, siue ut alij volūt, Tyri  
ubi inter Catholicos & Arrianos, asperrimæ &  
altissimæ sunt susceptę disputationes, quibus ipse  
Arrius præsens interfuit, quē Athanasius Alexā-  
drizæ



driæ Episcopus publicè confutauit. Quod indignè ferens hæresiarcha, ad insidias & imposturas animum conuertit, Imperatoris autoritate fretus. Athanasium iniquissimè cōdemnari procurauit: qui mox sese abripiēs sex annis in cilterna secretò delituit. Mortuo Constantio Pontifex Romā redijt, Episcoposque Orientales grauitè redarguit, quod Cōcilium neglecta sua auctoritate indixissent. Inter cætera instituit ne Ecclesiasticus ad alium iudicem vocari posset, quàm spiritualem: & vt ea quæ Ecclesiarum essent, propria, per Notarios conscriberentur. Aliquot Basilicas & Cēmiteria exædificauit. Ter mēse Decembri ordinationes habuit quibus 18. Præsbyteros, 3. Diaconos, & 9. Episcopos consecrauit. Durauit eius Pontificatus 15. annis, 2. mēsis, & 6. Diebus. Pridiè Idus Augusti mortuus est, ac in Cēmiterio Callopodij, via Aureliana sepult⁹. Sedes 25. diebus vacauit.

L L







**L**iberius Romanus, Pontificatum tēpore quo  
Constātius solus, fratribus eius è medio sub-  
latis, Imperium regebat, adeptus est. Huius Im-  
peratoris fauore & protectione freti & suffulti  
Arriani, Cōcilium Mediolani coegerūt, in quo  
omnes Catholici miserrimè proscripti sunt, Li-  
berius vero per aliam Synodum ab ijsdem Ari-  
mini celebratam, in exiliū missus est. Hic tribus  
annis ab Vrbe abesse iussus est ; ex eo solūmodo  
quod infracto animo, Arrianorū conatibus, qui  
filij consubstantialitatem negabant, sese oppo-  
suisset: vnde Fœlix in eius locum surrogatus est.



Hinc in Ecclesiam vehemēs persecutio inuecta est. Postea verò Fœlice amoto, Liberius ab exilio reuocatus est, qui (secundum Platinā) ad Arrianorum partes in quibusdā deflexit: quod tamen de tāto viro opinari, nefas est & indignum vt doctissimè Panuinius, in annotationibus de Liberio scriptis, reliquit. Eodem tempore Donatus Donatistarū prauitatis caput & antesignanus, in Africa virus suū euomere cœpit, Asterius Philosophus in fauorem Arrianæ hēreseos multa edidit: ad quos redarguēdos plurimi vitæ sanctitate & opinione doctrinæ cōspicui, ea tempestate exorti sunt, qui eorum dogmata & errores refutarunt: inter quos Athanasius, Serapion, Eusebius Episcopus Emisſenus, Heriphilus, à quibus vnanimi spiritu hæc hæreticorum turba penitus conuulsa est. Liberius sex annis in Pontificatu vixit, duabus ordinationibus 18. Præbyteris, 5. Diaconis, & 19. Episcopis creatis, è viuis excessit, corpus eius in cēmiterio Priscillæ conditum fuit. Sedes sex diebus vacauit.

F OE-







**F**oelix, vt supra annotauimus, tempore quo exulabat Liberius in Pontificatum intrusus est: & ob eam rationem Panuinius inter legitimos Pontifices referendum non cenſet; quandoquidem certò cōſtat, omnem eum, qui altero adhuc viuento, nec ob aliquod crimē deſtituto, huic officio præſicitur, ſchiſmaticum & pseudo, Pontificem haberi. Hic Foelix, vt refert Panuinius per Senatum populumq; Romanū eiectus, Liberio legitimo Pontifice reuocato Pōntificatum tamē ſchiſmaticè exercere nō deſtitit: quod & in vrbe, & foris 10. annis, 3. mēſibus & 11. diebus executus eſt. Mors deinde ſubſecuta ambitionis



dius & Calixtus Diaconi condemnati & ab Ecclesia eiekti fuerunt. Rebus Ecclesiae mitigatis hic Pontifex Pótificum antecessorum vitas cōposuit, quas B. Hieronymo misit, nihil interim eorū quæ diuini cultus erant intermittens. Duas Ecclesias, vnam iuxta Theatrū, alteram ad Catumbas extrui curauit. Multa carmina (nam poesi delectabatur) in laudem Martyrum prædictis in locis sepulcorum edidit. Vna Ecclesiarum S. Laurentio in Damaso cōsecrata fuit, quā amplissimis muneribus aureis atque argenteis, possessionibusque locupletauit. Instituit vt Psalmi in Ecclesijs alternatis vicibus decantarentur, & vt in fine cuiusque Gloria Patri adijceretur. Scriptis & operibus B. Hieronymi authoritatē prim<sup>o</sup> tribuit, & vt Biblia eius, sicut 70. interpretum, inoffenso pede legi possent. In principio Missæ Confiteor dici decreuit. Quinque ordinationibus 31. Præsbyteros, 11. Diaconos, 61. Episcopos consecrauit. Pontificatū 19. annis, 3. mē-sibus & 11. diebus administrauit. Mense Decem-bri obiit, ac in Ecclesia pro se constructa via Ardeatina sepultus. Sedes 21. diebus vacauit. Eo tē-pore Imperabat Iulianus Apostata, Christiani nominis hostis acerrimus.

SIRI



PONTIFICVM.  
SIRICIUS I. PONTI-  
FEX 39. Anno 385.

77



**S**iricius Romanus, Pontifex eo tempore fuit, quo Valentinus & Valens fratres Imperium obtinebāt. Hic quia Arrianus erat, infesto animo Christianos persecutus est; ita ut ne ipsis quidem heremitis quicquā remitteret, inter quos erant duo Macarij, Sancti Anthonij discipuli, Isidorus, Paphnutius, alijque magni nominis & meriti quam plurimi. Athalaricus quoque Gothorum Rex multos Martyrio affecit. Ordinavit hic Pontifex, ut Monachi ad Episcopalem dignitatem promoueri possent, & ut sacri ordines per interualla, & non simul cōferrentur. Manicheus  
qui



qui in vrbe versabantur Catholicorum cōmer-  
cium interdixit. Pœnitētes ab Ecclesia recipiē-  
dos censuit, dummodo monasterium, pœniten-  
tiam reliquo vitæ tempore acturi, ingrederētur.  
Item vt ab Episcopo Præsbyter cōsecraretur. Eo  
tempore illustres aliquot viri floruerunt ; inter  
quos Hilarius Episcopus, Victorinus Africanus,  
& Dydimus Alexandrinus. Siricius quinque or-  
dinationibus 26. Præsbyteros, 16. Diaconos, &  
32. Episcopos creauit, vbi 15. annos déptis 5. die-  
bus in Pontificatu vixerat, ad trāquilliores vitā  
transijt, ac in Cemiterio Priscillę sepultus est. Se-  
des 20. dies vacauit.

A N A-





PONTIFICVM.  
ANASTASIUS I. PON-  
TIFEX 40. Anno 398.

79



**A** Nastasius natione Romanus, Pontifex pro-  
clamatus fuit Imperante Gratiano, Princi-  
pe religionis & iustitię obseruantissimo, qui Ar-  
rianos ex Italia expulit. Eo tempore Ambrosius  
Ecclesię lumen clarissimum, Mediolani Epif-  
copus electus est; S. Martinus Turonēsem Eccle-  
siam regendam suscepit: in Cappadocia, duo Ec-  
clesię luminaria, Gregorius Nazianzenus, & Ba-  
silus Magnus coruscabāt: Epiphanius Salaminę  
Episcopus, & Efreem Edissenus Diaconus. Hic  
Pontifex instituit, vt Christiani quando Euan-  
gelium legeretur stantes illud audirēt. Et ne ex-  
tranei



tranci Clerici sacris initiarentur, nisi testimoniū  
quinque Episcoporum suę Diocēseos proferrēt.  
Quod ea industria factum est, vt Manichæis qui  
tunc temporis irrepebant, via obstrueretur. Ve-  
tuit ne manci in Clericorum numerum reci-  
perentur. Duabus ordinationibus mense Decē-  
bri habitis, 8. Præsbyteris 5. Diaconis & 10. Epis-  
copis consecratis, mortuus est, ac in cēmiterio ad  
Vrsūm Pileatum corpus eius sepultum. Sedem  
3. annis & 10. diebus obtinuit ac per 21. dies va-  
cauit.

INNO.









necessitatem excludebant. Ecclesiam SS. Geruasio & Prothasio sacram dedicavit, eamq; magnis muneribus auxit. Sub hoc Pontificè Concilium Burdegalæ celebratum est, in quo Priscillianus Manicheorum assecla condemnatus est. Apollinaris, Episcopus Laodiceæ Hæresiarcha id temporis vigeat. Cyrillus Episcopus Hierosolimitanus & Hieronymus Præsbyter Cardinalis firma Ecclesiæ columina in pretio erant, de quorū eruditione & sanctimonia filere quàm pauca loqui præstat. Quater ordinationes habuit quibus 30. Præsbyteros, 12. Diaconos & 54. Episcopos creavit. Dignitatem 15. annis 2. mensibus & 25. diebus obtinuit, 4. Calendas Aug. obiit sepultusque apud antecessorem: post eum sedes 22. diebus vacavit.

Z O.





Zozimus I. PONTI-

FEX 42. Anno 416.



**Z**ozimus Græcus, Pontifex creatus est, cum sub Arcadio & Honorio fratribus Imperatoribus, bis Roma in potestatem Gothorum venit, accidit anno ab Vrbe condita 1164. à tépore vero Saluatoris 412. In tanta rerum perturbatione nihil suo officio defuit; instituit vt Diaconi in sacrificio manipulos manu læua gestarent; vt sabbatho Paschæ cereus benediceretur. Vetuit ne in publico loco Clerici biberent, prohibuit seruos ad Clericalem statum admitti. Ad Cōcilium Carthagine celebratum, Episcopū & duos Præsbyteros misit, per quos inhiuit, ne quicquā publicè



publicè absque Romanæ Ecclesiæ authoritate tractaretur. In eo Pelagiana hæresis penitus explosa & condēnata est. Eodem tempore floruit Petronius Bononiensis Episcopus, Theophylactus, Chrysostomus, grauiissimūq; Ecclesiæ Doctor S. Augustinus. Zozimus 10 Præsbyteros, 3 Diaconos, & 8 Præsbyteros creauit. Pontificatus eius ex opinione Platinae, anno, & 3. mēsis & 12. diebus durauit, sed Panuinius 3. annos, 4. menses & 8. dies in eo statu vixisse sustinet. Sepultus iuxta corpus S. Laurentij fuit, 11. diebus sedes vacua permanfit.

B O.





BONIFACIVS I. PON-  
TIFEX 43. Anno 419.

**B**onifacius Romanus, Zozimo successit, non sine graui schismate & opinionum diuersitate. Nam cum hic eligeretur, eodem tempore Eulalius ab alijs denunciatus, eidem opponitur. Quod vbi Honorio Imperatori, qui tum Mediolani agebat, relatū esset: vtrumque ex Vrbe secedere iussit. Mēsis tamē septē expletis, Bonifacius Romā reuocatus, pro legitimo pastore agnitus fuit. Hic Sotheris decretum approbavit, quò mulier altari & incensum in Ecclesia adhibere prohibebatur. Vetuit non solum seruos ordinibus initiari; verum etiam alieno ære grauatos.



Sacellum honorificentissimum in cæmiterio S. Fœlicitatis extruxit, cuius tumbam marmore & argento exornauit. Eo tēpore Hieronymus( vt in præcedentibus patuit. ) Gelasius Cæsariensis Episcopus, Cassianus, Eutropius alijque cōplures viuebant. Postquam 3. annos, 8. menses, & 7. dies Pontificem egisset, 8. Calendas Nouembris mortuus est, viaque Salaria prope S. Fœlicitatē sepultus. Vnica ordinatione 14. Præsbyteros, 3. Diaconos, & 36. Episcopos creauit. Sedes 9. dies vacauit. Eulalius post eius mortē dignitatis ergō in Vrbem reuocatus, reuerti renuit. Qui etiam anno subsequente obiit.

CAE-





CAELESTINVS I. PON-  
TIFEX 44. Anno 423.

**C**aelestinus ex Campania oriundus, ad Pontificatum imperante Theodosio Iuniore peruenit. Hic consuetudinem canendi psalmos cum Antiphonis ante inchoationem Missæ, introduxit, Psalmum Iudica me Deus, & Graduale eidem adiecit. Ecclesiam S. Iulianæ dedicauit, eique de amplissimis redditibus prouidit. Sub hoc Pontifice Nestorius Episcopus Constantinopolitanus Christum purum fuisse hominem, impio & blasphemo ore asseruit; sed diuinitatē suis meritis postea consecutum fuisse. Quam ob causam Ephesi Concilium 200. Episcoporum co-



actum est ; in quo Nestorius & Pelagiani eiusdē  
farinæ hæretici condemnati sunt. Cælestinus S.  
Germanum in Britanniam , ac Palladium Epis-  
copos in Scotiam misit, qui Barbaros illos popu-  
los ad fidem reducerent. Triginta duos Præsby-  
teros, 12 Diaconos , & 24. Episcopos tribus or-  
dinationibus mēse Decembri habitis, consecra-  
uit. Obijt vero postquam 8. annis, 10. menses, &  
17. dies in Pōtificatu vixisset, 8. Idus Aprilis, Se-  
pultusque fuit in Cēmiterio Priscillæ. Sedes 21.  
diebus vacavit.

SIX.





PONTIFICVM.  
SIXTVS III. PONTI-  
FEX 45. Anno 432.



**S**ixtus huius nominis tertius, natione Roma-  
nus, imperante Valentiniano Pontificatum  
obire cœpit, eo tempore quo Gensericus Van-  
dalorū Rex, Arrianorum fautor, Catholicos per-  
sequebatur. Sixto hoc per quendam Bassum ca-  
lumnijs petito; Concilium 57. Episcoporū con-  
gregatum est, in quo eius innocentia corā om-  
nibus comperta fuit, & ipse liber & absolutione  
dignus iudicatus, eiusq; aduersarius proscriptio-  
ne mulctatus, ac ipsius bona Ecclesiæ vsibus Im-  
peratoris decreto adiudicata sunt. Mortuo tamē,  
tantū humilitatis & pietatis exemplū, iniuriæ

F

imme-



immemor Pontifex impēdit, vt per se inunctū,  
& aromatibus conditum in Ecclesia sancti Petri  
eundem sepeliuerit. Hic Pontifex Ecclesiā San-  
ctæ Mariæ Maioris extruxit, quam amplissimis  
muneribus cumulauit: cuius exemplum & pium  
institutū secutus Imperator, plurimas alias erigi  
procurauit Ecclesias. Sixtus omnibus bonis in  
pios vsus exhaustis, & 28 Prębiteris, 12 Diaconis,  
& 52. Episcopis consecratis, ad tranquillio-  
rem vitam transiuit. Eius corpus iuxta S. Laurentiū  
repositum. In Pontificatu 8. annos & 19. dies  
consumpsit. Sedes 22. diebus vacauit. Hilarius  
Arelatensis Episcopus eximia sanctitate & do-  
ctrina, admirandam sui opinionem hominibus  
ingenerauit.

LEO





LEO I. PONTI-

FEX 46. Anno 440.



**L**eo natione Aetruscus, rarę sanctitatis & doctrinę Pōtifex. Qui Attilę Hunnorū Regi, postquam iam Aquileiam cōperat, ac diruerat, idemque Romę exitium inferre statuerat, obuiā factus, persuasit vt iter reflecteret: cui acquiescēs respondit se duos armatos equites qui sibi mortem districtis gladijs minitabantur nisi Pōtifici obtemperaret vidisse, quos SS. Petrum & Paulū fuisse arbitrabatur. Leo summa omnium lætitiā Romam reuersus, fidem in integrum restaurare cōpit, quę in pluribus Nestorij & Eutichis Abbatis Constātinopolitani Manichæorum Principis



cipis dolis & inuentis deprauata erat. Quam ob causam Concilium Ephesi ex mandato Theodosij indictum fuit: in quo Dioscoro Alexandriæ Episcopo hæretico præsidente, Eutiches approbatus & receptus fuit, & Flavianus Constantinopolitanus Episcopus, qui eidem sese opposuerat, condemnatus. Mortuo tamen Theodosio successit Martianus Imperator Catholicus, qui instinctu Pontificis, aliud Concilium Calcedone celebrari curauit: cui 630. Episcopi interfuerunt: à quibus Iesum Christum verum Deum & hominem esse definitum est: & Nestorius & Eutiches, tanquam veritatis desertores, cõdemnati, Manichæorūque libri exusti, ac Dioscorus confutatus. Verum quæ Hunnorum rabiẽ industriẽ declinauerat, nõ potuit se à Vandalorum crudelitate Roma liberare, qui ex Africa Genserico Duce, cum magnis copijs aduolantes, ipsam cœperunt & incenderunt: & per 14. dies in obuios quosque sæuierunt: parumque abfuit quin eam solo æquarẽt. Onusti tamẽ præda abeuntes, Leoni reliquias Urbis resarciendas reliquerunt. No- uas ergo Ecclesias extruere, destructasque reparare aggressus est. Apostolorum sepulchris certum virorum numerum qui Cubicularij vocantur attribuit; Canoni Missæ ante cõsecrationem hæc verba. (Hoc sanctam sacrificium) adiunxit. Instituit ne Religiosa prius capitis velamen portaret, quam eius cõstantia 40. annis probata fuisset. Eius tempore hæretici Acephali dicti, emer-  
serunt.



serunt, qui duas in Christo naturas negabāt. Quē  
errorem hic Pōtifex suis ad Catholicos scr̄ptis  
epistolis confutauit, 81. Præsbyteris, 31. Diaco-  
nis, 86. Episcopis creatis, Pontificatumque 21.  
Annis & 43. diebus vbi administrasset, ad me-  
liorem vitam 4. Idus Aprilis commigrauit. Se-  
des 7. diebus vacauit. Sua ætate Paulinus Nolæ  
Episcopus floruit.

Hk







**H**ilarius natione Sardus, eo tempore Pontifex fuit, quo Romanum Imperium multis calamitatibus agitatum fuit. Nam Leone dignitatem Imperialem consecuto, qui primus Græcorum Cōstantinopoli imperavit, plurimi Imperium inuadere conati sunt. Ex Africa enim in Italiam traijcientes Vandali res omnes Imperij animo & cupiditate deuorauerāt, qui tamē post data & accepta multa detrimēta, Leone impellēte retrocedere coacti sunt. Hic ne Pontifices sibi successorem deligerēt, inhibuit: quod & de omnibus Ecclesię gradibus intelligi voluit, tres epistolas



stolas doctissimè scripsit, quibus tria Concilia, Nissenum, Ephesinum, & Calcedonense confirmavit, Eutichen, Nestorium, Dioscorū, eorūq; asseclas reijciēs. Hic tria sacella in Laterano extruxit, primum in honorem S. Ioannis Baptistæ, alterum S. Ioanni Euangelistæ, tertium sanctæ Cruci consecratum: eaque auro, margaritis reliquisque exornauit. Aliud quoque in S. Stephano ædificauit, amplissimis muneribus Ecclesias donauit, duas bibliothecas erexit. Pontificium munus 7. annis, 3. mēsis, & 10. diebus administravit. Creatis 25. Præbyteris, 5. Diaconis & 22. Episcopis mortuus est: & iuxta corpus S. Sixti in Sancti Laurētij Cripta sepultus. Sedes 10. diebus vacauit. Florebat tūc tēporis Victorinus Arithmeticus peritissimus, qui Pascha ad cursum Lunarem reduxit; in quò Eusebium & Theophilū superauit.

S I M-







**S**implicius Tiburtinus, temporibus Leonis, & Zenonis Imperatorum fuit. Ecclesias plurimas erexit, primam S. Stephani protomartyris in Celio Monte, Alteram S. Andreæ nō procul à Sancta Maria Maiore, tertiā S. Stephani non lōgè à S. Laurentio dissitam, deinde Bibianæ prope palatium Lucinianum, in qua dictæ Martyris corpus reconditum fuit. Septimanas sic diuisit, vt scirent Præsbyteri in quibus confessiones audire & baptismum conferre obligarentur. Urbē Romam Præsbyteris distribuit, illam in quinque regiones dispertiens, SS. videlicet Petri, Pauli, Lau-



Laurentij, Ioannis Lateraneñ & S. Mariæ Maio-  
 ris. Hic ne Ecclesiastici à laicis possessionē suo-  
 rum beneficiorū recognoscerent, ordinavit, 15.  
 annis, 37. diebus in officio expletis posttridiè Ca-  
 lendas Martij mortuus est, postquam 58. Præs-  
 byteros, 11. Diaconos & 86. Episcopos consecra-  
 set, sepulturæque traditus est in Ecclesia S. Petri.  
 Sedes 25. diebus vacavit. Eo tēpore S. Remigius  
 Remensis Episcopus viuebat, qui Clodoucum  
 Francorum Regem baptismo intinxit.

G

F OE-







**F**oelix tertius dictus, sed verius secundus, Romæ patre Fœlice Presbytero natus, Pontifex fuit, eo tempore quo Odacer Herulorum Dux & Theodoricus Gothus in Italia regnarunt. Hic intelligens Petrum Eutichianum, iam ante exilio mulctatū per Achatum Episcopum Constantinopolitanum esse reuocatum: ambos pro hæreticis habendos publice pronunciauit. Verūm per Imperatorem de eorum pœnitentia certior factus; duos Episcopos Messenum & Vitalem misit qui vtrumque absoluerent, si eos pœnitere compertum esset. Hi pecunijs corrupti, rem pro qua



qua legati erant nō perfecerunt. Hinc eos Pontifex tñquā simoniacos excōmunicauit; Sibi culpæ conscius Messenus pœnitendi terminum petijt. Fœlix Ecclesiam in honorem S. Agapeti propè Basilicam S. Laurentij ædificauit. Instituit vt soli Episcopi potestatem consecrandi Ecclesias sibi assumerēt. Duabus ordinationibus mēse Decembri celebratis, 28 Præsbyteros, 5 Diaconos, & 30 Episcopos creauit, ac tandem mortuus est: & propè S. Pauli corpus delatus. Pontificatum 9 annis, & 17 diebus rexit. Eo mortuo, Sedes sine rectore quinque dies mansit. Ijsdem temporibus Damascenus doctissimus Theologus, & grauissimis florebat.

G 2

GE-







**G**elasius, Pōtificatus initio, Manichæos exilio mulctavit, qui in Vrbe adhuc erant residui, eorumque libros publicè cremari mandavit. Messeno cuius supra meminimus, culpā remisit, vbi cōdignam delicto pœnitentiā subijsse intellexit. Humaniter Ioannem Alexandrinum Episcopum profligatū suscepit, quem Petrus & Acacius excommunicati persequebātur: quibus perpetuam indignationem & penam Pontifex minatus fuit; nisi ilico resipiscerent. Extruxit Ecclesias S. Euphemie in ciuitate Tiburtina, SS. Nicandri & Eleutherij via Labicana S. Mariæ in  
 via



via Laurentina. Clerum summo necessitudinis vinculo complexus est : pauperes quos eleēmosinis fouit vnicè dilexit. Urbem Romam ne famem pateretur prouidēti administratione liberauit : & vt vir erat doctissimus, hymnos, ad instar S. Ambrosij composuit. Contra Eutichen, Nestorium & Arrium, 7 libros edidit. Plurimas orationes, Epistolasq; ad multos trāsmisit. Anastasium Imperatorem tanquam hæreticorū fautorem excommunicauit. Idem cōtra Vandalos, eorumque Regem propter eandem causam executus est. Ad extremum 4 annis, 8 mensibus, & 17 diebus in Pōtificatu peractis; 11. Calēdas Decembris, è viuis excessit, corpusque eius in Ecclesia S. Petri sepultū fuit, creatis prius, 32 Præbyteris, 2 Diaconis, & 67. Episcopis. Sedes Apostolica 7 diebus sine Præsule fuit. Inter eos qui tū tēporis in pretio habebantur, Germanus & Epiphanius erant, quorum vnus Ticinensem, alter Capuanum Episcopatum obtinebat.

G 3

ANA-







**A** nastasius Roman<sup>9</sup>, Gelasio meritis impar,  
officij pontificij initio, Imperatorem eius-  
dem nominis excōmunicavit, quod Acacij par-  
tes sua potentia sustentaret : à quo tamen postea  
ipse in errorem pellectus, eiusque opinioni  
adhæsisse dicitur. Verum sua qua Deus omnibus  
consultit prouidentia permisit, vt dum necessitati  
naturæ vacaret, eius ilia in latrinas ex aluo deci-  
derent : ac sic morte sublatus, mense Decembri  
habita semel sacrorum collatione, 12 Præsbyte-  
ros, 16 Episcopos ordinavit, eiusq; corpus apud  
S. Petrum conditum fuit. Pontificatum 2. annis,  
36 die-



36 diebus minus administrauit. Sedes post eius obitum, 4 dies vacauit. Eius tēpore, Trasimundus Vandalorum Rex, omnes Catholicorū Ecclesias occludi imperauit, & 120 Episcopos in Sardinia exules misit. Olimpius Arrianus Episcopus in balneo contra augustissimam Trinitatem blasphemans, tribus è cēlo missis sagittis cōfossus perijt. Alius Episcopus nomine Barbas dū baptizare iuxta Arrianorum ritum intenderet: aqua subito disparuit. Quo miraculo baptizandus ob stupefactus, Catholicis cōiunctus est. Floruere tunc temporis Fulgentius, Egesippus, Faustus, moribus, & vita clarissimi viri.

G 4

SYM-





SYMMACHVS I. PON-  
TIFEX 52. Anno 498.

**S**ymmachus è Sardinia oriundus. In eius electione plurimæ factiones suscitæ sunt inter Clerum; qui in duas partes diuisus, duos Pontifices creauit, Laurentiũ & hũc Symmachũ. Ad quã difficultatẽ enodandã Rauennę Conciliũ cõgregatũ fuit, in quo prẽsente Theodorico Rege Symmachus confirmatus fuit: qui ambitionẽ sua clementia superans competitorẽ Episcopũ creauit. Annis quatuor expletis, quidã inter Ecclesiasticos seditiosi, Festi & Proбини Senatorũ autoritate freti, Laurentiũ reuocarũt, nouũq; schisma excitarũt. Huius rei fama audita Theodoricus, cum



cū parū in sacris canonibus versatus esset: quendā Petrū Episcopū Romā aliorū duorū loco substituendum misit. Huius occasione Symmachus Conciliū 120 Episcoporū cōgregauit in quo ab omni labe cuius accusabatur sese eluit. Petrus vero & Laurentius vt schismatici eliminati sunt. In hisce rerū perturbationib<sup>9</sup> plures in Vrbe inter-  
necioni dati sunt: inter alios Gordianus probatæ vitæ Præsbyter. Sedatis turbis Symmachus Romā reuersus, Manichæos eiecit, & eorum libros publice exuri imperauit. Exinde animo ad reparandas Ecclesias conuersus, quasdam innouauit, alias à fundamētis extruxit. Basilicā SS. Andreæ, Agathæ, Siluestri, Martini ædificauit. Ecclesias SS. Petri, Pauli, Pancratij, Archangeli, quò aquas introduxit reparauit. SS. Iohannis & Pauli, gradus & sacella erigi procurauit. Xenodochia in subsidiū pauperū extruxit. Vestibus & argento Episcopis in Sardinia relegatis subuēnit. Captiuos redemit, qui pluribus in locis incarcerati detinebantur. Dominicis & festiuis diebus Martyrū (Gloria in excelsis Deo) cātari præcepit. Multaque alia quæ silentio inuoluta relinquo, executus est. Creatis 92 Præsbyteris, 16 Diaconis, 117 Episcopis, 14 Calendas Augusti obiit. Pontificatum 15 annis, 6 mensibus & 22 diebus administrauit, qui 7 diebus vacauit. Eodem tempore Gennadius Massiliensis Episcopus in honore vige-  
bat.



## HORMISDAS I. PONTI-

FEX 53. Anno 514.



**H**ormisdas natione Frusinonius, qui Theodorigi fauore synodum Romæ celebrauit, in qua Eutichiani hæretici cōdemnati sunt, Legato Cōstantinopolim misit, qui Imperatorem Anastasium & Ioannem eiusdem loci Episcopū hortarentur vt hæresim abiurarent. Verum eos Imperator male tractatos, sine vlllo fructu remisit. Is paulò post sagitta diuinitus emissa ictus, dignam antea acta vita mortem subiit: cui Iustinus princeps Catholicus successit. Hic nulla interposita mora, suos qui Ecclesiæ authoritatem roborarent, legauit: Pontifex, ne suis partibus de-  
esset,



esset, ad Imperatorem suos misit, quos summo cum honore suscepit, & tractauit. Hoc Præsule Manichæorū reliquiæ ex Vrbe exturbatæ sunt, eorumque libri exusti. Trasimundo in Africa mortuò, Ildericus successit, qui à patre animo & moribus plurimū discrepabat. Nam omnes qui in Sardinia exulabāt, restituit. Eodem tempore Galliārum Rex Clodoueus Romam opulentissima munera destinauit. Idem Imperator Iustinus & Theodoricus fecerunt, quorum inuitatu Pontifex Ecclesias S. Pauli & Lateraneñ amplificauit. Hormisdas in Pontificio statu 9 annis, & 18 diebus consumptis, creatisque 21 Præsbyteris, 55 Episcopis, postremum diem, 8 Idus Augusti perexit. Sedes 6 dies vacauit. Eodem tempore florebat & scribebat doctissimus vir Seuerinus, Boetius, Theodorici feruescente tyrannide.

IOAN-







**I**oannes primus natione Hetruscus. Sub hoc Pontifice omnes Arriani per Iustinum Imperatorem sapientissimum in exilium eiectioni sunt. Hac re indignatus Theodoricus, quippe qui eis fauebat, Ioāni alijsque præcepit (adeo enim vili ea tempestate Pontifices existimabantur) vt ad Iustinum se conferrent, eique vt Arrianos reuocaret, persuaderent: alioquin si secus faceret, se omnes Italiae Ecclesias demoliturum. Iustinus tametsi petitionem pro nihilo habuit, importunitate tamen victus, eos reuerti, suoque genio viuere permisit. His peractis Pōtifex regressus, per



per Theodoricū in tenebricosum horrēdumq;  
carcerem coniectus, fetore & molestijs miserē  
perijt. Theodoricus autem, apoplexia correptus  
etiam interiit, animaue eius ( vt cuidam S. he-  
remite apparuit) iuxta Liparitarum fines in ignē  
demersa est. Ioannes Pontifex priusquam Lega-  
tionem Constantinopolitanam susciperet, cæ-  
miteria Nerei & Archillei, Felicis & Adaucti  
necnon Priscillæ reparauit. Altare S. Petri pre-  
tiosis margaritis & auro exornauit. Eius corpus  
Rauenna Romam deportatum est. Episcopos 15  
creauit. Annis duobus & 8 mensibus Pontifex  
fuit. Sedes 58 diebus vacua permāsit. B. Benedi-  
ctus patriarcha & S. Brigida ijsdem temporibus  
vixerunt.

FOE.





FOELIX III. DICTVS IIII.

PONT. 55. Anno 526.



**H**ic Fœlix patria Samius, tempore quo Imperator Iustinianus virtute & industria bellicosissimi ducis Bellissarij, Persas, & Vandalos in Africa deuicit, Põtifício munere functus est. Patriarcham Constantinopolitanum, vt hæreticum ab Ecclesiæ communione separauit. Ecclesiam Sãctorum Cosmæ & Damiani, Romæ prope forum extruxit, eam quę D. Saturnino via Salaria sacra habetur, quę incendio deflagrauerat, restaurauit. Eadẽ ætate Cassiodorus viuebat, qui è Seuatoria dignitate, ad vitam monasticã transijt, & Priscianus Grammaticus, Arator quoque qui



qui Euangelia versibus heroicis cōtexuit, & Iustinianus Valentinæ Ecclesiæ Episcopus. Fœlix quatuor annorum, duorum mensium decurrente spatio Pontificem egit, quo quinquaginta quinque Præsbyteros, quatuor Diaconos, & viginti nouem Episcopos creauit. His transactis, ad fœliciores vitam quarto idus Octobris commigrauit, & in Sancto Petro sepultus. Sedes per tres dies rectore caruit.

BONI-





## BONIFACIUS II. PON-

TIFEX 56. Anno 530.



**B**onifacius natione Romanus, ad dignitatem Pontificalem, non sine magna controuersia peruenit. Nā & Dioscorus ab altera parte Cleri in locum vacantem intrusus est. Hoc tamē post viginti octo dies vita functo, diuersarū opinio- num conatus in vnam sententiam coaluerūt, so- lusque Bonifacius in officio pacificē remansit. Instituit ne Episcopi sibi successores deligerent, quod deinceps per plures Pontifices confirmatū fuit. Decreuit etiam, vt triduo in demortui Pō- tificis locum alius surrogaretur, vt hac ratione incommodis emergere cōsuetis, remedium ad- hiberetur;



hiberetur, & vt tunc temporis populus à Clero secretus impedimentū non afferret. Duobus annis, totidemque diebus, in administratione peractis, Bonifacius è viuis excedens sepelitur apud Sanctum Petrum. Sedes duobus mensibus vacauit. Iustinianus eo tempore leges reformauit. Inter cætera admirabilis industria Dionysij prædicata fuit, qui Paschæ calculum composuit, licet à Victore Capuæ Episcopo in hoc reprehensus fuerit.

H

IOAN-







**I**oannes Romanus, mox, vbi Pontifex renunciatus fuit, Anthemium anathemate percussit, quod Arriana labe infectus esset. Iustinianus adhuc Imperio potiēs, Romanæ Sedi primas tributas volens; Hypatum & Demetrium Episcopos, Romam misit, qui Pontificem suo nomine reuererentur, & munera D. Petri Ecclesiæ offerrent. In Pontificatu duos annos, & quatuor menses vixit. Sexto Calendas Iunij moritur, sepeliturq; in prædicta Ecclesia, creatis prius 15 Præbyteris & 21 Episcopis. Sedes sex dies vacua mansit.



AGAPETVS I. PONTI-

FEX 58. Anno 534.



**A** Gapetus Romanus, pontificatus sui principio Constantinopolim petijt, Theodatum Ostrogothorum Regem, Iustiniano Imperatori reconciliaturus, qui ei bellum idcirco minabatur, quod Amalasuntham Athalarici matrem, excellentissimam matronam, & multarum scientiarum linguarumque foeminam, exilio & morte multauerat. Pacem cum impetrasset, ab Imperatore rogatur, vt opinionem Eutechianam approbaret: qua postulatione indignatus Pontifex; Ad Iustinianum (inquit) Christianissimū Principem venisse putavi, sed Diocletianum



Christianorum persecutorem inueni. Hac libertate commotus Imperator, sententiam in melius commutauit, Anthemiumque Constantinopolitanum Episcopum, qui Eutichianis fauebat, amouit, ac Mēnas vir Catholicus ei dignitati praefectus, per Pontificem consecratur. Constantinopoli Agapetus mortuus postquam anno, vndecim mensibus vno die minus sedisset Romam plūbeo loculo inclusus reportatur, ac in Ecclesia S. Petri sepelitur. Sedes mensem vnum & viginti nouem dies vacauit.

SYL-





SYLVERIVS I. PONTI-  
FEX 59. Anno 535.



**S**Yluerius natione Campanus, Hormisdæ Episcopi filius, Theodati Gothorum Regis favore & auxilio, Pontifex electus est. Cuius rei occasione Iustinianus inflammatus, Bellissarium in Italiam cum copijs emisit qui Neapolini quâ Gothi obtinebant, cæpit ac diruit. Romam deinde peruenit, quo insperato appulsu, qui eam occupabant Gothi, territi fuga salutis suæ consulerunt. Superueniente Vitige Theodati successore in Vrbe circûdatur Bellissarius: interea temporis instigante Vigilio Diacono, Imperatrix Theodora Pontificem rogat, vt Anthemium



Constantinopolitanæ Ecclesiæ resoluat. Cui postulatiōi cū nec vellet, nec posset assentiri Pontifex eadem procurante officio priuatur, ac in eius locum Vigilius intruditur : qui per corruptos testes, quod Gothis Urbem tradere tētasset, Sylueriū incusat. His proinde pressus angustijs monasticum institutum amplexus, in Pontiam insulam relegatus est : ac ibidē non sine opinione sanctitatis 12 Calendas Iulij mortuus est : postquam annum, quinque menses, & 12 dies, Pontifex fuerat. Sedes sex dies vacat.

VIGIL







**A**D eundem modū quo dictū est, Vigilius Pontifex creatus est: cuius illegitimæ electionis postea luit pœnas. Nā instanti Theodoræ vt Anthemium, secūdum datam fidem, restitueret refragatus, ipsa Romanis aliquot adiuuantibus Pontificem in iudicium vocauit, suos Romā versus destinat; qui eum in Ecclesia S. Cecilie captum, Constantinopolim deduxerunt: vbi à Iustiniano summo cum honore exceptus est. Sed cum à Theodora vt promissum præstaret admoneretur: firmo animo contradixit: hinc à Regina, eiusq; fautoribus grauitè punitus multas



ærumnas sustinuit: præsertim cum eadem libertate qua Agapetus respondisset, ab aduersarijs petitus in Ecclesiam S. Sophiæ tanquam in asilum confugit, qui inde violenter extractus, per totam urbem fune in collum iniecto, usque ad vesperam rapitur. Deinde in tenebricoso carcere positus, vitam aqua & pane patienter sustentans, se peiora meritum pro delicti gravitate prædicabat. Clerici qui eum secuti fuerant, partim in exilium missi, partim ad eruenda metalla seruati sunt. Ad extremum liberatus, cum in Siciliam comitantibus suis venisset, calculo Syracusis sublat<sup>9</sup> est. Corpus eius Romam delatum apud S. Marcellum sepultum fuit. In officio 17 annis, 7 mensibus, exceptis 4 diebus vixit. Vacavit sedes 3 mensibus, & 5 diebus. Eo tempore Constantinopoli quinta synodus celebrata fuit contra Theodorum, aliosque hæreticos, qui virginem Mariam, Christum purum hominem peperisse affirmabant.

P E L A-





PELAGIVS I. PONTI-

FEX 61. Anno 555.



**P**elagius Romanus, eo tempore Pontificem egit, quo Totila Gothorum Rex Italiam & maximè urbem Romam vastavit: qui postea per Narsetem devictus, & debellatus fuit. Hisce malis nihil fractus Pelagius, Ecclesię curam impigrè suscepit: instituitque hæreticos ac schismaticos per iudices sæculares puniri posse: & ne illicitis vijs ad gradus adscenderetur. Ecclesię sanctorū Philippi & Iacobi, initia iecit. Cum vero malorum & calamitatū quas Vigilius sustinuerat author iudicaretur: se iuramento solemni positus ad crucem & Euangelia manibus, à crimine



liberauit. In Pótificatu, demptis 32 diebus, 12 annos vixit : creatis 26 Præsbyteris, 11 Diaconis, & 39 Episcopis, obiit, & apud S. Petrum sepultus. Sedes 3 mensibus, & 26 diebus vacauit. Eodem tempore Victor Capuanus Episcopus, librum de causis Paschæ composuit, Dionysiumque Abbatem, quod ineptè de eadè rescripsisset redarguit. In pretio tunc temporis habitus fuit Sactus Heraculanus Episcopus Perusinus.

IOAN.





PONTIFICVM.  
IOANNES III. PONTI-  
FEX 62. Anno 561.

123



**I**Oannes Romanus, ex nobili prosapia natus, Pelagio successit. Sub hoc Pontifice Italia maximas calamitates perpessa fuit, præsertim Alboino adueniente Lombardorum Rege per Narsetem accersito, Romanis infestum, quod de se male sentirent, & ad Reginam sinistre scripsissent. Interea tamen Pontifex Ecclesiarum restorationi vacare non destitit, Ecclesiam sanctorum Philippi & Iacobi, per Pelagium inchoatam perfecit: Narsetis animum, tum vehementer in Romanos (qui de se ad Imperatorem inimicè scripserant) exulceratum mitiga-



mitigauit, Armenij eo tempore fidem Catholicam amplexi sunt. Anno decimo tertio, dēptis quatuor diebus sui Pontificatus mortuus est; & apud S. Petrum sepultus. Sedes 10 mensibus & 3 diebus vacauit.

BENE-





## BENEDICTVS I. PONTI-

FEX 63. Anno 576.



**B**enedictus Romanus, qui suis præcessoribus virtute & probitate vitæ respondit, Pontifex fuit temporibus nunquam satis laudati Imperatoris Tyberij secundi, cuius opera & adminiculo, maximam ex Aegypto frumenti copiam aduehi curauit; qua Italiam, & maximè urbem Romanam præsentissimo famis periculo eripuit: unde Imperator, pro sua qua erga Pontificem usus est reuerentia, prosperos & fœlices Deo sic providente, cōsecutus est successus. Benedictus gravissimis quas à Lombardis Italia patiebatur, claudibus afflictus, ac merore oppressus, post quatuor annos



annos, duos menses & viginti octo dies, è vita  
migravit. Sedes deinceps duobus mensibus, &  
decem diebus, sine capite & rectore extitit.

PELA





## PELAGIVS II. PONTI-

FEX 64. Anno 579.



**E**A tempestate qua Lombardi Urbem Romā suis copijs obstinatissimè cinxerāt, & ab eadem obsidionē soluere, tempestatibus & assiduis pluuijs, quæ illis temporibus acciderunt, coacti sunt, Pelagius natione Romanus, ad Pontificale statum peruenit. Qui, cum in eius electione cōsuetæ cæremoniæ ob tumultus, & bella frequētia obseruari nō possent (Urbe enim obsessa non poterat Imperatoris cōfirmationē cōsequi) nihilominus tamen ad Mauriciū Tyberij successorem, qui eius animum emolliret Monachū nomine Grego-



Gregorium legauit, quem etiam in pontificatu postea successorem habuit. Hic non solum munere sibi delegato appositè perfunctus est: verù etiam libros, quos Moraliū titulo inscripsit, composuit. Imperatore assistente & audiente cōtra Eutychianum Constantinopoleos Antistitē acerrimè disputauit, eundem conuicit, & ea quæ perperam de resurrectione scripserat, reuocare coegit. Pelagius vero, xenodochio ex paterna domo erecto, cōltructo S. Hermetis cæmiterio, ac Basilica S. Laurentij, peste quæ tunc totam penè Europā infecerat, sublatus est, ac in Vaticano sepulturæ traditus. In Pontificatu 10 annis, 2 mē-sibus, & 10 diebus vixit. Sedes 7 mensibus, 2 diebus minus vacauit.

GRE-





## GREGORIUS I. PONTI-

FEX 65. Anno 590.



**G**regorius Magnus, natione Romanus Gordiani Senatoris filius, ex Monacho Leuita Pontifex, reluctanti voluntate creatus est. Nam cum electionis approbatio ab Imperatore necessario requireretur: literis ad eundem datis, ne confirmaretur petijt: ijs tamen à Romanis interceptis, aliæ in contrariam sententiam scriptæ sunt: ac sic electio facta iucundissimis animis cōprobata est. Facta eius & scripta, ob multitudinē vix numerari possunt: illis proinde cognomentum, Magni sortitus fuit. Ea tamen pro more nostro sub breuitate transcurramus. Primus se



Seruum seruorum Dei, vocare voluit. Quod nouies in sacrificio Missæ Kyrie eleison dicitur, ei mandato fit. Item alleluya, Introitus, & Postcommunio canerentur præcepit. Maiores litanias & bonam Romanarum Stationum partem, instituit. Quid? totum vetus officium Ecclesiasticum, & plurima diuinum cultum concernentia adinuenit. Composuit de Sacramentis librum, Antiphonarium diurnum atque nocturnum. In Ezechielem, Euangelia & Iobum commentatus est, His adiecit libros quatuor Dialogorum Pastorale, Moralia ad Theodelindā Longobardorum Reginam Catholicā destinauit. Anglos ad Religionem Catholicā perduxit. Gothos ad veritatis lumen adduxit. Bis Imperatori viriliter sese opposuit, volenti enim illi & imperanti, ne militū quispiā, stipendijs Romanorū inscriptus, militia se abdicare posset, licet Religionis ingrediendæ ergo id faceret, nisi vel emeritus esset, vel mactus & debilis ex vulnere factus: aliās vero quando ipse Mauritius vt Episcopo Constantinopolitano obedientiam præstaret præcipiebat, qui se Patriarcham vniuersalem proclamari procurauerat. Qua in re, Gregorius potestatem ligandi & soluendi Petro & successoribus, non autem Episcopo Constantinopolitano traditam fuisse, respondit. Ecclesias Romanas pro viribus reparauit. Gothorum Basilicam S. Agathę dedicauit, domum paternam in xenodochium pro vñibus pauperum peregrinorum cōmutauit: ijs etiam  
de ve-



de vestimentis prouidit. Et vt breuiter dicam, volentem omnia sigillatim prosequi, tempus potius quam materia deficiet. Hoc vnum asserrere fas, eum ad tā perfectū virtutis gradū adscēdisse, vt eum nemo nisi magnis interiectis spatijs assequi potuerit. Ea in dignitate 13 annis, 6 mēsis & 10 diebus continuauit: quibus expletis maximo omnium bonorū luctu 4 Idus Martij mortuus est, qui dies eius festo sacer habetur, & apud S. Petrum humatus. Pontificatus 5 mensibus, & 19 diebus vacauit.

I 2

SABI-







**S**abinianus exiguae fortis, & ut aiunt terrae filius; cuius origo à nemine proditur, Gregorio magno indignus successit: quippe qui eius sanctissimis institutis obstrepere non est veritus. Nam cum grauis incidisset annonae caritas, instarentque pauperes ut instar demortui, eleemosynas sibi distribueret: respondit ad aucupandam vanam gloriam patrimonium Ecclesiae, ut Gregorius fecerat nolle distrahere: adeoque in ipsum exarsit, ut eius libros vix absuit quin cremauerit. Ne tamē oīa male ageret, in officio diuino horas distinxit, quas in Ecclesijs dictas oportebat, & ut



& vt in his lampas perpetuo lucens asseruaretur instituit. Eodem tempore cometa ingentis magnitudinis, aliaq; portenta & prodigia apparuerunt. Pontificatus eius annum vnum, quinque menses & nouem dies durauit, sepultus autem fuit in S. Petro. Post mortem eius, sedes viginti sex dies vacauit.

I 3

BONL





BONIFACIVS III. PON-  
TIFEX 67. Anno 607.

**B**onifacius Romanus, etsi Apostolicā Sedem  
exiguo tempore, nouem mensium scilicet  
spatio, obtinuerit, (non enim amplius in officio  
superstes fuit) nihilominus id ad exitū produxit,  
quod per Gregorium inchoatum erat. Obtinuit  
namque ab Imperatore Phoca, non sine magna  
tamen contentione, vt Romanę Sedi primæ de-  
ferrentur, quod in ea Petrus Apostolorum Prin-  
ceps sedisset, qui omniū Ecclesiārum caput no-  
minatus est; & reipsa pro tali tenendus. Synodū  
27 Episcopum, 30 Præsbyterorum, & 3 Diaco-  
norum celebrauit: in qua sub pœna excommu-  
nicationis



nicationis decreuit, ne loco Pontificis, aut Episcopi mortui, successor deligeretur, nisi prius elapso triduo : & qui per suppositas personas, Papatum, aut Episcopatum sollicitaret, excommunicationis poenam incurreret. Eius etiam institutum fuit, vt Episcopi electio à Clero & populo fieret, sed à Principe Ciuitatis approbaretur. Confirmatio autem à Romano Pontifice penderet. Bonifacio mortuo, sepultura apud S. Petrum decernitur. Sedes 36 dies vacauit.

I 4

BONI-





BONIFACIVS IIII. PON-  
TIFEX 68. Anno 608.

**B**onifacius natione Marfus, patria Valerien-  
sis, annuente & consentiente Imperatore  
Phoca, Pantheon Cybeli, alijsque Paganorum  
dijs sacrum, dedicauit Beatæ Virgini, alijsque  
sanctis Martyribus. Eius tempore Hieroso-  
lyma capta, omnesque Ecclesiæ prophanatæ  
sunt, ac lignum sanctæ Crucis, in qua Saluator  
noster passus est, per Cosdroam inde ablatū, qui  
vno conflictu omnem Phocę exercitum deleuit.  
Hanc ob causam omnibus, exosus vita simul &  
Imperio per Heraclium successorem priuatur.  
Tum ætatis in pretio erant, Ioannes Gothus Ge-  
runden-  
sis



rundensis Episcopus, Europius Valentinus antistes doctrinæ & vitæ rarissimæ, Colūbanus Abbas natione Gothus, qui plurima exædificauit Monasteria. Ipse Bonifacius proprias ædes in Monasterium conuertit, & paulò post sex annis, octo mēsis, & tredecim diebus expletis obiit, & in S. Petro conditus. Pontificatus post mortē eius demptis quinque diebus, octo mensibus vacauit. Eodem tempore fames & pestis grassabatur, & agri, grauibus aquarum inuidationibus vastati sunt.

I 5

DE O-





VITAE ROMANORVM  
DEODATVS I. PONTI-  
FEX 79. Anno 615.



**D**Eodatus ex opinione Panuini Romanus, SS. Ioannis & Pauli titulo Cardinalis, communi omnium consensu Pontifex creatus, admirandæ sanctitatis fuit: cuius singulare specimen exhibuit, cum leprosum exosculando, ipsum sanitati restituit. Huius tempore Heraclius Cossdroam Persarum Regem prælio superauit, & S. Crucem, quâ ex eius manibus recuperauit, Hierosolymam retulit. Hic tamen, quamuis Princeps honestatis obseruantissimus haberetur, errore Eutichiano postea inuolutus fuit. Apud Persas Anastasius Monachus Martyriū passus est.

Eo-



Eodem tempore Isidorus Hispalensis Episcopus  
celebris habebatur, doctrinæ & sanctitatis opi-  
nionē vulgatissimus. Inter cætera hic Pontifex  
instituit, ne quispiā puellam, à patre è sacro fon-  
te susceptam, in vxorem ducere posset. In Pon-  
tificatu 3 annis, & 25 diebus confectis, 6 Idus No-  
uembris moritur, & apud Sanctum Petrum con-  
ditur. Sedes 16 diebus vacauit.

BONI-





## BONIFACIVS V. PONTI-

FEX 70. Anno 619.



**P**Rædecessore, hæres & successor dignus Bonifacius natione Campanus eo tempore Pontifex fuit, quo virulentam & diabolicam superstitionem Mahometus euomuit. Bonifacius cum clementissimus esset, decreuit, vt si quis in Ecclesiam securitatis ergo cõfugeret inde vi extrahi non posset. Acoluthis, ne reliquias Martyrum attrectarent, prohibuit. Omnes sacrilegos vbiq; locorum excõmunicationi subiacere ordinauit. Cæmiterium S. Nicomedis extruxit. In Ecclesiasticos præsertim probatę vitæ, se liberalem exhibuit. Quinque annorum, & decem dierum spatio



spatio quo Ecclesiam Rexit, vita se laudabilem reddidit. Eius corpus ad S. Petrum multis col- lachrymantibus deportatum est. Sedes 13 dies vacua permansit. Eo tempore Gallus S. Colum- bani discipulus, & Eustachius eius virtutis imi- tator floruerunt.

HONO-







**H**onorius natione Campanus, patre Petro-  
nio viro Consulari prognatus, tam per li-  
teras, quam per Legatos Imperatorem Heracliū  
admonuit, & quod adeo leuiter, in errorem Mo-  
nothelitarum incidisset, reprehendit. Ijs saluta-  
ribus monitis recipiscens, Pyrrhum Constanti-  
nopolitanum Patriarcham, & Cyrum Alexādri-  
num Episcopum in exilium misit, eo quod eius  
à fide defectionis authores fuerant. Plurima  
memoratu dignissima perpetravit. Tectum æ-  
neum à templo Iouis Capitolini, ad Ecclesiam  
S. Petri transtulit. Ecclesię S. Agnetis Momētana.  
S. Pan-



S. Pácratij via Aureliana. S. Anastasij ad aquas Saluias, Sanctorum quatuor Coronatorum. S. Ciriaci via Ostiensi. S. Agnetis iuxta S. Syluestrum S. Adriani in tribus foris per illum resectæ & reparatæ sunt. Templum S. Seuerini Tiburti magnis impensis à fundamentis ædificauit. Cæmeterium SS. Petri & Pauli reparauit. Primus instituit, vt à S. Apollinari vsque ad S. Petrum, diebus Sabbathinis fieret processio. Postquam Ecclesiam 13 annis, 13 diebus minus administrasset, postremum diem obiit, & apud S. Petrum sepultus est. Sedes annum vnum, 7 menses, & 13 dies vacauit.

SEVE-







**S**everinus Romanus Labieni filius, ad statum Pontificalem promotus, confirmationem (ex abusu eo tempore introducto) ab Isaacio, qui tū in Italia Exarchum pro Imperatore agebat, accepit. Verum in ea re non verum confirmatorem sed sacrilegiū sese prodidit, nam cupiditate thesaurorum qui tunc in Ecclesia S. Ioannis Lateranensis erant, incensus, eos immani barbarie abstulit. Eodem tempore Mahumetus moritur, qui in Imperio tyrannico plures successores habuit. Severinus vero singularis religionis & pietatis vir apud omnes in pretio erat; verus pauperum  
amator;



amator, & in oēs liberalis, in reparādis Ecclesijs  
munificus, multaue, si temporis breuitatem spe-  
ctes, sui nominis monumenta reliquit. In Pon-  
tificatu 14. mēlibus vixit, quibus decursis ad fœ-  
liciores vitam euolauit. Corpus eius apud San-  
ctum Petrum sepultum est. Eodem tempore S.  
Aurea S. Eligij discipula & 3000. monalium Ab-  
batissa viuebat.

K

IOAN.







**I**oannes quartus Dalmata, singulari probitate ad Pontificatum peruenit: qui mox pecunias ab Isaacio sacrilego in S. Ioanne Lateranensi relictas sustulit, iisque plurimos conterraneos in captiuitate detentos, qui in magno erant numero, redemit. Corpora SS. Vincenti & Anastasij Romam aliunde asportari, eaque in S. Ioanne in Laterano recondi curauit, vt illic tuto latentia non amplius in Barbarorū manus deuenirent. Mense & die nonis post electionē, diē clausit extremum, & apud prædecessores sepultus. Sedes mensē & 13 dies vacua fuit. Eodem tempore Vincen-



Vincentius Belluacensis Episcopus, Muardus  
Archiepiscopus Remensis, Renerus Episcopus  
Traiectensis, Iudocus Britanniae Regis filius, qui  
stirpis regiae pertæsus ad cremum pertransijt,  
floruerunt.

K 2

THEO-







**T**heodorus Græcus, Theodori Episcopi natione Hierosolomitani filius, Pontifex succedit. Sub hoc Pyrrhus Patriarcha Constantino-  
politanus, propter hæresim tamen in exilium eiectus, Imperatore Heraclio, qui eius restitutionem sollicitabat mortuo, Romam venit, ac ficto, simulatoque animo, erroris sui veniam postulans, impetrauit & ab eodem Pontifice Christiane viuendi formulam accepit. Verum ea dignitate per fraudes & imposturas recuperata, nō diu vsus, Senatus Cōstantinopolitani decreto occisus est, eo quod Constantius qui Heraclio successerat,



cesserat, eius procuratione per nouercam intoxi-  
catus perierat. Theodorus corpora Sanctorum  
Primi & Feliciani ex via Momentana deportari  
procurauit, eaque auro & argento exornata, in S.  
Stephano collocavit, in Cælio Monte. Eccle-  
sias, aliquotq; sacella edificauit. Pōtificatus vero  
sui anno sexto, mense quarto, & die decimo o-  
ctauo, pridie Idus Maij mortuus in Basilica San-  
cti Petri sepelitur. Sedes 52 diebus vacauit.

K ;

MAR-





VITAE ROMANORVM  
MARTINVS I. PON-  
TIFEX 75. Anno 647.



**M**artinus Tudertinus ad Pontificatum eue-  
ctus, mox legatos ad Paulum Constan-  
tinopolitanum Patriarcham destinavit, qui  
eum ut Catholicè viueret admonerent. Verum  
hic obstinatio & insolentior factus, eos in di-  
uersas insulas relegauit: quo facto cōmotus Pon-  
tifex Romæ Synodum 150 Episcoporum indixit:  
in qua ipsum priuauit & excommunicauit. Inte-  
rea Constantius Imperator, Pauli & adhærentiū  
Monothelitarum fautor, Olympium Exarcham  
in Italiam misit, ut illuc sectam hanc introduce-  
ret, & Pontificem perderet, vel ad se vinctum per-



perduceret. Olympius in Urbem ingressus, eodie quo Papa in Ecclesia S. Mariæ Maioris erat, satellitem constituit, vt id quod in mandatis fuerat, exequentur: qui miraculose cæcitate correptus, Pontifici nihil nocere potuit. Constantius nihilo his prodigijs melior effectus, Calliopam misit, vt Martinum ligatum Constantinopolim mitteret. Quod facile executus est, maxime cum eo titulo venisse, vt Pontificem salutarer, diceretur. His si in dijs Cōstantinopolim perductus, per Imperatorē in Chersonessum relegatus est: vbi molestijs erumnisque confectus, duobus mē-sibus post, minus quatuor diebus, sexto Pontificatus sui anno mortuus est. Eius festum pridie Idus nouembris celebratur. Sedes quatuordecim menses vacauit, quia Sanctissimi viri mors non prius innotuit.

K 4

EVGE-







**E**Vgenius primus natione Romanus, eximia pietate & bonitate celebratus, supra modum benignus fuit. Ad eum Constantinopoli Petrus Patriarcha successor Pauli, literas misit, quæ cum in Christo duas operationes & duas voluntates negarent, populo Romano adeo abominabiles, & exose viderentur, ut Clerus audacter Pontificem impedire (is tamen in Sancta Maria Maiore erat) ne celebraret, non sit veritus, nisi prius eas litteras confutare, & exurere, propter impietatem procurasset. Eugenius Præbyteros Diaconos & Subdiaconos in Cælibatu vivere ordinavit. Ecclesiam



eleſiam duos annos & nouem menſes rexit, qui-  
bus finitis expirauit, poſtridie Calendas Iunij,  
& in Baſilica S. Petri ſepultus. Sedes menſem &  
28 dies vacauit.

K 5

VITA-







**V**italianus Signinus, 14 annos & sex menses Pontificatum dignissimè administrauit, eo tempore quo Regina Persarum Cæsarea Constātinopolim cum paucis Christianis venit: vbi cū baptismatis aqua se intingi curasset, noluit inde discedere, licet per maritum reuocaretur, nisi ibidem, vt etiam fecit, compareret, & se Christianorum numero adiungeret. Constantius eodem tempore per Italiam iter faciens Romam venit: cui Pontifex cum Clero ad sex miliaria obuiam processit. Ecclesiæ S. Petri pallium auro intertextum dono dedit. Verum ab Vrbe discedens



cedēs, tam omnibus statuis excellentioribus spoliavit, ac præcipua Ecclesiæ ornamenta diripuit: unde plus damni 12 dierum spatio intulit, quam viginti & amplius annis, Roma à Barbaris bellū apertum inferentibus passa fuerat. Vitalianus regulam Ecclesiasticam composuit, & canticum organorum consonantiæ temperavit. In Angliam viros doctissimos qui eos populos in fide retinerent, immisit, ac tandem 6 Calendas Februarij mortuus est, & cum præcedentibus sepultus. Sedes quatuor menses cum dimidio vacavit.

DEO







**E**O tempore quo Italia armis tota inuoluta erat propter aduentum Bauarorū Duce Caccano & Longobardorū sub Grimoaldo eorum Rege & Lupo Foroiulianorū Duce, Deodatus huius nominis 2. natione Romanus, ex Monacho Pontifex electus est. Hic in pauperes charitatem exercebat, in delinquentes clementissimum, in exteros beneuolentissimū, & erga omnes urbanissimū, sese exhibuit. Basilicā S. Petri via Portuensi reparauit. Excellentissimis ædificijs monasterium S. Erasmi in Cælio Monte ex quo assumptus erat, exornauit. Eodem tempore



post Cometa immense magnitudinis, continuis  
tribus mensibus apparuit. Pluuiæ & imbres in-  
numeri deciderunt, horrendaque tonitrua ho-  
mines supra modum terruerunt. Hanc ob cau-  
sam Processionē per omnia Urbis loca instituit.  
Postquam curā Pastoralem quatuor annis, duo-  
bus mensibus, & quinque diebus subiisset, 6 Ca-  
lendas Iulij obiit, & apud S. Petrum communi  
omnium dolore planctus sepultus est. Sedes qua-  
tuor cum dimidio mensibus vacauit.

DO.





VITAE ROMANORVM  
 DONVS I. PONTI-  
 FEX 79. Anno 676.



**D**Onus natione Romanus, vitæ sanctitatis & doctrinæ nomine commendatissimus, ad Pontificatum eo tempore peruenit quo Grimoaldus Longobardorum Rex sincerissimus è viuis excessit. Atriū S. Petri (quod Paradisum vocant) marmoribus strauit. Via Ostiensi Basilicā Sāctorum Apostolorum : via vero Appiana, eam quæ D. Euphemiae consecrata est, reparauit. Clerum in certos ordines distinxit, quem etiam honoribus auxit. Quosdam Monachos in Monasterio Boethiano repertos, qui Nestoriana hæresi infecti erant, in varia loca relegauit. Ecclesiā Ra-  
 uennatensem



uennatem cum Romana Sede reuinxit, à qua lō-  
go temporis interuallo defecerat: hinc Theodo-  
rus, eiusdem loci Episcopus, cū Pontifice in gra-  
tiam redijt. In officio Pastoralī quinque annis,  
totidem mensibus, decemque diēbus perseuera-  
uit, quibus expletis 4 Idus Aprilis expirauit, &  
apud S. Petrum conditus. Post eius mortem, Se-  
des duobus mensibus, & 16 diebus vacauit.

AGA-





VITAE ROMANORVM  
 AGATHO I. PONTI-  
 FEX 80. Anno 679.



**A**gatho Siciliensis, vitæ sanctissimæ vir, ex Monacho Pontifex creatus est. Tanta in eo bonitas & urbanitas relucebant, ut neminem à se nili consolatione resocillatum, discedere pateretur. Imperator Cōstantinus cum eum suis moribus adeo conformem videret, concilium contra hæresim Monothelitarum indixit. Quam ob rem Pontifex Ioannem Portuensem Episcopū, & Ioannem Diaconum Legatos Constantinopolim misit: ubi à Constantino, cum omni humanitate excepti sunt. Sexta fuit illa synodus, cui 282 Episcopi interfuerūt, per quā in Christo  
 duas



duas esse naturas, esse duasque operationes conclusum est: contrariaque opinio confutata. In eodem cōcilio Macharius Episcopus Antiochenus, excommunicatus declaratus est: è contrario Gregorius Patriarcha Constantinopolitanus veritatem orthodoxam amplexus est. Eodem tempore Eclypsis Solis & Lunæ accidit, quam vehementissima pestis subsecuta est. Agatho postquā duobus annis, & sex cum dimidio mensibus Pōtificatū administravit, tertio Idus Ianuarij mortuus est: cuiusque corpus ad S. Petrum delatum. Sedes 17 mensibus vacavit.

L

LEO







**L**eo secundus, vt erat, eiusdem cum Agathone nationis, ita nec moribus, nec Religione fuit dissimilis. Is Græcarū & Latinarū literarū doctissimus erat, ceu ea quę in lucem edidit fidē manifestissimā faciunt. Musices etiam non imperitus fuit : nam Psalmodias composuit. Decevit vt in Missę principio & fine, populus aqua Lustrali aspergeretur. Cōcilio iam prædicto omninō adhæsit, & in eodē condēnatos solemniter excommunicauit : Rauennatum Episcoporum superbiam depressit, qui nullos superiores agnoscere vel tolerare volebant; electionem Episcoporum



scoporum à Clero factam irritam iudicabat, nisi per Pontificem approbaretur. Archiepiscopos propter vsum Pallij & aliorum officiorum exercitium, ad nihil teneri decreuit. Omnibus porro virtutibus quæ legitimum Pastorem decent, cum esset ornatissimus, quinto Calendas Augusti multis flebilis obiit. Pontificatum decem mensibus rexit, qui postea annum demptis decē diebus vacauit.

L 2

BENE-





BENEDICTVS II. PONTI-  
FEX 82. Anno 684.

**B**enedictus Romanus, pietatis & humanitatis commendatione, & charitate qua erga pauperes ferebatur, communi omnium consensu in Pontificem electus est. Hic sacras literas ita percalluit, vt inter omnes primas sibi merito, & optimo iure vendicare posset. Ecclesias S. Petri, S. Laurentij, S. Mariæ ad Martyres, reparauit, quas pretiosissimis margaritis, valis aureis & argenteis exornauit. Huius exemplo Pertharis Longobardorum Rex, vxorque eius Rhodelinda, plurimas Ecclesias ac Monasteria Papiæ exedificarunt. Imperator autem Constantinus, fama sanctitatis Benedicti



Benedicti permotus, rem memoria & se dignā peregit: Nam instituit, vt quicumque à Clero Romano Pontifex electus & declaratus esset, vltiorem confirmationem ab Imperatore, vel ab eius Exarcho non requireret Maximus comes tunc apparuit. Eodem tempore inusitatum illud incendium in monte Vesuuio accidit, quo consumptus Plinius in viuis esse desijt. Benedictus 4 Idus May, Pontificatus sui mense decimo, die vero vndecimo, ad immortalitatis coronam pertransijt, ac cum prædecessoribus sepultus. Sedes duobus cum dimidio mensibus vacauit.

L 3

IOAN-





VITAE ROMANORVM  
IOANNES V. PONTI-  
FEX 83. Anno 685.



**I**oannes quintus, in Syria Anthiochiæ natus, propter vitæ integritatem & Religionis zelû, communibus omnium votis, in sancto Salvatore prope Lateranû ad Pôtificatum assumptus est, eo tempore quo Cōstantinus Imperator animam egit, eique Iustinianus secundus in locum successit. Hic Ioannes à tribus Episcopis Ostiensi, Portuensi, & Veliterno, quemadmodum Leo secundus consecratus est : qui mos postea à successoribus retentus & obseruatus est. Tunc temporis claruerunt, Fœlix Flauiani patruus, & Ioannes Bergomatum Episcopus, qui à primoribus & Prin-



& principibus illius ætatis, sanctitatis nomine,  
magni æstimabantur. Hic Pontifex complexio-  
nis infirmioris & debilioris cum esset, librum-  
que de dignitate & præstantia Pallij composuis-  
set, primo inaugurationis suæ anno, postridie  
Calendas Augusti, inter mortales viuere desijt.  
Corpus eius apud S. Petrū sepulturæ traditū est.  
Sedes tribus mensibus vno die minus vacauit.

L 4

CONON







**C**Onon Thracia oriūds, & in Sicilia educa-  
tus, Romæ Præsbyter factus, ad dignitatem  
Pontificiā hoc modo euectus est. Populo & mi-  
litibus diuisis, grauis altercatio suborta est: illo  
Petrum quendam Archiepiscopum, his vero  
Theodorum Præsbyterum habere cōtendenti-  
bus: ad extremum tandem omnium vota in Co-  
nonem deferuntur, virum propter modestiam,  
puritatem, iustitiam, pietatem, ac prudentiam  
longè venerabilem, vt cæteras qualitates, quas  
huic gradui conuenientissimas habebat, omittā.  
Adeò gratus populo extitit, vt Angelici cogno-  
mento



mento cohonestari meruerit. Paulò post eius electionem, in ægritudinem incidit, vnde quidã Palchalis Præsbyter & Thesaurarius, ambitione turgidus magnũ pondus auri & argenti, Rauennati Exarchæ obtulit; vt Conone mortuo Pontifex assumeretur. Verum Exarchus, licet pecunias receperit, ei promissum non seruauit; rem honestam ( fortasse ) arbitratus homini auaro & cupido fidem fallere. Conon vndecim mēsis & tribus diebus curam Pastoralem peregit, ac vndecimo Calendas Octobris mortuus, in Sancto Petro sepultus est. Sedes sex mensibvs, & 23 diebus, sine rectore fuit.

L 5

SER-







**S**ergius Anthiochenus, natione Syrus, Sanctæ  
 Susannæ Presbyter, Pontifex tunc creatus est,  
 cum populi in duas factiones diuisi pars vna in  
 Theodori, altera in Paschalis totis animi, cor-  
 porisque viribus, electionem instaret. Sergius  
 autem iam confirmatus, cum Imperatore Iusti-  
 niano in Synodo iniuste congregata contradix-  
 isset, eundem sibi infestum reddidit. Quamo-  
 brem Zachariam exercitus sui Ducem, Romam  
 mittit, eique mandat vt Pontificem constrictū,  
 vinctumque Constantinopolim ad se pertrahere-  
 ret. Quas insidias Exarchatus milites, Sergio pa-  
 rari



rari olfacientes, ad arma conuolant : ipsumque Zachariam oppressissent, nisi ipsam Pontificis aulam pro asilo subito sibi delegisset : à quo secreto, eius clementiam prius expertus, ad Imperatorem saluus, sanusque remissus est. Postea ad reparationem Ecclesiæ S. Petri sese cōuertit, plurimasque alias Ecclesias restaurauit. Apostolorum statuas quæ vetustate viluerant, reparauit. Corpus S. Leonis Papæ meliori loco reposuit. Particulam Sāctissimæ Crucis exornauit. Sacrificio Missæ hæc verba, Agnus Dei qui tollis peccata mundi, adiecit : Ecclesiam Aquileiensem ad veritatem Catholicam reduxit : Saxones eius sanctitatis fama exciti, Baptismi sacramento se pertingi procurarunt. Ad extremum in officio Pastoralis 13 annis, 8 mensibus, 23 diebus fœliciter, laudabiliterque consumptis, 6 Idus Septembris multis collachrymantibus obiit. Sepulturā apud S. Petrū sortitus est. Eo mortuo Sedes vno mense & 20 diebus Rectorem desiderauit.

IOAN







**I**oannes sextus natione Græcus, Theophylactus Exarcho in Italiam venienti vitam conseruauit. Nam milites quia Pontificibus semper adhæserant, eique fauerant, ab ipso insidias sibi parari meruentes, eundem occidere decreuerāt. Eodem tempore Gasulphus Dux Beneuentanus aliquot oppida in Terra laboris inuadit, ac diripit, multamque prædam inde abigit: sed Pontificis minis territus subito restituit; captiui vero omnes, qui ubique reperiri potuere, ex Ecclesiæ ærario redempti sunt. Ecclesiam S. Andree, & S. Marci restaurauit. Altare S. Petri columnis  
exornauit.



exorauit Pontificatus sui anno tertio, mense tertio, martyrio (iuxta quorundam opinionem) vitæ finem imposuit, & ad Catacumbas S. Sebastiani sepultus. Sedes mense vno & nouemdecim diebus vacauit. Iisdem temporibus Sarraceni Africam inuadunt, & magnam Hispaniæ partem occupât. Hanc ob causam, Venerabilis Beda natione Anglus, qui tum viuebat, apud Christianos Principes graues habuit querimonias.

IOAN:







**I**Oānes Græcus, eloquētissimus & sanctissimus, in nulla re maioribus & defunctis Pontificibus inferior fuit. Ad eundem Iustinianus secundus Cōstantinopoli duos Archiepiscopos misit, qui ei suggererent, vt habita Synodo, Occidentales induceret, ad recipienda ea fidei dogmata, quæ per Orientales determinata & decisa erant. Re tamen infecta Legati Constantinopolim ad Imperatorem reuerſi sunt. Hic Pontifex in honorem Sanctissimę genitricis Dei in S. Petro Sacellum vermiculato opere elaboratum construxit. Ecclesiam S. Eugeniz reparauit. Cæmeteria

Marcel-



Marcellini, Marci, & Damasi Pontificum, cultiora reddidit, plurimaque alia opera excellentissima præstitit. In dignitate Pōtificia duos annos, septem menses, & septemdecim dies continuauit, quibus completis, decimo quinto Calēdas Nouembris moritur, ac in prædicto Sacello sepelitur. Pontificatus tres menses vacauit.

SISIN-







**S**isinnius, quem alij Zosimum vocant, natione Syrus, viginti tantum diebus Pontificatum rexit, quo tempore (licet sit breuissimum) evidentissima suarum virtutum signa manifestavit. Quamuis enim pedes podagra debilitatos, manus vero chiragra impeditas haberet, curā tamen qua rempub. laudabiliter administraret nulla in re deposuit: multā materiā ad resarciēdos Urbis muros, Ecclesiasq; reparādas, quæ vetustate collapsæ erant præparauerat. Morte subita sublatus, octauo Idus Nouembris in S. Petrum illatus est, vnde Sedes mensem vnum & dies vacauit.

CON.



CONSTANTINVS I. PON-  
TIFEX 89. Anno 707.



**C**onstantinus eiusdē cum Sisinnio nationis,  
Pontifex eo tempore creatus est, quo Ro-  
mæ graui annonæ caritate per tres annos labo-  
raturum fuit. Qua in necessitate cum Pontifex pro  
virili & paterna sollicitudine omnibus, maxime  
vero pauperibus subueniret, diuinitus eo tēpo-  
re missum esse creditum est. Eo tempore Fœlix  
Archiepiscopus Rauennas, obedientiam quā Pō-  
tifici debebat, exhibere recusans, Imperatoris Iu-  
stiniani iussu Constantinopolim cōstrictus vin-  
ctusque deductus est, quem oculis orbaturum in  
Pontum relegauit. Eiusdem Iustiniani rogatu

M

Pontifex



Pontifex Constantinopolim perrexit, vbi reuerenter, ac honorificè exceptus fuit, ac ibidem eiusdē pedes exosculati sunt. Cum vero Philippicus Iustiniano successisset, hæreticorum opiniones Romā approbandas & recipiendas misit, quas Constantinus celebrata Synodo denuo cōdemnavit, Philippiciq; nomen è publicis scriptis expungi curavit. Septimo Pontificatus sui anno, die vero vigesimo, mortuus est, & in Sancto Petro, tertia Idus Februarij sepultus. Sedes post eius mortem, vno & quadraginta dies vacavit.

G R E.





GREGORIUS II. PON-  
TIFEX 90. Anno 716.

**G**regorius Romanus, sub Sergio Pontifice tantæ integritatis fuit, vt Bibliothecæ Palatinæ præfectus fuerit. Postea vero per Constantinum Pontificem Constantinopolim perductus, ingenij sui vires & acrimoniam in publicis disputationibus, notas, & omnibus admirandas reddidit. Pontifex iam factus mœnia Urbis, & Ecclesias ruinis quassatas reparauit. Intellecto Longobardos Beneuentano Duce, arcem Cumanam occupasse, nec vllis precibus adducî posse vt eam redderent, Neapolitanos in sui auxilium assciuit, Romanisque copijs coniunctos.



eodem misit, qui ex hostium manibus captam arcem recuperarunt. Manifestatis insidijs quæ à Leone tertio tunc temporis Imperatore contra Gregorium tendebātur, populus arma corripit, conscios & coniurationis authores depræhenso puniunt. Imperatore autem (quia is hæreticus erat) publico edicto mandante, vt è templis imagines Sanctorum abraderentur, Pontifex publicè prædicari curauit, fideles libere ab obseruatione impij mandati posse & debere recedere. Plurima prodigia eodem tempore visa sunt. Tyberis ex alueo intumescens, per totam Urbē, hominis altitudine euagatus est. Præsentia & ingruentia, mala, Cometes qui tūc apparebat, minitari visus est, Eius industria Germani fidē amplexi sunt. Plurima ædificia extruxit, Ecclesiā Sanctæ Crucis Hierosolymis, & monasteriū S. Andreae reparauit: Sacellum Sanctæ Susannæ in Monte Celio edificauit: domum paternam in monasterium conuertit, quod titulo Sanctæ Agathæ consecrauit, amplisque possessionibus auxit. Postquam sexdecim annos, nouem menses & vndecim dies officio functus esset, vita defunctus est, ac tertio Idus Februarij in S. Petro inhumatus. Pontificatus triginta quinque dies vacauit. Centum quadraginta septem Episcopos creauit.



PONTIFICVM.  
GREGORIUS III. PON-  
TIFEX 91. Anno 731.

181



**G**regorius Syrus, communi omnium quæ  
Latinarum & Græcarum literarum periti  
habebantur consensu, Pontifex creatus est. Is ma-  
gnanimus adeo fuit, & in suis actionibus cōstans,  
vt in defendenda & retinenda Orthodoxa fide  
nullius potentiam, vel Principis auctoritatem  
pertimuerit. Charitas in eo ardentissima eluce-  
bat, nam pauperibus distributione eleêmosina-  
rum: captiuis eos redimēdo subueniebat, vidua-  
rum & pupillorum protectorem prouidentissi-  
mum sese semper exhibuit, vnde & merito Pa-  
tris Parentis appellari est meritus. Pontificatu  
M 3 suscepto,



suscepto, Leonē Imperatorē excōmunicauit, & imagines SS. cremari mādasset. Roma per Luithprandū Longobardorū Regem obsessa, suppetias non ab Imperatore, vt in eiusmodi euentu fieri solitū erat, sed à Carolo Frāciæ Rege petijt, cuius interuētū, Vrbs ab obsidione soluta fuit. Paratis rebus Gregorius ad resarciendas Ecclesias, adiecit animum. Altare S. Petri, excellentissimis columnis & imaginibus exornauit, ibique Sacellū ædificauit, quod omnium Sanctorum reliquijs excultius reddidit, eidemq; vasa argentea dedicauit, Sancti Chrysigoni tectū restituit, ei amplissimas possessiones adiunxit. Plurima monasteria extruxit, Monachisq; formulā viuēdi præscripsit, mænia Urbis ruinis disiecta redintegrauit. Instituit vt in Sancto Petro sine vlla mora per hebdomedarios celebraretur. Officij sui anno decimo, mense, sex diebus minūs, nono, magnum omnibus sui desideriū relinquens, mortuus est, & quarto Calendas Decembris apud Sāctū Petrum sepultus. Sedes eo mortuo octo dies vacauit.

ZACHA-



PONTIFICVM.  
 ZACHARIAS I. PON-  
 TIFEX 92. Anno 741.

183



**Z**acharias Græcus, inter optimos Pontifices meritò referendus censetur. Nam tanta benignitate præditus fuit, vt omnes à quibus iniuriam acceperat, iam Pontifex factus beneficijs persecutus fuerit. Legatos Luithprando Lógobardorum Regi, qui Ducem Spoletanum infestabat, misit, vt eum de ineunda pace hortarentur: illis vero nihil proficiētibus, ipse met cum Clero eodem profectus est. Eius aduentum Rex intelligens ad octo miliaria obuiā procedit, ac ex equo defiliēs, eum in Urbem vsque pedes comitatur: tantumque eius persuasionibus tribuit, vt Ducē

M 4

præ-



prædictum in pristinam dignitatem restituerit. Romanisque terras quas ipsis in Sabinia ademerat reddiderit, ac omnes in eo bello captiuos liberauerit. Pepinū Fraciæ Regē cōfirmavit. A secularibus tandem negotijs ad Ecclesiarū curam animo conuersus, plurimas Basilicas reparauit, Lateranensem exornauit, turrim erexit, ac portas æneas apposuit: imgines Sanctorum diuturnitate tēporis vitiatas cultiores reddidit, Bibliothecam Palatinam reformauit. Quibuslibet Ecclesijs annuos census attribuit, quibus perpetuo in Lampadibus ignis asseruaretur. Basilicam S. Gregorij in Velabro condidit, ac in ea eiusdem Sancti caput reposuit. Aedem quoque D. Celiæ sacram fieri imperauit, eamque dotauit. Altari S. Petri vestem sacerdotalem pretiosissimam donauit, tectum S. Eusebij restaurauit. Idē decreuit, vt in Laterano singulis diebus eleēmosinæ pauperibus distribuerentur. His omnibus operibus pijs irretitus, literarū studium nulla ratione neglexit. Nam Dialogos S. Gregorij ex Latino in Græcum sermonem transtulit. Pontifex decem annis, & tribus mensibus cum fuisset, populumque summa beneuolentia coluisset, moritur, ac Idibus Martij in S. Petro sepelitur. Sedes duodecim dies vacauit.

S T E



## STEPHANVS II. PONTI-

FEX 93. Anno 752. Et Stephanus 3.  
dictus Pontifex 94. Anno 752.



**Z** Acharia mortuo, mox in eius locū per po-  
pulum, Stephanus quidam præsbyter suffe-  
ctus fuit: qui tertio die Apoplexia corrept⁹ obiit.  
Hinc cōmunibus populi & Cleri suffragijs Ste-  
phanus secundus Romanus electus est, vir singu-  
laris pietatis & probatæ Religionis, actionū sua-  
rum prudens & sedulus executor. Plures Eccle-  
sias restauravit, multa ad fidem pertinentia, &  
subtiliter scripsit, & pro animi affectu prædica-  
uit. Hic Pontifex cum nec prece, nec pretio Ar-  
stulphum Longobardorum Regem, fines Italiae



ferro & armis demolientem ab instituto deter-  
rere posset, primo ab Imperatore Constantino  
auxiliares copias, licet frustra, postulat. Quare  
Pepinum Franciæ Regem adit, qui postulationi  
assentiens, Arstulphum ad saniora cōsilia primo  
admonitionibus reducere conatur, quibus cum  
nihil proficeret, in Italiam cum valido exercitu  
non sine illius detrimento ingreditur. Eius ta-  
men postea miserijs commotus Pontifex, apud  
Pepinum egit, vt in Franciam se reciperet, fide  
prius ab Arstulpho iurata se omnia quæ patri-  
monio Ecclesiæ eripuerat, restitutum. Quam-  
cū non seruasset, Urbemque Romam obsidio-  
ne premeret, Pepinus iterum Pontificis sollici-  
tationibus inductus, Vrbi Italięque miserijs sub-  
uenit, hominemque ad ea omnia præstanda cō-  
pulit, quæ in prima pactione conclusa erant. Hac  
itaque ratione, Romana Ecclesia antiquas om-  
nes possessiones recuperavit. Rebus ad hūc mo-  
dum compositis, Stephanus synodum habuit in  
qua plurima reformauit, Ecclesias quæ obsidio-  
ne pendente aliquod incommodum passæ fue-  
rant, reparauit. His omnibus magna animi con-  
stantia ad finem deductis, magistratus sui anno  
quinto, mense vero primo mortuus, sexto Calē-  
das Maij, cum multis lachrymis in sancto Petro  
sepelitur. Sedes triginta duos dies vacauit.



PONTIFICVM.  
PAVLVS I. PONTI-  
FEX 95. Anno 757.

187



**P**Aulus frater Stephani secundi ei in omnibus  
simillimus, nam in eo doctrina, pietas & Re-  
ligio eminebant. Omnibus sibi iniuriã aut con-  
tumeliam inferentibus fauorem & beneuolentiã  
exhibebat: pauperibus secreto, consilijs & eleē-  
mosynis succurrebat. Idem ijs qui ære alieno gra-  
uati in carcere detinebantur prestabat. Corpus  
Sanctę Petronille sancti Petri filiæ ex via Appia-  
na ad Vaticanum vsque deportari curauit. Con-  
stātino Imperatori per legatos iniunxit, vt ima-  
gines disiectas repararet, excommunicationis ful-  
mine eidem si secus faceret minitans: cui Impe-  
rator



rator aures præbuit, & obsecutus est. Ecclesias quæ longinquitate temporis deciderant, reparauit, nihilque eorum prætermisit, quæ in verum Pontificem, (vt ipse erat) quadrabant. Pontificatum decem annis & vno mense obtinuit, in S. Petro sepulturam habuit. Sedes tredecim diebus vacauit.

S T E.





## STEPHANVS III. DICTVS

III. PONT. 96. Anno 768.



**P**Aulo mortuo, vi& armis renitēte Clero, Cō-  
 stātinus quidam Desiderij Longobardorum  
 Regis fauore, Pontifex intrusus est, Sedemq; in-  
 iustē anno vno administrauit. Id iniquo animo  
 ferens populus, ipsum ab officio dimouit, & cō-  
 muni acclamatione Stephanus natione Sículus  
 in Pontificem electus est: qui propter raram do-  
 ctrinam, integritatem & bonitatem, suis ante-  
 cessoribus delectissimus fuit. Hic, vt rebus Ec-  
 clesiasticis melius consuleret, concilium genera-  
 le in Laterano habuit, ad quod Constantinus ci-  
 tatus errorem suum fassus est, decretumque fuit  
 vt Laico-



ut Laicorū nullus siue præuijs gradibus, sub excommunicationis pœna ad Pontificatum adscēderet. His omnibus eo modo confectis, Synodi omnes Constantinopoli habitæ condemnatae sunt, quibus aliquid in præiudicium imaginum decretum est: insequenti die processio generalis à Laterano vsque ad S. Petrum instituta fuit, cui Pontifex ipse nudis pedibus, cum Clero intererat. Ea autem absoluta omnia in Cōcilio decreta promulgari imperauit, eosque omnes excommunicatos haberi, qui non ea approbarent. Quatuor annis, quinque mēsis, & viginti 7 diebus, in Pontificatu consumptis, moritur, ac in Vaticano sepelitur. Sedes solum nouem dies vacauit.

ADRI.





PONTIFICVM.  
ADRIANVS I. PONTI-  
FEX 97. Anno 772.



**A**drianus primus merito inter optimos Pō-  
tifices qui retroactis seculis fuerunt referē-  
dus, natione Roman' erat ex illustrissima fami-  
lia, licet Historographorum incuria, suppressa  
ignoretur. Maiores omnes (vnico Sancto Petro  
excepto) longitudine temporis quo Ecclesiā re-  
xit, superauit: in Pontificatu enim 24 annos de-  
ptis 24 diebus vixit; magnam omnibus ingenij  
viribus, consilijs doctrina & vitæ sanctitate ad-  
mirationem sui ingenerauit. Eius magnitudinis  
fama allectus Rex Desiderius Italię terror ad eū  
legatos destinauit, eius pacem & amicitiam ro-  
gaturos



gatos. Verum Pontifex eius perfidiam intus  
& in cute cognitam habens, nihil certi eo tem-  
pore respondit; cumque magis Ecclesiæ trāqui-  
litem Desiderius in Italia cōmoueret. Adria-  
nus ad eundē tres Episcopos legauit, qui eū excō-  
municationis comminatione, ad meliorē men-  
tem reuocarent. His nuncijs territus, Lōgobar-  
dorum fines versus secessit, ne diuinam irā, vin-  
dictamque in se concitaret. Ad extremum, ad-  
uertens Adrianus nullam cum Desiderio firmā  
iniri posse amicitiam; Carolum Magnum in Ita-  
liam aduocat, à quo deuictus, fususque, omnem  
possessionē Gregorio tertio ex liberalitate Pe-  
pini collatam, Ecclesia recuperauit, ac solemni  
iuramento Carolus, Romanos Pontifices in ea  
se perpetuo defensurum affirmauit: ibidemque  
inuiolabile fœdus cum Adriano pepigit. Post a-  
liquot annos annuente Adriano in Frāconia Sy-  
nodus habita est, in qua hæresis Fœliciana quæ  
Sanctorum Imagines penitus extirpandas cense-  
bat, abrogata est. Multa ad ornatum & splendo-  
rem Ecclesiarum contulit, Corpus S. Pauli thecis  
argenteis inclusit, vestibulum eiusdem Ecclesiæ  
marmoribus strauit. Plurimos aquæ ductus re-  
parauit, hominum incuria & vetustate temporis  
corruptos, inter alios Aliietinū, Aquarum Iulia-  
narum, ac alios plurimos denique ex Lacu Sa-  
batino in Vaticanam, aquas deduxit. Eius quoq;  
institutione quotidie in Laterano, centum pau-  
peribus cibus administratus est. Cum Tyberis  
munda-



mündatione Urbis Romæ pars imperuia facta  
esset, nauiculas procurauit, quibus domi inclu-  
sis poculenta, esculentaque defereretur, aq̃uis vero  
ad alueum reuersis centum libras auri cōtulit, ad  
reparandas ruinas excrescentia aquarum illatas.  
Tandem sexto Calendas Ianuarij, moritur, ma-  
gno honore ex bene administrata Republica cu-  
mulatus, & apud S. Petrum sepultus est.

N

LEO







**L**eo tertius Romanus, ipso S. Stephani profesto, communibus omnium votis Pontifex petitus & declaratus est, tanta dignitate planè dignus Antistes. Nam disciplina Ecclesiastica instructissimus erat, castimonix observantissimus, eloquentix laude clarus, doctrinaque virorum consuetudine delectatus est. Infirmos assidue visitabat, pauperes largitionibus fovebat, tanta in eo erat benignitas, vt neminem odisse posset. Nihilominus tamè dum processionibus à Gregorio institutis solemniori die vacaret, insidijs cuiusdā Paschalis Primicerij & Cápuli Prębyteri  
insidijs



insidijs circūuentus apud S. Syluestrū captus est, frequētoribusq; fustibus petitus in monasteriū S. Erasmi coniectus est, vnde clanculum eductus. Vinigesij Ducis Spoletani auxilio in pristinā dignitatē restitutus est. Cuius rei & vitæ Leonis postea volēs Carolus Magnus inire rationē; ab omnibus reclamatum est, eo quod prima Sedes, quę est omnium Ecclesiarum caput à nemine iudicari debeat. Verum Leo innocentia suā sibi bene conscius, in suggestum adscendens, manibus ad Euangelia positus, se immunem ab omni crimine, cuius accusabatur iurauit. Quod decimo tertio Decembris accidit, anno Domini, 800. Ne vero beneficiorum à Carolo acceptorum immemor videretur, præsertim cum pro comperto sciretur, omnium malorum quę acciderāt per Imperatorem Cōstantinopolitanorum oscitantiam & malevolentiam exsuscitata fuisse, finita Missa alta voce Carolus Imperator inunctus est, filius vero eius Pepinus Rex declaratus. Rebus ita peractis, Carolus iniuriarum Leoni illatarum reminiscens, à Campulo & Paschali pœnas pro crimine exigere parabat: verum Pontifice, tanquam sequestrum sese interponente, absoluti in Gallias exulatum missi sunt. Pontifex autem Mantuā vt rebus Italiæ finem Imponeret, & sanguinem Domini nostri Iesu Christi, qui ibidem miracula faciebat viseret, profectus est. Ad extremum, vbi Sācti Pauli tectum reparasset xenodochium erexisset, & Litanias, quę in ro-



gationibus legi consueuerunt, vigesimo primo  
sui Pontificatus anno, pridie Idus Iunij mortuus  
est, cum prius mirus Cometes apparuisset, & ad  
S. Petrum ad sepeliendum dilatus est. Sedes de-  
cem dies vacauit.

S T E-





PONTIFICVM. 197  
STEPHANVS V. DICTVS  
IIII. PONT. 99. Anno 816.



**S**tephanus sub Hadriano & Leone educatus, raræ doctrinæ & integritatis singularis fuit. Hinc omnibus venerabilis in Pontificem eligitur. Tertio sui Pontificatus anno in Gallias ad Imperatorem Ludouicum, qui tunc Aurelianis erat proficiscitur, cui cum Aulæ primores, Antistitemque Aurelianum cum Clero obuiâ præmisisset, ipse etiâ vno ab Vrbe miliari fit obuius. Et inspecto ex equo descendit, ac in Urbē introduxit, eūque in Palatio regio recepit, vbi mutuo de rebus Italię plurima contulerūt. Ad imitationem Saluatoris nostri, misericordiam exulibus,



qui in Leonem coniurauerant ab Imperatore impetrauit. Crucem secum grauissimi ponderis, quam ipse Imperator S. Petro donauerat, asportauit. Romam reuersus, septimo Pontificatus moritur, & in Vaticano sepelitur. Sedes vndecim diebus vacauit.

PAS-







**P**aschalis natione Romanus, maioribus suis  
vitæ integritate & doctrina nulla in re ces-  
sit. Lothariū Imperatoris Ludouici filiū inunxit,  
qui eius rei ergo Romā venerat, eumq; Augusti  
titulo cohonestauit. Cū vero in suspicionē homi-  
cidij venisset propter Theodorū Primiceriū, &  
Leonē Nomenclatorē secreto ingulatos; Conci-  
lium 30 Episcoporū indixit: in quorū præsentia,  
rationib<sup>9</sup> & iuramēto ab eo crimine se liberauit.  
Plurimorū SS. corpora in Urbē inferri & hono-  
ratori loco recōdi iussit. Multos carceribus ob  
debita mancipatos, pro eis satisfaciēs liberos ire  
N 7 fecit.



fecit. Ecclesiam S. Praxedis à fundamentis reparavit, ac ibidem sacrificium sæpissime obtulit. S. Cecilie Templum ædificavit, vbi S. Valeriani sponsi eius. Tiburtij Maximi & Urbanique, ac Lucij Pontificum corpora requiescunt. Basilicā Mariæ Maioris restauravit. Vbi alia plurima ad finem deduxisset, mortuus, & in S. Petro sepultus est. Septem annis, tribus mensibus, & 17 diebus Pontificiam dignitatem administravit. Sedes 4 solum diebus vacavit.

E V G E.





EUGENIVS II. PONTI-

FEX 101. Anno 824.



**E**Vgenius secundus Romanus, facili via ad Pontificatum ob eximiam bonitatem, urbanitatem, aliasque virtutes quibus ornatus erat, peruenit. In officio vero quatuor annis honeste se habuit. Cum Romæ magnæ annonæ caritas accidisset, ita prudenter se gessit, taliterque prouidit, ut nulla vrbs Vniuersæ magis grauis, alijsque rebus ad vitam sustentandam necessarijs, abundaret. Hanc ob causam pauperum communis parens, propter sollicitudinem & protectionem paternam, vocatus est. Eius petitione, qui in Gallijs exulabant, Romam remissi sunt, eosque suis fa-



cultatibus (quandoquidem eorum bona proscri-  
pta erant) fouebat. Siconem Ducem Beneuen-  
tanum Neapolim obsidione premētem, suis ad-  
monitionibus ex officio perstrinxit: inde tamē  
corpus S. Ianuarij Beneuentum transtulit. Euge-  
nius termino iam dicto completo, ad fœliciorē  
vitam migravit, magnum sui desiderium apud  
omnes relinquens, cum maioribus suis sepultus  
est.

VALEN.





PONTIFICVM.  
203  
VALENTINVS I. PONTI-  
FEX 102. Anno 827.



**V**alentinus patria Romanus, cum Paschale & Eugenio Pōtificibus educatus est, ac eorum mores imitatus. Diaconus solum cum esset, ad Pontificiam dignitatē euehi est promeritus. Ingenij fuit excitatissimi, ac eloquētissimus, doctissimusq; est habitus. Ante & post promotionē adeo pius & liberalis fuit, vt à maioribus suis nihil discrepauerit. Verum breuioris tēporis curriculo vitæ eius & virtutum exercitio finis est impositus. Nam multorum gemitu & dolore, quadagesimo post Pontificatus adeptionem die excessit è vita, & in S. Petro sepulturæ tradit⁹ est.

G R E-





**G**regorius quartus Romanus, ex Præsbyte-  
 ro titulo S. Marci ad Pontificatum perue-  
 nit, eo tempore quo Mauri ex Africa in Italiam  
 traijcientes, magnam eius partem occuparunt:  
 contra quos commouere & excitare Ludouicū  
 & Lotharium Pontifex non destitit. Gregorius  
 adeo modestis moribus & ingenio vsus est, vt  
 sibi delatam authoritatem Pontificiam exercere  
 non præsumpserit, nisi confirmationem à Lega-  
 tis Imperatoris (ex abusu tunc temporis intro-  
 ducto) accepisset. Ex doctrina eloquentia, pie-  
 tate, iustitia & sanctitate, magnam sui nominis cele-



celebritatem consecutus est. Diuitibus & opulentis habenas quodammodo iniiciendo, pauperibus semper & fauit & benefecit. Plurimas Ecclesias reparauit. Corpus S. Gregorij eo loci transtulit, vbi nunc requiescit. Sanctorum vero Sebastiani & Tiburtij in Basilicam S. Petri importari curauit. Instante Imperatore, omnium sanctorum solemnitatem instituit, quæ eleganter à Rabano docto Theologo, carminibus & oratione soluta decantata est. Exinde Pontificatus sui anno decimo sexto mortuus est, & cū alijs Pontificibus sepultus. Sedes decem & sex dies vacauit.

SER-







**S**Ergius illustri domo Romæ natus, licet eius familia ob scriptorum negligentiam non exprimatur, eam virtutibus clariorem reddidit. Nec mirum, nam sub quatuor excellentissimis Pontificibus creuit, & instructus est. Eodem tempore Romam Ludouicus Lotharij filius, iuuenis arrogans cum valido exercitu venit, quem Pontifex in gradibus S. Petri præstolatus alloquens inquit, si pacificus adueniret eum sibi portas aperturum, sin secus diuinam vindictam subsequituram. Quare de pace per Ludouicum securior reditus, in Ecclesiam intrarunt Deo gratias exhibituri,



bituri. Ibidē Rex Italiæ inunctus est, diligentia-  
que adhibuit, vt quam fieri posset citissime Ro-  
ma egrederetur, propter detrimenta à militibus  
illata. Hanc ob causam Sergius ab omnibus ma-  
gnificatus est. Ex hoc ad reparationem Ecclesia-  
rum conuersus SS. Syluestri & Martini, multo-  
rumque aliorum sanctorum restaurauit. Mona-  
sterium iuxta SS. Petri & Pauli Ecclesiam exedi-  
ficauit. Postquam sanctissime Ecclesiam Christi  
visibilem tres annos gubernasset, è viuis exces-  
sit, ac in S. Petro sepultus est. Sedes duobus cum  
dimidio mēsis vacauit. Quod autem ad illud  
attinet quod Platina cum nomen suum immu-  
tasse, anteaq; os Porci vocatū asserit: adeo luculē-  
ter à Panuinio disputatum est, vt à nobis quic-  
quam dici non sit necessarium.

LEO







**L**eo quartus Romanus, vt suis maioribus doctrina, prudentia, religione, pietate, ac humanitate inferiorem se non præbuit, ita plurimos actibus heroicis superauit. Inter minutiora opera quæ perfecit, est quod, sedilia ante Lateranū posita, ex marmore confici curauit. Ornamenta etiam ex opere musino in S. Martino, & S. Syluestro eius iussu habita sunt. Crucem à Carolo Magno datam exornauit. Corpora Sanctorum quatuor Coronatorum adinuenit, Ecclesiamque in meliorem formam redegit, aliorumque Sanctorum corpora & reliquias in ea collo-



collocavit, quæ omnia maturius cōsiderata euidētissimam suæ sanctitatis fidem faciunt. Suis orationibus ex Ecclesia S. Luciae basiliscum, qui pestifero halitu plurimos infecerat eliminavit. Signo sanctæ Crucis maximū restinxit incendiū quod vicum integrum inflammarat. Aduenientibus Sarracenorum magnis copijs, quantula potuit comparata hominū manu, eis occurrit: primo tamen omnes confiteri & communicare cohortatione sua persuasit: ac ipse oratione facta & signo crucis impresso apud Portum Ostiensem eos in fugam vertit. Romā victor reuersus, opera mancipiorum quæ in hoc bello ceperat, in reparandis Urbis mēnibus vsus est. Quindecim turre propugnacula futuras erexit. Vaticanum mēnibus cinxit, & ex suo nomine Leoninam Urbē vocavit: ac tribus eius portis orationes in marmore insculpsit, quibus Deo ascribebatur, quod Urbem ab hostibus esset tutatus. Argento, portas S. Petri à Sarracenis asportatas reparari curavit. Ecclesiam S. Marię via noua edificauit, ac turrim in Vaticano. Synodum quadraginta septē Episcoporum cōuocauit, in qua Anastasium S. Marcelli Cardinalem Prębyterum, multis criminibus conuictum excommunicauit. Urbem Ostiensem colonis ex Sardinia, Corsicaq; deductis habitādam dedit. Accusatus, quod Romanum Imperium Constantinopolim transferre velle diceretur, se ab hac suspicione corā Lothario purgavit, qui ob eandem causam Romam venerat,



proinde calumniatores puniti. Alidolphus tunc temporis Angliæ Rex eas insulas Ecclesiæ tributarias fecit, & (vt breuibus multa inuoluā) postquam condignam statu suo vitam peregisset, & octo annos, tres mēses & sex dies Ecclesiam Dei administrasset, 16 Calēdas Augusti mortuus est, & in Sācto Petro sepultus. Eius obitu Sedes duobus cum dimidio mensibus vacauit. Eius tempore Ioannes Scotus, celeberrimus & subtilissimus Theologus viuebat.

Hoc loco





**H**Oc loco apponi solet Ioannes quidam Anglicus per Platinā Femina vocatus: sed quia res merè fabulosa est, vt doctissimè & prolixissimè deduxit Panuinius, & apud doctos beneq; in historijs versatos prorsus aboleuit hæc opinio, sub silentio pertransimus, de ea nec pluribus nec paucis differentes.

O 2

BENE







**B**enedictus tertius Romanus, ob vitæ sancti-  
tatem ad Pontificatū meritò sublimatus est,  
Leonique successit. Eam vero dignitatē duobus  
cum dimidio annis, & nouem diebus exercuit.  
Vno quoque autem, ob talem subrogatum Pon-  
tificem, præ gaudio exulante, ipse quod minùs  
capax tanti oneris sibi videretur, plorans inge-  
miscebat. In officio post longa suspiria confir-  
matus, tribus diebus continuis ieiunauit, ieiu-  
nioque prolixas orationes adiunxit, vt ab om-  
nipotente Deo gratiam, ad munus digne obeū-  
dum impetraret. Ingenij, corporisque dotibus  
omnibus



omnibus gratus erat. Plures Ecclesias ruinā minitantes reparauit. Instituit vt in exequijs Episcopi & Præbyteri, Pontifex cum Clero conueniret; & vice versa, vt in funere Pontificis Clerus non deesset: quod toto vitæ decursu strictissimè obseruauit, ægros sæpe visitauit, suæque pauperibus dispersit, viduis, pupillisque maximopere fauit. His transactis, ad beatiorē vitam migravit, ac cum maioribus sepultus est. Sedes 15 diebus vacauit.

O 3

NICO-







**B**enedicto mortuo, populus precib<sup>9</sup>, ieiunijs, alijsque orationibus vacabat; vt à Deo virum tantę dignitati idoneum obtinere posset. Longo tandē tēpore in deliberatione consumpto, Nicolaus ad statū Pontificiū obeundū assumpt<sup>9</sup> est: qui cū abesset, eiusque electionis fama ad ipsum peruolitasset, in Vaticanū ibidē latiturus cōfugit: vbi postea repertus, Pōtifex inuitus salutatur. Vbi vero Ludouicus Imperator Romā venisset, multis de Pontificatus statu & Imperij cū eo cōtulit. Cum iam Imperator Vrbe excessisset, & in loco quē Quintū vocant, cōsedisset, eodem se Pōtifex transtulit



transtulit: & post multas collationes, ab eodē amplissimis honoribus affectus est. Interea téporis, Tyberis maximè excreuit, & totā penè Urbem inūdatione sua deformās penetrauit, in cuius restauratione plurimū defudauit. Ad eundem Michael Imperator Constantinopolitanus, Legatos suos misit, eumq; munificentissimis muneribus prosecut⁹ est. Ioannē Rauennatē Archiepiscopū, quod in iudiciū legitimè vocatus, venire neglexisset, dignitate sua priuauit: qui postea tamē Ludouici Imperatoris precib⁹ & procuratione, cōditionibus datis & acceptis restitutus fuit. Vnde etiā publicè errorem suum agnouit. Ecclesiam S. Marię, vulgo Nouam appellatam reparauit. Ad fidem Bulgarorum Regem, cum omni populo reduxit. Ipsē Episcopos, à quibus in fide instruerentur, & confirmarentur, misit. Andalisiū Beneuentanū Ducē, cū Ludouico Rege reconciliauit. Sarracenos qui suis Beneuentū vsq; excursionibus intolerabilia detrimēta intulerāt, expulit. Communi cum Imperatore consensu decreuit, ne sæculariū quispiam, imo nec Imperator ipse in Concilio adesset, nisi fortè vbi de fide tractaretur. Vbi Ecclesiam sanctissimè septem annis, nouem mensibus, & tredecim diebus rexisset, mortuus est, & ante portas S. Petri vt viuens adhuc postulauerat, sepultus. Successore Sedes (vt communis fert opinio) octo annos, septem mēses, & nouem dies caruit.



ADRIANVS II. PONTI-  
FEX 108. Anno 867.


**A**drianus 2 natione Romanus, Sergio Pontifici familiaris fuerat : à quo cū denarios quadraginta dono accepisset, famuloque suo domum reuersus tradidisset, vt eos in pauperes qui in atrio instabant erogaret: responsumque esset tantillam summam tãto pauperum numero minime sufficere posse : ipse Adrianus acceptas pecunias pauperibus diuisit, cumque singulis tres donasset, media pars quę miraculose succreuerat, ipsi cessit, in quo magnum præsagium suæ in distribuēdis Ecclesiæ thesauris liberalitatis eluxit. Proinde conuenienter factum est, vt ei etiam inuito



inuito tanta dignitas deferretur: quod tantis populi acclamationibus actum est, ut ab Imperatore confirmatio expectari non potuerit. Quod indigne ferentes Legati, aliquam irati animi significationem dederunt; verum Imperator populo per literas gratulatus est, felicemque eam electionem iudicans approbavit. Per hunc Pontificem Synodus 383 Episcoporum Constantinopoli congregata est: in qua Photium Patriarcham hominem seditiosum officio dimouit, in eiusque locum Ignatium suffecit. Conclsum est ibidem, Bulgaros, Romanę Ecclesię, non Constantinopolitanę subijciendos esse. Ad extremum, ubi quinque annos, nouem menses & duodecim dies Ecclesię sanctissime præfuisset, ad feliciorē vitā pertransijt. Eius mortem, sanguis qui tribus continuis diebus pluit, prænunciasse videtur.

O 5

IOAN-







**I**Oannes octauus, ad Pótficiam dignitatē eue-  
ctus, Carolum Ludouici filium, Imperatorem  
denunciauit. Quare alij duo filij Caroli, qui in  
Germania habitabant indignati, cū magnis co-  
pijs in Italiam contra patrum aduolant: quibus  
occurrere parans Mantuæ à suo medico veneno  
infectus perijt. Pótifex iterum omnibus modis,  
ad Imperium Ludouicum Caroli iam dicti filiū  
promouere studuit. Hanc ob rem captus in vin-  
cula coniectus est; ex quibus amicorum quorun-  
dam opera liberatus euasit, ac in Gallias ad Lu-  
douicum refugit: apud quem per annū immo-  
ratus,



ratus, eūdem Regem inunxit; ac multas dissensiones inter Primates Ecclesiæ subortas, sua auctoritate & prudentia compescuit. Inde recessurus Ludouici permissu, Concilium apud Trecaſ habuit: in quo multa in Ecclesiasticæ tranquillitatis vtilitatem ordinauit. Flandris qui iam recēter ad fidem conuerſi erant, Episcopum legauit. In Italiam reuerſus, Sarracenos vastitatem omnibus terris inferētes adinuenit, & inter alia Montem Cassinum diripuerant, quos Pontifex Principum Christianorū fretus opera, ex Italia, & ex magna Sicilia parte depulit. Exinde Carolum tertium, Imperatorem declarauit. Ecclesiā decē annos, & duos dies administrauit, ac mortuus, in S. Petro sepultus est. Hic Ioānes (ne memoratu dignam silētio inuoluamus) B. Gregorij vitam quatuor libris doctē & elegāter scripsit & absoluit.

MAR-





## MARTINVS II. PONTI-

FEX 110. Anno 882.



**M**artinus secundus natione Gallus, indignus qui inter tot grauissimos & honestissimos Pontifices referatur. Iniquis & malis artibus ad hanc dignitatem peruenit, eamque 17 diebus solū obtinuit: quibus nihil omnino scriptu & memoratu dignum perpetravit, nisi quod Ioannem quem immediate subsequutus est, perpetuis factionibus inquietauerit, authorque fuerit, quod carceribus mancipatus, multas calumnias & iniurias sustulerit: si tamen id ei laudi duci debet, quod alijs vitio verteretur.

ADRIA.



ADRIANVS III. PONTI-  
FEX III. Anno 884.

**A**drianus tertius Romanus, ingenij acerrimi & generosissimi vir, ad Pontificatum assumptus, mox in initio Senatui, populoque Romano persuasit, ne in creatione Pontificis, authoritas Imperatoris, vel confirmatio expectaretur; sed vt electio liberè per Clerum, populumque fieret, quod antea per Nicolaum primū attentatum fuerat. Verum eo tempore quo quisque de eius animi magnitudine & generositate, fiduciam cōceperat. Mors eius vitæ insidiata, honestos eius conatus abrupit, & spes omnes in fumos



mos conuertit, decimo quarto vero sui Pontificatus mense mortuus est, magnum omnibus sui desiderium relinquens, in Basilica Sancti Petri sepelitur.

S T E-





PONTIFICVM. 223  
STEPHANVS VI. DICTVS  
V. PONT. 112. Anno 885.



**S**tephanus origine Romanus, eo tēpore Pontificatum adeptus est, quo Normanni & Daci cōiunctis viribus & armis, vniuersam penè Galliam deuastarunt. Eodem etiam tempore, Carolus vbi duodecim annis Imperio præfuisset, ob segnitiam & socordiam qua eueruatus erat, à suis dignitate priuatus est. Hunni in Pannoniam inferiorem descendentes, eiectis Gepidis & Auaribus, eam suæ ditioni subiecerūt. Plurima sunt huius Pontificis præclara facta, scriptorum oscitantia magna ex parte oblitterata. Sex annos & 15 dies dignitatem Pontificiam obtinuit. Eius morte



morte Sedes quinque diebus vacauit. Ea tem-  
pora Luithprandus Ticinensis Diaconus, Val-  
dridus Bauarus, & Bernardus Pietauiensis, cla-  
riora & illustriora reddiderunt.

FOR-





## FORMOSVS I. PONTI-

FEX 113. Anno 891.



**F**ormosus Portuensis Episcopus, quod coniu-  
 rationis cōtra Ioannem sibi conscius esset, in  
 Gallias relicto Episcopatu aufugit. Inde reuoca-  
 tus, cum parere recusaret, excommunicatus, &  
 omni Ecclesiastica dignitate exutus est, vna cū  
 veste, formam viuendi clericalem eiurauit. A  
 Martino tamen Ioannis successore, postea in pri-  
 stinam dignitatem restitutus, ad Pontificatū po-  
 tius largitionibus, quam sua virtute peruenit;  
 tametsi multos qui se ei opponerent aduersa-  
 rios haberet. In eo quinque annis, & mensibus  
 sex perseueravit, quibus peractis è viuis excessit.

P

Sedes



Sedes per 2 dies tantum Rectore orbata perman-  
sit. Eo tempore Remigius Antifiodorensis, vir  
sanctimonia & eruditione celebris claruit.

BONL





BONIFACIUS VI. PONTI-  
FEX 114. Anno 895.



**B**onifacius natione Tuscus, Formoso in Pontificatu successit: de quo id tantum præcipue referre possumus, quod legitima electione ad hunc gradum sublimatus fuerit. Nam ob temporis angustias nihil sibi, suæque dignitati respondens gessisse legitur, quod solum viginti sex diebus in officio perstitit; mortuus, in Basilica S. Petri sepelitur.



## STEPHANVS VII. DICTVS

VI. PONT. 115. Anno 896.



**S**tephanus sextus, natione Romanus Anagninus Episcopus, initio suscepti Pontificatus tanto in prædecessorem suum Formosum exarsit odio, vt omnia eius decreta & sanctiones abrogauerit, aliaque eius facta resciderit: nec eo contentus supra modum in eum ferocijt: effractis namque humanitatis & modestiæ repagulis, defuncti corpus effodi, duosq; dextræ digitos (quorum in consecratione potior est vsus) amputari curauit, vestibisque Pontificalibus exutum, laicorū ritu sepeliri iussit; nō diuini honoris zelo, sed quod ei dum Pōtificiam dignitatem ambiebat



bat, impedimentum posuisset. Id autem exemplum exauctorandi, & rescindendi superiorum acta, sic in successoribus inoleuit, vt posteri priorum Pontificū decreta, aut infregerint, aut omnino sustulerint. Porro Stephan<sup>9</sup> quindecim mē-  
sibus sedem occupauit, ex cuius morte tres tantū  
dies vacauit.

P 3

ROMA-







**P**roxime Stephanū, natione & nomine Ro-  
 manus subsecutus est, cuius acta etiam statim  
 improbavit, nulla in re ei similior quam in rei-  
 ciēdis maiorū suorū decretis & cōstitutionibus.  
 Romanus Thijaram Pōtificiam ritu solēni ade-  
 ptus, post tres menses morte sublatus, reliquit.

THEO.



THEODORVS II. PONTI-  
FEX 117. Anno 897.

**T**heodorus 2. patria Romanus, Formosi partes secutus, plæraq; eius acta restituit, eiusq; fautores officijs persecutus est. Eo tempore Saraceni Apuleiam ingressi, Montem S. Angeli occuparunt: quos Christiani tumultaria manu cōparata, profligarunt magna de hostibus facta strage. Theodorus vltra vigesimum diem Pontificatum suum non protraxit.





**I**Oannes natione Romanus non nonus, sed ex Panuini iustiori calculo octauus dicendus est. Hic etiam in Formosi partes inclinatio eius acta restituit, magna populi parte contradicente. Proinde tanta inter eos seditio exorta est, ut parum abfuerit, quin intestino tumultui intenti ad manus deueniretur. Hinc Pontifex Urbem deserens, Rauennam se contulit, ubi 74 Episcoporum coacta Synodo, Sthephani acta reprobauit, Formosi vero placita in integrum restituit. Itaque dum veteribus tragedijs fouendis, & nouis excitandis animū occupat, tanta maiestate nihil dignum



dignū prorsus effecit. Anno secundo, die quinto sui Pontificatus mortem obiit. Eodem tēpore Afri magna Calabriae parte occupata, cū iam rerum potituri viderentur profligati, & exterminati sunt, eorum Rege ictu fulminis diuinitus immisi, extincto.

P 5

BENE-







**B**enedictus natione Romanus, tandem post aliquot Pontifices degeneres, & litiū magis quam pacis amatores: propter humanitatē & singularem clementiam, quæ in eo relucebant, ad Papatum adscitus est. Eius tempore vix quicquā memoria dignum gestum est, vel saltem hominum incuria & negligētia suppressum. Sedis administrationē tres annos, & quatuor menses habuit. His peractis, ad beatiorē vitam, celebrem sui nominis memoriā posteris relinquens, emigravit. Sedes sex dies vacavit.

LEO





**L**eo quintus, cuius natale solū Historiographi  
siluerunt, postquam Pontificatū adeptus est,  
à Cristophoro familiari suo dominandi cupidi-  
tate inflamato, in vincula coniectus est, die post  
acceptam dignitatē quadragesimo. Leo hac con-  
tumelia perculsus, paulo post ex hac vita deces-  
sit.

CRIS-





**C**hristophorus cuius iam mentionem fecimus vili & obscuro loco oriundus (patriam enim eius, nec cognomentum à nemine expressum legimus) quemadmodum inquis artibus ad Pontificatum irrepserrat, ita infœlici casu ab eodem Deo permitēte decidit, nam 7 mense auulsus in monasterium retrusus est.

S E R.



PONTIFICVM.  
SERGIVS III. PONTI-  
FEX 122. Anno 902.

[237]



**S**Ergius in Christophori locum suffectus, La-  
steranensem Basilicam tunc ruinis & antiqui-  
tate collapsam, restaurauit. Christophorū è mo-  
nasterio extractum arcto carceri inclusit. In Gal-  
lias profectus. ea quæ sui muneris erant perfecit,  
ac inde Romam reuersus, Christophorum du-  
riori & angustiori ergastulo reuinxit. Formosi  
vero acta sic improbavit, vt quos ille sacris or-  
dinibus initiauerat, denuo consecratos esse vo-  
luerit. His necdum contentus, adeò indefunctū  
deseuit, vt eius corp⁹ è tumulo offossū, capita-  
li sententia, perinde ac si viueret damnauerit, ac  
tandem



tandem in Tyberim, tanquam hominis sepultura indignum proijci imperauerit. Sergius sui Pontificatus anno septimo, mense quarto, die decimo sexto mortem obiit.

ANA-





PONTIFICVM. 239  
ANASTASIUS III. PONTI-  
FEX 123. Anno 910.



**A** Nastasius tertius natione Romanus, in eo clementia & humanitate commendandus est, quod in maiores suos animum ferocem, aut liuidum non habuerit. Maximum vero laudis cumulum hoc nomine promeritus, quod vitam in ea dignitate, quam per duos annos exercuit, ita temperauit, vt nullius iustā incurreret reprehensionem.

LAN-





**L** Andus Romanus, Anastasio in Pontificatu  
 successit, cuius vita fuit adeo obscura, vt à  
 multis Pontificum cathalogo non inferatur, ab  
 alijs vero cum ijsdem refertur. Id porro in con-  
 fesso est eum nihil laude vel memoria dignum,  
 ad posteros transmississe. Mēſibus sex officio hoc  
 functus est, ijs euolutis, apud S. Petrum sepultus  
 est.

IOAN.



## IOANNES IX. DICTVS

X. PONT. 125. Anno 913.



**I**oannes Romanus, huius nominis nonus, natus patre Sergio Pontifice. Hic antea Præsul Rauennas cum esset, tumultuarijs vulgi seditio- nibus eiectus fuit. Pontifex vero factus, militare potius vitam, quam religiosam instituit. Contra Sarracenos etenim qui Græcis impellētibus in Italiam irruerant, Urbique excidium minabantur, Ioannes Alberi cū Etrurię Marchionem aduocauit: qui coniunctis viribus cum Sarracenis conferētes, eos fuderunt. Pontifex in Urbem reuersus, cum insolenter omnem victorię laudē sibi vendicaret, Marchionem cōtra se excitauit.

Q. proinde



proinde Vrbe pulsus Ortam se recepit, vbi oppido & arce securitatem quesuit. Postea Hungaros in Italiam aduocat, quam maioribus calamitatibus quam Sarraceni deformarunt. Romani cladibus exacerbati in Albericum ruunt, capiunt, obtruncant. Nec Pontifici in ea rerum perturbatione, maxime à militibus parcitum est, qui captum & incarceratum, ceruicali in os eius iniecto suffocant. Pontificem 13 annis, 2 mensibus, & tribus diebus egit. Eum in officio Ioannes quidam subsecutus est, qui quod malis artibus Sedem occupasset, & inde statim eiectus fuit, dignus non putatur qui inter Pontifices recenseatur.

LEO





PONTIFICVM.  
LEO VI. PONTI-  
FEX 126. Anno 928.

243



**L**eo 6 laudatorū Pontificū albo vt inscriberetur dignus fuit, quippe qui legitimis suffragijs ad Pontificatum peruenit, nec quicquā in vita ferox, aut tyrannicū pre se tulit, sed ad oēm modestiā & virtutē, vitā suā accomodare conatus est, Urbē Romā superiorū annorū iniquitate defēdatā reformare, tumult⁹ sedare, corrupta resarcire, Barbaros ex Italię finibus summa animi cōtētionē arcere studuit. His officijs nō solū Urbē, sed & totam Italiam sibi deuinxit. 7 mēsibus (sed lōgiori vita dignus bonorū iudicio probatus) in officio perseuerauit. Mortuus apud S. Petrum sepultus est.

Q. 2

S T E.





**S**tephanus huius nominis 7 natione Romanus fuit. Rebus ab eo gestis historiarum non admodum referte sunt. Hoc unicum maxime in eius laudem redundat, quod toto vitae decursu fuerit mansuetudinis & religionis exemplar. Sed et duobus annis & 42 diebus administravit: quibus absolutis ex hoc mundo migravit, & ad S. Petrum corpus eius humatum est. Ex historiis autem legimus, eodem tempore Spirineum Bohemiarum Regem, & Ugibertum Lotharinge Principem, qui monasterium Gemblacense erexit, fidem Christianam amplexos fuisse.

IOAN.



PONTIFICVM.  
IOANNES X. DICTVS  
XI. PONT. 128. Anno 930.

245



**I**oannes decimus Romanus, ad Pontificiã sublimitatem eo tempore euectus est, quo Genua à Mauris capta, & ad extremas angustias redacta fuit. Eodem tempore Rachorius, qui ex monacho Pontifex postea factus est, multa opera edidit. Ad hæc quatuor annis decem cum dimidio mensibus Ecclesiam rexit. Rerum autem ab eo gestarum, magnam Historiographi non faciūt mentionem. Mortuus in Sancto Petro sepultus est. Status vero Pontificius 12 diebus vacauit.

Q3

LEO





**T**Rium cum dimidio annorū, & decem dierum spatio, quibus Leo 7 natione Romanus, Ecclesię gubernacula administravit, vix quicquā memoria vel annotatione dignum, quod scriptoribus scribendi ansam præbuerit, perpetratum est. Hoc vnum sub silentio præteriri non debet, Vvinceſlaum principem honestissimum, Spiri- nei Bohemiæ Ducis filium, eodem tempore sanctitatis suæ fama, omnibus sui maximam admirationem ingenerasse.



## STEPHANVS IX. DICTVS

VIII. PONT. 130. Anno 939.



**S**tephanus 8 natione Germanus, non magnam sui nominis, vti nec predecessor, ad posterius celebritatem transmisit: grauissimis enim seditionibus, quibus incessanter agitatus est, quominus id faceret, impeditus est. Quin imo, vt ex historijs accipimus, adeò insolenter à suis exceptus est, vt mutilatus & mactus, ab ijsdem effectus nunquam deinceps in publicum prodierit. Ecclesiam nihilominus tres annos, 4 menses, & 12 dies administrauit, quibus consumptis, alteri locum cecidit





**S**tephanum, benignitate & humanitate Martinus imitatus est, nam Ecclesias antiquitate temporis corruptas reparauit, in pauperes maximas eleëmofinas distribuit. Cum vero inter Ottonem Germaniæ, & Lotharium Franciæ Regē, ardentissimum bellum coortum esset, velletque Otto manu ad prælium accensa, in Italiam descēdere, hic Pontifex nullum non mouit lapidem quò inter eos pacem cōponeret. Dum hæc agerentur, ad beatiore vitam euolauit, vbi Cathedram S. Petri 3 annos, 6 mēses, & 10 dies direxisset. Eius ex morte Sedes 10 dies Rectore caruit.

A G A-



AGAPETVS II. PONTI-

FEX 132. Anno 946.



**A** Gapetus natione Romanus, de quo paucissima quę memorentur extant, nisi quod eo tempore Ecclesiam rexit, quo Hungari Italiā inimicissimè infestarunt, quos Henricus Bauariæ Dux bis in fugam egit. Agapetus singulari bonitate cum esset, rempublicam Christianam, maximo zelo persecutus est. Diem clausit extremum, ubi 9 annos, 7 mēses & 10 dies officio Pastoralis functus esset.

Q5

IOAN-





**I**oannes 11 Alberici filius, vel (vt alij referūt) Alberti Italiæ Regis : qui licet ob vitæ demerita, tam augusta dignitate, parum dignus haberetur, tamen ad Pontificatum fauore & potentia patris peruenit. Quo facto indignati duo Cardinales, litteras ad Ottonem Germaniæ Regem, secreto scripserunt, quibus eum obnixè obsecrabant, vt ouile Christi Saluatoris, pastore tam indoneo liberaret. Quod vbi ad aures Pontificis deuenisset, vni nares, alteri manum abscidi curauit. Otto vero appulsus, munificentissime, nec aliter quam si alter Pontifex esset, exceptus est.

Et ab



Et ab eodẽ Ioãne Imperator coronat<sup>r</sup>. Apud quẽ cum instantissime ageret, vt tanto statui vitam respondẽtem duceret, nec quicquam suis admonitionibus proficeret, Romæ Concilium contra Ioannem cõgregauit; qui metuens, sibi pedibus securitatem quesuit, atque Anagninum versus perrexit, vbi aliquanto tempore delitescẽs se cõtinuit. Eius in locum Leo ciuis Romanus subrogatus est, qui post decessum Ottonis ab Vrbe officio, amicorum Ioãnis procuratione auulsus est, Ioannesque reuocatus, in pristinam dignitatem restitutus, non multo post è vita decessit. Romani proinde Ottonem rogarunt, vt Benedictum à se Pontificem creatũ cõfirmaret: quod renuens, Leonem eosdem recipere coegit. Ioãnes igitur vbi nouem annis, tribus mensibus & 5 diebus, officio sine laude perfunct<sup>r</sup> fuisset, obiit. Post eum Sedes duodecim diebus vacauit.

BENE







**H**ic Benedictus absque iusta causa legitimorum Pontificum cathalogo inseritur: nam ut bene Panuinius annotauit, Schismaticè amicorum Ioannis fauore, dum omnia turbulenta forent, in officium intrusus erat, ac proinde Romani ipsum ab officio dimouere, & potestati Ottonis, qui fines Italiæ excursionibus vastabat, tradere coacti fuerant, ac Leonem pro legitimo Pontifice recipere. Benedictus igitur per Ottonem in Germaniam eductus, Ratisbonam relegatus est, vbi tristitia & merore paucis post diebus, vitam terminauit.

L E O.



LEO VIII. PONTI-

FEX 134. Anno 963.



**E**X ijs quæ diximus, ac deinceps dicturi sumus, clarum euadit Leonem, non Benedictū Ioannis legitimum successorem fuisse. Nam instantibus Romanis apud Ottonem, vt Ioannem amoueret, ac alium magis idoneum in eius locū substitueret, respondit quod ipsorum ac Cleri interesset eligere, suum vero confirmare. Quare Leonem elegerunt, quem Imperator approbauit. Interea temporis tumultibus exortis, Leone reiecto Benedictum opposuerunt: quare Otto non immerito indignatus, Romanos Leonem recipere, ac Benedictum expellere via facti cōpulit.



pulit. Leo tantam in populo perspicuens animi  
variationem, decreto sanxit, vt totum ius, quod  
populo & Clero in electione cōpetebat, soli Im-  
peratorī cederet. Eius Pontificatus vltra sedecim  
menses non est prorogatus.

IOAN-





PONTIFICVM.  
IOANNES IX. DICTVS  
X. PONT. 135. Anno 965.

255



**I**oannes duodecimus Romanus, Narniensis  
Episcopus, Pontifex electus in eo statu septē  
annis 25 diebus minus vixit, quo tēpore magnā  
in populo Romano, instabilitatem expertus est.  
Nā cū è Terra Laboris Ducē Geofridū euocas-  
sent, vi irruperunt, Ioannemque captum, castro  
incluserunt, ac postea Capuam relegauerunt.  
Cum vero iam dictus Geofridus, cū filio quem  
habebat vnicum, per Principem Capuanum  
deletus esset, Pontifex vndecimo post exilij  
diem, mense Romam redijt. Iisdem temporibus  
Otto vt erat Imperator Catholicus in Italiam  
cum



cum potenti exercitu descēdit, secum Ottonem filium adducens, qui vbi legitime iniurias Ioanni illatas, per informationē intellexit, auctores puniuit. Postquam Otto iunior Theophaniam, Græcorū Imperatoris sororem, in vxorē duxisset, Ottonis senioris permissu, ambos corona Imperij Occidētis insigniuit. Ad hæc Ioannes Capue Ecclesiam Metropelitanā instituit, ac paulo post, dies finiuit, vnde & 13 dieb' Sedes vacauit. De hoc refert Panuinius, quod primus extiterit (licet alij Ioanni 11 tribuant) qui nomen Pontifex factus mutauerit, cum antea Octavianus diceretur. Id vero parum probabile videtur, cū ratio nulla cur id faceret subesset, presertim nomine maiestatis & grauitatis pleno præditus, si aliorū Pontificum nomina, minus magnifica inspiciamus.

BENE-





PONTIFICVM. 257  
BENEDICTVS V. DICTVS  
VI. PONT. 136. Anno 972.



**B**enedictus, in Pontificatu & calamitatibus,  
tunc temporis ingrauescentibus, Ioanni suc-  
cessit, qui Curtij ciuis Romani potentissimi vi  
& insidijs comprehensus, in S. Angeli castellum  
coniectus est, vbi eūdem morte affecit fame, vt  
quidam volunt, vel iuxta aliorum opinionem  
laqueo. Quomocunque euenerit, vnus anni  
cum dimidio spatio solum modo in officio per-  
seueravit.

R

DO.





**D**Onus 2 natione Romanus, vt vltra annum Pontificatum non protraxit, ita nec res memoria dignas exequi potuit. Hoc vno excellit, quod tantæ modestiæ fuerit, vt nihil in vita perpetraverit, quod vitij titulo notari debeat. Mortuus in Ecclesia S. Petri sepultus est, Sedem duobus diebus vacuam reliquit. S. Adalbertus Pragensis Episcopus, vitæ sanctitate celeberrimus, Regem Hungariæ baptisauit. Cū vero in Prussiam trāsmigrasset, ibidem martyrio coronatus est.

BONI-



BONIFACIVS VII. PON-  
TIFEX 138. Anno 974.



**B**onifacij 7 patria reticetur, ex eo (vt probabile est) quod parū se idoneū pastorem præstiterit: presertim cū Magicis artibus Papatum obtinuerit; Hinc in eum à plurimis cōspiratum est, ac proinde fugam capere compulsus fuit acceptisque ex Ecclesia S. Petri pretiosioribus auri & argēti vasculis, Cōstātinopolim se recepit: ex quibus cū magnā argenti summā cōflasset, ea in corūpendis aduersariorū animis vsus est. Huic machinationi plures probatæ vitæ homines se opposuere, ac inter alios quidā Iohānes Cardinalis quē auxilio & satellitio improborū Bonifacius



comprehendi, ac oculos ei erui curavit. Verum  
non diu pœnam distulit, nam quinto die post,  
Pontificatus vero sui septimo mense obijt. Sedes  
viginti diebus vacavit.

BENE.





## BENEDICTVS VI. DICTVS

VII. PONT. 139. Anno 975.



**B**enedictus natione Romanus, simul atque ad Pontificatum peruenit, cōcilium coegit, quo Arnoldum Episcopum Remensem restituit, qui factionibus maleuolorū, è sede sua deiectus erat. Eodem tempore, Sancti Bartholomæi Apostoli corpus Beneuento Romam, per Ottonem Imperatorem delatum est. Paucis post diebus, Imperator defunctus, in Vestibulo S. Petri (quod aliter Paradisum vocant) inhumatus est, cui Otto tertius eius filius successit. Benedictus vbi Sedem Sancti Petri, octo annos, sex

R 3

menses



mensēs administrasset, ad beatiorem vitā ex hoc mundo migravit. Status vero Pontificius quinque diebus gubernatorem desideravit.

IOAN.





## IOANNES XIII. DICTVS

XIIII. PONT. 140. Anno 984.



**I**oannes decimus tertius Romanus, seu vt alij volunt, Papiensis, tertio post inaugurationem mense, à Romanis captus, & in arcem Sancti Angeli intrusus est: in qua breuissimo tempore dies miserijs finiuit, & in S. Petro sepultus. Depositionis autē causam hoc loco attexere superfedemus. Quidam tamē volunt, ipsum morte affectū ex procuratione cuiusdam Ferrucij, Bonifacij 7 patris, qui multis valebat opibus: quod filio suo in Pōtificatu impedimēto fuisset, quod minus probabile videtur, præsertim cum si id

R. 4. in animo



in animo Ferrucio fuisset, minori cum periculo  
& difficultate executus fuisset, antequam Ioan-  
nes ad gradum tam sublimem peruenisset.

IOAN.





PONTIFICVM. 265  
IOANNES XIII. DICTVS  
XV. PONT. 141. Anno 985.



**I**oannes 14. Romanus, nauem Ecclesiæ octo mensibus direxit. Initio Pontificatus Clerum inuisum & odiosum habuit, ac vice versa eū Clerus ceu inimicum persecutus est. Primus fuit qui pessimo successoribus relicto exemplo, parentibus & amicis, bona temporalia & Ecclesiastica diuisit. Ad extremum mortuus, in Ecclesia Sancti Petri sepultus est. Eodem tempore ingentis magnitudinis cometa sese exhibuit. Capua & Beneuentum Vrbes, maximis terrę concussionibus agitatae sunt.





**I**oannes decimus quintus, natione Romanus, propter raram doctrinā celebris, plurima opera eleganter composuit. Cum vero seditionibus Crescentij qui Romæ principatū ambiebat, plus æquo vexaretur, in Etruriam voluntario exilio secessit. Verū cum Crescētius Othonem Pontificis incommodis commotū, in Italiam cum copioso exercitu descendere intelligeret, precibus & legationibus Ioannem rogauit, vt Imperatori ab incæpto desistere persuaderet. His euitus postulationibus in Urbem reuersus est, cui obuiam Crescentius cum sequacibus factus, eundem



dem ad Lateranum vsque comitati sunt, atque in  
portę vestibulo, eius pedes exosculati, veniam si-  
bi postulantes obtinuerunt. Ad extremum anno  
decimo, mense sexto, die decimo sui Pōtificatus  
mortem obiit. Qui postea sex dies Vicario suc-  
cessore caruit.

GRE-







**I**N gratiam & fauorem Othonis Imperatoris, qui tunc Romæ aderat, Gregorius 5 natione Saxo, quod ex eius esset prosapia Pontifex declaratus est, antea Bruno vocat<sup>9</sup>. Qui Othone postea ex Italia reuerso, cum per omnia Romanorū tumultibus inquietaretur, primo in Etruriā, mox in Germaniā sese recepit. Dum hæc agitantur, Crescentius Consul designatus, plena & integra authoritate Pontificem quendam Græcum, Ioānem Episcopum Placentinum, non minus opulentia, quam doctrina pollentem creat. His auditis Imperator cum ingenti exercitu in Italiam ingre-



ingreditur, quem Romani portis apertis introduxerunt. Crescentius autem & Ioannes, minus sibi fidentes, se in arcem receperunt, qui paulò post apud Imperatoriam Maieſtatem errati, veniam ſe conſecuturos ſperantes ſeſe dediderunt. Exercitus autem poteſtati traditi, Crescentius ſubito occiſus eſt, Ioannesque dignitate & ſtatu priuatus, lumine ſimul, ac vita ſpoliatus eſt. Sic Gregorius poſt vndecimum exilij ſui menſem, dignitati priſtinæ reſtitutus eſt: qui protinus ſanxit, vt Imperatoris eligendi authoritas penes ſolos Germanos reſideret, ac deinceps à Sede Apoſtolica confirmaretur: licet Panuinius innuat id decretum à Gregorio 10 emanasse. Poſt duos annos & quinque ſui Pontificatus menſes, obiit. Sedes 15 dies vacauit.

IOAN-







**A**bsque merito hic Ioannes Pontificum cathalogo inscribitur (vt etiam aperte Panvinius annotauit) quandoquidem favore Crescentij quē corruerat, dignitatē Papalem inescauerat, praesertim Gregorio tunc temporis legitimo Pastore adhuc superstite, ac proinde dies suos misera morte terminasse fertur, vbi Sedē schismaticē decem mensibus occupasset, quae 20 diebus vacauit.

SIL.



## SILVESTER II. PONTI-

FEX 144. Anno 998.



**P**Latina opinionē cuiusdā Martini Cisterciēsis secutus, plurima mala in odiū & ignominiā Siluestri secundi, natione Galli congerit: quod videlicet Magus & Nigromanticus fuerit, quod opera dæmonis creatus fuerit Pontifex, à quo etiam responsum accepisse refert, se non prius moriturum, quam Hyerosolimam profectus esset, quodque Missam ad Sanctam Crucem in Hierusalē celebranti, se mori oportere ex prognosticatione dæmonis in mentem venerit: qua ex cogitatione compunctus, errorem suum, & culpam confessus sit, ac quod post mortem  
ibi



ibi se sepeliri curasset, quo corpus ei<sup>9</sup> currui impositum, per duos equos traheretur; qui cū in S. Ioanne Lateranensi constitissent, ibidem sepulturæ traditum fuisse. Quæ omnia vt fabulosa ac mera mendacia reiicit Panuinius, multisque authoritatibus docet Syluestrum, antea Gilbertum vocatum, Philosophum & Mathematicum fuisse excellētissimum: ac proinde primo Remensem Episcopum, deinde Rauennatem, ac postremo Pontificem maximum creatum fuisse. Sed cum Mathematici eo tempore ab imperita multitudine parui estimarentur, Nigromantiæ addictus fuisse creditus fuit. Dignitatem Pontificiam 4 annis, mense vno & decem diebus obtinuit.

IOAN-





IOANNES XVII. DICTVS

XVIII. PONT. 145. Anno 1003.



**I**oannes decimus septimus, qui potius decimus sextus dicendus esset. Nam alter (de quo supra diximus) schismaticus, & quo ad Natalè solum attinet, incognitus. Quatuor tantum menses, & viginti dies in Pontificatu vixit. Hinc euenit, quod nihil memoria dignum post se reliquerit. Eius tempore maximus Planeta apparuit, terribilesque terræ motus acciderunt.

S

IOAN-





**D**E Ioāne 18, natione Romano, pauca memorabilia, & quæ ad posteros transmittantur digna reperiuntur. Nam se totum socordix & ignauix mancipauit. Papatum quatuor annos & totidem mēses obtinuit: quibus euolutis, 19 diebus Rectorem non habuit. Christianam rempublicam Robertus Galliarum Rex, maximè illustrauit. Nam vitæ sanctitati, singularem doctrinam coniunxit, qua adeo coruscabat, vt in publicis disputationibus, neminem sibi parem reperiret.

S E R.



PONTIFICVM.  
SERGIVS IIII. PONTL  
FEX 147. Anno 1009.

275



**S**Ergius quartus Romanus, homo admodum tractabilis, modestus, ac clemens fuit. Et is habitus, qui in pauperes plurima charitate commendatissimus erat. Adeò prudenter & urbanè toto sui Pontificatus tempore, sese in omnibus rebus gessit, vt in nullius reprehensionem, meritò incurreret. Eius exhortationibus & persuasione, Christiani Principes animati, coniunctis viribus & armis, Sarracenos Scicilia expulerunt. Quain re maximam sui nominis celebritatem, Guilhelmus Normannus cognomèto, Forte, vel Ferreum brachium, propter animi corporisque



fortitudinem consecutus est. His peractis, Sergius relicta suę sanctimonie opinione gratissima secundo sui Pontificatus anno, die vero decimo quinto, inter viuos esse desijt. Et in S. Petro sepulturę mādatus est. Sedes octo diebus vacauit.

BENE-





## BENEDICTVS VII. DICTVS

VIII. PONT. 148. Anno 1012.



**S** Ergius, Benedictum octauū successorem habuit, natione Tusculanum. Hic Pontificatus sui initio, Henricum Bauarum, qui illius ergo Romam venerat, Imperatorem coronauit; ad quem Othone tertio defuncto, Imperium deuolutum erat. Post huius obitum Benedictus à factionosis perturbatoribus, è sede & potestate deturbatus est, aliusque in eius locum subrogatus. Verum ubi cum inimicis in gratiam, odijs & simulationibus sepultis rediisset Antipapa extruso, in pristinam dignitatem restitutus est: in quo vndecim annis & 44 diebus perseuerauit. Mortuus in



S. Petro sepulturam sortitus est. Ex historijs hoc de ipso legitur, quod per visionem quidam Episcopus eū nigro equo insidentē, & per solitudinē errantem viderit, sciscitantique causam Benedictus respondens, supplicauerit, vt suo nomine certam pecuniæ summam, certo aliquo loco recōditam, & à se demōstratā pauperibus erogaret: affirmans omnes eleēmosinas à se viuēte factas, sibi nihil omnino profuisse, quod illę ex rapinis & iniusto quæstu, factę fuissent.

IOAN.





PONTIFICVM.  
IOANNES XIX. DICTVS  
XX. PONT. 149. Anno 1024.

279



**I**oannes 19 natione Romanus, iuxta quorundā opinionem, ex Episcopo Portuensi, vel secundum alios, nullis ordinibus initiatus ad ad supremam Ecclesiæ dignitatem peruenit. Qui licet eā vndecim annis, & nouem diebus administrauerit, nihil tamen memoratu dignum à se gestum reliquit, nisi quod Conrardum Sueuum, qui Hērico successit, Imperij corona insigniuerit, qui ob eam causam in Italiam aduentarat, Ioannistamen vita sua laude non caruit. Eius morte Sedes octo dies vacauit.

S 4

BENE-



## BENEDICTVS VIII. DICTVS

IX. PONT. 150. Anno 1032.



**B**enedictus nonus Tusculanus, ut à nonnullis  
 refertur, Ioannis Pótificis nepos: quem Ro-  
 mani ignauix eius pertæsi (ut factitare tunc tem-  
 poris solebant) à dignitate amouerunt, aliumque  
 Siluestrum tertium, antea Ioannem Cardinalem  
 Sabinum, suffecerunt: quo post 40 dies ab officio  
 amoto, Benedictus iterum restituitur. Verum ne  
 in eadem incommoda reincideret, cum timeret  
 libere celsit, vel ut alijs placet, Ioanni Archidia-  
 cono, qui nomen Gregorij sexti obtinuit, vèdi-  
 dit. Ad extremum Benedictus, vbi pluribus vi-  
 cibus Pontificatum decem annis, quatuor men-  
 sibus



sibus & 9 diebus administrasset, mortem obiit. Qui vt ait Platina, imagine horrenda cuidā apparuit, causamque interrogatus respondit, eam esse Dei & S. Petri, quod eius officium indignè adeo administrasset, voluntatem. Panuinius aliud adijcit: quod nimirum Benedictus restitutus, aliū secum Ioannem nomine ordinari petierit: vnde accidit, vt tres Pontifices eodem tempore extarent, qui tamen proborum virorum autoritate & precibus annuentes, iuri & electioni suæ cesserunt: ac Ioannes Gratianus Archipræbyter, in eorum locum subrogatus est, qui nomen Gregorij sexti delegit, de quo postea latius.

S 5

SIL-







**H**ic iusta ratione, è Pontificum Cathalogo expungi deberet, quandoquidem (vt prædictum est) cum Cardinalis Sabinus esset, in depositione Benedicti, Pontifex non patrum electione, sed ab alijs corruptis, & ad hoc subornatis hominibus factus sit. Vnde expleto 49 dierum curriculo, ab officio pulsus est, & Benedictus restitutus.

GRE



PONTIFICVM. 283  
GREGORIUS VI. PON-  
TIFEX 151. Anno 1045.



**Q**Vibus cuniculis, quoue modo Gregorius 6  
creatus Pontifex fuerit, superius in Bene-  
dicti vita declaratum est. Eo tempore  
Henricus tertius, in Italiam cum magno exerci-  
tu descendit: vbi coacta Synodo, prædictos Pō-  
tifices officio & dignitati renunciare coegit, &  
vt refert Panuinius, Gregorium Cluniacum ex-  
ultatum misit, & Sindegerum Bambergensem  
Episcopum, Pontificem denunciari curauit, qui  
se Clementem secundum vocauit. Verū de Gre-  
gorio historiæ referunt, quod Sedem Aposto-  
licam negligentia prædecessorum vilescientem,  
hono-



honoratiorem reddiderit, Ecclesiæ iurisdictionem in integrum restituerit, itinera securiora effecerit, quæ à grassatoribus maxime suo tempore infestabantur. Cum vero sese moriturum animaduerneret, ut sinistram opinionem quam de se populus conceperat, à se auelleret: ordinavit ut mox post obitum corpus eius ante Ecclesiam, portis clausis deponeretur, quæ si nutu & voluntate diuina ultro aperirentur, sepultura dignus, sin minus damnationi subiacere diceretur. Cum iam, ut in mandatis dederat, omnia confecta forent, ex improviso, ventus validus exortus portas reserauit: vnde omnibus qui tunc aderant admirantibus, idem cum euidentissima sanctitatis opinione, sepultura honoratus est.

CLE.





PONTIFICVM.  
CLEMENS II. PONTI-  
FEX 152. Anno 1047.

285



**C**lemens 2, antea, vt iam dictum est, Sindergerus appellatus, voluntate & imperio Hērici tertij factus Pontifex; ex cuius manibus Imperij coronam recepit, Romanosque iuramēto se astringere coegit, quod deinceps electioni Pontificum, nisi ab Imperatore adacti, sese non interponerent. Nihilominus tamen, Imperatore in Germaniam reuerso, Romani Clementem contra suum arbitrium euectum, veneno è medio sustulerūt. Hinc nono post inaugurationem mense, vita & dignitate spoliatus obiit.

D A M A





**D**Amasus 2, Bauarus, cognomēto Bagniarius, vel vt alijs placet Pepo, dignitatem Pontificiam vi, & contra Cleri, populiue volūtatem occupauit. Vnde, iusta Dei vindicta, nō amplius quam viginti quatuor diebus, eadem potitus est: hoc ita refert Platina, qui hoc adhuc adiicit, secundum quorundam opinionem, merito inter Pontifices computari non oportere. Verum Páuinius contrarium omnino censet (excusat tamen Platinam, propter magnam qua tunc temporis laborabatur librorum penuriam) ac legitimis authoritatibus probat, non solum Dama-  
sum,



sum, verum etiam tres immediate subsequentes,  
honestissimos & sanctissimos viros fuisse, quippe  
qui sua industria Ecclesiasticū statū, multis titu-  
lis illustrarunt, ac omnes quatuor Henrici tertij  
authoritate, & procuratione, electi fuerunt.

LEO







**L**eo 9 natione Almannus, Episcopus Tullen-  
 sis, antea Bauno vocatus, ad eam dignitatem  
 hoc pacto peruenit. Romanis Imperatorem ro-  
 gantibus, vt sibi de vno Pastore prouideret: illis  
 hunc Episcopum probatæ & sinceræ vitæ lega-  
 uit. Qui cum Romam ornatu Pontificio profi-  
 cisceretur, Abbas Cluniacensis, & Hildebrādus  
 monachus, ei obuiam processerunt, consilium-  
 que dederunt, vt tanquam homo priuatus depo-  
 sito habitu in Urbem ingrederetur: quod autho-  
 ritas creandi Pontificem, non Imperatori, sed  
 Clero populoque Romano cōpeteret. Illis in  
 omni-



omnibus acquieuit, seipsum ob nimiam simplicitatem redarguens. Romam appulsus fauore & auxilio Hildebrandi, Pontifex creatus est, & ipse Hildebrandus Cardinalis factus. Eodem tempore Leo cogitās Beneuentum per Gisulphū Normannum, superioribus diebus occupatum recuperare, ipse cum Cæsaris exercitu victus, in manus ipsius Gisulphi captiuus venit, quem tamen honeste cum securo comitatu, Romam remisit. Deinceps domum suam pauperibus & peregrinis semper patentem habuit. Cū vero semel vno dierum vesperi, leprosus ei occurrisset, misericordia motus, eundē in proprio lecto souit: qui cum postridie non reperiretur, Saluator fuisse putatus est. In oībus Religionis pūctis, se maximē diligentem exhibuit. Berengarium hæreticum excommunicauit. Imperatorem Constantinopolitanum suis orationibus eo adegit, vt sepulchrum Iesu Christi à Barbaris dirutū, denuo restauraret. Ad extremum morte sublatus est, postquam Ecclesiam quinque annis, duobus mensibus, & sex diebus administrasset.

T

VL







**H**enrici Imperatoris autoritate, quē Rōmā  
ni maxime formidabāt, Victor 2 antea Gle-  
bādus, Bauar<sup>o</sup> nominat<sup>o</sup>, ad Papalē dignitatē pro-  
motus est: & ob eā causam Hildebrādus ad Impe-  
ratorē legatus est. Victor cōfirmatus, Florētię Sy-  
nodū, cū cōsensu Imperatoris, cōgregauit: in qua  
plures Episcopi ob simoniā, alij propter fornica-  
tionē, dignitatibus priuati sunt. In eodē formam  
bene viuēdi Ecclesiasticis proposuit, ijs poenam  
statuit, qui leges Canonicas transilirent. Anno 2,  
mense tertio, die 13 sui Pontificatus diem extre-  
mum obiit. Eius morte Papatus 11 dieb<sup>o</sup> vacauit.

S T E-



## STEPHANVS X. DICTVS

IX. PONT. 156. Anno 1057.



**S**tephanus nonus, Lotharingus, antea Fredericus vocatus, ex Abbate Montis Cassinensis Pontifex creatus est. Mox procurauit vt Mediolanensis Ecclesia, quæ se ducentis annis à Romana subtraxerat, cum eadem communionis vinculo reuinciretur, eidemque obedientiam prestaret. In Pontificatu septē mensibus, & octo diebus tantummodo vixit, ac Florentiæ mortuus, ibidem sepultus est. Hic vt quidam volunt, Hæricum quartum tanquam hæreticum excommunicauit.

T 2

BENE





**H**ic Benedictus 10, primò Minzius vocat⁹, & Episcopus Veliternus, nō legitimè, sed pro-curatione quorundā nobiliū, ad hunc statū pro-motus est. Nam Sede vacante, cum Hildebrādus Florentiam versus tenderet, Clerus eidē promi-serat, nihil noui super electionē cuiusquā moli-turū. Proinde in Urbem reuersus, ipse cum mul-tis alijs, hanc Benedicti electionē, non æquo fe-rentes animo, eundē multis cōtentionibus amo-uerunt, ac Velitras relegauerūt, mēse 9, die 20 suę perceptæ dignitatis : eius vero in locū Gerardus Florētinus antistes, Hildebrādo Cardinale vrgē-te, subrogatus est.

NICO-



## NICOLAUS II. PONTI-

FEX 157. Anno 1059.



**N**icolaus 2 Allobrox, ex Episcopo Florentino (vt dictum est) Pontifex Senis creatus est. Qui statim Sutrium profectus, cōcilium habuit, cui plures Episcopi, & Principes Italiæ interfuerunt. In eo Benedictum dignitati Pontificiæ, renunciare coegit. Postea Romam reuersus, secundum concilium apud Lateranum congregauit, vbi ordinauit, vt quicumque Pontificatum alio modo, quam concordi Cardinalium electione obtineret, pro excommunicato & apostata haberetur. In eodem etiam concilio, Berengarius Heresiarcha argumentis, & rationibus



ab ipso Pontifice in mediũ allatis, victus & confutatus palinodiam cecinit, erroremque reuocavit. Hic Nicolaus cum iurgium, cum Roberto Guiscardo, propter certas terras, quas Ecclesiæ ademerat haberet, eius rogatu in Apuliam pertransiit, ac ijs recuperatis, eundem Apuliæ & Calabriæ Ducem creavit, Ecclesiæque vestigalem fecit. Eiusdem Roberti fretus auxilio, quosdam subditos Ecclesię rebelles perdomuit. Henricum quartum Imperatorẽ coronavit. Ecclesiã 4. annis, 7 mensibus, minus 4 diebus rexit, quibus elapsis, ad beatiorẽ vitã emigravit. Sedes duodecim diebus vacavit.

ALEX.





## ALEXANDER II. PONTI-

FEX 158. Anno 1061.



**A**lexander secundus Mediolanensis, primò Anselmus vocatus, ob singularem humanitatem & doctrinam, de Episcopo Lucensi Pontifex absens creatus est. Tunc Episcopi Cisalpini, ope Giberti Parmensis, ab Imperatore impetrarunt, vt alium possent eligere. Quare Cadulum Episcopum Parmensem, vnanimi conatu creauerunt, cui ( vt refert Panuinius) Honorij 2 nomen impositum fuit: quem Cisalpini Principes omnes honore, quo Pontificem decet prosecuti sunt, excepta Matilde matrona sapiētissima, quæ Romanæ Sedi magis adherendum semper arbi-



trata est. Hic Antipapa, ab aduersarijs Alexandri Romam accitus, causa fuit cōflictus initi in pratis Neronianis, in quo plurimi, ex vtraque parte mortem oppetierunt. Hic vero fugatus, cū iterum per seditiosos reuocatus esset, cum validiore exercitu aduenit, ac Leoninam Urbem, Ecclesiamque S. Petri occupauit: vnde à Romanis, eiectus est, in arcēque cum difficultate receptus, effugiēdi occasionem non videns, se summa pecuniæ redemit. Dum hæc agerentur, Otto Archiepiscopus Colonientis ab Hérico missus, Romam venit: qui grauissimis verbis, Pontificem increpare non est veritus, quod Pontificatū Imperatoris iniussu occupasset. Cui Hildebrandus adeo suis rationibus satisfecit, vt eum etiam opinionē mutare coegerit. Henricus culpæ sibi cōscius, Pontificem rogauit, vt concilium congregaret. Mantua ad id decernitur, vbi ipse Henricus comparens, errati veniam consecutus: Cadulo & Gilberto absolutionem impetrauit, huncque Rauennatem Episcopum, eligi fecit. Mantua rediens, Lucam pertransijt, ac ibi Ecclesiam solemniter consecrauit, multaque priuilegia iplis concessit. Ad extremū, vndecimo anno, mense sui Pontificatus sexto, mortuus est, & magno cum honore in S. Ioanne Lateranensi sepultus. Eodem tempore S. Ioannes Gualbertus Florentinus, auctor ordinis Vallis Vmbrosæ florebat.



GREGORIUS VII. PON-  
TIFEX 159. Anno 1073.



**H**ildebrandus natione Saonensis; communi  
optimorum consensu Pontifex creatus est,  
Gregorijque sibi nomen assumpsit. Inito Pon-  
tificatu, Imperatorem admonuit, ne pecunijs de-  
nceps illectus, Ecclesiasticas dignitates confer-  
ret: sin secus faceret, se censuris contra eum  
processurum: ij tamen multis legationibus, vl-  
tro citroque missis, tandem in eandem opinio-  
em coaluerunt. Verum cum Henricus Simo-  
iace beneficia distribueret, nec ab incepto vl-  
s admonitionibus deterreretur: Pontifex eos  
omnes excommunicauit, qui iniqua, via ab eo  
T 5 quicquam



quicquam impetrassent. Et ne quippiam incon-  
sultò fecisse videretur, Synodū in Laterano cō-  
gregauit, vbi facti sui rationē reddidit & in Im-  
peratorem se eadem seueritate animaduersurum  
nisi resipisceret respōdit. Dum hæc fierent, Gil-  
bertus Rauennas Archiepiscopus, ambitione &  
fastu turgidus, viam ad Pōtificatum sibi munire  
volens. Cinciū præfecti filium in Pontificē ani-  
mat, nomine Imperatoris plurima ipsi promit-  
tens. Hic persuasus, Gregorium in ipsa vigilia  
Natiuitatis dum Missarum solennia in S. Maria  
Maiore perageret, apprehēdit, captum turri mu-  
nitissima in Parione reclusit. Eum populus Ro-  
manus quem sibi suis beneficijs deuinxerat, li-  
berat turrimque ipsam & ipsius Cincij domum  
à fundamentis eruit. Iis rebus desperatis in Ger-  
maniam diuersis itineribus ad Imperatorē con-  
fugit. Gilbertus vero in Cisalpinā reuersus ani-  
mo inquietus, Archiepiscopi Mediolanensis a-  
liorumque plurimorum animos sollicitat, ac in  
suam sententiam pertrahit, quos vnanimi con-  
sensu in Pontificem inflammatos, coniuratio-  
nis suæ comites & socios assumit; quibus Cardi-  
nalis tituli S. Clementis sese adiunxit. Gregorius  
de nouo offensus, coacta ad Lateranum Synodo,  
eos anathematizauit. Imperator vero persuadē-  
tibus & instigantibus assentatoribus atque emu-  
lis præcipue Sigefredo Mogūtino Archiepisco-  
po, Pontificem sua dignitate priuare tentare au-  
sus est, à quo merito excommunicationis fulmi-  
ne ictus



ne ictus est reliquosque eiusdem sectatores eidē  
pœnē innodatos declarauit. Cum tādē de pa-  
ce ineunda post multas controuersias cōsilia ca-  
perentur, ea conditione Henricus sese humilia-  
turum promisit, si Gregorius in Germaniam se  
trāsferret. Huius rei ergo cū se itineri accinxis-  
set & Vercellas vsque peruenisset, Imperatorem  
sibi occurere cum magno exercitu per eiusdem  
loci Episcopum accepit. Hoc intellecto Ponti-  
fex Canossam se recepit, quē Imperator, eius se  
voluntati & obedientiē cōmissurus supplex adit,  
& nudis pedibus veniā expetens obtinuit, paxq;  
hoc pacto solemni ritu firmata est. His ita per-  
fectis, Henricus nouas tragædias moliri non de-  
stitit, quod Rudolphum Saxonīæ Ducem suum  
in imperio competitorem excommunicare re-  
cusasset: atque id nouę Synodi cōgregandę cau-  
sam & seminarium præbuit, in qua Archiepisco-  
pus Rauennas Hugo Cardinalis, alijque factiosi  
prælati excommunicationis censura notati sunt.  
Ad hæc Legati in Germaniā missi sunt, qui pacē  
inter Rudolphū & Henricum cōponerent. Idem  
ad Gilbertum Rauennatem Archiepiscopum  
factum est. His indignatus Henricus, Gilbertū  
Antipapam creat, in Italiam cum magnis copijs  
descendit: Urbē ingressus, Basilicas SS. Petri &  
Pauli prophanat, Pontificem in arce obsidione  
premit, Antipapā coronari in Laterano procu-  
rat. His peractis, sese subducit, aduētum Roberti  
Guiscardi declinās, qui magnis tramitibus, Gre-  
gorio



gorio suppetias laturus aduentabat: à quo etiam post multas miseras, liberam euadendi potestatem accepit. Ad extremum Salernum perductus, naturæ tributum soluit; postquâ duodecim annis, vno mense, & tribus diebus pontificatum rexisset: quo tempore, magnanimum Ecclesiæ protectorem, sese exhibuit.

VICTOR





VICTOR III. PONTI-

FEX 160. Anno 1086.



**G**regorius, Victorem successorem habuit, qui nomen Desiderij antea obtinuit, Beneuenti nobili prosapia natus, ex Abbate Montis Cassini Cardinalis, & postmodum Pontifex creatus. Et ut erat verus Fidei & Religionis assertor, statim in Henrici indignationem incurrit, cuius procuratione, anno primo, & Pontificatus mese quarto decessit, veneno (ut pro rato habetur) infectus. Eius tempore, maxima prodigia excitata sunt, ita ut aues domesticæ deserta petierunt, & præcipua piscium pars perierit, denique periculosissimi



culosissimi terræ acciderunt. Corpus Sancti Nicolai à mercatoribus Barum translatum est. Eiusdem Pontificis iussu, Deodatus Canonum libros in ordinem redegit.

VRBA





PONTIFICVM.  
VRBANVS II. PON-  
TIFEX 161. Anno 1088.

303



**V**Rbanus 2, prius Ottonis nomen sortitus,  
postea Cardinalis, & 5 mēſibus poſt Victo-  
ris obitū, Pontifex electus eſt, ea dignitate ob ra-  
tam doctrinā, & vitę ſanctitatē digniſſim⁹. Bello  
inter Boemundū & Rogeriū fratres Normānos  
propter Ducatū Apulię grauiter inflāmato, vt in-  
ter eos pacē cōponeret, Pōtifex Melphim ſe trā-  
tulit, & inde Troiā vbi clerū reformauit. tumul-  
tūtib⁹ iterū Normānis poſtquā Placētię Synodū  
celebraſſet, in qua eccleſiaſticorū licētiā coercuit  
in Franciā venit, & apud Clarū Mōtem aliud cō-  
liū congregauit. In eo Principes Catholicos ad  
recu-



recuperandam terram Sanctam animavit. Hinc anno 1094. in Asia trecenta milia Christianorū cruce insignitorum pertrāsierunt, quibus se plurimi Principes, socios adiunxerunt, inter quos celebratissimus ille Godfridus Bullonenſis fuit. Hi oēs Romā pertrāſcunt, benedictionē à Pōtifice receperunt. In Aſiā ingreſſi plures maximi momenti vrbes occuparunt. Interea temporis cum Vrbanus omnia Romæ turbulenta videret, clam apud Leonem ciuem potētiffimum, ſe detinuit. Exinde egreſſus, Archiepiſcopū Mediolanenſem in gratiam recepit, Pallium Toletano Præſuli Romam proſecto, Pontifici obedientiam præſtituro donavit. Regem Galatiæ cum Diocœſi S. Iacobi excommunicavit, eo quod illius loci Episcopum carceri incluſiſſet. Henrico Sueſſonum Episcopopo, qui Episcopatum, quem à Rege Franciæ acceperat, ad manus Pontificis re-poſuerat, licet invito reſtituit. In ædibus prædicti Leonis ad extremū 4 Calendas Auguſti obiit. Eius corpus in S. Petro ſepultum eſt, poſtquam Pontifex 12 annis, 4 mēſibus, & 19 diebus fuiſſet.

PAS







**P**aschalis secundus, è Flaminia oriundus, antea Renerus vocatus, propter suas virtutes & insignem eruditionem, renitens cōmunibus omnium suffragijs Pontifex electus est, eo tempore quo Christiani Antiochiam ceperunt, & Hierosolymam recuperarunt, cuius Rex Godfridus proclamatus est. In Alba ciuitate se sustinebat Gilbertus Antipapa, qui subsidio & fauore Richardi Comitis Capuani elatus, Ecclesiam vexabat. Contra eum Paschalis, auxilio Rogeri Comitis Siciliensis copias militares misit, qui fuga salutem quærere coactus, in montes sese recepit,  
V ac ibidem



ac ibidem morte subitanea sublatus est. Gilberto mortuo, tres Antipapę eodem tempore creati sunt ( tam iniqua erat eorum temporum conditio ) in Aversa enim ciuitate Albertus per Richardum electus fuit, per Canenses Theodoricus, Maginulphus vero Romę: qui omnes à proprijs ciuibus depositi & eiekti fuerunt. Rebus ad hunc modum in mitiorem & trāquiliorem statum redactis, Paschalis Beneuentum & Castellanam ciuitatem, ab hostibus occupatas recuperauit. Stephanum Corsum ciuem potentissimum, ex Vrbe eiecit. His peractis, Florentiam profectus est, ibidem celebrata Synodo, Episcopum leuitatis redarguit, quod Antichristū iā natū esse assereret: inde discedens in Cisalpinam pertransijt, vbi ad Guastardallum conuentum, plurima de homagijs, pheudis, alijsque magni ponderis negotijs tractauit. His finitis, in Gallias perexit, concilioque apud Trecas celebrato, Ecclesiasticorū mores correxit. Deinde in Italiā regressus seditiosis compressis, Apuliam versus itineri se accinxit. His omnibus fœliciter ad exitum deductis, Principes Christianos nunc per litteras, modo pro legationes ad recuperandam Palestinam hortatur & animat. Dum hæc fierent, Hēricus Imperator, cum exercitu in Italiam ingreditur, promissioneque facta, quod omnes pecunijs ad dignitates promotos, ab officijs amoturus esset, in Urbem intromissus, Pontifici pedes exosculatur. Verū violata fide, cum Simoniarū  
suarum



suarum confirmationem, impetrare non posset, Pontificem ipsum & omnes Cardinales captiuos in castra deduci iubet. Rogantibus tamen & urgentibus, pluribus honestissimis ciuibus, ipse Pontifex petitionibus eius licet iniustis acquieuit. Henricus rebus suo genio cōuenienter compositis, in Germaniam redijt: Paschalis vero in Laterano Concilio habito, omnia Imperatori concessa reuocauit, quod ea violentia adactus cōcessisset. Eodem tempore Comitissa Matildis è uiuis excessit, quæ Ecclesiam suorum bonorū magna ex parte hæredem fecit, inter cætera Urbem Ferrariensem dedit. Pontifex Vrbe excedere cōpulsus est, tumultuantibus ciuibus, quod gubernatoris filium adhuc puerulum in demortui patris locum sufficere noluisset. Henricus interea Romam redit, seque Imperiali dignitate exutū ratus, ab Episcopo Braccarensi de nouo, ante Beati Gregorij corpus, corona voluit insigniri. Tandem Paschalis regrediens, munita aliquot loca recuperat. Legatos Cōstantinopolitani Imperatoris, munificētissimè excepit. Ad extremum his omnibus feliciter peractis, 15 Calendas Februarij obiit. Eius corpus celebri pompa, in Laterano conditum est. Pontificatum 18 annis, 6 mensibus, & 7 diebus rexit. Plurimis ordinationibus 50 Præsbyteros, 30 Diaconos, & 100 Episcopos consecrauit.





**G**elasius secundus, natione Caietanus, nobili loco natus, prius Ioannes vocatus, à teneris vnguiculis studijs addictus, doctissimus evasit. Hoc pacto instructus, monasticæ disciplinæ sese subiecit in Mōte Cassino sub Oderisio viro sanctissimo. Percrebescente deinde eius pietatis fama ab Urbano 2 accitus, suarum virtutum specimen edidit eulentissimum : hinc sibi eum secretarium elegit, successu tandem temporis Cardinalitio honore adauct<sup>9</sup>. Mortuo Paschale, apud Palladium Pōtifex proclamatus est. Quare Cincius qui alium huic dignitati suffectum petebat, ira



ira percitus, in eum locum armata manu ingreditur, Pontifici manus iniicit, quem sicut & Cardinales, omnibus ignominiarum generibus afficit. Populus huius rei indignitate commotus, ad arma confluit, Pontificēque ex eorū manibus eripit. Terrore perculsi sacrilegi, Pontificis genibus aduoluti, veniam & absolutionem petierūt. Huius ex occasione, Gelasius albo equo insidens in Lateranum deductus est, ac ibidē coronatus. Henrico Imperatore verò in Italiam irrumpēte, vt eius furorē declinaret Caietā petijt, vbi Guilielmus Apuliæ Dux, Robertus Capuæ Princeps, & Richardus Aquilanus, oēm suam operā & vires obtulerunt. Quod intelligēs Imperator, Archiepiscopū Braccarensem Antipapā creauit, nomen Gregorij imponens, eumque fidei & protectioni Fregipantum concredidit. Intelligens autem prædictos Principes contra se, cum magnis copijs aduētare, eorum potentiam veritus, ex Italia secessit, omnia ferro flāmaque post se deformata relinquens. Gelasius Romam reuersus tantū impetū à Fregipantibus sustinuit, vt difficulter Normannorum & Corsarum auxilio, ex eorum manibus elabi potuerit. Proinde in Vrbe remanere tutum non arbitratus, Episcopo Portuensi ibidē Vicario relicto, Pisas cum Cardinalibus adnauigat, ac inde in Franciam traijciens, ad Montem S. Aegidij peruenit, vbi ab Abbate Cluniacensi, alijsq; qui ea de causa eodē cōuenerant, exceptus fuit. Ad extremū in monasterio Cluniacēsi mortuus est, Pontificatus sui anno secūdo, die vero 5.



VITAE ROMANORVM.  
 CALIXTVS II. PONTI-  
 FEX 164. Anno 1119.



**P**ostquam Gelasius obiisset, Cardinales qui Cluniaci præsentes aderant, Guidonem ei successorem, natione Burgundionem & regia stirpe oriundum, Archiepiscopum Viennensem delegerunt, qui nomen Calixti sibi assumpsit. Eius modestia singularis in eo maxime eluxit, quod Pontificiū ornamentum nunquam recipere voluit, nisi prius etiam à Cardinalibus, qui Romæ & in Italia remanserant, cōfirmatus esset. Romam reuersus, cum incredibili lætitia exceptus fuit, rebusque confectis, Beneuentum perrexit, ibidem illius loci primarij proceres, iure iurando



iurando obediētiam ei promiserunt. In Urbem cum iterum rediisset, ad Imperatorem duos Legatos Cardinales destinavit, cum quo pax maximo omnium applausu firmata est. Interim Rogerio Siciliae Comite Apuliam propter absentiam Guilhelmi Comitis inuadente, Pontifex qui Beneuentum in suam protectionem receperat, eodem profectus est: exinde Rogerium in Calabriam irrumpētem, frustra adhortatus, iam ad arma se parabat, quādo subito morbo cū magna Senatus parte correptus, sese subducere coactus fuit: vnde facile nemine renitente Rogerius omnibus potitus est. Postea sanitati restitutus Pōtifex, in Laterano Concilium 900 Patrum coegit, vbi tandem conclusum est, vt supplementa Christianis in Syria laborātibus mitterentur, quibus mirum in modum recreati sunt. Cardinales 12 creauit, Ecclesias reparauit, mœnia Urbis vetustate collapsa restaurauit, aquas introduxit, Ecclesijs munera auri & argenti donauit, pluribus possessionibus emptis, patrimonium Petri auxit. In Palatio Basilicam S. Nicolai erexit. Cum verò Antipapa Gregorius, Sutrio vbi se cōtinebat, multas excursions faceret, per Pontificē superatus, ac vinctus, in monasterio Cauēsi recluditur. Vbi verò Ecclesiam quinque annis, decem mensibus, & sex diebus, laudabiliter rexisset, vitam terminauit. Vnde Sedes octo diebus vacauit.





**D**iuersæ fuerūt in Honorij electione hominum sententiæ, populo Cardinalem S. Stephani postulante, & Leone Fregipane, ciue potentissimo Honorium, Lambertum antea vocatum, & Episcopū Ostiensem totis viribus promouente, tametsi arte quadam se populi postulationi suffragari simularet. Quod intelligentes quidam Cardinales, vt his conatibus obuiarent, Cardinalem Sancti Anastasij in Pontificem elegerunt. Quare Leo in medium sese proripiēs, Lambertum alta voce præposuit: qui ab omnibus receptus est, pontificalibusque vestimentis ornatus,



ornatus, Honorij nomine insignitus fuit, ob singularem doctrinam, & laudatissimos mores ea dignitate dignissimus. Aliquot Cardinales raræ doctrinæ viros creavit, nam literaturæ & scientiarum amantissimus erat. Inter cætera ingeniū Hildeberti Cenomanensis Episcopi, qui Turronensem Archiepiscopatū postea obtinuit, mirificè & laudavit & amplexus est, quod Poeta Heroico, Elegiacoque carmine clarissimus haberetur. Hugo etiam de S. Victore Doctor Parisiensis celeberrimus, illi charissimus fuit. Quinque annis, 2 mensibus, statum Ecclesiæ rexit, quibus euolutis, locum alteri celsit. In Laterano sepultus, Sedem vacuam octo diebus reliquit.

V 5

INNO-







**I**nnocentius 2, iuxta opinionem Panuini Iohannis filius, ex familia Paparesiorū, Pontificatu inito, arma in Rogerium Sicilię Regem movit, qui Apuliam infestis signis vexabat, quem in Gallucio obsedit. Verum Guilielmus Rogerij filius, copioso exercitu stipatus, superueniens castra Pontificis dissipavit. Eumque cum Cardinalibus captivos fecit, quos paulo post humanitate usus, liberos abire finit, quo beneficio devinctus, Innocentius facile ipsi omnia permisit. Interea à pluribus factiosis hominibus, Antipapa Romę, Petrus Leonis filius creatus, Anacleti sibi



sibi nomen assumpsit: qui vt pecuniarum cumulum sibi coaceruaret, Ecclesias Romanas diripuit. Hac ratione aduersariorum animos pecunijs corruptos, in suam nassam facilè pellexit. Vt verò apud Rogeriũ gratiam iniret, eum improprio titulo & vocabulo, duarum Siciliarum Regẽ denominauit, & vice versa à Rogerio pro legitimo Pontifice, salutatus est. Innocentius Romam reuersus cum omnia susque decusq; turbata reperisset, in Franciam traiecit, & apud Clarum Montem concilio habito, Anacletum cum complicibus condemnauit. Aurelianum profectus, Regem Philippũ salutauit. In itinere verò quo Carnotum ibat, Henricum Angliæ Regem reperit, quem multis rationibus ad arma, contra Sarracenos capeßenda animauit. Exinde in Lotharingiam reuersus, se à Germanorum Rege, auxilia habiturum fit certior. Concilijs tum Remis, tum Placetię celebratis, Romam versus tetēdit. Pisis existens, cū Genuẽsibus Pisanos amicitię federe reuinxit, ac ambas ciuitates Metropolitanas effecit. Lotharius premissorũ memor, Romā cū exercitu veniēs, Pontificē in pristinā dignitatē asseruit, & ab eodē coronā accepit. Ad hęc Synodo Pisis cōgregata, Antipapā denuo anathematizauit, qui diu absconditus, quasi è latebris exiliēs, Rogerij auxilio in Pontificē rursus seditiōnē cōmouet. verũ Lothari⁹ hoc audito rumore in Italiā regress⁹, oēs interneccioni dat. Antipapa pro meritis, mortis penā exsoluit. Rogeri⁹ principatu spoliatus,



spoliatus, ex continenti in Siciliam pertransijt. Pontifex vero ducatu Apuliæ, vnum ex Baronibus Lotharij nomine Rainonem donauit. Ad extremum, cum in Laterano Synodum cogere instituisset, incidit in morbum, ex quo mortem obiit. Pontificatum 14 annis, 7 menses, & octo dies postquam gessisset.

CELE.





PONTIFICVM.  
CELESTINVS II. PON-  
TIFEX 167. Anno 1143.

317



**T** Vmultibus prædictis durâtibus, vt ait Páui-  
nius, Romæ noua rempub. administran-  
di ratio introducta est, secundum eam formam,  
quæ olim apud veteres obseruabatur. Vnde In-  
nocentius omnem authoritatem, quam in ciues  
habebat amisit. Hac ratione populus excommu-  
nicatus, ius eligendi Pontificem deperdidit, quo  
& ipse Clerus priuatus est, donec ea potestas pe-  
nes solos Cardinales, reseruata est. Celestinus  
vero secundus, natione Tuscus, Innocentij suc-  
cessor, absque populi suffragijs electus est, prius  
Guido



Guido vocatus, ex castro fælicitatis Sancti Marci Cardinalis. Verum quinque solum mensibus superuixit. In Laterano sepulturæ traditus fuit.

L V C I



Guido vocatus, ex castro fælicitatis Sancti Marci Cardinalis. Verum quinque solum mensibus superuixit. In Laterano sepulturæ traditus fuit.



LVCIVS II. PONTI-

FEX 168. Anno 1144.



**L**vcius secundus, Bononiensis, ad eam dignitatem sublimatus, Christianis Sancti Bernardi persuasionibus animatis, & iam cruce signatis, in Orientemque proficisci parantibus, nihil ad hanc expeditionem perficiendam prætermisit. Insuper in Francia Synodum aliquot Episcoporum & Abbatum coegit, contra quendam Abailardum Philosophum Peripateticum, quibusdam opinionibus à fide alienis adherentem. Qui veritatis rationibus pressus, errorem suum in præsentia Ludouici Regis confessus est, proinde



proinde pœnitentia ductus, cum aliquot discipulis in desertum secedens, monachi vitam egit. Lucius vndecimo Põtificatus sui mēse mortuus, in Laterano sepultus est.

E V G E.





PONTIFICVM.  
EVGENIVS III. PONTI-  
FEX 169. Anno 1145.

321



**E**Vgenius 3, Pisanus, ex monacho Cisterciensi & Abbate S. Anastasij, ad Pontificatum pervenit. Nam Cardinalibus inter se discordantibus, cum in nemine eorum vota convenire possent, Spiritus Sancti instinctu electus est. Romanis instantibus & minis etiam urgentibus, ut sui Senatores confirmarentur, clam noctu, quibusdam Cardinalibus comitantibus ex Urbe secessit, & ad Sabina in Arsense monasterium se recepit, ubi consecratus fuit. Vnde Senatores compulsi, officio se abdicare & postulare pacem. Romæ verò existens, cum non adeo Romanis quippe contra se irritatis fideret,



fideret, Tibur sese contulit, quem ipsi armis in-  
secuti sunt. In Franciam profectus Regi expedi-  
tionem in Barbaros persuasit. Ad hæc Romam  
reuersus, beneuolētia singulari vt merebatur ex-  
ceptus est; Terracina, Seria, Norbano, Eumonis  
arce recuperatis, quæ diu in tyrannorum pote-  
state remanserant, Tandem Tybure octauo sui  
Pōtificatus anno, mense 4, & die 20 mortuus est,  
Romam delatus in S. Petro sepultus est. S. Mariæ  
Maioris porticum reparauit.

A N A





PONTIFICVM. 325  
ANASTASIVS III. PONTI-  
FEX 170. Anno 1153.



**A** Nastasius, ex Abbate Sancti Rufi Velitris, ad supremum Ecclesiæ gradum peruenit. Ecclesiæ Lateranensi calicem magni ponderis obtulit, palatium apud Sanctam Mariam Rotundam ædificauit. Eodem tempore grauissima fames inualuit, quæ vniuersam pene Romam afflixit, pauperibus omni studio & diligentia, tam publice quam priuatim subuenit. Eius Pontificatus non vltra annum, quatuor menses, & viginti tres dies se extendit. His expletis, ex hoc mundo migravit, & in Laterano sepultus. Tunc

X 2                      temporis



temporis inter cæteros, Richardus à S. Victore,  
Gratianus, Petrus Lombardus, Petrus Comestor  
omni scientiarum genere valebant.

ADRI-





## ADRIANVS III. PONTI-

FEX 171. Anno 1154.



**A**drianus 4, natione Anglus, Noruegiã prædicandi Euangelij causa missus, adeo se solerter habuit, vt omnem populum ad fidem cõuerterit. Quare ab Eugenio Episcopus Albanus creatus est, paulo post Cardinalis, ac tandem Eugenio mortuo, ad Pontificatum peruenit. Romanis grauitè instantibus, vt eorum Senatores Remp. administrarent, absolute eorum petitioni refragatus est. Populum Romanum excommunicauit, quod sanctæ Prudētianę Cardinalem læsisset: quem nunquã absolvere voluit, nisi quidam Arnoldus hæreticus ex Vrbe pelleretur, &



Senatores à suo instituto resilirēt. Guilhelmum Sicilię Regem, qui aliquas Ecclesię terras occupauerat, anathematis vinculo innodauit. Intellecto Imperatorem Federicum multis stipatū copijs in Italiam intrasse, eidem obuiam processit, & Sutrum vsque profectus, cum eòdem conuenissent, ipse Imperator ex equo descendens, eum debito honore prosecutus est: qui vna Romam abeuntes coronam Imperialem recepit. Tiburtini autem cum se suamque urbē Imperatori dedidissent, eam nulla interiecta mora, quia Ecclesię esse patrimonium intelligebat, Pontifici restituit, ac tum in Germaniā reuersus est. Exinde Beneuētum, à Primoribus regni vocatus sese contulit, & potissimam partem è manibus Guilhelmi recuperauit. Eòdem Legati Imperatoris Grecorum superuenerunt, qui eiusdem nomine quinquaginta milia librarum auri Pontifici obtulerūt, Guilhelmūque ex Italia se abacturū suis stipēdijs promiserūt, si tres in Apulia vrbes maritime, rebus iam omnibus confectis darentur. Eo nuncio Guilielmus percitus cum Pōtifice amicitiam componere per sequestros tentauit: omnia quę occupauerat & multo plura redditurum promittens, dum modo tamen titulo regni vtriusque Sicilię insigniretur. In eam autē petitionem Pontifex renitentibus & dissuadentibus, quibusdam Cardinalibus, non descendit. Proinde Guilielmus cū valido exercitu in Apuliam ingrediens, eam omnē sibi perdomuit. Hoc pacto in



Et in Cardinales Adrianus indignatus, omnia  
vt petierat, ex sententia Guilhelmo permisit, ti-  
tulosque prædictos attribuit. His ita compositis  
Adrianus Griuetum concessit, quod Romanorū  
Pōtificum primus sua habitatione nobilius red-  
didit. Romam reuersus, cum à ciuibus inquieta-  
retur Anagniam redijt, vbi breui temporis in-  
teruallo mortem obiit, postquam in eo officio  
4 annis & decem mensibus laudabiliter se ges-  
sisset. Eius corpus ad Vrbem delatum, proxime  
sepulchrum Eugenij conditum est.

X 4

ALE







**G**rauiſſimum ſchiſma in electione Alexan-  
dri tertij, Senenſis ortum eſt. Nam 23 Car-  
dinalium ſuffragijs Pontifex electus, tres qui ſu-  
pererāt, Cardinalem tituli S. Clemētis nomina-  
runt, Victorem vocantes. Huius rei Alexander,  
(ne malum latius aut virulentius ſerperet) Im-  
peratorem qui tunc Cremonam obſidione pre-  
mebat, comonefecit. Is ambos Papiam venire  
iuſſit, vbi de eorum diſſidijs ſe compoſiturum  
aſſeruit. Cui ordinationi cum Alexander parere  
nollet, indignatus Fredericus, in partes Victoris  
factus eſt, inclinatioꝝ. Alexander tali accepto reſ-  
ponſo,




ponso in Franciam abiit, vbi Concilio in Claromonte habito, Fredericum & Victorem excommunicauit. Fredericus verò Mediolano deleto, magnisque Italiæ damnis illatis, Franciæ Regem petit, vt ad Conciliũ per se indictum venire dignaretur, secũque Alexandrũ adduceret. Quod renuens Alexander Fredericum magis ac magis ira inflammatum in se cõmouit. Proinde Victorẽ in Italiam mox subsecuturus præmittit, qui Lucẽ mortuus, Guidonem Cremensem Antipapam successorem habuit. Alexander omniũ cõsensu Romam reuocatus, ab omnibus summa cum lætitia recipitur. Eodem tempore Cisalpinæ Galliæ populi, in Imperatorem arma corripiunt: qui proinde in Italiam denuo reuertitur. Dũ hæc agerentur, Cõstantinopolitanus Imperator, omnem opem & auxilia per legatos mittit. Cum verò Pontifex apud Tusculanos cõmoraretur, Angliæ Regis Legatos admisit, qui Regẽ suum à cede S. Thome Cantuariensis Archiepiscopi immunem declarabant. Eius rei decidendæ causa, duo Cardinales missi sunt, & ad extremum his conditionibus conuentum est, vt Rex à Pontifice & successoribus eius, titulum regni agnosceret. Ob euidentissima verò miracula, quæ meritis D. Thomæ acciderunt, in numerũ Sanctorum relatus est, per Alexandrum pontificem maximum. Qui cum in dies grauius ab Imperatore vexaretur, & inquietaretur, Venetias se cõsulit, vbi ipse Imperator humiliatus, cũ Pontifi-



ce in gratiam redijt. Amplissimis dictæ ciuitatî concessis priuilegijs Romam repetijt, Cócilio-  
que in Laterano habito Clerũ reformauit. Sub  
pœna excommunicationis vetuit, ne quispiam  
ferrum, ligna, aut arma ad infideles transferret.  
Panuinius adiicit eius institutum esse, vt in ele-  
ctione Pótificis duæ tertiæ partes Cardinalium  
inter se conuenirent. His tot exantlatis labori-  
bus, anno vigesimo primo, & die decimonono,  
sui Pontificatus, ex hoc mundo migravit.

L V.





LVCIVS III. PONTI-

FEX 173. Anno 1181.



**E**X nobili profapia Lucensi Allucingula vulgo dicta, vt refert Pannuinius, fuit Lucius 3. Pontificatus fui principio, ad tranquillitatem Christianam fouendam totum fe impendit. Cū vero nomē, & authoritatē Senatorum, ex Vrbe eliminare velle, quorundā ciuiū instigatione, & persuasionib⁹ diceretur; Roma pulsus est, & ciuib⁹ eū ad id adigētibus oculi eruti sunt. Veronæ, quo ipse cōfugit, Conciliū habuit, in quo plurib⁹ cōtra Romanorū insolentiā cōquestus est, Principesq; Christianos cōmonuit, vt se ad opē fidelib⁹ ferendā cōpararent, qui in Asia cōtra Barbaros præ-



præliabantur. Verum cum eam expeditionē remis velisque accelerari procuraret, morbo correptus, Veronæ diem clausit extremum, & in Cathedrali Ecclesia sepulturā sortitus est, postquam Ecclesię curam, 4 annis, 2 mensibus habuisset. Lucam ciuitatem vnde oriundus erat, pluribus muneribus exornauit. Ab Imperatore Frederico, quem habuit familiarem & amicum, obtinuit, vt in tota Etruria alia moneta, locum & vsum non haberet, quam Lucensis, quemadmodum Longobardi aliam non recipiebant, nisi Papiensem. Eo tempore Abbas Ioachimus floruit.

V R B A.





VRBANVS III. PONTI-

FEX 174. Anno 1185.



**V**Rbanus tertius, natione Mediolanensis, & genere Criuellorum Pōtifex factus, omne suum studium ad reconciliandos Christianorū animos, qui in Syria bellis impliciti erant, conuertit. Verum cum in eiusmodi procurationibus operam luderet, & Christiani Principes odijs & dissentionibus intricarentur; Saladinus pluribus locis potitus, etiam Hierosolimam suo imperio adiecit, 88 anno postquam à Godfrido recuperata fuerat. Ad hæc aduersariorum copias versus Antiochiam directas esse, Vrbanus intelligens, Venetias Christianis suppetias & supplementa comparaturus se contulit: vbi quantam cladem



cladem Christiani accepissent cū intellexisset,  
dolore percitus in morbū incidit, ex quo Fer-  
rariæ anno primo, mense 10. die Pontificatus  
sui 25, mortuus est.

GRE





PONTIFICVM.  
**GREGORIUS VIII. PON-**  
**TIFEX 175. Anno 1187.**

335



**G**regorius 8, Beneuentanus, communi om-  
nium consensu electus, inito Pontificatu  
Christianos principes legationibus, literisq; sol-  
licitauit, vt exercitu terra marique comparato,  
ad recuperandam Hierosolymam sese collige-  
rent. Vt verò facilius id quod suadebat cōseque-  
retur, Pisas se contulit, vt eius loci populos cum  
Genuensibus fēderis noui vinculo religaret, ac  
sic coniunctis copijs, quibus plurimum mari va-  
lebant, ad hāc expeditionem sanctissimam ani-  
marentur. Verū morte interueniente, eius san-  
ctæ expeditioni, & voluntati Pisis finis imposi-  
tus est, Pontificatus sui, die 57.

CLE-



VITAE ROMANORVM  
 CLEMENS III. PONTI-  
 FEX 176. Anno 1188.



**C**lemens huius nominis 3 Romanus, Pontifex factus, cogitationem omnem ad recuperandam terram sanctam conuertit, cum praesertim Saladinus omnem Antiochia principatū occupasset. Christiani Principes eius pijs conatibus assentientes, arma corripuerunt, ac nominatim ipse Imperator, Frāciæ atque Angliæ Reges, Burgundiæ Dux, cum Venetis Pisani, alijque quam plurimi. Eo tempore Guilhelmus Siciliae Rex, sine heredibus morte sublatus est, ac proinde regnum Ecclesiæ compete-  
 bat. Sed cum  
 Sicilienses sibi Tancredum nothum & illegiti-  
 mum



num delegissent, Pontifex eo exercitum trans-  
misit. Exinde ad reformationem Ecclesiasticā  
conuersus Monasterium S. Laurentij, extra me-  
nia exedificauit, Palatium Lateranēse reparauit.  
His paulo post confectis, anno tertio mēse Pon-  
tificatus quinto obiit, ac in Laterano sepultus est.  
Hic ( vt refert Panuinius ) populo Romano au-  
thoritātē permisit ex antiqua consuetudine eli-  
gendi Senatores, ea tamen conditione vt sum-  
moto Patricio, qui alijs præ erat alius guberna-  
tor decerneretur.

Y

CAE-







**C**elestinus tertius Romanus, sui Pontifica-  
tus principio, eò omnem operam suam cō-  
tulit, vt Tancredum regno Siciliae exueret. Ob  
eam causam, Constantiam quę sola ex stirpe Re-  
gia Normanorum superrerat, è monasterio ex-  
traxit, eamque Henrico 6 Imperatori in matri-  
monium dedit : ei Siciliae & Neapoleos regna,  
pro dote tribuens: ea conditione solum vt quo-  
tannis debitum Ecclesiae rependeret. Henricus  
hac beneuolētia affectus, Tusculum Ecclesiae re-  
stituit, quod à Romanis acceptum solo adæqua-  
lum est. Dum hæc ita transigerentur, dissidium  
inter



inter Venetos & Pisanos exortum, per Pontificē sopitum est. Saladini vero mors consecuta, Cælestino Hierosolymæ recuperandæ spem maximam iniecit: & ad eam rem perficiendā Imperator inductus, eodem Archiepiscopum Mogūtinum, & Ducem Saxonix cū exercitu misit: ad cuius complementum & res necessarias, Cælestinus nihil omisit. Prope SS. Petrum & Ioannem, ædificia Pontificibus cōmodo & vsui futura extruxit. Portas S. Ioannis versus sancta sanctorum ex ære confici iussit. Pontificatum sex annos, 7 menses, & 11 dies administrauit, quibus finitis multis flebilis occidit, & in S. Petro sepultus est.

Y 2

INNO-







**I**nnocētius 3, patria Anagninus patre Trasimūdo, ex illustri Comitum familia natus, à Celestino, propter raram doctrinam, & morum candorem Cardinalis creatus, eidē in administranda S. Petri nauicula successit. Qui eodem zelo quo predecessores pro recuperanda Terra sancta agitatus, ad id inflāmauit Bonifacium Marchionem Montis ferrati, Balduinum Flandriæ, Henricum S. Pauli, & Ludouicum Sabaudia Comites: qui eodem cum valido exercitu vnanimiter traiecerunt. Eodē tempore apud Tolosam hæresis exorta est quæ S. Dominici diligentia mox restin-



reſtinſta eſt. Otto 5. ab Alemanis Imperator electus ſubſequēti anno ab Innocentio Romę coronatus eſt: qui non diu poſt, quod aliquas poſſeſſiones Eccleſiæ ademifſet, ab eodem excōmuni- cationis vinculo illigatus eſt. Fredericus vero ſe- cundus, Siciliæ Rex, ab Electoribus Imperator decretus, Romam vt coronaretur aduenit: quod conſequi nequiuit cum iam Otto ablata reſti- tuifſet. Deinde in Laterano maximum concii- lium, Innocentius congregauit; in quo 70 Ar- chiepiſcopi 412. Epifcopi & 800. Abbates & Priores comparuerunt. Ad hæc omnium pene principū Chriſtianorū Legati, Patriarchæ Con- ſtantinopolitanus, & Hieroſolimitanus, eodem ſuperuenerunt. Verum propter nauale prælium quod inter Piſanos & Genuenſes exarſerat, nihil concludi potuit. Innocētius verò pio zelo com- motus, itineri ad eos componendos ſe accinxit, in quo mortuus eſt, poſtquam 18 annis, 7. men- ſibus, & 16 diebus dignitatem Pontificiam ob- tinuiſſet. Plurima opera compoſuit, inter cæ- tera de Euchariftia, Baptiſmo, de humanæ vitæ miſerijs: his plures ſermones adiecit. Ioachimi Abbatis libellum reiecit. Albericum hereticum improbauit, qui poſtea Pariſijs exuſtus eſt. Xeno- dochium ſancti Spiritus in fauorem pupillorū, peregrinorum, & ægrorum erexit. Eccleſiam S. Sixti reparauit, Pōtificatum eius ex ſe celebrem, duo luminaria SS. Dominicus & Franciſcus il- luſtriorum reddiderunt.





**C**Omuni omnium cōsensu Honorius 3 Romanus, Pontifex nominatus est. Ab eo Petrus Imperator Constantinopolitanus cum vxore Romanam appulsus, in Basilica S. Laurentij coronatus est. Exercitu per Innocētium comparato, Cardinalis Columna in Asiā Legatus profectus est multi quoque potentes principes, Honorij admonitionibus inflammati, inter quos Hōgarix Rex & Comes Niuernensis erant; his copijs suas coniuncturi, Aconem deuenerunt. Eodem tempore instituta ordinum SS. Dominici, & Francisci per Honorium confirmata sunt. Federicum



ricum Secundum excommunicauit, qui in Italiã ingressus, pacem & trãquilitem Ecclesiæ perturbabat. Ioannem Hierosolimitanum Regẽ ad Urbem delatum, honorificetissime excepit. Ecclesias S. Laurentij extra muros, Sancta Sanctorum & S. Bibiane restrurauit. Epistolas Decretales scripsit. Deinde postquam 10 annis 7 mēlibus & 13 diebus Ecclesiam rexisset mortuus, in Ecclesia S. Mariæ Maioris sepultus est. Eius mortẽ magni terræ motus subsequuti sunt, ac tales quidẽ vt in montibus Saluijs ad 50 milia hominũ perierunt.

Y 4

GRE-





GREGORIUS IX. PON-  
TIFEX 180. Anno 1227.

**G**regorius 9, patria Anagninus, ex nobili Comitum familia, & Innocentij 3 nepos, ad Pontificatum euectus, Frederico vt in Terrā Sanctam expeditionem faceret iniunxit. Qui vt Pontifici se parere velle simularet, Brundusium vsque traiecit, vbi morbum mentitus, iter bis reflexit. Proinde ab ipso Pōtifice anthemate percussus, in Cyprum redijt, duobus belli ducibus, qui statum Ecclesiæ diuexabant relictis. Gregorius Assisium profectus, vbi famam quæ de S. Francisco diffundebatur cum miraculis confirmatam perspexisset, eum in sanctorū numerum retulis



retulit. Exinde cum copijs Ioannem Hierosolimitanum Regem, & Cardinalem Columnā expeditos, vnum in Vmbriā, alterum in Pícnos agros transmísit, vnde milites omnia rapinis populantes abegerunt. Fredericus in Italiam veniens, apud Pontificem multis precibus absolutionem obtinuit: hac tamen conditione interposita, vt pro damnis, rebus Italiæ sua culpa illatis, viginti & centum milia vnciarū auri penderet. Eodem tempore Pontifex Brundisiū perrexit, vt illud contra Bannitos firmaret. Hannibal interea Romæ cum alijs quibusdam reip. perturbatoribus populum Romanum ad defectionē sollicitauit. Verum diuini numinis vltrix dextera consecuta est; qua pene tota hominū multitudo peste extincta periit. Gregorius Romam reuersus, populo culpam remisit: Hanibalē vero Senatoria dignitate spoliavit, Urbemque purgari procurauit. Roma digressus, loci & aeris mutationem quæsiturus, Reate se contulit, vbi S. Dominicum in diuorum numero collocatum, declarauit. Idē Spoleti S. Anthonio de Padua prestitit. Saldani Legatos per quos pacē postulabat, noluit admittere, Religiososq; SS. Dominici & Francisci institutum professos, per totam Europam immisit, qui Christianos ad bellum Sarra-cenis inferendum adhortarentur. Qui breui tēpore tantum profecerūt, vt innumeri sub signis principum inscripti, Constantinopolim peruenirent. Elizabetha, Hungari Regis filia à Ponti-



fice canonizata est. Federicū denuo Gregorius propter insolentiam excommunicauit. Venetos & Genuenses inter se reconciliauit. His ita decurrētibus, periculosissima cōtentio inter Guelphos & Gibelinos exorta Federici procuratione, multas vrbes cōtra Pontificem excitauit. Tumultuātibus Romanis, per Urbē Gregorius perambulans, capitaque SS. Petri & Pauli circumferens, eos pulcherrima oratione non modo conpescuit; verum etiam ad arma contra Federicū, qui iam iam muris instabat, capessenda inflammauit. Fratré Regis Tunetenlis baptizari paratum, ipse Federicus deterruit. Concilium apud Lateranum congregauit, quod Federicus impedire volens oēs vias obstruxit, multosque Cardinales ac Prælatos apprehēdit. Inde Gregorius grauius offensus, paulò post obiit, postquam sedem 14 annis, tribus mensibus obtinuisset. Paucis ante diebus eclipsi solis sese exhibuit. Iisdem temporibus liber Decretaliū auxilio Raymūdi Barchionēsis, operaque Gregorij collectus fuit.

CAE-







**C**aelestinus 4, Medionalensis è familia Ca-  
stilionū, & Episcopus Sabinus, propter vi-  
tæ integritatem & raram eruditionem, ad Pon-  
tificatum peruenit. Verum senectute & ægritu-  
dine confectus, non diutius 18 diebus in officio  
& vita permansit. Cardinalibus vero aliquot per  
Federicum in captiuitate detentis. Sedes vno &  
viginti mensibus vacauit. Nam in eorum absen-  
tia ad noui Pōtificis electionem procedere, nec  
tutum nec conueniens videbatur. Balduinus tā-  
dem Imperator Constātinopolitanus in Italiam  
superueniens, nullum non mouit lapidem, vt è  
Fede-



Federici manibus, qui tunc Parmæ degebat, captiuos liberaret. Hac occasione oblata omnes Anagninæ congregati nouum successorem delegerunt.







**C**ardinalibus Anagninæ ( vt iam dictum est ) congregatis Sinibaldum Genuensem familia Flisca à Lauaniæ Comitibus, Pontificem delegerunt, quem Innocentium 4 vocitarūt. Ea porro electio Federico nō admodum grata fuit, eo quod generosi & honesti animi virum esse sciebat ; vnde timebat ne ex Cardinale amico, Pontificem hostem experiretur. Volens tamen Pontifex antiquam amicitia cum Federico cōfirmare, urbem Castellanam petebat, quo in itinere cum sibi insidias tēdi per exploratores cōpertum haberet, Genuensium nauibus imposi-  
tus,



tus, foelici nauigio vsus, in Franciam delatus est. Eodem deueniens Cōcilium anno 1246. habuit, quo Federicum citatum vocauit, venireque detrectantem, Imperio & Regno simul spoliauit. Vnde Federicus excandescens, multa ædificia amicorum parentumque Pontificis Parmæ existentia deiici, & funditus erui curauit. Eò profectus Legatus Apostolicus Federicū deuicit omnesque eius copias fudit. Pontifex vero intellecto Federicum istiusmodi calamitatibus nihilo factum meliorem, sed magis atque magis pessum ire; Concilium dimisit, ac deinceps ad reintegrandam sanctam militiam omnem cogitationem conuertit. Hinc populum ad sequenda Ludouici Franciæ Regis vexilla, qui in Africam trajcere decreuerat, omnibus modis adhortabatur. Postquam Edimundum Canturiensem Archiepiscopum in sanctorum numerū retulisset, in Italiam reuersus est. Perusiam ingressus, Petrū Martyrem; inter sanctos habendum declarauit. Idem de Stanislao, Cracouiensi Episcopo iudicium tulit. A nobilibus Neapolitanis aduocatus comparere statuit. Verū in ea expeditione mortem subiit vbi Pontifex 11 annis, sex mēlibus & 12 diebus fuisset. Sepulturam vero nō in S. Laurentio, vt habet Platina, sed in Ecclesia Cathedrali sortitus est, vt adhuc hodie videre licet. Innocentius in Concilio Lugduni habito plures Cardinales creauit, primusque fuit qui Cardinalitiam dignitatem rubeo pileo adauxit; Multa  
volu-



volumina in tanta rerum difficultate cōposuit. Inter cætera Apparatus decretalium compilauit, Authentica & Apologetica edidit, Proinde viros literatos amabat & colebat. Cardinalem Hugonem instituti Dominicani vnicè dilexit, qui Glossas & Concordantias in Biblia composuit. Huius instinctu plurimi ac doctissimi homines ad scribēdum sese applicuerunt, Inter eos Alexander de Ales, Bernardus Parmensis & Compostellanus. Eius etiam institutum fuit vt Natiuitas B. Mariæ cum octaua celebraretur.

ALEX-





ALEXANDER III. PONTI-  
FEX 183. Anno 1254.

**I**nnocētio quarto, Alexander quartus Anag-  
 ninus è familia Comitum successit (ex Panui-  
 nij placito) Innocentij tertij & Gregorij noni, à  
 quo Cardinalis creatus est, propinquus. Ex Epi-  
 copo Ostiensi & Veliterno ad eam dignitatem  
 prouectus, Manfredum qui sibi titulum regni  
 Neapolitani vsurpauerat anathematizauit. Ad  
 Venetos Philippum Fontanesium Rauennatem  
 Archiepiscopum misit, qui cōtra Ecelinum ty-  
 rannum prædicaret. Post aliquot tandē obten-  
 tas victorias eo mortuo, tum demum res Syriæ  
 Alexandro cordi esse cœperunt: quas tamen ad  
 exitum



exitum deducere non potuit, propter dissensionem inter Venetos & Genuenses exortam, vnde grauissimum bellum secutum est. Alexander igitur tanto malo occurrere, ac mederi ex paterna cōmiseratione desiderans. Vbi S. Claram ordinis S. Francisci inter Diuos retulisset, omnē operam ad componendam pacē inter eos adhibuit. Verum tam grauibus implicatus curis, obiit Pōtificatus sui anno 7. Corpus eius ad Ecclesiam S. Laurentij delatum est. Erga pauperes adeo propensus fuit, vt libros aliquos contra eos descriptos improbauerit. Epistolas Decretales scripsit. Viros doctos maximo fauore profecutus, semper magnificit: inter cæteros Henricū à se Cardinalem Ostiensem factum. Egregia aliquot ædificia extruxit. Et vt multa paucis dicam suauem post obitum sui memoriam reliquit. Sedes morte eius tribus mēsis & quatuor diebus vacauit.

Z

VR-







**V**Rbanus quartus, Trecis in Gallia oriundus Patriarcha Hierosolimitanus, Viterbij vbi tunc curia Romana erat, absens Pontifex creatus est. Oruietum deinde, quò securior à maleuolorum insidijs esset, se recepit ( Ecclesia enim eo tempore, maximè per Regem Manfredum dilaniabatur) Cum autem nulla ratione à Manfredi potentia, & tyrannide sese Sedes Apostolica tueri posset; in extrema rerum calamitate ad extremum deliberatū est, vt auxiliares copiae, quæ vt in Asiam traijcerentur delectæ erant, è Gallijs aduocarentur: quæ accepta à Pontifice benedictione,



ctione, omnem Manfredi exercitum ex Sarra-  
cenis conflatum, deleuerūt. Eo tempore Roma-  
ni debitam obedientiam Pontifici nullam præ-  
stabant, verū Magistratū suo genio & voluptati  
deseruientem, pro libito sibi deligebant. Quem  
sui contemptū Vrbanus ex eo procedere vidēs,  
quod omnem suam authoritatem à Manfredi  
iniquitate, & iniurijs depressam & obscuratam  
viderent: Concilio Oruieti habito conclusum  
est, vt Carolus Andegauix Comes, Franciæ Re-  
gis frater, in Italiam cum titulo Regni Neapoli-  
tani aduocaretur. Vnde ad eam legationem per-  
ficiendam Cardinalis missus est. Nihil tamen  
eius rei, nisi subsequētis Pōtificis tempore exe-  
cutionem suam fortitum est. Hoc vnū post ho-  
minum memoriam celeberrimum, ad posteros  
trāsmisit, quod suo tempore Augustissimi ac si-  
mul Sacratissimi Corporis Domini nostri Iesu  
Christi celebritatem instituerit, sanctissimis cu-  
iusdam Virginis in Sancto Martino Leodij re-  
clusæ, nomine Euæ consilijs ad id maximè in-  
ductus. Quæ cum noctes atque dies, ab oratione  
& meditationibus nō recederet, alijsque pijs ex-  
ercitijs vacaret; id fouit & ad salubrem exitum  
deduxit quod per Iulianā virginem religiosissi-  
mam in Mōte Cornelij iuxta Leodium, à seces-  
su hominum remotam, ac proinde multis visio-  
nibus & reuelationibus illustratam, inchoatum  
fuerat. Nō latet nos, Onuphriū Panuinium ho-  
minem apprimè doctum, & in historijs longè



versatum, nec non antiquitatum indagatorem diligentissimum, id quod modò diximus nauci pendere, & tanquam apocriphum & fabulosum reijcere: verū sine causa, & absque vlllo fundamento. Nam vt taceam publicas, ac vulgatas dioecesis Leodiēsis bibliothecas, Archiuum Ecclesiae Collegiatæ S. Martini Leodiensis ( vbi prædicta virgo à conuentu communi vulgarium semota, sese cōtinebat ) antiquas & quæ adhuc hodie visuntur picturas, Vitā ipsius S. Julianæ, eiusq; sepulchrū, testimonia sanè inuincibilia, & famæ cōstantissimæ: quid ad Bullā huius institutionis, ab ipso Urbano Eux virginis missam responderet quæ sic habet? *Clement. lib. 3. tit. 16.* Scimus o filia quod magno desiderio desiderauit anima tua, vt solenne festū Sacratissimi Corporis Domini nostri Iesu Christi, in Ecclesia Dei à fidelibus, perpetuis futuris temporibus celebrādum institueretur. Vnde sciebat Pōtifex Urbanus huius virginis voluntatem, nisi ex ijs quæ Leodij præsens, ex ea audierat? Proinde multis interiectis, adiicit. Magnificet ergo anima tua dominum, & exultet spiritus tuus in Deo salutari, quia viderunt oculi tui salutare tuum, quod parauimus ante faciem omnium populorum. Lætare insuper quod omnipotens Dominus tribuit tibi desiderium cordis tui, & voluntate labiorū tuorum nō fraudauit cælestis gratiæ plenitudo. Addunt & non parum momenti verba quæ institutionem istam subsequuntur. Intelleximus olim  
dum



dum adhuc in minori essemus officio cōstituti, quibusdam Catholicis diuinitus reuelatū fuisse, festum huiusmodi generaliter in Ecclesia celebrandum. Intellexit Vrbanus qui Leodij Archidiaconatu functus est: vt testatur Molan<sup>o</sup> in Natalibus Sanctorum Belgij, die Aprilis quinta, & decima septima Septembris. Reuelatum autem non mundi sapiētibus, sed Iulianæ primum, quæ inter orandum sibi vidit ingeri mirabile signū, Lunam videlicet quasi in suo splendore, cū aliquantula sui corporis orbicularis fractione. Quæ cum ignoraret quid portenderet, nec vllis precibus, eam cogitationem à se propellere posset, diuino responso didicit, in Luna Ecclesiam significari, & in eius fractione, solennitatis vnus defectum, quā volebat Deus in sua Ecclesia obseruari, ad fidei & deuotionis augmentum. Insuper præceptum diuinitus accepit; vt eam solennitatem inchoaret, celebrandamque nunciaret. De his hoc loco satis, fusius in beatę Iulianę vita, quæ mox in lucem prodibit descripta videbuntur. Et Molanus loco iam citato, die quinta Aprilis abundantius profecutus est. Porro tantæ celebritatis Sanctissimi Corporis Christi officium, quanquam ijsdem temporibus, cura Iulianæ editum esset, ac magnorum Theologorum calculo approbatum; D. tamen Thomas ab Aquino, ad id perfectius præstandum, autoritate Apostolica delectus fuit: in quo, vt in ceteris suo munere



adeo affabrè functus est; vt diuina censura opus ab eo de ea re compositum, approbare meruerit. Nam cum ante Crucifixum prouolutus, intētius oraret, vocem nemine comparente audiuit. *Bene scripsisti de me Thoma.* Et in eo profectò, ampliorē laudis cumulum iure sibi vindicare posset, quàm vt hic angustè & ieiunè memoretur. Vt vero ad Urbanum redeamus, postquam urbem Oruietum præclaris ædificijs, tam priuatis quam publicis exornasset, Perusij ad vitę periodū perductus obiit, & in Cathedrali Ecclesia sepultus est. Pontificatum tribus annis, trigintaque quatuor dieb⁹ administravit. Sedes, ei⁹ morte quinque mensibus vacauit. Eodem tempore floruit Albertus cognomento Magnus, insigni laude ob eximiam eruditionē meritò dignissimus, quippe cuius magisterio D. Thomam doctorem angelicum ad multorum instructionē accepimus.

CLE-





## CLEMENS III. PONTI-

FEX 185. Anno 1265.



**C**lemens quartus, Narbonensis è villa Sancti Aegidij, antea Guido Falcoſius vocatus. Iurisprudentiæ laude, parem Francia ei non habuit. Vxorem & liberos aluit: Coniuge mortua Podienſis Episcopus factus est: lapsu temporis Narbonensis: ad extremum Cardinalis omnium acclamatione declaratus est. Pontifex electus, mendicantis habitu, Perusium usque profectus est: quò Cardinales subsequuti, eum cum debito honore Viterbium deduxerunt. Interea Carolus Andegauensis in Italiam ingressus, Romæ per Cardinales ad hoc depu-



tatos, Neapoleos & Sicilię Rex renūciatus est; ea conditione adiecta vt feudi titulo, Ecclesię Romanę quadraginta milia ducatorum, quotannis penderet. Carolo Rege creato, post Manfredi obitum, quem ipse deuicerat, Corradus valida manu instructus, vt regnū recuperaret superuenit: de quo Pontifex cum per agros Viterbienes eum transeuntem videret, fertur dixisse, ipsum tāquam agnum ad macellum deduci; quemadmodum etiam iuste euenit. Edinigem Poloniae reginam post mortem miracula facientem, in numerum Sanctorum retulit. Sanctum Bonamenturam vnice dilexit. In pauperes liberalis, erga deum religiosus, apud omnes modestus extitit: & vt paucis multum inuoluam, nullis non virtutibus ornatus erat. Bona Ecclesię fidelissime, nullo personarū habito respectu distribuit. Erga filias suas seuerum se & illiberalē exhibuit: ijs porro qui sibi eas commendabant, respondebat, nō carni se & sanguini sed deo obedire velle. In eo statu tres annos & viginti vnum diem vixit. Mortuus Viterbij sepultus est: Vbi cum de nouo Pontifice eligendo diutius disceptaretur, anni duo & nouem menses effluxerunt.

GRE-



## GREGORIUS X. PONTI-

FEX 186. Anno 1271.



**C**Um diutius de quærendo nouo successore (vt dictum est) disputaretur, Cardinalibus in diuersa studia Viterbij diuisis & quobus Regibus Galliarum & Neapoleos sua præsentia nihil proficientibus: tandem per Viterbienses coacti & fanis S. Bonauenturæ, ordinis S. Francisci de obseruantia Generalis, persuasionibus inducti, Gregorium decimum, decima septima Septembris, anni 1271 elegerunt: Theobaldum antea vocatum è Vicecomitibus Placentiæ, Archidiaconum Leodiensem, vitæ sanctissimæ hominem, qui tum in expeditione Syriæ erat. Mari dela-



tus ad litora Apuliæ appulit, quem eò loci Carolus Rex accersuit, eique se itinere terrestri, Caperanum vsque comitem adiunxit : inde Viterbum venit. Deinde cum Cardinalibus Romam deuenit, vbi 27 Martij coronatus & consecratus est. Rebus Ecclesiæ pacatis, in præsentia Gallorû Regis, inter Venetos & Genuenses Gregorius quinque annos induciarû pepigit. Exinde Lugduni congregauit Cõcilium, in quo Paleologus Græcorum Imperator fuit : ac ibidem Græca Ecclesia cum Latina, decima tertia vice in gratiam redijt. Florétiam Interdicto puniuit, quod Gibelinos eò per se remissos eiecissent. Absoluto Concilio in Italiam regrediens, obuiam Regi Castellæ factus est : apud quem grauitèr cõquesus est, quod in electione Imperatoris, Rudolpho fuisset post habitus. Auditis tamen Põtificis rationibus, animo conquieuit, iusque suum in Rudolphum tràstulit. Aretium delatus, cum Florétiam declinare, propter Interdictum studeret, in morbû incidit & 4 annis totidem mensibus, & 10 diebus ab electionis tempore elapsis, mortuus est. In Cõcilio iam dicto, inter alia decreta hoc vnum adiuuenit, vt mortuo Pontifice, Cardinales in conclauibus sub firma custodia recluderentur, ad euitáda pericula quæ ex diuturniori electionis dilatione oriri potuissent. Item oës alias particularitates in eiusmodi cõuentibus obseruari solitas adiecit, qui in huius libri limine annotatæ sunt.





**I**nnocentius 5. Burgundus, ante Pontificatum Petrus Tarantasius vocatus, Ordinis S. Dominici religiosus, propter scientiam & intelligentiam sacrarum literarum Ostiensis Episcopus delectus: ad extremum Aretij in Pontificem electus est, anno 1276. Romã ingressus apud S. Petrũ coronatus est. Exinde ad pacẽ cõponendã oẽs cogitationes conuertẽs plures legationes instituit, ad Etruscos, quibus sub pœna excõmunicationis iniunxit, vt ab armis cõtra Pisanos arreptis abstinerẽt: Et ad Venetos & Genuẽses, quibus eos monuit, ne se deinceps bellis lacefferent

Etrusci



Etrusci mādato paruerunt; ac presertim Florentini: qui prouide ab Interdicto per Pontificem absoluti sunt. Veneti & Genuenses ab inchoatis prælijs non destiterunt, ex quibus Innocentius eos extricasset (tantus eum ardor pacis inuaserat) nisi morte irrepente, 6. mense die 2. suæ electionis obiisset. In Laterano sepultus fuit.

ADRIA





PONTIFICVM.  
ADRIANVS V. PONTI-  
FEX 188. Anno 1276.

365



**A**drianus 5, Genuēsis, ex illustri Fliscorum familia, antea Otto bonus nominat<sup>9</sup>, Innocentij 4 nepos, à quo S. Adriani Cardinalis factus est: dissidio inter Regem & Nobiles Anglię orto, ipse cum amplissima potestate ad sopiendam discordiam, pacemque stabiliendam, eodem missus est. Pontifex factus Viterbium profectus, Imperatorem ad retundendam Caroli potentiam, in Italiā vocat. Qui bello contra Bohemos suscepto, Pontifici satisfacere non potuit. Carolus vero omne belli robur in Gręciā conuertit. Adrianus inchoato Lateranēsi Palatio 40 electionis



electionis suæ die moritur, antequam consecra-  
tionem consecutus fuisset. In conuentu Fratrum  
Minorum Viterbij sepulturâ accepit. Vnde ac-  
cidit, quod Ecclesiæ statum tutiorem & tráquil-  
liorem reddere, & Gregorij constitutionem de  
eligendo Pontifice in meliorem formam redi-  
gere non potuit.

IOAN.





IOANNES XX. DICTVS XXI.

PONTIFEX 189. Anno 1276.



**I**ohannes, secundum ordinem quo dinumeramus 20, antea Petrus vocatus, Vlixiponen-  
 sis fuit, & professione medicus, ex Episcopo Tus-  
 culano ad supremam dignitatem peruenit. Qui  
 licet doctissimus haberetur, parum tamen se ido-  
 neum ad hanc functionem præbuit. Vnde de eo  
 apposite dici poterat. Magistratus ostendit virum.  
 Adeo socordis & tardi ingenij erat, vt Anconi-  
 tanis bello à Venetis illato, grauitè laboranti-  
 bus, (licet vectigales essent) succurrere non cu-  
 rauerit. Ioannis Caietani Cardinalis Vrsini vsus  
 consilio, cuius arbitrio omnia regebantur; Pa-  
 leologum,



leologum, & Reges Orientales admonuit; ut  
arma in defensionem fidei susciperent. In eo  
laudem meritus est; quod pauperes studiosos fa-  
cultatibus & beneficijs iuuabat. Libros de medi-  
cina aliaque opuscula composuit. Riente tãdem  
quodam cubiculo, quod ipse Viterbij, in suo  
Palatio extruxerat, in eo obrutus, post ruinã so-  
lum superuixit septem diebus, octauo Pontifi-  
catus sui mēse. Post eum sedes 6 diebus vacauit.

NICO.





PONTIFICVM.  
NICOLAUS III. PONTI-  
FEX 190. Anno 1277.

369



**N**icolaus 3, ex nobilissima Vrsinorum familia, cui nomē antea Ioannes Caietanus erat, anno 1278. magna cum altercatione, Pontifex creatus est. Nam Carolus Rex, qui Senator Conclauī præerat, omnibus modis vrgebat, vt è Gallia quispiam assumeretur. Inito pontificatu, Carolo Etruriæ vicariatū, & dignitatem Senatoriam abstulit, strictissimè prohibens, ne vllus principum ad eam deinceps assumeretur. Exarchatum Rauennatem cum omni Flaminia recepit, cui Comitem Bertholdum nepotem præfecit. Post multas comminationes, Venetos ad-

A a

egit, vñ



egit, vt pacem cum Anconitanis paciscerentur. Duos Reges ex Vrsinorū familia creare decreuerat, vnum Etruriæ, alterū Longobardiæ præfecturus: ille vt Germanos vltra Alpes compelleret, hic vt Gallorum & Siciliensium potentiā retūderet. Laudatur in eo quod generosi animi & sani cōsiliij, probatę vitæ, morumq; honestissimorū fuit, literarum studiosos amauit, in distribuendis beneficijs personarum electionē deuittauit. Cardinales aliquot graues & doctos viros elegit, inter alios, fratrem suum, & Columnæum alterum. Præclaris ædificijs palatium exornauit, S. Petri hortos muris circundedit, Ecclesiāque reparauit, in eaque Pontifices depingi curauit. Idem etiam in S. Paulo perfecit. Canonorum numerum auxit. Ordines Ecclesiasticos diuisit, vnicuique domicilium proprium assignans, vt aduenæ, quo in loco quisque magistratus, præsertim Forensis reperiretur, cognoscere possent. Palatium Lateranense ad finem perduxit, Sācta Sanctorum restaurauit, Ecclesiā S. Ioannis proprijs expensis reædificauit, nunquam missam sine lachrymarum profusione celebravit. Ordinē Minorum maxime promonere studit; in quorum gratiam quædam dubia resoluit. Ecclesijs vacantibus optimē omnium, & prudentissimē ipse vnus prouidit. Magistratum aliosque Curiz ministros reformauit. Multa ad publicam vtilitatem spectantia ordinauit. In hoc vno, quibusdā culpabilis visus, quod in suos propensior obseruaretur;



uaretur: præsertim quod vt ijs benefaceret, alijs subtrahebat. Tandē licet cibi potusq; abstinentissimus esset, morte tamen subitanea, in octaua Assumptionis Suriani sublatus est, Pontificatus sui, anno tertio, mense octauo, die decimoquinto. Romam relatus in Ecclesia S. Petri sepultus est. Sedes capite visibili quinque mensibus vacauit.

A a 2

MAR







**C**ardinalibus de successore sollicitis, grauis Viterbij contentio, inter Hannibaldos & Vrsinos exorta est. Illi enim duce Richardo, adiuuātibus Viterbiensibus, hos ex vrbe eiecerūt: qui in Conclaue irrumpentes, duos Cardinales Vrsinos captiuos ceperunt. Quorū absentia, Pōtifex quidam nomine Simon electus est, natione Gallus, Turonensis, Sāctæ Cecilix Cardinalis, & Martini quarti, sibi nomen imposuit. Viterbij coronari recusauit, quod propter violentiam illatā, Interdicto subiacere affirmaret. Sed Oruieti 23 Martij inauguratus est ipso die Paschæ



chæ sex Cardinales creauit. Carolus ibi eum in-  
uifit, cui Senatoriam dignitatem, nõ sine aliqua  
ignominia nota, reftituit. E familia Vrfinorum  
Cardinalem Romam mifit, qui Vrfinos cū Hã-  
nibaldis reconciliauit: vbi Richardus, laqueo in  
collū iniecto, ad pedes Cardinalis humiliter fe  
deuoluit. Romanis conceffit Martinus vt duos  
Senatores deligere poffent. Duo itaque electi  
funt, Hannibaldus Petri Hãnibaldi filius, & Pã-  
dulphus Gabellus. Paleologum excommunica-  
uit, quod promiffis in reconciliatione Ecclefia  
Græcæ cum Latina factis non ftetiffet: & Peru-  
finos, quod via facti Fulgentium inuafiffent &  
contriuiffent. Petrum etiam Arragoniæ Regem,  
ex eo quod à tempore pacis, fe authore cum Ca-  
rolo factæ, Regnum Neapolitanum diuexare nõ  
defineret: quin etiam Siciliam occupabat, adiu-  
tus viribus Ioannis Procidæ, authoris illius tru-  
culentiffimæ ftragis, quã Vesperas Sicilianas vo-  
cant. Tandem Perufij, quo ipfe propter certos  
tumultus, inter Gibelinos & Guelphos exortos,  
fe contulit, morbo correptus, anni quinti Pon-  
tificatus mēfe primo, animam Deo reddidit, ac  
in Ecclefia Cathedrali feputurę honorem acce-  
pit. Ad eius fepulchrum plurimi ægroti, claudi  
ac cæci, in eius fanctitatis testimonium, fanitati  
reftituti funt.





**H**onorius quartus Romanus, ex illustri Sa-  
 uellorum familia, primò Iacobus dictus,  
 Peruli Pontifex electus est: vnde Romam anno  
 1285. digressus est. Adeo podragris & chiragris  
 impediabatur vt celebrare nisi instrumentis ad  
 id affabre compositis suffultus, non posset. Verù  
 prudentia & consilijs nulli erat secundus. Excô-  
 municationem contra Petrũ Regem latam, re-  
 nouauit: eo quod omnibus conatibus, regnum  
 Neapolitanum affectabat. Parũ etiã abfuit quin  
 Genuenses Interdicto notauerit, quod Pisanos  
 obstinate persequentes apud Lamellũ ingētibus  
 cladi-



cladibus affecissent, Flaminia recuperavit. Guidone Feltrano, à quo inquietabatur mortuo. Carmelitarum ordinem, cappis nigris in albas commutatis confirmavit. Ordinem quoque, qui Eremitarum inscribitur, antea Parisijs exagitatione confirmavit: non quod illi celeberrimi ordines, demum huius Pontificis ætate, sua initia cæperunt; sed quod ex obscuris, Asiæ & Africæ latebris erumpentes, magis innotuerint, ac in Italiam aliasque Europe partes sese effuderint: feliciusque increuerint, sub Apostolicæ Sedis clientela & patrocinio constituti. Etenim Carmelitarum ordo ab ipsis Apostolorum temporibus, in Monte Carmelo inchoatus fuit, unde & nomen suum mutuo accepit. Tèporis tandè progressu, numero hominum & domiciliorum multiplicatus est. Verum Sarracenis irruentibus; disiectus & dissipatus, nonnihil detrimenti accepit: ijs porro denuo eiectionis, ordo circa ea tèpora iterum reffloruit. Eremitarum vero religio, ab ipso patre Augustino in nemore prope ciuitatè Hipponensem (teste Possidonio) fuit instituta, quæ viuo Augustino & mortuo, magna deinceps sumpsit incrementa. Post aliquot annos, Barbarorum irruptione cecidit: hinc Eremitis in Italiam aduentantibus, alijs aliò migratibus, in varias prouincias & Europe partes sese protulerunt: donec omnes in vnum corpus reuocati, auctoritate Apostolica, loco, habitu, coniuncti, ad Augustini regulam, normam, & nomen arctius reli-



gati sunt. Insuper & in ciuitatibus habitare sunt iussi, vt Episcopis, Parochis, & alijs Ecclesiæ Pastoribus, tãquam subsidiarij sodales, auxiliarentur. Vnde factum est, vt Eremitarũ nomẽ, quod ex solitudine ab initio habuit, etiam in medijs vrbibus retineat. Vt ad Hónorium sermo recurrat, toto Pótificatus sui tempore, vnicum Cardinalem creauit, Ioannem Buccumatium Episcopum Tusculanum. Alumnorum suorũ, domesticorum, & famulorum suorum amantissimus erat, quorum salutis singularem curam habebat. Ad extremum, vbi Petri nauiculã fêliciter duobus annis, & vno die direxisset, naturæ tributum in monte Auentino, in quo se continebat persoluit, ac inde ad S. Petrum ad sepeliendum delatus est. Sedes 10 mensibus vacauit.

NICO-





PONTIFICVM.  
NICOLAVS III. PONTI-  
FEX 193. Anno 1288.

377



**P**ost mortem Honorij, Cardinales diuersis morbis exagitati in causa fuerūt, vt Cōclauē reſeratum maneret, nec ante decimum menſem fuit recluſum. Quibus decurſis, in S. Sabina Pontifex Nicolaus quartus electus eſt, patria Aſculanus, ordinis Minorū Generalis, ante Hieronymus dictus. Seditionibus Romę coortis inde diſcedens, Reate proſectus quosdam ibi Cardinales ex omni fere Religione creauit. Rebus tranquil-  
lioribus redditis, ad Vrbem redijt, Eccleſiamq; S. Marię Maioris reſarciuit, Cardinalis Colūnæ auxilio adiutus, partes quoque anteriores. Eccle-



ſiæ Lateranenſis reparauit. Certis adiectis conditionibus Aragoniæ Regem cum Neapolitano recôciliauit. Ptolomaidi per Soldanum obleſſæ, bis mille & quingentos milites proprijs expenſis auxilio miſit. Carolum 2 regnis Sicilienſi & Neapolitano inueſtiuit. Legatos ad Reges Franciæ, & Arragonum, vt eos induceret ad ferendas Terræ Sanctæ ſuppeticas miſit. In quo cū fruſtra ſe laborare intelligeret, triſtitia & amaritudine confectus, quarto poſt electionem anno, menſe vno, & die octauo, mortuus eſt, & in Sancta Maria Maiore ſepulturæ traditus. Cardinales ſe Peruſium receperunt, quò facilius ſucceſſoris electioni vacarent: licet eorum diſcordia ad vigefimum ſeptimū menſem ea res protracta fuerit.

CAE-





PONTIFICVM.  
CAELESTINVS V. PON-  
TIFEX 194. Anno 1294.

379



**C**Aroli Regis procuratione, & Cardinalis  
Latini Vrini diligentia, post diutinam de-  
liberationē, & disceptationē, Cælestinus 5. Ana-  
choreta Eseruiensis electus fuit: Petrus Morone-  
us pridem dictus, qui in Monte Marcella dicto,  
non procul à Sulmone solitariam vitam agebat.  
Perusium proficisci à Cardinalibus suadebatur:  
verū quia aliam Caroli Regis sciebat esse volun-  
tatem; Aquiliam se cōuertit: vbi receptus & co-  
ronatus est, incredebili hominum frequentia,  
propter rei nouitatē, eodem confluēte. Cardi-  
nales 12 creauit, homines maximi meriti, inter  
quos



quos duo heremitæ fuerunt. Verū cum & propter oneris magnitudinem, & rerum inexperientiam, parum idoneus huic tanto fastigio sibi videretur; abdicare se magistratu ipsi in mentem venit. Adeo namque facilis, & benignus erat, ut nihil vnquā vlli petenti recusauerit: quin vero quandoque duobus idem annuebat. Quod abdicationis consiliū tā vehementer vrgebat, & promouebat Cardinalis Caetanus, ut tametsi Carolus Rex, Neapolim secum perduxisset, Cælestinum quò illū de ea sentētia dimoueret, tandem sexto sui Pōtificatus mēse, propria spōte suæ dignitati cesserit. Ad solitudinem vero excusso onere rediens, successoris mandato in arcē Fumonis cōiectus est, vbi mærore animi confectus 14. Calē. Iulij obiit. A Clemente 5. in Sanctorū numerum propter miracula relatus est.

BONI-





PONTIFICVM. 381  
BONIFACIVS VIII. PONTI-  
FEX 1295. Anno 1294.



**B**onifacius 8. Anagninus, antea Benedictus Caietanus vocatus, Neapoli ipsa vigilia Natiuitatis, in locum Cælestini officio sese abdicā-  
tis, subrogatus est: vir doctrina quidem insignis,  
& rerum experientia laudabilis, verum supra  
modum ambitiosus & arrogans. Indulta & fauo-  
res, per prædecessores suos Cælestinū & Nicolauū  
concessa, abrogauit, Gibellinos persecutus, cōtra  
Columnenses implacabile odium concepit: ex  
quorum familia duo Cardinales Schismatici per  
ipsum denūciati sunt, & omnibus thesauris spo-  
liati. Præneste obsidione cingit, ac diripit, idē  
quoque



quoque ad Zagalorum & Columnā fecit. Sciarræ Gibellinorum patronus, Pontificis furorem declinans in piratas incidit. Omnium Apostolorum & Euangelistarum, item quatuor Doctorū Ecclesiæ festa, sub duplicis officio celebrari instituit. Sextum Canonum codicem composuit. Engubium quæ ab Ecclesia defecerat recuperavit. Alberto Austriæ Duci Imperij confirmationem, bis terque petenti, recusavit. Reate existens cum vehementi terræ motu multa ædificia ruinam passa fuissent, ipse sibi in medio prati domum ligneam construi iussit. Aliquot Cardinales creavit. Anno 1300. mēse Decembri annum Iubileum instituit, quem annum Sanctū vocāt, vt cētesimo quoque anno celebraretur. Hermāni cuiusdā corpus exhumari & cremari iussit, licet pro sancto coleretur. Patrimonij sancti Petri administrationem Carolo Vallesio Comiti, Philippi Regis Francorum fratri cōcredidit. Cum eodem Rege iurgium habuit, quod Episcopū incarcerationat, quē relaxare sub anathematis pœna præcepit. Hanc ob rem commotus Philippus Parisijs Concilium habuit: Bonifacius è contra coacta synodo Philippum excommunicavit. Verum hic iniuriam sibi illatā ulturus; Sciarram è manibus piratarum à se redemptum, cum Nogaretio Gallo equite, Romā misit: qui noctu Anagniam ingressus, Pontificē nihil metuentem capit, Romamque perducit, vbi tædio & merore, 35 die post moritur, octavo post



uo post electionem anno, mense nono, die 17.  
In sancto Petro sepultus est, in sacello quod ipse  
extruxerat. Pulpitum ipse quoque erigi in Late-  
rano procurarat, ex quo excommunicationes  
die Iouis sancto publicabatur: vbi etiam Philip-  
pus & Columnenses anathemate notati fuerant.  
Et vt ait Panuinius, decretum Gregorij 10 de  
creatione Pontificis approbavit, id quod etiam  
Cælestinus fecerat.

B E







**B**enedictus 11. Tarvisinus, S. Dominici ordinis Generalis, Nicolaus antea vocatus, propter raram & singularem doctrinam, Ostiensis Cardinalis à Bonifacio creatus, eidem in Sede Pontificali successit. Mox Sciarram cū sectatoribus in iudiciū vacauit, quò, cū se venire velle negassent, de integro excōmunicauit. Cognita vero Philippi causa, eundē absoluit: Cardinalibus Columnesibus eundem fauorem impertijt, illis omnia, bona restituens ad breue tempus tamen vti pileo rubeo prohibuit. Cardinalibus aliquot creatis, res Italiæ componere studuit, vt  
ijs



ijs sedatis, Christianis in Syria laborantibus auxilium ferre posset. Verum in ea deliberatione Perusium profectus, ibidem mortuus est, octauo mense, & decimo septimo post electionem die. In Ecclesia Fratrum Prædicatorum sepultus est. Miracula ab ipso edita, sanctitatis eius sunt euidentiſſima ſigna, nam ægrotos ſanauit & demoniacos liberauit. Poſt eius mortem ſedes 13 mēſes & 2 dies vacauit.

B b

CLE.







**P**ost multas & varias disputationes inter Cardinales de creando Pontifice; ad Pontificatum absens Bertrandus Gotto Vasco, Episcopus Burdegalensis electus fuit; ac sibi nomen Clementis quinti imposuit. Hic Burdegala Lugdunum pertransiens, eò omnes Cardinales conuocauit, Curiamque Romanā in Gallias traduxit, vbi 70 & amplius annis perseuerauit. In Pontificis huius coronatione adfuere Franciæ Rex, frater eius & Britanniae Dux. Sardiniam Federico Siciliæ Regi dono dedit, ea solum cōditione vt ex ea Sarracenos abigeret. Sectam Fratricellorū hæreti-



hereticorū, & Templariorum multis erroribus implicitorum, exterminauit. Venetos qui cum præiudicio Ecclesiæ ad Ferrariensem principatum aspirabant, excōmunicauit. Idem bis contra Florentinos, & Lucenses tētauit; quod ab armis contra Pistorienses sumptis, abstinere nollent: absolutionem tamē postea, quod in Ferraria recuperanda Pontificem iuuisent, consecuti sunt. Robertum, patre eius mortuo, regno Neapolitano inuestiuit. Henricū Luxemburgensem Ducem, Imperatorem electum confirmauit: ea cōditione, vt post biennium coronam accepturus, Romam veniret. Bonam pecuniæ summam ad Lateranum incendio absumptum restaurādum, misit. Diuersis ordinationibus plures Cardinales creauit. Columnenses restituit. Nogaretium & Sciarram, à Rege Franciæ postulatus absoluit. Verum Bonifacium improbare noluit. Cælestinum 5 in sanctos retulit, eum Petrum Confessorem nominans. Ad extremum morbis exagitatus, post octo annos, 10 cum dimidio mēses, migravit è vita. Sedes 2 annis 3 mensibus & 17 diebus vacauit. Clemens maiorum suorum secutus vestigia, legem à Gregorio latam cōfirmauit, & secundum Panuinium aliquid ei, adiecit.





**I**oannes 21, Episcopus Portuensis, ante electionem Iacobus Caturcensis dictus, Lugduni post longam dilationem Pontifex creatus est, ac ibidem in Cathedrali Ecclesia coronatus. Avinionem profectus, octo Cardinales mense Decembri ordinavit. Ludouicum, Caroli 2 Regis Neapolitani filium Episcopum Tolosanum, inter sanctos retulit. Tolosamque Metropolitanam fecit, Episcopum Limonensem, & Abbatiam S. Pontij Archiepiscopatu Narbonensi attribuit. Nouas dignitates in Ecclesijs & noua Collegia instituit, Ordinem Grandimontensem reformauit.



mauit. Cæsaraugustanam Ecclesia in Hispanijs in Metropolitanam erexit. Ordinem militum Christianorū in Portugalia instituit, quos Mauris opponeret, quibus Templariorum bona, & possessiones incorporauit. Diuos Thomas inter sanctos retulit, Herfendēsem scilicet & Aquinatem, ambos sanctissimos & doctissimos. Deinde septem alios Cardinales creauit. Excōmunicatos declarauit quicunque affirmarent Christū, eiusque discipulos nihil vnquam proprium in vita habuisse. Glossulam improbauit cuiusdam qui tertij ordinis fratres ad imitandam Christi paupertatem hortabatur. Excommunicationis fulmen in Vicecomites distrinxit, qui Mediolanum vsurpauerant. Idem contra Ludouicum Bauarum fecit, qui omnem Italiæ tranquillitatem turbauerat. Ortonam ab Aretina Ecclesia diuisit, eamque in Episcopatum erexit. Anathemate etiā notauit Nicolaum Estēsem Ferrariæ Dominū, & Passerinum Bonacossū Mātux Tyrannum, qui statum Ecclesiæ diuexabāt. Ioannem Vrsinum in Italiam misit, qui Florentinos & oēs Guelphos in Bauarum armaret. Hic enim cū exercitu in Italiā traiiciens, Romæ coronā acceperat, Antipapamque quendam Petrū Corbariensem, ordinis S. Francisci de obseruantia, creauerat; ac Nicolaum quintum nominauerat: qui paulò post, per Bonifaciū Comitem captus, & Auinionem perductus, in carcere mortuus est. Hoc impedimento liberatus, & Bauaro



in Germaniam reuerso, Pontifex Regis Galliarum auxilio, expeditionem in Sarracenos promulgari procurauit. Dum verò huic rei animū intentum haberet, anno Domini 1334. Pontificatus 19. 4 Mense, ætatis vero suæ 90, Auinione animam Deo reddidit, ac in Ecclesia Cathedrali sepultus est; magnum auri pondus relinquēs. Amavit & amplissimis honoribus auxit Dinum Florentinum, & Gentilē Fulginatē Medicos excellentissimos, vt erat in viros doctos, & præstantes, propensus & officiosus.

BE.





BENEDICTVS X. DICTVS XII.

PONTIFEX 199. Anno 1334.



**B**enedictus 10 primò Iacobus Tolosanus dictus, ordinis Cisterciensis, Cardinalis existens, die post Ioannis obitum 16, ad Põtificatum euectus est. Quem consecutus, mox censuras cõtra Bauarum à prædecessorelatas confirmavit, quod Imperium vsurpasset: quam dignitatẽ tum vacare, & ad se tanquam Christi vicarium deuolutam esse prætendebat. Interim ne Italia externo hosti pateret, multos Italiæ proceres, passim in vrbibus quas possidebant, Sedis Apostolicæ vicarios creauit. Romanis, per Legatum ad eos missum, persuasit vt Senatoriam dignitatẽ, tan-



quàm à Pontifice promanātem, nō autem à Regibus, exercerent; quemadmodum vsu introductum diutissimè obseruauerant. Vnica ordinatione sex Cardinales, viros virtutibus ornatissimos creauit. Omnibus modis Regem Franciæ cum Anglicano, licet in vanū conciliare studuit. In rebus honestis & iustis, constantissimus perstitit, bonos amore complexus est improborum voluntati, & conatibus, quantum fieri potuit repugnauit. Septem annis, tribus mensibus & 17 diebus, eius Pontificatus durauit. Eius mors grauem animi dolorem omnibus inflixit. Eius tēpore Petrarcha lauro coronatus est.

CLE.







**C**lemens 6. Lemouicensis, Petrus antea vocatus, ex monastica vita assumptus Archiepiscopus Rhotomagensis, vir doctissimus iuxta & eloquentissimus fuit. Post Benedictum decimum, Pontificiæ vices Auinione ei anno Domini 1342. nonis Maij cesserunt, ac decimo quarto Calendas Iunij coronatus est. In quatuor temporibus decem Cardinales creauit: anno vero euoluto duos alios ordinauit, inter quos duo erant eius nepotes, tertius frater germanus, quartus ei affinitate coniunctus. A Romanis rogatus, Iubileum quod centum annorum



spatio constitutum erat, ad quinquaginta reuocauit. Vt vero conatibus Bauari contrairer, Vicecomites Luchinum & Ioannē in ditione Mediolanensi Vicarios cōfirmavit. Ille vt cuneum cuneo opponeret, in ditione Ecclesiastica, multos itidem Imperialis officij ministros instituit. In eius rei contemptum, Clemens filiū Regis Bohæmiæ Imperatorem creauit: qui beneficij accepti memor, Nicolaum Renti, qui Romæ tyrannidem exercebat, Auinionem vinctum ad Pontificem misit. Eodem in compedes cōiecto, ad Urbē duos Cardinales destinavit, qui perturbatum reip: statum in meliorem formam reuocarent. Auinionem ab Ioanna Regina emit, & Tarentinum eiusdem maritum, Neapolitanum Regem declaratum, cum Hungarię Rege reconciliauit. Vicecomites cum Florētinis necessitudinis fœdere reuinxit: vt ea ratione ruinam quā Bauarus Italiæ minabatur, facilius propulsaret. Quin etiam pacem, licet frustra inter Franciæ & Angliæ Reges cōponere maximè studuit. Creatis aliquot Cardinalibus, Iuoneque Britanno in sanctorum numerum relato, mortuus est, anno 1352. Pontificatus sui decimo, mense vero exceptis duobus diebus, septimo.

INNO.







**D** Ecimo sexto Calendas Decembris anni  
1352. Innocentius sextus Clementi succes-  
sit, antea Stephanus vocatus, prima professione  
Procurator, & post Episcopus Claromontanus:  
deinde Cardinalis, ad extremum ad Pontifica-  
tum peruenit. Post quam coronatus fuit, multas  
reformationes per prædecessores suos illatas ab-  
rogauit. Prælati & beneficiati, vt in suis locis  
resideret iniunxit, impensas Aulæ suæ, familiæq;  
imminuit. Domi suæ, non alios viros quam pe-  
ritissimos alere voluit. Idemque Cardinalibus vt  
facerent præcepit. Palatij Auditoribus vt facerent  
præ-



præcepit. Palatij auditoribus stipendia constituit, ne præmijs corrōpi sese paterentur. In Italiā Cardinalē Aegidiū Hispanum misit, qui magnum adiuventū sua præsentia rebus Italicis attulit. Interea temporis quia Franciscus Baroncelli Senatoriam dignitatē Romę sibi vi vsurpauerat, Pontifex Nicolaum Rentijē carceribus eductū libertate donauit, eidemque opposuit, vt inter se contendentes, sibi inuicem perniciem atque exitium inferrent. Tumultibus autem & dissensionibus inualescentibus, eodem Regem Cypri Senatorē à se factum misit; vt quosdā qui se reip: reformatores vocitabant opprimeret. Cum vero pacem inter Gallos & Anglos omnibus nervis, licet in vanum componere studeret; mortē appetijt, Pontificatus sui anno 9. mense 8. die 6. Vir fuit iuris Ciuilis & Canonici peritissimus, sincerę vitæ, & magnæ cōstantiæ, Beneficia nullis nisi sufficienter doctis cōtulit. Eodem tempore, Eclypsis Solis insolita apparuit. Bartholus Iurisconsultus clarissimus dies suos terminauit.

VRBA.







**V**Rbanus quintus, eiusdem cum superiori-  
bus Pontificibus patriæ fuit, antea Guilhel-  
mus Grisant appellatus, & ex Abbate Sancti Vi-  
ctoris Massiliensis ad summum Ecclesiæ fasti-  
gium euectus est, eo scilicet tempore, quo apud  
Vicecomites legatione fungebatur. Auinionem  
profectus, sua singulari animi magnitudine qua  
præditus erat, Cardinalem Aegidium ( de quo  
supra ) in Italiam misit, vt libertatem Eccle-  
siasticam tueretur. Eòdem etiam ipse Pontifi-  
catus sui anno quarto se contulit, vt controuer-  
sias ibidem exortas extinguere. Is sopitis, cum  
pia



pia vrbis loca visitaret, Sanctorum Petri & Pauli capita in loco satis vili reperit: quæ auro argenteoque circundari & exornari procurauit, solenneque pompa in Laterano reposuit. Oruieti & in Monteflascone, palatia cultissima extruxit, quod ea loca propter aëris temperiem sibi posterisque suis conuenientissima essent. Mortuo Aegidio Cardinale Ioannem Haucut Ducē bellicosissimum militiæ ecclesiasticæ præfecit. His peractis in Gallias se recepit, vbi Pōtificatus sui anno 8, ac mense quarto, diem clausit extremum, eo tempore quo Brigida mulier deuotissima, Romam voti reddendi causa venerat.

GRE-





## GREGORIUS XI. PONTI-

FEX 203. Anno 1370.



**G**regorius vndecimus natione vt prædeces-  
 sores, Lemouicēsis, antea Petrus Bellifor-  
 tis vocatus decimo septimo ætatis suæ anno,  
 Cardinalis per Clemētem Sextum patruum suū  
 creatus, sub Baldo Iuriscōsulto peritissimo, ma-  
 iora incremēta deinceps Perusij cepit. Vitæ fuit  
 innocentissimæ. Urbanitatis humanitatisq; fuit  
 plenissimus. His virtutibus tanquam quibusdam  
 gradibus, omnium consensu ad supremum Ec-  
 clesiæ gradum peruenit. Cum vero totam Italiā  
 tumultibus occupatam videret, eò Cardinalem  
 Gebennensem cum sex millibus levis armaturæ  
 equitum



equitum Britonum misit. Quorum aduētū, cum nihil à tumultuatione recederetur: ipse Pontifex confirmato animo, viginti & vnam triremes super Rhodano præparari imperauit, aliòque properare se fingens, primò Genuam, inde Cornetum, ac postremò itinere terrestri idibus Ianuarij Romā peruenit, anno 1376: à translatione verò Curie Romanę in Gallias per Clemētē, 70. Huius vero transmigrationis causam, quidā hāc esse putāt, quod quidam Episcopus familiariter à Pontifice reprehēsus, quod in Episcopali sede non resideret, in fracto & constanti animo respondisse feratur: & tu qui vniuersalis Ecclesiæ, omniumque Episcoporum caput es, cur ad propriam Ecclesiam nō redis? Hac responsione exasperatus, reditum maturauit. In Urbē ingrediēs incredibili omnium applausu exceptus, præpopere mœnia Urbis, Ecclesias, aliaque loca quæ ruinam minabātur reparauit. Omnibus autem modis Italiæ quieti & bono publico consulens, Legatum ad Florētinos destinauit, qui eos ad pacem ineundam adhortaretur: quibus iussa exequi negligentibus, excommunicationis medelam inflixit. Adhæc, cum eosdem armis ad id adigere meditaretur; inter Genuenses & Venetos ecce nouā dissensio suboritur: quos dum ad vnionem reducere tentat, incredibili vesicę cōflictatione impeditus est, ac quinto Calendas Aprilis, Anno supra millesimum, trecentesimū, septua-



septuagesimo octauo : Pōtificatus vero sui anno  
nono, mense quinto, magno sui omnibus inge-  
nerato desiderio, obiit : ac in sancta Maria via  
noua sepultus est.

Cc

VR.







**M**ortuo Gregorio, cum de successore eligēdo tractaretur, Clerus populusque Romanus, vt quispiam è natione Italica adscisceretur, postulabant. Gallici vero Cardinales qui numero alios excedebant, occasionem præbuerunt, vt Bartholomeus Prignanus Neapolitanus, Archiepiscopus Barenensis assumeretur. Hic se Urbanum sextum vocari voluit. Cardinales vero è Conclau egredi, eam electionē sibi non probari declararunt: tametsi pœnitentiaque ducti, denuo cōgregantur; initoque conuentu, eundem quem sibi delegerant, pro vero ac legitimo pontifice reue-



reuerentes, confirmatis suffragijs receperunt. Trimestri euoluto, qui è Gallijs erant Cardinales, sub æstus Urbani deuitandi prætextu, obtēta prius à Pontifice libera abeundi facultate, Ahagniam commigrarūt, vbi ad calumnias conuersi, Antipapam Cardinalē Gebennensem crearunt, Urbani septimi nomen ei imponentes. Ad eam electionem Ioanna Regina authoritatem suam interponens, maximum pondus contulit. Vnde Pontifex eam iniuriam vlturus, Carolū qui sub vexillis Regis Hungariæ, militabat aduocauit, eumque Regem Neapolitanum, ad exclusionē Ioannæ declarat. Eo confirmato, Neapolim pergit, ac à Rege, vt nepotem suum Capuanū principem creet, postulat. Accepta repulsa Nuceriam se transfert, ibidemque Cardinalibus nouis declaratis, septem ex prioribus in vincula coniicit, Regemque ipsum, adhibitis quibusdam Iuris solennitatibus, dignitate priuat. Hac rei indignitate commotus Carolus, conscripto milite, eum Nucerix obsidet. Verum per Raymundum Comit̃s Nolani filium, qui cum exercitu superuenit, periculo liberatus est. His peractis, Genuam pertransiens, Cardinales quinque corio inclusos in mare iniici, & submergi procurat. Anno vero expleto, in Etruriam profectus, plurima loca quæ ab Ecclesiæ obedientia defecerant, eidem restituit. Carolo mortuo Neapolim proficisci meditatur, vt filios ei⁹ regno exturbaret: sed res vt proposuerat non successit, proinde re infecta



Romam redijt, vbi anno Pontificatus vndecimo, mense quarto obiit, variam sui nominis famam post se apud posteros relinquens. In Sancto Petro sepultus est.

BONI.





## BONIFACIVS IX. PONTI-

FEX 205. Anno 1389.



**B**onifacius nonus, Petrus antea vocatus, natione Neapolitanus, ex illustri Tomacellorum familia fuit: cōmunibus omniū suffragijs, anno ætatis suæ quadragesimo quinto, vt probabiliter obseruauit Panuinius, nō autē trigesimo, vt opinatus est Platina ad Pontificatū vocat⁹ fuit. Hic, vt multa ingenij acrimonia valebat, omnē populi Romani gubernādi ratione, ad solū Papā trāstulit. Vnde magistratus ex arbitrio & pro libito cōstituebat. Clemēte Antipapa mortuo, Cardinales schismatici Petrum quēdam de Luna in eius locum sufficiunt, Benedicti decimi tertij ei



nomen imponentes. Tunc temporis Perusij inter Nobiles & populum magna discordia suborta est. Hanc vt extingueret, Pontifex eò se contulit, cuius præsentiæ, etsi plurimum reuerentiæ, & obedientiæ deberetur, ipse tamen nihil efficere potuit. Nam populus furore exacutus, ad 80. nobiles crudeliter occidit. Hac iniuria Bonifacius se læsum sentiens, Assisium concessit, & per Legatos Galeatio Duci persuasit, vt Mátuam obsidione solueret. Iubilæi vero anno appropinquante, Romani suis precibus apud Pontificem institerunt, vt ad Urbem reuerteretur: ad quod vt inducerent, Banderesios destituerunt, eorumque loco Malatestam Pisauriensis domini filiū, Senatorem delegerunt. Ad urbem Pontifex reuersus, arcem Sancti Angeli muniuit, mœniaque & tures restituit, & sic paulatim dominatu Urbis potitus est. Annus Iubilæi 1400. cum incredibili hominum affluentia celebratus est. Paulò ante, Romam Præsbyter quidam, cum certo hominum numero quos Blanchos vocabāt, venerat: qui iussu Bonifacij pro hæretico exustus est. Idem Pontifex Annatarum imponēdarum primus author fuit: vnde ærario Ecclesiæ plurimum accessit. In regnum paternū restituit Vdislaum, priuationem qua Carolus exutus erat, irritam faciens. Ad extremū anno domini 1405. ex hoc mundo migravit, ac in Sancto Petro, sepultus est, Pótificatu quatuordecim annis & no-



uem mensibus administrato. In eo vero aliquam  
suo nomini notam inussit, quod parentes suos  
nimio fauore prosecutus fuerit, quod nimirum  
hi, Pontificis conniuentia & auctoritate ad ne-  
quitiam, & multorum perniciem abuterentur.

Cc 4

INNO-







**I**nnocentius septimus, pridem Cosmatus nomine, ex Cardinale sanctæ Crucis Pótifex factus est, tota Italia tumultuante propter mortem Ioannis Galeatii Mediolanensis Ducis. Schisma recrudescebat indies: quod Pontifex, (qui tamé antea prædecessorum suorum in ea, similibusque rebus, oscitantiam vituperare solebat) nō modò sopire neglexit, sed ne remedij quidem adhibendi mentionem fieri volebat. Nam cum populus apud eum instaret, vt seditiones rescinderentur, & vt sibi Capitolium, pons Miluius, Castellūque Sancti Angeli restituerentur, adeò excanduit, vt



eos ad nepotem suū, ceu ad carnificem miserit, à quo punirentur: ex quibus plurimi supplicio affecti è fenestris sunt eiectioni. Hoc facinore irritatus populus, Ladislaum Neapolitanum Regē aduocat, atque ad arma conuolat. Pontifex vero rei nouitate obstupefactus, cum nepote Viterbium confugit: vnde postmodū à populo, deuicto per Vrsinum eius militiæ Ducē Ladislao, reuocatus est. Romam reuersus, aliquot Cardinales, ex quibus tres Pōtifices postea delecti fuerunt, creauit: exinde nepotem suum agri Pice- ni & Anconensis Marchionem, eundemque Firmanum Principem creauit. His peractis, anno Pontificatus sui secundo mortuus, & in sancto Petro sepultus est.

Cc 5

GRE-





## GREGORIUS XII. PONTI-

FEX 207. Anno 1406.



**S** Chismate indies inualeſcente, Cardinales Romæ Conclauī incluſi, ſolenni ac mutuo iuramento ſeſe obſtrinxerunt, vt quicumque ex ijs Pontifex eligeretur, mox Pontificatui renūciaret: dummodo Antipapa Benediſtus, qui tū in Gallijs viuebat adhuc, idem faceret. Proinde pridie Calendas Nouembris, Cardinalis Sancti Marci, nomine Angelus Coriarius, Venetus, Pōtifex aſſumptus eſt, nomenque Gregorij duodecimi ſibi impoſuit: qui ſtatim poſt Pontificiæ dignitatis adeptionem publico ſcripto quod ante promiſerat, confirmauit. Interea temporis Antipapa



Antipapa Auinione Cataloniam, natale solum transfugit, eò quod Franciæ Principes instigantibus Cardinalibus Gallicis, ipsi persuaserant, vt magistratu sese abdicaret, timebat enim ne ipse violenter abriperetur. Cum autem de deligendo loco consilium iniretur, quo se Gregorius & Benedictus reciperent ad prædictam renunciationem declarandum, vtrinque difficultates exportæ & contextæ sunt. Proinde Auinioneses & Romani Cardinales eos priuarunt, congregatoque Pisis Concilio, cõmuni omnium cõsensu, pro vero ac legitimo Pontifice Alexander quintus est renunciatus. Gregorius & Benedictus se subtraxerunt, alter in Flaminiam, alius vero in Perpinianum, quorum in posterũ amplior mētio fiet.

ALEX-








**A**lexander quintus, instituti sancti Fracisci religiosus, antea Petrus Filardus vocatus, natione Cretensis, commetaria in libros Sententiarum coposuit: diuini vero verbi præco maximus habitus est. Opera & procuratione Ioannis Galeatij, cui à secretis erat, primò Vicentinus, postea Nouariensis Episcopus, gradatimque ascendens Mediolanensis Archiepiscopus electus est. Innocetij vero fauore, Cardinalitia dignitate adauctus, ex eo gradu ad summum Ecclesiæ culmen euectus est. Ad Pontificatū omniū Cardinalium suffragijs promotus, Ladislaum ceu Eccle-



Ecclesiæ perſæcutorē, Neapolitano regno exiit, illudque Ludouico Andegauensi contulit. Rebus ad hunc modum compositis, Bononiam se recepit: vbi in morbum incidit, mortēque instare sentiens, Cardinales ad se accersiri iussit: quos cum ad pacem & concordia, communēque Ecclesiæ vtilitatē adhortatus fuisset: omnia quæ in Concilio Pisano decreta erant, sibi iusta videri dixit, & vt legitima confirmauit. Ad extremum tandem, *Pacem meam do vobis, pacem relinquo vobis pronuncians*, spiritum Deo reddidit, postquā octo mensibus Ecclesiam rexisset. Bononiæ in Ecclesia Sancti Francisci sepultus est. Pauperes vnicē diligebat, plurimum humanus erat, & in quemuis liberalis, adeo vt interdum omnibus exhaustus per iocū dicere soleret, se diuitē Episcopum fuisse, Cardinalem pauperem, Pontificem vero mendicum.

IOAN-





## IOANNES XXII. DICTVS XXIII.

PONTIFEX 209. Anno 1410.



**I**oannes 22 Neapolitanus, prius Baltazar Cossa vocatus, ex illustri familia, cū Bonifacio nono à secretis & cubicularius esset, Cardinalis & Legatus Bononiensis factus est: quā prouinciam laudabiliter executus est, verum in ea legatione tantas opes congersit, vt ijs ad Pontificatum sibi viam munierit. Ad eam dignitatem promotus, Electores Imperij adhortatus est, vt Sigismundū Bohemiæ Regem Imperatorem deligerēt. Quo facto, eidem in Italiani transituro, Ioannes qui per Ladislaum inquietabatur, obuiā apud Laudam processit. Eò Sigismundus appulsus, vnā Mantuam



Mantuam perrexerunt, vbi Regia magnificentia per Dominũ Franciscũ Gonzagam excepti sunt ac ibidẽ consultatum de bello Ladislao inferendo, qui in plurimas Ecclesiæ ditiones inuolauerat, imò in eam temeritatem deuenerat, vt ne Vrbi quidẽ pepercisset. Interea Ioannes, omniũ christiani nominis procerum nomine, vt compareat, citatur, ad schisma tollẽdum. In Germania vrbs Constãtia futuro Concilio designatur. Eò deueniens, tantis & tam enormibus accusationibus oneratus est, vt mutato habitu, nõ sine magno timore, clam se subtraxerit. Verum decreto contra ipsum lato, apprehẽsus est, & in carcerem cõiectus, quadraginta criminibus, quibus grauatus erat, conuictus. Hinc cõmuni omniũ consensu depositus fuit: sentẽtiãque aduersum se pronunciatam approbavit, ac Ludouico Bauaro ad custodiendum traditũs, tribus annis captiuus detentus est. Exinde Gregorius quoque citatur, qui comparere recusat. Verum bonis Sigismundi admonitionibus persuasus, Carolum Malatestam eò misit: qui omnium intellecta intentione, nomine ipsius renunciat. Alter Antipapa Gregorius, occupata arce Panicolæ in Perpiniano, adeò se contumacem præstitit, vt eius causa discussa per Cõcilium, depositus fuerit. In eadem synodo Bohemorum error damnatus est, eorũq; Antesignani Ioãnes Hus & Hieronymus Pragensis exusti sunt. Omnibus hisce rebus transactis, ad eligendum nouum Pontificem



cem animum adiecerunt: ad quam rem debito modo perficiendâ, ex omnibus nationibus probatæ vitæ viros sex, qui cum Cardinalibus Conclauē ingrederētur, selegerunt: quibus introductis tertio Idus Nouembris, anni 1417, ipso die Sancti Martini, contra omnium opinionem, cōmuni tamen gaudio Cardinalis Columna Pontifex eligitur: qui sibi nomen ab eo sancto qui in eum diē incidebat, accepit. Sed de eo in subsequentibus latius. Quod ad Ioannem & Gregorium attinet, vnus Concilij decretis agri Piceni Legatus designatus est: alter vero per Martinum (cui se Florentiæ humiliter submiserat) Cardinalis & Episcopus Tusculanus creatus fuit. Verum paulò post, merore animi afflicti perierūt. Gregorius quidem Recaneti: Ioānes vero Florentiæ, cuius Cosmas à Medicis hæres factus, supra modum locupletatus est.

MAR.







**M**artinus quintus ex illustri Columnensiū familia, per Innocentiū septimū Cardinalis creatus fuit. Inito Pōtificatu, humanum se maximē prudentē, iustum, & in omnibus suis actionibus exercitatissimum exhibuit. Legatum qui Antipapæ Petri de Luna conatus reprimeret, misit, quo tamen nihilo factus melior, insipienter in sua opinione perseuerauit: quò factū est vt ab ijs qui partes eius tuebantur merito desertus fuerit. Instituit, vt certis temporum interuallis Cōcilia celebrarentur, ne Antipapæ alioquin occasionem arripientes, Synodos ipsi

D d

etiam



etiam cogere assuescerent. Rogantibus Imperatore, & Gallis, vt in Germania remanere vellet, nullo modo acquieuit. In Italiam reuersus, Philippum Ducem Mediolanensem cū Pandulpho Malatesta amicitiae fœdere religauit, ac deinde cum Venetis. Brachium Mantuanum excōmunicauit, qui plurima patrimonij Ecclesiae loca occupauerat. Verum is postea sanis Florentinorum persuasionibus inductus, sese humiliavit, ac proinde per Pontificem in gratiam receptus est, suaque opera & industria, Ecclesiae stipēdijs militans, Bononiam recuperauit, Eodem tempore Martinus Bononiae existēs, à Baltazaro Cossia, qui se Pōtificem sub nomine Ioannis 22 vendicabat, salutandi, atque eidem se submittēdi causa inuisit. A Romanis reuocatus non ante rediit quam Florentiam Metropolitanam declarasset, Ecclesias Volterranam, Pistoriēsem & Fresolensem, auxilij & subsidij loco eidem annectens. Romam veniens, tanta cum omnium læticia & exultatione receptus est, vt is dies qui in decimū Calendas Octobris incidebat, pro festo sit habitus. Exinde Urbē ipsam quæ multis in locis ruinam minabatur, reparare aggressus est. Nouembri subsequente, Tyberis alueo suo egressus, tāto perē excreuit, vt plurima damna Vrbi intulerit. Temporibus ijsdem, Romā superuenit Ludouicus Andegauensis, qui à Pōtifice regno Neapolitano donatus est, non sine graui Alphonsi Arragonensis animi perturbatione: quia hāc ob  
causam



causam Legatos ad Senense Concilium misit, ut Petri de Luna causam promoueret. Cui machinationi Pontifex ut obuiaret, Concilium dissolui curauit, aliudque post septennium indixit. Quantum potuit Bracchium afflixit, qui Ecclesie statum interturbabat. Bohemos hæreticos qui Catholicos diuexabant, compescuit. Lucensibus quos Florentini dura obsidione premebant, per Vicecomites opem ferri procurauit. His peractis aliquas Urbis Ecclesias reparauit, Cardinalesque creauit. Pacem cum Alphonso composuit, qui post obitum Petri de Luna alium Antipapam eligi mandauerat. Sed eum exauctoratum Martinus Episcopatu auxit. Ad extremum ubi in collatione beneficiorum, aliisque omnibus suis actionibus, iudicium suum, prudentiam & integritatem manifestasset, 14 anno, & tertio sui Pontificatus mense, ætatis vero suæ anno 63 obiit. Eius mors omnibus bonis flebilis accidit. In Laterano sepultus est. Sedes duodecim diebus vacauit.

Dd 2

E V







**E**ugenius quartus Venetus, Gabriel Condulmerius antea vocatus, ex Canonico in Alga à Gregorio duodecimo Cubicularius desumptus est. Postea ab eodem Episcopus Senensis, & tandē Cardinalis factus est. Quinto nonas Martij anno 1431. Martino mortuo ad Pontificatum vocatus, Eugenij quarti sibi nomē indidit. Cum Columnensibus graues ipsi altercationes intercesserunt, ob inobedientiam ei per Stephanum Columnam eius belli ducē exhibitam, qui Eugenij potentiam & indignationem veritus, cum quibusdam fœdus pereutiens, armatus cōtra Pōtificem



sificem processit. Is tamē tūm à milite stipante, tum à populo, ab eorum insidijs fuit assertus, ac Columnæus fuga sibi consulere coactus. Acciderunt etiam ijsdem pene temporibus tumultus & variæ tragædiæ excitatæ, quæ Pontificis ægritudine sopita sunt. Angelotum vna cum Francisco Camerario nepote suo Cardinalē creauit. Paulò post Sigismundus Imperator Romam appulsus, corona, cuius accipiendæ ergo venerat, ab ipso Pōtifice honoratus est. Imperatore abeunte Eugenius per Nicolaum Fortibrachium, bellis infestatus est, qui ab eo certam solutionem postulabat: quin & à populo etiam, cui responsionem duriores dederat, sibi cauendum ratus, mutato habitu sese clam Florentiam surripuit. Vbi cū molestijs & tædio plenissimus commoraretur, Concilium Basiliense inchoatū est, iuxta Martini quinti præscriptum. quod vt impediret Bononiam transtulit: per Imperatorē tamē & alios Principes ibidem ad id negotij congregatos: ter citatus & admonitus, quod inceptum erat cōprobauit. Patriarcham Vitelescum Romam legauit, cuius industria & vigilantia, non parui momēti plurimæ machinationes extinctæ sunt. Ob hæc proinde merita eūdem Cardinalē creauit. Inde vero Bononiam pertransiens arcem exædificauit, ac palatium reparauit. Anno subsequēti Cōcilium à Basilea Ferrariam transtulit vnde inter ipsum, Imperatoremque & Principes Cisalpinos magni animorū motus exorti sunt. Interea Cō-



cilium Ferrariæ inchoatur, quod ob grassantem Epydimiam abrumpi, & Florentiam transferri oportuit. Eò Græcorum Imperator, cum plerisque alijs, viuis rationibus conuicti sunt, ac spiritum sanctum ex filio æquè atque ex patre procedere, cōfiteri coacti. Purgatorium esse, Eucharistiā ex azymo pane confici, & consecrati oportere, Episcopum Romanū, in terris Christi Saluatoris esse vicarium, & vniuersalis Ecclesiæ caput. Interea Basileę Vicecomite procurante, Antipapa Amedeus creatus est, qui quōdam Sabaudia Dux vocabatur. Tandem post multas bellorum perturbationumq; vicissitudines, Romā rediens Nicolaum Tolentinatem Ordinis Sancti Augustini religiosum in Sanctorum numerum retulit. His ita peractis, septimo calendas Martij anni 1446. Pontificatus sui anno 16 ætatis verò suæ 64 mortuus est. Post eius mortē, Sedes duodecim diebus vacauit. Aspectu fuit venerabilis, alloquio grauis, historiarū peritus. Virorum litteratorum fuit amantissimus, proinde Poggium, Aretinum, Aurispam, Trapezuntium, Blandum rarę eruditionis viros, suos Secretarios fecit. Cōtumelias sibi scripto vel verbo illatas parui pendit. Plurima silētio quæ in eius laudem dici possent inuoluimus.

NICO,





**N**icolaus quint<sup>o</sup>, Thomas Sarzanus antea vo-  
catus, medici cuiusdā filius, pridie Nonas  
Martias electus anno 1447. ea quā erat modestia,  
Cardinales rogauit, vt ad electionē alterius ma-  
gis idonei procederēt. Is beneficiorum memor  
quæ à Cardinale Nicolao Albergatō ac cœperat,  
adolescens eiusdem nomen sibi assumpsit. Tunc  
tēporis tota Italia armis deflagrabat, quæ vt ex-  
tingueret, accepta corona processiones per Vr-  
bem mox instituit, quibus ipse pedes interfuit.  
Plures Legatos in diuersas regiones, sepius sine  
vllō effectu emisit. Ad extremum, post diuersos



& periculosos bellorum tumultus, pacem inter Regē Alphonsū, Venetos, Florentinos, Zforziam, & quoscumque alios composuit. Soli Genuenses cū Alphonso inimicitias retinuerunt. Interuentu & procuratione Imperatoris Federici, Fœlix Antipapa magistratui renunciavit: quē idcirco Cardinalem & Legatū Germaniæ creauit. Annum Iubilæum in 1450. incidentem celebrauit. In eo autem tanta hominum affluentia Romæ est reperta, vt vno dierū cuiusdam Cardinalis mulus exterritus: tantum in populo impetum concitauit, vt ducentos homines & tres equos, in Castelli ponte compresserit. Nicolaus in tāta multitudine, pro paterna sollicitudine, de rebus omnibus ad victum necessarijs prouidit. Intelligēs Imperatorem Federicum cum vxore anno sequēti venturum, prout fecit, mœnia Urbis reparauit. Accepta Federicus Imperij corona, pacificè in Germaniam reuersus est. Coniuratione contra Pontificem prodita, & deprehēsa, eius author & coriphæus Stephanus Porcarius cum quibusdam complicibus capti, laqueo vitam finierunt. Constantinopoli à Turcis obsessæ omnimodo succurrere studuit: ea tamen proposita conditione, vt ad fidem Catholicam, quemadmodum se facturos receperāt, redirent. Turcis nihilominus potentia & armis præualētibus, Vrbs ipsa totumque Imperium in hostium manus deuenerunt. Vnde Pontifex tantum doloris sensum contraxit, vt in febrim inciderit,

qua



quæ podragris, quibus mirum in modum vexabatur admixta, ipsi mortē intulit, anno Domini 1455. Pontificatus vero sui octauo. In Sancto Petro sepulturæ honorem consecutus est. Dum viueret in omnes, præsertim vero doctos liberalissimus fuit, quos muneribus & beneficijs ad exercenda ingenia excitabat. Per totam Europam literatos viros misit, qui authores deperditos requirerent. Eorum opera, Quintilianus, Marcus Celijs, Appicius, Porphyrio Horatij commentator, recuperati sunt. Multas Basilicas refarsit: ædificia magni momenti plurima extruxit: adeoque bene & sanctè gessit, vt cū omnibus qui eum antecesserunt Pontificibus, merito comparari possit. Magnas eleēmosynas distribuit præcipuè nobilibus ad paupertatē redactis: plurimas virgines dote ex proprijs auctas, matrimonio collocauit. Officia vel beneficia nunquam vendidit; Imò, vt erat religiosus iustus, clemens & pacificus, liberalissimum se præstitit. Leui negotio ad iram prouocabatur: verum eadem facilitate ad se rediens mitescebat: vnde fiebat vt ex animi cōmotiones tanquam parui nœui in tanto perfectionum fulgore.

D d 5

C A







**C**alixtus tertius primò Alphòsus Borgia vocatus, Hispanus Valentinus, vtriusque iuris cum esset doctissimus, Secretarius & Còsiliarius Regis Alphonsi primi assumptus est. Cum vero de pace & còcordia inter Pontificè, Eugenium, & Alphonsium Regè tractaretur : in ea re omne studium & diligentiam suam interposuit: gallerum tamen Cardinalitiũ sibi ab Eugenio oblatũ, non prius acceptare voluit, quam negotium sibi demandatum confectum esset. Eo peracto, sub titulo sanctorum quatuor Coronatorum accepit. Ad extremum sexto idus Octobris, anni 1450



ni 1450 Pontifex creatus est, nomenque Calixti tertij accepit. Mox bellum contra Turcas publicauit, cuius rei faciendæ ante adeptum Pontificatum votum ediderat. Proinde in omnem Europam prædicatores in hunc finem immisit, qui fideles ad eam militiam incitarent. Ipse Pontifex sedecim armatas triremes cum copijs auxiliaribus, sibi ex omni parte missis, Patriarcha Aquileensi præfecto, qui Asianorum maritima hostiliter infestarent. Romæ discordiam inter Vrsinos, Comitem Auersum, & Columneses accensam, sua diligentia restinxit. Sanctum Vincetium Hispanum, & Egmundum Anglum, inter sanctos retulit. Palambaram quæ ad defectionem cōuersa Ecclesiæ se tradiderat, legitimo eius Domino, Sabello restituit. Cometa horribili appARENTE, processiones generales instituit, quo diuina vindicta auerteretur. Eiusdem institutū fuit, vt meridiē campanarum pulsū, populus ad orandum pro ijs qui contra Turcam pugnabant, inuitaretur. Senenses à Picennino hostiliter oppressos liberauit. Rebus Italiæ aliquo modo mitigatis, nouem Cardinales creauit, ex quibus duo ex sorore nepotes erant, & Aeneas Picolhomineus, qui eidem in Pōtificatu successit. Alphōso vero nullis heredibus legitimis relictis, mortem oppetente, ipse Calixtus tātum animo valuit, vt regnum ipsum tanquam ipso iure, Ecclesiæ deuolutum & cessum, repetere ansus sit: Vnde non paruum difficultatē mouit, quæ Pontifice mortuo.



tuo omnino sopita est: is enim tertio Pontificatus sui anno, die vero sexto, mortuus, est corpusque eius ad S. Mariam vulgo Febrium vocatam, deportatum est. Annos octoginta vixit. Suo tempore, arctissimam amicitiam, necessitudinēque cum regibus Persarum, Armeniæ, Tartariæque contraxit, quos ad bellum Turcis inferendum incitavit, à quibus etiā legationes habuit. In distribuēdis eleēmosynis liberalissimus fuit. Multos nobiles ad inopiam redactos proprijs facultatibus sustentabat. In victu frugalitatem, in sermone modestiam seruabat. Omnibus dum bene valebat, facilem accessum præbebat. Tantopere autem integritatē amavit, vt nec Episcopus, nec Cardinalis vnquam aliud beneficiū ex alicuius fauore, aut sublidij vice, acceptare voluerit. Ecclesiam sanctæ Priscæ reparauit, mœniaque Urbis refarsit. Nullis vero adeò grauibz curis distrahi potuit, vt à studijs animum subduxerit. Officiū transfigurationis ipse composuit, atque eadē ratione qua solennitas Corporis Christi celebrari voluit. Quod vero ab Alphōso Rege alienior, ab ipso dissideret, inde proueniebat, quod Episcopatus indignis cōferri sollicitaret.

PIVS





**D**Ecimo tertio Calendas Septembris, com-  
muni omnium consensu, Pius Pōtifex ele-  
ctus fuit, prius Aeneas Syluius vocatus, ex Picol-  
homineorum Senensium familia originem du-  
cens. In iuuentute studijs liberalibus addictus,  
in Poëtam doctissimum euasit: versusque Lati-  
na & Etrusca lingua composuit, ac tandē Ora-  
toris clarissimi nomen consecutus est. Ob varia  
ingenij præclaraque edita specimina, in Con-  
cilio Basiliensi, magno & honorifico loco habi-  
tus est, cuius etiā nomine octo Legationes, diuer-  
sis de causis obiuit. Hoc oratoris munere apud  
Cæsarem



Cesarem dum fungitur magnam iniuit gratiam: adeò vt ab eodem lauream coronam sit consecutus, ac in Secretarium ascitus, quo & ad varias legationes Cæsar vsus est. Ipsius verò Imperatoris mandato nouem legationes, in magni momēti negotijs obiuit. Calixtus ea qua ipsum prosequebatur beneuolentia, Cardinalem creauit, quem etiam in Pontificatu subsecutus est. Bellū in Vmbria grauissimū Picennini procuratione excitatum, ipse sopiuit, Afsisium & Nuceriam recuperauit. Mantuæ cōnuentum indixit, in quo plures Principes & Legati, aderant inter quos de bello Turcis inferendo delibratum & conclusum fuit. Romam reuersus Viterbium recepit. Ab Ecclesię ditione quosdam tyrannos expulit. Neapolitani regni donationē Ferdinādo factā, ipse approbavit, & ad eūdem, Cardinalem Vrsinum, qui ei Imperij coronā imponeret misit: illūque amissa apud Sarnum victoria penē desperatum, suis copijs adiuuit: quo præclaro ac singulari officio Coronā ipsi sartā tectamq; seruauit. Cæsaris armisq; Sigismūdi Malatestæ vires & insolentiā compescuit. Fædus cum Hungariæ Rege, Burgūdiæ Duce & Venetis ad expeditionem Orientalem prosequendam pepigit, in qua se totum per diuersa loca circūeundo impendit. Bohemiæ Regē citari fecit Archiepiscopū Moguntinū priuauit, quod peruesē de fide sentiret. Excōmunicauit quoque Sigismundum Austriæ Ducem, qui Cardinalē quēdā in vincula coniec-

tum



rum detinebat. Ludouici Gallorum Regis machinationi sese opposuit, qui libertatem Ecclesiasticam imminuere conabatur. Borſio Mutinēſi Duci, qui rebus Gallicis fauebat, minas addidit, & Sigismundo Malateſtæ, qui Eccleſiam perſequebatur. Affinitatem & amicitiam cum Rege Ferdinando contraxit. Sanctam Catharinam Senenſem inter Diuos retulit. Duodecim Cardinales creauit. Plurima ædificia Romæ, Senis, & alibi extruxit. Couſmianum ciuitatē exædificauit, quam de ſuo nomine Pientiam vocauit. Annos 58. & decem menſes, minus duobus diebus vixit. Ad extremum, anno Pontificatus ſexto, diebus ſex minus, decimo quarto Calēdas Septembris, anno 1464. feбри Auconæ mortuus eſt, vnde Romam corpus eius tranſlatum eſt, & in S. Petro ſepultum. Præclara opera ipſe cōpoſuit, plurima in dialogorum formam redegit, plures epiſtolas & orationes ad multos porrectas deſcripſit. Hiſtoriā Bohemiæ, duodecim libros diuerſorum Epigrammatū cōtexuit, verſus ſine numero edidit. Grammaticorum præcepta iuueni Ladislao Hungariæ Regi dedicauit. Innumera penè ea ſunt quę de ipſius laudibus per Platinam commemorantur. Vnum illud ſub ſilento præteriri non debet, quod æqua animi facilitate omnibus parcebat, neminemque vnquam corripuit, qui eum maledictis laceſſiuiſſet.





**P**Aulus secundus nobilis Venetus, cui nomen Petrus Barbus prius fuit, Pontificis Eugenij ex sorore nepos, per quem etiam ex humiliore statu ad Cardinalitium statum pro motus fuerat: pridie Calendas Septembris anni 1464 Pōtifex electus est. Inito Pontificatu destituit omnes officarios à Pio institutos, (ex quibus erat Platina) qui ex eo quod audaciori animo, eius seueritati oblocutus fuisset, in vincula coniectus est. Idem Pontifex, Canonicos sancti Ioannis Lateranensis per Eugenium ordinatos, & ab vno Calixto dignitate deiectos, in pristinum statum restituit.

Chri-



Christianos Principes Legationibus missis ad arma in Turcas capeſſēda frustra adhortatus est. Illi enim tunc temporis Epirum occuparant & mox Illiricum ingredi parabant. Viribus & armis Ferdinandi Regis adiutus, Deiphobi & Frāncisci Comitis Auerſi potentiam & audaciam cōfregit, eosque ceu Ecclesiæ aduersarios nouem Castellis exuit. His peractis, inter eum & Regem graues natæ sunt contentiones. Nam Ferdinandus, ob egregiam à se præstitam Ecclesię operam, tributum quod debebat sibi remitti postulabat. Episcopum Conchenſem Mediolanū miſit, qui ſuis conſilijs & adhortationibus populum in officio, obſeruantia, ac debita fide erga Galeatium Franciſci Sfortię tūc demortui filium abſentem, retineret. Rhodiorum Magiſtrum Romam aduocauit, qui ibidē obiit. Vt vero rebus illius Inſulæ afflictiſ mederetur, eò Carolum Vrſinū cū ſummi magiſtri titulo & poteſtate miſit. Decem Cardinales creauit, & poſt plurima bella, aliquos in Italia potentes ſedauit. Exinde ad tranquillitatem conuerſus, Ludorum feſtos inſtituit populumque ad conuiuium publicum inuitauit. Orta coniurationis ſuſpicionē, plures quæſtionibus ſubijci curauit: in eorum numero ipſe Platina de quo ſupra, fuit. Imperatorem Federicum qui Romam voti reddendi cauſa venerat, magnificē & ſplendidē ſuſcepit. Idē quoque Borſio Eſtenſi præſtitit, quem Ferrariæ Ducem ad retundendā Georgij Bohemiæ Regis insolentiam creauit,

Ee

eadem-



eademque intentione Hūgarios & Alemannos excitauit, vt totam eius stirpē extingueret. Bellum Volphæ dominis edixit, quod tamē minus foeliciter ei successit, proinde post longam contentionem, locum ipsum septem & decem milibus Ducatorum aureorum coemit. Ad extremum Pontificatus sui anno septimo duobus mē-sibus minus apoplexia mortuus est, Anno 1471 quinto Calendas Augusti. Cardinalibus rubrum habitum adiecit. In Sancto Marco & Vaticano præclara ædificia ædificauit. Plurimos Cardinales & Episcopos pauperes adiuuit. Viduis, Virginibus & infirmis opem & auxiliū attulit. Margaritis, rebusque pretiosis mirum in modū delectabatur. Vir erat tetricus ac morosus, in criminosos seuerus in domesticos durus & asper.

SIX.







**S**ixtus 4 Saionensis, ex illustri Ruuereorum progenie originem trahens, nomē Francisci antea obtinuit. Ordinis Sancti Francisci magister Generalis fuit magnam in dicendo energiā, singularemque doctrinam habuit. Hāc ob causam per Paulum secundū Cardinalis creatus est. Eo mortuo, quinto Idus Augusti, anno 1471, ad Sedem Apostolicam administrādā assumptus est. Quatuor Cardinales Legatos selegit, quorū vnum Franciæ, alterum Hungariæ, tertium, Aragoniæ Regibus misit, quos ad ineundam pacē hortaretur, quartū vero æquoreo exercitui cō-



tra Turcas præfecit, ictis prius cū Venetis & Rege Ferdinando sederibus, licet nihil ab hoc nec ab illis effici potuerit. Vt quosdam Tyrannos in Vmbria comprimeret, auxiliariis Ferdinandi copijs adiutus, exercitum cōscripsit, cuius administratorem & directorem Federicum à felice Monte constituit, eumque ex Comite, Ducem Urbinatium declarauit. Nepotem suum Iulianū Legatum creauit. Pactijs contra Laurentium & Iulianum Mediceos præsidio fuit. Cum Venetis Viribus iunctis, belli Ducem Malatestam diligens, Calabriae Ducem prælio fudit. Cōuentione quoque cū Neapolitano Rege inita, Columenses prosequutus, eos afflixit. Venetos postea, à quorum societate & amicitia resilierat, interdixit, omnibusq; Potētatibus sibi deuinctis, cōtra eos cōfederationem sanxit. Andream Paleologum. Albaniae Dominum, Cypri, Bosphoræque Reginas auitis domicilijs, Turcica oppressione deiectos, Romam venientes honorificentissime excepit. Idem humanitatis officium Christierno Daniæ, & Ferdinando Regibus, necnō Calabriae Saxonumq; Ducibus, ad Urbem deuotionis ergo peregrinantibus præstitit. Annuū porro censum Ferdinando remittit, hac sola conditione retenta; vt quotannis equum phaleratum offerret. Non minorem eius beneuolentiam Leonora Ferdinandi filia iam nuptura, experta est. Bonauenturam in Sāctorum numerum retulit. Conceptionis, B. Virginis, Præsentationis Sāctæ  
Annæ;



Annæ, SS. Iosephi & Frãcisci dies festos celebra-  
ri officio præcepit. Annum Iubilæum ad viginti  
quinque annos contraxit. Urbem Romanã plu-  
rimis, ijsque præclaris ædificijs exornari: plateas  
vicosque lateribus insterni; amouerique ea om-  
nia quæ humiditatem, aut obscuritatẽ inducere  
videbantur, curauit. Aquas Virgines dictas, re-  
duxit. In Vaticano bibliothecã toto orbe cele-  
berrimam erexit. Status Ecclesiastici propugna-  
torem acerrimum sese exhibuit. Animi gene-  
rosi liberalis, & magni fuit: erga suos vero adeo  
propensi, vt ex illis magnam partem Cardinali-  
tia dignitate inuestierit, alios sublimioribus gra-  
dibus auxerit. Primus inter Pontifices fuisse fer-  
tur, à quò officia & dignitates in curia Romana  
veniẽre. Plurima quoque, ex quibus pecunias cõ-  
flaret, recenter excogitauit. Opuscula quædam  
composuit, quæ doctorum manibus lecta & fre-  
quentissimè trita sunt. Podagris vexatus, idibus  
Augusti tandem mortem obiit, Pontificatus sui  
supra quartum diem. anno decimo tertio: ætatis  
vero suæ 70. In Sancto Petro sepulturã habuit.  
Eius morte Sedes 16. diebus vacauit.

Ec 3

IN-





INNOCENTIVS VIII. PON-  
TIFEX 217. Anno 1484.



**I**nnocentius 8 Genuensis, ex illustri Ciborum  
Prosapia, ante Pontificatum Ioannes Baptista  
vocatus est, Aaronis Neapolitani pro Regis, ac  
deinceps Romani Senatoris filius. Opera & fa-  
uore Sixti 4, Cardinalis creatus est: quo mortuo  
in eius locum 4 Calendas Septēbris, anno 1484  
suffectus est. Qui cum sua naturali propensione  
humanissimus esset, ad gradum adeo sublimem  
promotus, mores quibus antea excultus erat, nul-  
lo pacto deseruit, aut mutauit. Venetos ab Inter-  
dicto absoluit. Assiduus Legationibus Principes  
Christianos ad concordiam adhortatus est, & vt  
in Tur-



in Turcas arma sua conuerteret, animauit. Iudicibus suis vt æqua lance omnia iudicaret strictissimè mandauit. Imperatoris Federici precibus Alexus Leupoldum Austriæ Ducem miraculis illustrem, inter diuos retulit. Exorto inter Ferdinandum Regem & se propter annum censum iurgio. Nobiles regni in suam cliētelam recepit & protectionem, ac illos ab obedientia & solenni iuramēto liberos fecit, Regemque ipsum regno exuit: Ferdinandi tamē Regis armis atque potentia territus (qui Florētinorum copijs, Ducisque Mediolanensis viribus innitebatur) cum eo in gratiam redijt. Eiusmodi belli tumultibus & impedimentis solutum se animaduertēs, omnem animi cogitationem ad regimen & studia Urbis conuertit: proinde Columnenses cū Vrsinis reconciliauit. Margariosque cum Sanctacrucijs, bellis exitialibus dissidentes, pacis federe reuinxit. Urbem latronibus purgauit, in eorumque capita seuerissimè animaduertit. Eodē prorsus modo officarios quosdam falsarios, publicè puniri voluit. Vrbi de rebus necessarijs maxima cura prouidit: Ducis Mediolanensis ope subnixus Bucalinum Tyrannum Anxinū subiugauit. Octo Cardinales creauit, omnes grauissimos & maximæ æstimationis viros. Porticus Palatij Belvedere dicti ædificauit. Lateranēsis Basilicæ absidam, S. Mariæ Diaconiā via lata erexit. Particulam ligni Sanctæ Crucis reperit; ipsemet à Turca ferrum Lācæ per quod Christi Saluatoris no-



ris nostri latus perfossum est, dono accepit. Innocētiū proceri corporis, & coloris cādidi fuit, ægritudine assidua conflictatus est, vnde antequam è viuis excederet, in deliquium animi incidens 20 horis sine vllō arteriarum motu immobilis permansit. Post duos annos eodē morbo correptus animam Deo, octauo Calēdas Augusti reddidit, Anno salutis 1492, hora noctis quinta. In Sancto Petro cum maioribus sepultus est. Pontificatus sui anno septimo, mense decimo, die 27. Eius morte Sedes 16. diebus vacauit.

ALEX





PONTIFICVM.  
ALEXANDER VI. PON-  
TIFEX 218. Anno 1492.

448



**N**ihil ab hoc Pontifice, quo vel suis maiori-  
bus, aut tam sublimi dignitati, vel denique  
suo nomini respóderet, gestum est. Nam spiritu  
bellico ductus detrimētis, aliorum sua commo-  
da stabilire annixus est. Hic Valentiaē in Hispa-  
nia nobili familia Lenzolia ortus est: licet ven-  
dicaret sibi nomē Borgiæ, in memoriá auunculi  
sui Calisti: à quo omnino adhuc adolescēs, Epi-  
scopus Valentinus creatus fuerat, ex quo ad Car-  
dinalatum adscēdit, ac tādē Vicecancellarius  
declaratus. Demū tertio idus Augusti, anno 1492  
quorundam Cardinalium conspiratione, quos



pollicitationibus in suam sententiam pellexerat, in Pontificem electus est. Pontificatus initio carcerum visitatores instituit, qui eos perpetuò circumirent, nonnullaque alia opera laudabilia edidit. In primo cōuentu quem habuit, suum ex sorore Nepotem Cardinalem instituit, eumque Neapolim, vt Alphonso secundo coronam imponeret, legauit. Cum Carolo octauo Gallorum Rege qui prædictum regnū Neapolitanū occupaturus veniebat Alexander, confederationem, metu perculsus iniit. Paulò post, contra eundem cum alijs Principibus fœdus percussit. Post huius belli expeditionem, aliam confederationem, cū Ludouico Rege Catholico, Venetis & Florentinis contra Ludouicum Sfortiam & Federicum Regem Neapolitanum confirmauit. Anno 1500 Iubilæum celebrauit. Pontificatu suo durante 53 Cardinales creauit; ex quibus 18 natione Hispani fuerunt. Verum ne sigillatim omnia eius facta referamus. Vnum solum adiiciam, quod de Borgia eius notho, Historiæ narrant. Hic repudiata vxore Episcopus Valentinus factus est. Deinde Cardinalis ac tandem Ducatum Valentiniæ obtinuit. Regno autem Italico inhians, nullum crudelitatis, scelerisque genus omisit, quod non exercuerit Nobilissimas quasque familias, aut aperto Marte, aut alio modo exterminare conatus est, vt ijs extinctis eorum bona degluberet. His omnibus facinoribus non solum consentiebat parens, verum etiam omnibus neruis, eius conatus



conatus promouere studebat: filium enim suum ad omnia summa prouectū cupiebat, sed vt sunt incerti rerum omnium euentus, extructo ad vmbrosū Vaticanī ruris fontem quem Beluederū vocant conuiuio, Cardinalium præcipuos è medio tollere instituit, vt eorū bonis frueretur, præparato ad eam rem perficiendā intoxicato vino, vnde incanto Pincernæ errore, qui medicatam Falerni vini lagenam cōmutauit, Pater & filius fatali calamitate puniti fuerunt, quanquā Valentinus, adhuc iuuenis, ac proinde firmioris roboris, quæsito adhibitoque antidoto contra venenī vim præualuit. Pater vero annis grauatus 72 scilicet, veneni efficaciam euincere minime potuit, ac proinde 15 Calēdas Septembris, anno salutis 1503. Pōtificatus vero sui 11, die 8 migravit. Corpus eius in vili abiectoque sacello apud S. Petrum conditum est, hoc vnum libere affirmari liberè potest, nūquam Romanam ciuitatē vsque adeo grassationibus & latrocinijis abūdassee, quē admodum hoc Pontifice viuentē oppressam sensit. Vt vero vitam barbarā & dissimilem Pio secundo. Eugenio 4, alijsque honestissimis Pontificibus ducebat, sic etiam magnum numerum exploratorum, delatorumque alebat. Suspicionibus plenus & sibi male conscius eos morte afficiebat, qui quicquam contra se licet minimum effutiuisent. Vitiorum quibus cōtaminatus fuit & donorum sibi à Deo concessorum historiæ plenæ sunt.





**D**Vx Valentinus qui mortem euaserat, vni-  
uersum terrarum orbem, vt videbatur, ve-  
xaturus, 12 militum millibus quos secū habebat,  
Cardinalium collegium circumdedit, vt eorum  
vota in suam sententiam pertraheret. Populo ta-  
men sese interponente, & intercedentibus His-  
paniæ & Fræciæ Oratoribus, ipse Valentinus cū  
suis copijs Romam deseruit. Proinde omnium  
Cardinalium suffragijs, 10 Calēdas Octobris, an-  
no 1503. Franciscus Picolhomineus Pōtifex re-  
nunciatus est, qui optima auunculi sui recorda-  
tione stimulatus, Pij 3. nomen sibi assumpsit, ijs-  
demque



demque cum auunculo insignijs & cognomine  
vsus est. Ipsi creato Pontifici, Valentinus pedes  
exosculatus est; quem Vrsini persequentes, cum  
aliquantula, tam ex vna quam ex altera parte  
sanguinis effusione, captus atque in Hadriani ar-  
cem deductus est. Verū vnoquoque optima sibi  
de Pontificis virtutibus & bonitate proponente,  
ex vulnere in pede accepto, non sine veneni su-  
spicione 15 Calendas Nouēbris, annos natus 64.  
26 sui Pōtificatus die, morte sublatus est, ac apud  
auunculum suum sepultus.

IV-







**I**ulius secundus, antea Iulianus vocatus, patria  
 Sauonensis, Sixti Papæ 4 fratre natus, ex fa-  
 milia Rouereorum, ex Episcopo Carpentor-  
 ratensi S. Petri ad Vincula Cardinalis Præsby-  
 ter factus est. Mortuo pio Calendis Nouembris  
 à 37. Cardinalibus Pontifex electus est. Valenti-  
 num ea conditione relaxauit, vt arces Cessenæ  
 & Fortiliuij restitueret. Filiam vnā Ioāni Ior-  
 dano Vrsino in Vxorem dedit; aliam vero Mar-  
 co Antonio ex sorore neptem desponsauit. Cum  
 iam ad restituendum statū Ecclesiasticum, ani-  
 mum conuertisset. Bononia Ioānem Bentiuolū  
 eius



eius tyrannum eiecit. Fœdere cum Principibus Christianis percusso, contra Venetos arma mouit: quos non modo excōmunicauit sed & grauissimis prælijs fudit, pluribusque præsijs nudauit. Successu temporis, calamitatis eorum & afflictæ cōditionis misertus, eosdem absoluit ac cum ijs adhibitis conditionibus fœdus percussit. Contra Ducem Ferrariensem commotus, quod Salinas occupatas teneret, eum excōmunicationi innodauit exercituque contra eundē misso profligauit, mutinam ex ipsius potestate, sua præsentia cœpit. Mirandulam, Gallicis præsijs munitam expugnauit. Exinde Rex Ludouicus, Ducis partibus addictus Pontificem ad Conciliū Pisis congregandum citat. Quod vt declinaret, Romę apud Lateranum aliud generale indixit: in quo & Regem ipsum & Florentinos grauissimè excōmunicauit, qui Urbem Pisanam Concilio prætenso delegerant. In hac rerum perturbatione, Legatos ad Reges Catholicū & Angliæ, auxilium regalum contra Franciæ Regē misit, vnde grauissimum bellum exarsit, quod crudelissima apud Rauennam edita strage terminatū est. Vltimo demum Venetorum & Heluetiorum fectus auxilijs, Francos ex Italiæ finibus eiecit. Maxilianumque Sfortiam in Ducatum Mediolanensem restituit, Breui temporis curriculo interiecto Bononiam à Bentiuolis occupatam. Rauennam & alia loca recuperauit. Florentiæ Medicorū familiā sibi semper adhærētem restituit.

Contra



Contra Venetos denuo fœdus iniit, quod Veronam & Vicentiam Imperatori cedere impedissent. Verum multis & grauibus fractus laboribus, 9 Calendas Martij febricula correptus in morbum incidit, anno 1513. vnde ætatis suæ anno 70, è viuis excessit, postquam Pontificatum 9 annis, quatuor mēlibus, exceptis 5 diebus administrasset. Apud S. Petrum in Auunculi sui sacello cōditus fuit. Sedes 18 diebus vacauit. Quod ad Iulium attinet, magnanimus Ecclesiastici honoris defensor fuit, adeo vt nulli prædecessorum cesserit, proinde à quibusdam nimium bellis additus iudicatus est. Quosdam ex suis quantū potuit, promouit, moderamine tamē hoc seruato, vt nihil Ecclesiæ vtilitati derogauerit. Diuerlis vicibus 28 Cardinales creauit, ex quibus quatuor solummodo ipsi affines aut cōsanguinei fuerūt. Vt taceā ædificia quibus Vrbem exornauit: picturæ sculpturæque exquisitissimæ, eius inuicti animi significationem manifestissimam faciūt.

LEO







**L**eo 10. Florentiæ Laurentio Medicis & Claricen Vrsina, clarissimis parentibus natus, Ioānis nomine primū fuit inscriptus. Adolescentiam in honesto bonarum literarū studio, lingua Latina & Græca, Musica quoque gloriōse exercuit. Annum 13. ætatis ingressus ab Innocentio VIII. ad Cardinalitiam dignitatem fuit prouectus: vnde & ob ætatis defectum diu ab vrbe abesse eum oportuit. Carolo 8. Gallorum Rege, ad expeditionem regni Neapolitani proficiscente nouercantis fortunæ acerbum telum sensit, dum medicæis om-  
F f nibus



nibus patria expulsis, aliquot annos sedibus incertis vagari debuit, nec vlllo fere loco consistere potuit duas legationes, alteram in Hetruria, alteram Bononiæ obiuit. Post Iulij II. obitum, anno 1513. 5. Idus Martij trium & viginti Cardinalium suffragijs ad D. Petri sedem sublimatus est, & 14. Aprilis sacra thyara redimitus. Europam grauissimis dissidijs diuisam, & crudelissimis bellis laceratam cùm videret mox per Legatos suos ad vnionem & pacem Christianos principes adducere tentauit. Quod cò studiosius curauit, vt firmo pacis foedere reuincti in iuratum Christiani nominis hostem Turcam armarentur: Maximilianũ Sfortium in Ducatu Mediolanensi confirmauit. Heluetijs qui Ecclesiæ paulò antè meruerāt, stipendia liberaliter persoluit. Cardinales, quos Iulius antecessor exauclorauerat, in integrum restituit. Concilium quod in Laterano pridem fuerat inchoatum, prosecutus est, & ad exitum perduxit. Mutinā à Maximiliano Cæsare triginta aureorum millibus sibi coëmit. Decertantes cum Cæsare Venetos de Veronæ & Vicentiæ imperio, ad pacem sub æquis conditionibus summa cura tentauit adducere. Franciscum Valsium ex victoria in Ducatu Mediolanensi elatum, & insolentem pertimescens, pacis cōditiones per Legatum Veronensem illi proposuit; Bononiam deinde profectus cum eodem pacem pepigit; Laurentium Medices



Medices, ex fratre nepotem Florentiæ regimini præfecit, & (vt dominandi libido inexplebilis est) Vrbinatum ducem instituit, submoto Francisco Maria Rouero, quæsitis & ad eam re fabricatis parum æquis rationibus. Borgeſium & Cardinalem eius fratrem Petruccios eiecit, eiusque ciuitatis principatum in Raphaelem Petruccium, sui quondam exilij socium tranſtulit. Idem contra Alphonsum Ferrariæ Ducem, tametsi vano conatu molitus est. Sopitis tumultibus, Principum animis ad pacem temperatis, pace Italiæ reddita, anno Domini 1517. cum aurea sæcula quasi postliminio reditura sibi polliceretur homines, grauissima de repente tempeſtas vniuerſæ Eccleſiæ ſtatum perturbauit. Nam Martinus Lutherus apoſtata Portenſis hæreſes ſuperioribus ſæculis damnatas & exploſas in vulgus ſpargere & docere cepit. Solymus Turcarum Imperator poſt occupata potentiſſima Aegypti & Syriæ regna, in Occidentis imperiū arma conuertit. Ob id Leo publicas indiſtas ſupplicationes nudis pedibus obiens, Dei opem præſentiſſimam periclitanti Eccleſiæ implorauit & impetrauit. Nam Solymus naturæ debitum ſoluit, reſque Chriſtianorū tutiore loco fuerūt cōſtitutę. In Borgeſium, Cardinalemque Petruccium coniurationis prætenſæ auctores, cæterosque eius conſilij reos vel conſcios ſeuerè Pontifex animaduertit, alios enim capitali pœna puniuit.



puniuit, quosdam ordine senatorio submouit. Porro vt numerū Purpuratorum patrum im-  
pleret, triginta Cardinales vna vice creauit. Maximiliano Imperatore defuncto, & Carolo  
V. Hispaniæ rege Imperij gubernacula capes-  
sente, dispēsaui septē millibus aureorū recep-  
tis, super lege quæ Reges Neapolitanos Imperij  
aditu prohibet. Carolo Cæsari fœdere coniun-  
ctus Gallos Italia exegit. Parmā & Placentiam  
Ecclesiæ recuperauit. Cuius cōceptam de glo-  
riosa victoria lætitiā interrupit febris lenta  
quidem, sed quæ illi interitum nō sine veneni  
suspicionē attulit 4. nonas Decemb. 1521. ætatis  
eius anno 45. mēse 11. die 21. Pontificatus verò  
anno 8. mēse 8. die 20. Sepultus est apud S. Pe-  
trū, vacauitq; sedes 37. diebus. Paulò antè mor-  
tem S. Franciscum de Paula fratrum <sup>minorū</sup>  
fundatorem, ad preces regis Franciæ in album <sup>minorū</sup>  
sanctorum retulit. Fuit Leo mansueto & suau-  
ingenio, vir acutus, iustitiæ studiosissimus, reli-  
giosus prudēs, doctis viris & Musicis addictus,  
quos etiam stipēdijs & premijs liberaliter sibi  
deuinciebat. Romanis vectigal salis imminuit;  
urbem elegātibus ædificijs exornauit; Conser-  
uatorū potestatē amplificauit, propter quæ pu-  
blico ære, & communi decreto S. P. Q. R. statua  
marmorea in Capitolio illi merito dedicata  
est. Excellētes tamen animi dotes nō nihil ob-  
nubilasse putatur, quod ad voluptates, venatio-  
nes, aucupia, cēuiuia, musicamq; effusior esset,  
quā tanta maiestas pateretur.

ADRIA-



## ADRIANVS VI. PON.

TIFEX 222. Anno 1522.



**T**Raiectum inferioris Germaniæ ad Belgicum Oceanum vrbs Adrianū 6. tenuis quidē honestæ tamen fortunæ parentibus editum tulit. Qui cū ad excolēdum ingeniū ad bonas artes aptū & propensum nihil suppetere, Louanij in pedagogio Porci susceptus, & precario nutritus, in Philosophicis, Mathematicis, Theologicis, & in Pontificio iure maximos fecit progressus, ad optima sacerdotia successiuis quasi gradibus ascendit, ac tandem



Carolo Quinto Imperatoris Maximiliani nepoti præceptor traditur: inde à Ferdinando Rege Hispaniæ Derthusensis Episcopus nominatus est; post Maximiliani Cæsaris commendationem infulis Cardinalitijs à Leone 10. exornatus est. Carolo Quinto ad imperij fastigium euecto, resque Germaniæ moderante, administrandæ Hispaniæ præficitur, Leone è viuis exempto absens deligitur, qui nauis Ecclesiæ clauo adinoueatur 5. Idus Ianuarij, anno 1522. Is nuncio accepto, sine mora Genuam adnauigauit, vbi ab optimatibus Galliæ visitatus & salutatus fuit: Inde Lyburnum deuectus à Cardinali Mediceo, aliquotque eius ordinis patribus, ac Francisco Gonzaga Cæsarij exercitus Duce, magno cum honore exceptus fuit. Post ad ciuitatem veterem secunda nauigatione peruenit, vbi Cardinales Vrſini & Columna à senatu Patrum missi sub vmbella exceptum, ad templum eum deduxerunt. Augusti penultima Romam appulsus in Valicanum deductus est, dieque sequenti coronatus. Is tametsi magno iuuandæ Reipub. Christianæ desiderio teneretur, magnoque conatu in id incumberet, multa tamen præposterè eò quod Italicarum rerum imperitus, ex alieno magis quàm suo arbitratu decernebat & factitabat Sigismundum Malatestam Ducem Ferrariæ & Urbini fretus auxilijs Arimino eiecit. Multa Iulij & Leonis con-




tra iam dictos principes decreta rescidit, Cardinalem Soderinum Gallicæ factionis studiosum, ob interceptas quasdam literas, in Adriani molem coniecit, Rhodum tertium iam mensē grauissima obsidione periclitantem, cū rescuisset, omnes curas & cogitationes in hoc conuertit, vt illi succurreretur. Verū turbato tum rerum statu, ærario profuso infœlici exitu obsidio terminata est. Multa quidem; vti erat ardenti zelo accensus in Ecclesiæ vtilitatem præstiturus erat, si Godesfridos, Tancredos, Balduinos, Robertos, ea ætas nacta fuisset. Ad clerum reformandum, corruptosque vr̄bis mores ingenij vires conuertit. Sanctum Anthonium Florentinorum, Antistitem & S. Bennonem Germanum in sanctorum cœtum aggregauit. Cū intellexisset Franciæ Regem Franciscum in Italiam cum potenti exercitu aduentare, Pontifex Cæsaris partes fulsit, Anglis, Hungaris, Venetis, alijsque liberis Italiæ ciuitatibus in fœderis societatem adductis. Non ita post incidit in morbum, ex quo commendata Ecclesia & Christiana Repub. Cardinalibus, diem clausit extremum 8. Calen. Octobris, anno 1523. ætatis verò 64. mense 3. & die 13. Pontificatus eius mense 18. die 6. Eo defuncto, duos menses, dies 4. vacauit Pontificatus. In Sancto Petro sepultus est: Cuius sepulchro hoc elogium inscriptum est.



HADRIANVS VI. HIC SITVS  
EST, QVI NIHIL SIBI INFOE-  
LICIVS IN VITA QVAM QVOD  
IMPERARET DVXIT.

Habuit Adrianus quibus cum iura & con-  
silia sua communicabat primarios, Guilielmū  
Enkeuort Episcopum Derthusensem, & Du-  
rarum, in quem & galerum Cardinalitium  
transtulit, & Theodoricum Hezium almæ Ec-  
clesiæ Leodiensis olim Canonicum splendi-  
dissima lumina, & Ioannem Rufinum Epi-  
scopum Cosentinum.

CLE





## CLEMENS VII. PONTI-

FEX 223. Anno 1523.



**C**LEMENS, Iulius ante Pontificatum nūcupatus, Iuliani Medicei filius à Leone patruele primum Archiepiscopus Florentinus, inde Diaconus Cardinalis. Sanctæ Mariæ in Dominica anno 1513. ac demum S.E.R. Camerarius institutus est. Adriano deinde mortalitatis vinculis exempto, suffragantibus 38. Cardinalibus, anno 1523. 13. Cal. Decembris successor datus est, & 6. Calen. eiusdem inauguratus. Anno 1525. Iubileum veteri maiorum suorum instituto, ritu solenni celebravit. Quo anno horrendi tumultus in Germania excitati

Ff 5

sunt



sunt à Rusticis phanatico hæreseos spiritu agitatatis & dementatis. Post Borbonij à Gallis defectionem Clemens vires Cæsaris pertimescēs, Venetos amicitiae lege sibi deuinxit neutrius partes sibi sectandas esse ducēs, quin verò inter se Carolum Cæsare, & Franciscū regē amicitiae vinculo & pacis cōfederādos curauit. Capto tamē apud Ticinum Francisco, cōseruatus animo Pōtifex ad Cæsaris partes sibi transfundendum esse ratus, auri magna vi impensa fœdus antiquū renouauit, hac adiecta lege, vt Regium sibi redderetur. Vana tamen spe delusus est Pontifex, hic fide Cæsari data, duris tametsi conditionibus soluens, noua & secreta cū Gallis & Venetis consilia inire cepit. Interea Franciscus datis vadibus, accepta in vxorem Imperatoris sorore, liber dimittitur. Arimino Sigismundum Malatestam missæ à Pontifice cohortes exturbarunt. Ludouicus Pannoniæ rex victus & interfectus est, eiusq; regnū à Turcis occupatum. Columnenses specie tuendi regni Neapolitani copias conscribunt. Hoc terrefactus nuncio Clemens, Columnæos in gratiam recipit, militem à se dimittit, & exauctorat. Pontifice præsidij militaribus destituto Columnei Hugoni Moncatæ cōiuncti in urbem irrumpunt. Palatium Vaticanum adeoq; S. Petri Ecclesiam diripiunt & depredantur. Rebus in hunc modum desperatis, Pontifex in Arcē S. Angeli se recipit, vbi commeatu deficiente nullo-



nulloque vices Pontificis commiserante, pacis consilia cum Hugone Clemens inire cepit. Conditionibus his acceptis ut Columneos in gratiam reciperet, copiasque suas à Longobardia euocaret, concordia firmata est. Pontifex copijs Mediolano accitis in urbem, conscriptisque alijs copijs, Pompeium Columnam Cardinalem ab ordine Purpuratorum submouit; omnesque Columneos anathemate percussit, ac denique omnia eorum oppida & dominia direptioni & depopulationi exposuit. Valdemontium è Gallia vocat, illumque in spem regni Neapolitani pellicit & animat. Melioribus tamen quorundam consilijs eruditus in pacem & concordiam cum Cæsare consentit, quo factum est, ut rursus militem à se delectum dimiserit. Mox Borbonius potente exercitu comparato contra noui foederis leges ad urbem accelerat, & in ipso urbis ingressu fatali ictu miser occubuit. Vrbs nihilominus capta est, tantaque strages facta, uti numquam post hominum memoriâ, ne ab ipsis quidem barbaris similis calamitas illata fuerit. In molem Adriani confugit Pontifex, quam Cæsariani obsident, Tandem duris tametsi conditionibus nempe, ut Columneis quaecunque errata condonarentur, Pontificem ad deditio- nem coegerunt. Post septimum captiuitatis mensem, Clemens immutato habitu ad urbem veterem se recipit. Florentini fama capti Pontificis percrebescente in spem recuperandæ liberta-



libertatis eriguntur, Medicosq; eijciunt, Clemens in amicitiam Cæsaris se denuo infinuat, quæ per coniugium Alexandri Medici cum Cæsaris filia reuincitur. Hac amicitia viribusq; Cæsaris fretus Pontifex, Florétiam obsidione cingit, vi occupat, eiusque vrbis principatu pronepotem suum Alexandrum donat Mantuam deinde profectus est, vbi cū Carolo coram de rebus suis communicauit, ac ad eius & Franciæ Regis postulationem aliquot Cardinales creauit. Henricum 8. Angliæ Regem ob repudiatam vxorem Catherinam Imperatoris materteram excommunicationis fulmine ferijt. Cum Carolo Cæsare, reliquisque pene principibus Italiæ ac liberis ciuitatibus fœdus de nouo paciscitur contra quietis & Italiæ pacis perturbatores. Tandem Massiliam profectus, se nouo amicitiae vinculo obstrinxit, tradita Henrico regis filio in vxorem Catharina Medicea: ad regisque obtestationem 4. Cardinales creauit. Postremò in vrbem reuersus post tam varias fortunæ vicissitudines, rebus suis compositis, vitā honesta morte conclusit 7. Calend. Octobris, anno Domini 1534. Pontificatus & anno & mense 10. die 7. Actatis verò eius 59. mense tertio.



PAVLVS III. PONTI-  
FEX 224. Anno 1534.

**P**ETRO Aloyſio Farnesio, & Ioannella  
 Caietana clarissimis parentibus natus est  
 Paulus 3. (cui ante Pontificatum Alexandri  
 nomen fuit) puer in omni honesta disciplina,  
 literis latinis & Græcis diligenter excul-  
 tus, ab Alexandro 6. protonotarius ac ærarij  
 præfectus factus est, inde ad monteFlasconis  
 Episcopatum, tum ad Cardinalitium, annum  
 ætatis vigesimum sextum adhuc agens, pro-  
 motus est. Mox Viterbij, tum agri Piceni lega-  
 tio illi demandata est. In ea functione aliquot  
 annis honorificè versatus est, sicq; prudenter  
 consilia



consilia sua temperavit, vt nec in Hispanicas nec in Gallicas partes propensior esset. Ea viuendi arte omnium sibi beneuolentiam comparauit, sibiq; ad maiora accessum parauit: adeo vt Leone ad aliam vitam translato, proximus successor multorum precibus & opinione sit assignatus. Clemente fati sublato non diu inuitati Cardinales eum non tam delegerunt, quàm ad dignitatem quasi hæreditario iure illi deuolutam, vocatum admiserunt, more haud vsitato, ante nouendinalia ex instituto maiorum persoluta 4. Idus Octobris, & 3. Idus Nouẽbris solenni ritu corona pontificia exornatus. In suprema illa Petri Cathedra exaltatus se communis patrię parentem exhibuit. Hinc quod Germani ad terrendos Pontifices tã vehementer expetere videbantur, concilium propensissimo studio indicit, locumq; idoneũ præscribit. Quam quidem ad rem summorum principũ animos & consilia inflectere Pontificẽ oportuit. Proinde Cæsare Carolũ & Franciscum regem per Legatos suos in foederis societatem coire & retinere magna contentione conatus est, mense Decembri Alexandrũ Farnesium & Guidonem Ascanium nepotes suos infulis Cardinalitijs decorauit: Deinde vt à natura in egregios quosq; viros erat propensissimus, viros eminẽtis doctrinæ & singularis prudẽtiæ viginti in purpuratorũ patrũ numerũ allegit Henricũ 8. Angliæ Regem, quod legitima



gitima vxore thoro maritali expulsa pellicem  
admisisset, multaꝗue alia contra publicam Ec-  
clesiæ pacē & dignitatem perpetrasset, regno,  
Regisꝗue insignijs spoliavit. In expeditio-  
nem Tunetanā Cæsari 12. triremes Duce Vir-  
ginio transmisit, vt verò ardens suum de rep.  
Christiana & Cæsare bene merendi desiderium  
ostēderet Centumcellas, profectus est vniuer-  
sę classi benedicturus, læta & fausta precaturus.  
Carolus deinde ex Aphrica insigni victoria  
gloriosum, reuertentem magna cum gratula-  
tione Romæ excepit, & ad pedum oscula ad-  
misit. Cæsaris rogatu Pontifex ad tollenda de  
religione dissidia, errores qui sensim vniuer-  
sam Germaniam peruadebant, conuellendos  
concilium in proximum annum 1537. Mantuæ  
indixit, certis postea de causis Vicentiā transtu-  
lit, Turcis Dalmatiam ferro & flamma vastan-  
tibus solemnes supplicationes indixit Ponti-  
fex, quas ipse nudis pedibus obiuit, missisꝗue  
ad omnes Principes Legatis rogauit, vt con-  
sociati in capitalem & iuratum Christiani no-  
minis hostem arma corriperent. Interea Pe-  
trum Laesium Ecclesiastici exercitus Ducem  
creauit, Urbem mœnibus sepsit. Fœdere per-  
cusso inter Pōtificē, Carolū, & Venetos, ac con-  
firmato, classis copiosa instructa est, quæ dein-  
de infœlici quamuis successu apud Actianum  
promontorium signa cum hoste contulit. Apud  
Mycea Prouinciæ urbē Cæsari & Frācisco regi  
con-



conuentum indixit Pontifex ad mutuum colloquium, vbi eos coram ad pacem & concordiam paruo tamen fructu est adhortatus. Ad urbem reuersus nuptias inter Margaritā Austernatam & Octauium nepotem, quem Camerini Ducem beneficiario iure creauerat, celebravit. Perusinos qui ob auctum salinarum vectigal defecerant, armis perdomuit. Ascanium Columnam contumacius renitentē ditione spoliauit. Cæsari ad Algerianam expeditionem traiekturo, apud Lucam iterum occurrit Pontifex, ac cum eo de celebrando concilio, alijsque Reipub. Christianæ negotijs communicauit: vnde in sequentem annum Tridenti concilium indixit, quod postea Bononiam, ob pestem grassantem, translatum est Ecclesiæ dominium peruagatus, denuo cum Cæsare apud Rupertum de ineundæ pacis consilijs, & fœdere cum Gallis paciscendo contulit: Ibidem nepoti Octauio Mediolanensem principatum à Carolo grandi pecunia ob id oblata postulauit, frustra tamē & sine successu. Romā demum reuersus, iterum publicas supplicationes indicit, ad pacem Ecclesiæ impetrandam, quas quidem fuisse efficaces argumentum est, quod inter duos potērissimos Monarchas Cæsarem & Gallorum Regem, post multorum annorum seuiſsima bella concordia firmissima inita est, anno Domini 1544. Cum nullis cōsilijs aut precib. adduci posset.

Paulus




Paulus vt ad Concilium continuandum Episcopos Tridētum reuocaret. Carolus anno sequente conuentu Augustæ habito certa Religionis capita, quæ omnes obseruarēt tantisper, donec perficeretur Concilium euulgauit: unde interim seu interreligio nuncupata est, quasi certū ad tempus latum durare debuerit, quæ sane res Pontificem malè habuit. SOCIETATEM NOMINIS IESV Ignatio Loyla nobili Hispano auctore institutam Paulus comprobauit & confirmauit, quàm viri aliquot eruditione & pietate præstantes mirificè auxerunt & propagarunt: In quibus fuere Petrus Laines, Franciscus Xanier, Franciscus Borgia, olim Gandiæ Dux, P. Canisius, Franciscus Toletus Cardinalis, ac alij complures, qui diuturnis meditationibus vtilem toti Reipub. Christianæ praxim tradidere adolefcētes ad omnem pietatem efformando, verbum Dei predicando, ac ad conuellēdas hēreses, moresque reformandos, Euangelij lumen in extremas vsque Indorum, & Americæ prouincias proferēdo. Qua in re diuinę misericordiæ & prouidentię consilium libet admirari, eodem anno 1517. quo scilicet impurissimus iste Lutherus in Ecclesiæ potestatem debacchari cœpit ac indulgētias conuelleret Ignatius in arce Pompeiopolitana vulneratus ex vili vanitatis mancipio in strennum Christianæ



militiæ Ducem à Deo est electus cōtra Luthe-  
rum & eius assecclas, Ecclesiæ propugnator a-  
cerrimus futurus. Porro vt ad Pontificē Pau-  
lū sermo recurrat, Petro Aloylio è viuīs sub-  
lato, non ita post magno mœrore, & acerbo  
animi dolore confectus, occubuit 4. Idus No-  
uembris 1549. ætatis anno 71. mense 8. die  
10. Decursis autem in Pontificatu 15. annis, &  
28. diebus: sepulturam apud S. Petrum forti-  
tus est. Pontificia dignitas trimestri, vno die  
minus, viduata remansit. Vir fuit sagacissimus  
ad exploranda hominum ingenia & propen-  
siones solertissimus; In præstantissimis disci-  
plinis, tum verò maximè in Astrologia im-  
pensè eruditus; in viros doctos officiosissimus  
& liberalissimus: multis ac egregijs animi do-  
tibus perornatus. In suos tamen paulò quàm  
par esset propensior, & profusior, quos ad ma-  
xima quæque euehere & extollere maximè  
laborauit. Etenim præter ea quæ iam recen-  
sita sunt, Parmam & Placentiam vrbes, Eccle-  
siæ Romanæ beneficiarias, Petro Aloylio ad-  
dixit.

IULIUS





FEX 225. Anno 1550.



**I**ulius 3. vir magnæ eloquentiæ, & eruditio-  
nis laude clarissimus, Romæ natus est : cui  
nomen fuit Ioannes Maria de Monte, quod à  
Monte Sancti Sabini in agro Aretino originẽ  
duxisset. A Paulo 3. infulis Cardinalitijs redi-  
mitus, eius nomine frequentes legationes ob-  
iuit, & in Concilio Tridentino præsedit. Pon-  
tificiam dignitatem adeptus anno 1550. 7.  
Idus Februarij. Iulij tertij nomine se voluit  
inscribi, in grati animi significationem & ho-  
norificam memorationem quondam Iulij se-  
cundi, à quo suarum fortunarũ initia manasse



dicebat. Mox ipso Cathedræ B. Petri, solenniter est inauguratus, ac deinde sequentē festo Apostoli Matthiæ, anno Iubilei initium dedit, quem magna religione, iuxta maiorum instituta solenni ritu transegit, usque in diem Epiphaniæ anni subsequētis continuando. Oecumenicam Synodum Tridētinam in qua sub Paulo tertio antecessore suo ipse præfederat inchoatam, publicis literis haberi iussit. Carolo Quinto Imperatore per literas id ipsum etiam rogante, ad Religionis quæ diu in Germania viguerunt tollenda dissidia. Annæ graui penuria laborante Roma, sollicitè triticum aduehi curauit. Pacis & otij amantissimus, dum se ad quietem comparat, ecce inopinata belli non leuis occasio: Nam Octavius Farnesius, cui ex communi patrum purpuratorum decreto, Pontifex Parmam reddiderat, in Gallorum clientelam se tradidit, urbemque gentis illius præsidio communiuit. Id igitur grauatè ferens Iulius, Octauio bellum intulit. Cæsaris potentia & armis fretus, Cardinalemque Farnesium eius fratrem Florentiam relegauit. Bellum hoc magno multorum incommodo per annum integrum tantisper sæuit, donec Ioannes Baptista de Monte Iulij nepos Sclopeti ictu occumberet. Cuius mors Pontificis animum grauiter perculit, illique bellitædium ac meliores de incunda pace curas iniecit, vnde & pax secuta est. In Oriente

mortuo



mortuo Simoni Mamæ, Orientalis Ecclesiæ  
trans Euphratem administratore generali, ac  
ad Indiam vsque Metropolitano; fideles sus-  
ceperunt Simonem Sulakam: cui morum in-  
tegritas, omnibus spectata fides, insignisque  
eruditio, ad eam dignitatem aditum para-  
uerant. Hic proinde publicis Ecclesiæ Orien-  
talis literis, & honorifico testimonio munitus  
ad sedem Apostolicam, longis & laboriosis iti-  
neribus venit, cōfirmationem & auctoramen-  
tum postulaturus. Ibi ad Iulij pedes prouolu-  
tus, proprio & Ecclesiæ suæ nomine publicā  
fidei confessionem edidit, reuerētiam & obe-  
dientiam præstitit & iuravit, sibi quoque &  
cōcredito gregi Apostolicam benedictionem  
petijt & obtinuit. Quo profecto magis pu-  
dere debet Europæos qui vel ab obedientia,  
fide vel disciplina sanctæ Romanæ Ecclesiæ  
defecerunt, vel antiquam pietatem & obser-  
uantiam impiè abdicarunt. Senensium animis  
ad arma conuersis, noua dissidia inter Cæsa-  
rem & Gallorum Regem Pontifex subodo-  
rans, ad vtrosque pro concordia Legatos fru-  
stra misit. Vrbi tuendæ octo milia peditum,  
Duce Camillo Vrsino conscripsit & assigna-  
uit. Intercè dum in Etruria omnia armis cir-  
cumsonarent Viterbum concessit, pacis in-  
ter vtumque principem conciliendæ spe stu-  
dio. Verùm re infecta, ad urbem remeare co-  
actus est. Duci Cosmo cōtra Senenses suppetias



tulit, cui gratam vicissitudinem vt rependeret Cosmus, oppidum Montis Sancti Sabini, sub Marchionatus titulo, Balduino Pontificis fratri addixit. Philippum Caroli V. filium cū Maria Anglię Regina coniugatum, regno Neapolitano inuestiuit. Postremò ad otium & quietem conuersus est Iulius, vt dolores ex podagra superaret, at incidit in febrim fatig; cessit, anno Domini 1555. ætatis verò 67. mense 6. die 14. post quinque Pontificatus annos & 10. dies. Eius corpus ad Sanctum Petrum illatum est: vacauitque sedes diebus septemdecim. Multa in vtramque partem Iulio tribuuntur, nimirum quod liberalis, affabilis, facetusque foret, ad iram præceps, ad placabilitatem facilis. Quod verò deposita grauiorum rerum cura non nihil indormisceret, effusiusque voluptati se daret, interdum ac dicacitati, quæ ad scurrilitatem pene declinaret, eius gloriam non nihil obscurat.

M A R.





## MARCELLVS II. PON.

TIFEX 226. Anno 1555.



**M**ARCELLVS ex oppido Politiano in Etruria originem duxit, cuius Richardus Ceruinus & Cassandra Bencia parentes fuerunt, tametsi in oppido Montis Fani Marchiæ Anconitanæ natus sit. Primùm Cardinali Farnesio adhuc adolescenti, à Paulo tertio datus fuit, cuius opera in scribendis epistolis vteretur, quæ etiam legati officio in Hispaniam proficiscentem comitatus est Nuncij Apostolici exornatus dignitate : quo tempore præter omnem suam expectationem Cardinalis



tituli Sanctæ Crucis renunciatur. Ipso è vivis sublato 39. Cardinalium communi studio navis Petri gubernaculis admotus, & 5. Idus Aprilis 1555. dieq; immediatè sequenti coronatus est. Prohibuit cōsanguineis ne Romam peterent, duosque ex fratre Alexandro nepotes, quos ibidem educabat, à nemine voluit adiri. Dum verò Pius pontilex multa ad vrbis & Curiæ reformationem mente agitaret, Apoplexia correptus ad beatiorē vitam migravit vltima eiusdem mensis, annum agens 55. Pontificatus verò die 22. Corpus eius apud Sanctum Petrum sepulturæ demandatum est. Eius obitu boni omnes impensè doluerunt. Erat siquidem vir summæ integritatis & modestiæ.

P A V-





PAVLVS IIII. PONTI-

FEX 227. Anno 1555.



**P**AVLVVS 4. Neapolitanus illustri Caraffæo-  
rum familia oriundus, ante Pontificatus  
consecutionem Ioannes Petri vocatus, primis  
ætatis suæ annis ad literas animum appli-  
cans doctissimus euasit, atq; per Iulium secun-  
dū Archiepiscopus Theatinus nominatus est:  
Subsequentibus temporibus in Angliam mis-  
sus legationis munere ibidē functus est. Postea  
Episcopatum Brundisium sibi oblatum non  
solū recusauit, verū etiam Theatinū, quem  
iam possidebat, sponte deseruit, monasticamq;  
vitā amplexus, ordinū presbyterorū Theatini



vocatorum instituit. Cardinalitiâ dignitatem sibi à Paulo tertio oblatam suscepit; Episcopatumq; Theatinum, quo se voluntariè antea abdicauerat, iterum recepit; Cardinalis factus: Paulo tertio persuasit, vt iudicium inquisitionis institueret. Ad extremum 10. Cal. Iunij, ipso Ascensionis die Pontifex creatus est, sequentiq; Dominico coronatus. Decretum sanxit, quo beneficia illegitimè possessa vel pecunijs cōparata reddere præcipiebatur. Iudeos in vna parte ciuitatis reclusit, quibus ne vsuram exercerent vetuit. Crocei coloris pileum, quo à reliquis internosci possent, ipsos ferre voluit. Decreta plurima à Iulio 3. stabilita rescidit. Romæ Urbini Ducem præfectû instituit, Clero, quo ad victum & vestitum leges præscripsit; Pœnitentiæ officiû ipsemet reformauit, beneficia & Ecclesię bona non alijs quàm viris bene doctis cōferri voluit. Trium vrbis cōseruatorum authoritatem amplificauit. Priuilegia Pontificum prædecessorû populo concessa confirmauit, eiq; Tibur concessit. In cuius grati animi protestationem populus in Capitolio eidem statuam erexit, centumq; nobiles, custodes attribuit, quos omnes equestri ordine cohonestauit. Paulo post inter eum & Philippum Hispaniarum regem orta est discordia, cui Galliarum regis fretus auxilijs, bellum in regno Neapolitano per Ducem Albanum defenso indixit. Anno  
integro




integro, postquā prælio sese laceſſiuiſſent, quæ  
Pontifici parum ſœliciter ſucceſſerāt, ab armis  
abſtinere, & ad pacem ineundam confugere  
coactus eſt: Inter arma Marcum Antonium,  
ſuiſq; patrē Aſcanium anathemate innodauit,  
ſuiſq; omnibus poſſeſſionibus, quas in ditione  
Eccleſiaſtica obtinebant, priuauit; quas nepoti  
ſuo Ioanni Caraffæ, ſub titulo Paliani Ducatus  
attribuit. Pace tandem compoſita, Dux Al-  
banus ſummo Pontifici obedientiam præſti-  
turus, ad eum humiliter proſectus eſt, à  
quo abſolutionem conſecutus, maximam  
eius humanitatem expertus fuit. Porro ad  
inquiſitionem conuerſus, eidem 16. Cardi-  
nales addixit, quorum primarium locum Car-  
dinalis Alexandrinus tenebat. Catalogum  
librorum hæreſi infectorum publicauit. Le-  
gatione Anglicana Cardinalem Polum priua-  
uit, Cardinalemq; Moronum in vincula con-  
iecit. Stricteſſimè præcepit, vt omnes Religioſi  
& Monachi è clauſtris ſuis egreſſi, ad pro-  
prium monaſterium reuerterentur. Tranſla-  
tionem imperij Ferdinando per Carolum fa-  
ctam nulla ratione approbare voluit. Auditis  
ſuorum cognatorum & propinquorum enor-  
mibus ſceleribus, in eos grauiffime animad-  
uertit, illoſq; ex vrbe eiiciens, omnibus gra-  
dibus ſpoliauit. Diuerſis ordinationibus 19.  
Cardinales creauit. Cathedræ Sancti Petri  
feſtum innouauit. Tandem tres & octoginta  
annos



annos, vnumque mensem natus: quarto Pontificatus sui anno, mensibus tribus, exceptis diebus tribus, 15. Calendis Septembris è viuis excessit. Corpus eius apud Sanctum Petrum sepulturæ honorem accepit. Eius morte sedes quatuor mensibus & septem diebus vacauit. Populus eius odio inflammatus statuam eius deiectam triduo per vibem vicatim pertraxit, postremoque in Tyberim proiecit, effractis inquisitionis carceribus, captiuisque inde liberatis.

PIVS

[illegible]



PIVS IIII. PONTI-

FEX 228. Anno 1560.



**P**IVS IIII. Bernardini Medicæi & Cæci-  
liæ Sorbelloniæ Mediolanensis filius, ante  
Pontificatum Ioannes Angelus vocatus fuit,  
Iuuenilibus annis philosophiæ & iurispru-  
dentiæ operam dedit. Posteaquam pluribus  
officijs & dignitatibus exornatus fuerat per  
Paulum tertium Cardinalitia dignitate ad-  
auctus est, exinde per Iulium tertium Legatus  
ad militiam cōtra Octauium Farnesium susce-  
ptam electus est. Ipsa verò Natiuitatis Domi-  
ni vigilia, anno 1560. Paulo quarto è viuis sub-  
lato summus Pontifex declaratus est, & ipso  
Regalium



Regalium die coronatus. Inito Pontificatu, omnia delicta & excessus in prædecessorem commissos populo remisit. Imperium Ferdinando per Carolum fratrem traditum confirmavit. Plurimos propter hæreseos crimen, vel suspectos, vel delatos absoluit, ac inter cæteros Cardinalem Moroneum. Puniturus autem Pauli 4. amicos & familiares, sententijs in eos latis ob crimina quæ ipsis obiecta fuerant; Cardinalem Carafam strangulari curavit, Comitumque Montorij, Allasani, Leonardumque Cardinalem capite plecti. Nepotes suos fratrum sororumque filios Romanæ advocatos maximis honoribus & amplissimis beneficijs vel exornavit, vel nobilissimè matrimonio iunxit. Ut verò communibus malis mederetur, finis generali synodo Tridentinæ, eius studio ac vigilantia impositus est, acclamationesque patrum in ea fuere: Beatissimo Pio Papæ Domino nostro, sanctæ & vniuersalis Ecclesiæ Pontifici, anni multi, ac memoria æterna. Placet etiam hic adscribere versus Sanctorum & admirabilium Patrum, qui in hac sacrosancta Synodo confederunt, quos recitantem aliquando audiuius V. C. Petrum Oranum Sermi Electoris Ernesti Consiliarium, & Ciuitatis Leodicensis Scabinum.

**C**VM mihi linigera species sit visa cohortis,  
 Maius & humano frontis honore decus.  
 Anxia



*Anxia mens dubijs pulsabat pectora curis,  
Secum agitans, homines crederet, an ne Deos.  
Sermo, oculi, vultus, gestus, cultusq; animusque,  
Omnia diuini plena stuporis erant.*

*Is nitor in vultu, gestu decor, ore venustus,  
Vis oculis, verbis gratia, mente vigor.*

*Dum loca, dum comites, dum membra simillima  
nostris*

*Adspicio, rursus mens negat esse Deos.*

*Dum negat, adfirmat, dubitat mēs anxia, Phæbus  
Perplexo inuoluit talia verba sono.*

*Disimiles, similesque vides, hominique, Deoque  
Non Di, non homines sunt, & vtrumque  
vides.*

*Qui pote? diuina nempe hoc te dicere velle*

*Auguror, esse homines corpore, mente Deos.*

Solutis conuitijs, Concilioque fine imposito, prælatis etiam omnibus ad propria remissis, plurima loca restaurare cœpit, quæ præcedentibus bellorum fragoribus diruta, ruinam minitabantur; Romæ portam & plateam dictam piam reparauit. Prælum Manutij authoris vulgatissimi restituit. Arcem Capitolinam restaurauit, aliaque quam plurima loca refecit, quibus omnibus sumptibus vt satisfaceret, montem perpetuum instituit, numerum etiam equitum, Pij appellatorum ordinauit. Cùm verò inter Legatos Franciæ & Hispaniæ de primatu in prælidendo quæstio suborta fuisset,



fuiſſet, præminentiam vni non ſine alterius indignatione adiudicauit. Melitæ obſidione cinctæ militibus pecuniaque ſubuenit. Cùm tandem diuerſis ordinationibus 45. Cardinales creaffet, in quarum vna Laurentium Maſſam nunquam inducere potuit, vt ſecretariatum Venetorum, vt vocant, acceptaret. 5. Idus Decembris anni 1563. mortuus eſt. Anno ætatis ſuæ 66. menſe octauo, die nono, Pontificatus verò ſui anno ſexto, exceptis ſedecim diebus. In Sancto Petro ſepultus eſt. Sedes 28. diebus rectore orbata remanſit.

PIVS







**P**IVS V. Insaber prope Alexandriam in vico quodam Bosco ab incolis nuncupato, ex nobili Glieslieriorum prosapia natus. In iuventute monasticam vitam professus est, in eoque statu maximos suis laboribus & vigilantia fecit progressus, à Paulo quarto primū Episcopus, deinde Cardinalis creatus est, & supremus inquisitorum declaratus : Tandem Pio quarto è viuis sublato, præter omnium expectationem 7. Idus Ianuarij Pontifex renunciatur. Borromei Columnæque Cardinalium precibus, Pij quinti sibi nomen imposuit, ac



16. Calen. mensis insequentis, qui dies ei natalis erat, coronâ Pontificiam accepit. Pileum suum Michaeli Bouellino, suo ex sorore nepoti cessit, qui Cardinalis Alexandrinus nominatus est. Porro vt gratum animi sui affectum, quò erga Paulum 4. promotorem suum ferebatur manifestaret, Cardinalem Caraffam eius nepotem, sub Pio 4. vt ante iam dictum est, morte affectum, absolui procurauit, quod non vsque adeò criminalem inuenisset. Imperatori Ferdinando bellum contra Turcas in Hungaria gerenti, suppetias tulit. Officio Inquisitionis tria aureorum millia adiecit, ex certis arcibus colligenda. Bullas cōtra aulicos & Ecclesiasticorū luxum seuerè publicauit. Iudæum quendam locupletissimum, quem ad Christianam religionem conuerterat, baptisauit, sueq; familiæ adoptatum liberè suis bonis frui permisit. Episcopos omnes ad propriam residentiam redire mādauit. Solo suo verbo obsessum à malo dæmone liberauit. Contra hæreticos in Gallijs succrescentes Catholicis auxilium per Comitem sanctę Floræ misit, qui etiam victor inde redijt. Cosmæ Medicæo titulum summi Ducis attribuit. S. Thomam Aquinatē in numerum sanctorum Ecclesiæ Doctōrū retulit. Diuersis ordinationibus 22. Cardinales creauit. Fœdus inter Regem Catholicum & Venetos ad optatum finem sceleriter deduxit, vnde omnium celeberrima contra Turcas naualis victoria



victoria Nonis Octobris, anno 1571. consecuta est, quem diem solennem & festiū esse voluit. Plures Legatos ad Principes Christianos destinavit, quibus eos ad maius bellum Turcis inferendum inflammaret. Verū gravissima in reddenda vrina difficultate pressus, Calen. Maij anno 1572. cum maximo omnium dolore è viuis excessit. Pontificatus sui anno 6. mense 4. demptis sex diebus. Sepultus est apud S. Petrum. Sedes 12. diebus vacavit. Maximo semper zelo, quoad vixit, Christianam remp. promovere conatus est. In victu frugalitatem, in audientijs assiduitatem, erga pauperes amicitiam seruavit; ab omni ambitione alienus; ab omnibus Principibus summa ipsi reuerentia exhibebatur, nullusque erat qui ei & satisfacere & placere nō contenderet. Quod ad iustitiæ administrationem spectat, ad seueritatem propensior habitus est.

H h 2

GRE-







**G**regorius 13. patria Bononiensis, Christophorū Boncompagnum & Angelum Marefcalcum maiores & parentes habuit, cui Hugonis nomen in sacro baptismo est impositum, honestè educatus est, & literalibus disciplinis optimè instructus fuit. In iurisprudentia sub præstantissimis illius sæculi doctoribus maximos fecit progressus, doctoremq; lauream suscepit; multis officijs & dignitatibus sub varijs Pontificibus magna cum laude perfunctus, à Pio 4. in numerum Cardinalium sub titulo 3. Sixti relatus est, ac in Hispaniam legatus,



legatus, Pio 4. vita defuncto Hispania Romani reuertitur, tamq; sanctè, piè, & integrè vitam & mores instituit, vt Pio 5. e viuis sublato successor renunciaretur 13. Maij 1572. ipsoq; Pentecostes die inauguratus. Pontificiam dignitatem pro tuenda & amplificanda Repub. Christiana admodum egregiè sustinuit, qua ratione expeditionē aduersus Turcas promouere, confœderatos Principes animare, & pecunia alijsq; subsidijs liberaliter iuuare cœpit Marco Antonio Columna classi Pontificiæ præfecto. Verum enim quia in Oriente minus prosperè res succedebant, sequente anno ad Regem Catholicum Archiepiscopum Lancianū, ad regem Christianissimum Cardinalem Vrfinum Legatos misit, qui eos in societatem fœderis adducerent. Sed longè aliter quàm proposuerat accidit; siquidem Veneti fœdus deferentes inducias cum Turca pacti sunt. Quo intellecto optimus Pontifex omnes cogitationes, curas, consiliaq; eo contulit, vt Imperatori succurreret, Regem Christianissimum & Catholicū ad extirpandos Lutheranos & Calvinistas, quibus potuit medijs & sumptibus adiuuit. Idem quoq; Archiduci Carolo & Melitenſibus pietatis officium præstitit, ad fidem Catholicam tuendam propagandamq; 22. Collegia in varijs Regionibus erexit atq; dotauit. Annonæ conseruandæ ergô publica granaria in vrbe construi curauit. Vias aperuit &



stravit. Publicæque commoditati limpidissimos in eam fontes deriuavit. Anno 1575. confluentibus ad urbem religionis studio exteris, annonæ paterna vigilantia & charitate prouidit. Tumultuantibus Genuensibus Cardinalem Moronũ summæ prudentiæ & authoritatis virũ legatũ misit, qui eorũ animos ad concordiam reduxit. In diuersas factiones ob regis electionem distractos Polonię ordines vnanimis reddidit; vnde Buthoreus ad capeſſenda regni gubernacula electus est, qui Pontifici postmodum obedientiam iurauit & per oratorem præstitit. Peste Italiam totã peruagante ad spiritalia medicamẽta indicto Iubilæo perſugit. A contendentibus inter se acriter Polonis & Moscouitis, legationem perhumaniter excepit, ac Antonium Passcuinum oratorem misit, qui vtriusq; Principis animum summa dexteritate reconciliauit. Synodum Tridentinam Pauli 3. temporibus cœptam & adfectã, Pij verò 4. absolutam & confectam, ab omnibus obseruari mandauit, veluti orbi terræ necessariam, seminariaque varijs locis religionis Christianæ amplificandæ ergo plurima instituit, quod & in hac patria tua Leodicensi Erneste Elector magnanime Germaniæq; decus ac ornamentum insecutus es renouandæ restaurandæque Ecclesiasticæ disciplinæ gratia, quæ sanè collapsa nullo vtiliori ac solidiori, quàm seminariorum remedio potest restitui. Sacellum



lum sumptuosissimum apud S. Petrum, quod Gregorianum dicitur, extruxit & dotaui, corporeque magni doctoris Gregorij Nasioni nobilitauit. In Palatio porticum siue ambulacrū artificiosè poliri varijsq; picturis adornari curauit. Anno 1581. Calendarium emendauit anni cursu ad Solis motum reducto, sub eodē Pontifice 1585. 22. Martij Iaponiæ Principum legati post longam trium annorum & amplius nauigationem urbem ingressi, principū suorum nomine S. Sedi Apostolicæ obedientiam iurarunt & præstiterunt. Est autem Iaponia in extrema Indiæ parte vsq; adeo vasta vt amplitudine Italiam duplo excedat, tantaq; locorum intercapedine à nobis dissita, vt eius incolæ nobis antipodes dici possint. Tandē post exhibita reip. Christianæ tot & tanta beneficia Gregorius curriculū vitæ suæ beata morte absoluit Pōtificatus anno 12. mense 10. die 27. diuersis tēporibus 33. Cardinales creauit, in quibus fuit optimus Princeps Gerardus à Grofbeeck Leodicensis Episcopus & Antistes prudentissimus ac eloquentissimus Senatoriæ dignitatis Romanæ decus & ornamentum, qui Principis viri erga patriam in ea pacificè administranda, erga vicinos in sedandis componendisq; bellorum ciuiliū tumultibus intestinisque dissidijs ita se expressit officiumque exercuit, vt plurimorum meliorumque iudicio sacrati viri existimationem atque ampli-



tudinem suo merito supergressus esse censeatur. Corpus eius Sacello Gregoriano illatum est. Vir fuit sanè māsuetus, benignus erga pauperes ac eos qui Religionis causa exulabant; in responsis brevis, acutus, & grauis; ad audiendum patiens; omnibus accessu facilis; studijs pijs & maximè legum sic addictus, vt quicquid temporis contemplationi grauibufque curis superesset lectioni & studio impenderet.

XISTVS





XISTVS V. PONTI-

FEX 231. Anno 1585.



**X**ISTVS obscuris parētibus, oppido mon-  
 ris alti in Marchionatu Anconitano na-  
 tus, & Felicis nomine vocatus est: Adolescens  
 ad institutum Franciscanorum, quos Conuen-  
 tuales vocant, transijt. Quo in ordine eos fecit  
 progressus, vt egregiam eruditionem cum sin-  
 gulari eloquentia compararet, magistralique  
 laurea decoraretur. Vicarius Generalis ordi-  
 nis sui à Pio quinto creatus, inde Episcopus S.  
 Agatæ, mox Cardinalis, postremò in demor-  
 tui Gregorij locum 24. Aprilis 1585. Ponti-  
 fex successus est, Calendisque Maij solenniter

Hh 5

corona-



coronatus. Vt verò Pontificis partes scèlicius  
sustineret, indicto vniuersali Iubilæo diuinam  
opem implorauit Iaponiæ Principes magnifi-  
co & regio apparatu, quamdiu Romæ morati  
sunt fouit, & amplis congiarijs honoratos di-  
misit. Italia cū nefariorum prædonū, exulumq;  
incurfionibus miserè vexaretur, vsque adeo se-  
uerum, imo verò terribilem & tremendum se  
præbuit animaduerforē initio sui Pontificatus:  
vt postmodum magna quiete & libertate, ne-  
dum Roma, verū etiā Italia frueretur. Cū  
ad urbem exornandā animum adiecisset, tam  
varia, rara & magnifica præstitit, vt in eo gene-  
re officij antecessores suos longo interuallo  
post se reliquerit. Tria palatia exædificauit,  
vnū in vinea, alterum ad mōtem Caballū, ter-  
tium in Laterano. Obeliscū altitudinis 114. pal-  
marū, vltra basim antiquæ superstitionis mo-  
numentū à Vaticano in mediā S. Petri aream  
translatū Christo dedicauit, aliosq; vetustate  
sepultos, eruit & operoso labore, alterum apud  
S. Mariam Maiorem, alterum ad Lateranum &  
tandem iuxta S. Mariam de populo erexit. Sa-  
cellum egregia architectura extruxit, ad quod  
Saluatoris nostri præsepe transtulit. Xenodo-  
chium seu hospitale ædificatum & perpetuo  
censu dotatum pauperibus alendis nūcupauit.  
Bibliothecam Vaticanam in splendidiorē  
cōmodiorēq; locum transtulit, eamq; miri-  
ficè auxit & illustrauit. Ecclesiam S. Hierony-  
mi



mi Illyricæ nationi construxit. Aquam fœlicē seu fontem in Quirinali deduxit, & varios alios fontes publicæ commoditati direxit. La-uacrum ex aqua fœlici prope viam Piam mu-ris cinctū mulierculis pauperibus ædificauit. Vias nouas amplissimas aperuit & complana-uit. In laterano locum diuersis picturis cōcin-natum ad populo benedicendum destinauit. Scalam sanctam pretioso salutariq̃ue Christi sanguine cōsperfam in nobiliorem locū trans-tulit, ac præclaris ornamentis ad excitandam pietatem insigniuit. Aedem S. Sabinæ sacram reparauit. Tholum quem vulgò Cupulam vo-cant, incredibili sumptu perfecit, vrbi tā mul-ta præstitit, vt eam nō exornasse modo, sed etiā renouasse meritò censeatur Montem Alcum muris vndiq; septum ciuitatis honore & Epi-scopali dignitate donauit. Lauretum toto ter-rarum orbe celeberrimum, in ciuitatem Epi-scopalem, & Ecclesiam in Cathedralem ere-xit. Proneptes suos nobilissimis Columnēsiū & Vrsinorū familijs matrimonij fœdere con-iunxit. Ac tametsi in omnibus supradictis in-credibilem auri vim insumpserit, tamen ex-peditioni terræ sanctæ quā meditabatur tan-tas opes congescit, vt summa quinq; myriadū auri in publicum ærarium illata sit. Decreuit ne plures quàm 70. simul essent Cardinales, atq; inter illos ad minimū quatuor Theologiæ Doctores, qui ex ordinibus Regulariū Mendi-cantium



cantium assumerentur: & quod nō alio quā  
ieiuniorum mensis Decembris tempore crea-  
rentur. Cardinales diuersis temporibus 33.  
creauit. Sanctum Bonauenturam, Doctorem  
Ecclesiæ nominari voluit, eiusque festum sub  
officio duplici celebrari. Varia sanctorum fe-  
sta in Calendarium retulit. Inopinato morbo  
correptus, adempta statim loquela, è vita ex-  
cessit 27. Augusti anno 1590. cuius mortem  
non improbable est solis eclypsi fuisse signi-  
ficatam. Sepultus est apud S. Petrum, post an-  
nos quinque, menses quatuor, dies tres sui  
Pontificatus. Vacauit sedes dies 18.

VRBA-





VRBANVS VII. PON-  
TIFEX 232. Anno 1590.




**Q**UAM honorificam de se bonis omnibus præbuisset expectationem Ioannes Baptista Castaneus, eius in Pontificatum successio multorum votis expetita, magnis studiis procurata summo Cardinalium consensu facta, eiusque mors non vrbi tantum, sed & vniuersæ Ecclesiæ luctuosa testatum fecere. Natus est Romæ patre Cosmo Genuensi, ac educatione accurata variarum sibi rerum scientiam comparauit. In Hispania Nuncij Apostolici munere magna cum laude perfunctus, à Gregorio XIII. Cardinalis Sancti Marcelli creatus,



& ad Bononiensem legationem destinatus. Xisto tandem in Pontificatu successit 15. Septembris, & Urbani nomine appellatus: natura fuit mansuetus, vitæ inculpatae, & morum sanctimonia clarus: complexione tamen melancholica, & ad morbum inclinante. Pontificatum ultra 11. dies non protraxit. Eius obitu Sedes Apostolica duos menses & nouem dies vacauit.

GRE-








**G**REGORIUS 14. Franciscum Sfondratū  
Senatorem Mediolanēsem patrē habuit  
& Nicolai nomē in sacro fonte consecutus est.  
Optimarum disciplinarum & iurispruden-  
tiæ studio Perusij & Patauij non prænitendam  
operam dedit. A Pio 4. Episcopus Crema-  
nensis, & à Gregorio 13. Cardinalis creatus,  
ac tandem Urbano ad fœliciores vitam trans-  
lato, post duorum & amplius mensium inter  
regnum 5. Decemb. ad Pōtificatus fastigiū per-  
tigit. In grati animi & obseruantix in Grego-  
rium 13. significationem, Gregorius voluit ap-  
pellari



pellari. Eius Pontificatus ad 15. Octobris anni sequentis, duntaxat fuit continuatus. Quo factum est, vt optima quæque consilia, quæ animo conceperat, & quorum expectatione multos sustentabat, exequi non valuerit. Morbus qui multorum malo vitæ filum illi abruptit, fuit febris continua, reddendi lotij difficultas ex calculo nata. Quinque Cardinales creauit, de quorum numero fuit Sfondratus. Sedes post eius mortem dies 15. vacauit.

I N N O-





NON T I F I C V M. 497  
 INNOCENTIVS IX. PON-  
 T I F I C E X P 234. Anno 1591.



**M**agno voluntatum consensu Innocen-  
 tius 9. Cathedram S. Petri conscendit  
 die 29. Octobris. Ante Pontificatum Ioannes  
 Antonius Faquinetus nomen illi fuit. Cardi-  
 nalis sanctorum 4. Coronatorum à Gregorio  
 XIII. factus est. Summa integritate, variaque  
 in omnibus pene facultatibus eruditione im-  
 butus, rerū vsu & longa praxi edoctus omniū  
 animos in meliorē spē erexit. Verū grauis an-  
 nis, curis, & laboribus fractus, postquā populū  
 à plerisq; grauaminibus liberasset, duosque ex  
 fratre pronepotes in Purpuratorū ordinē ad-  
 sciuiſſet ad quietiorē vitā migravit 29. Decēb.





**C**ardinalium qui in conclavi sufficiendo Pontifici diligentem operam impendebant discrepantia vota electionem in trigessimum usque diem proraxerunt. Tandem magno consensu & studio Hippolitus Aleobrandinus Cardinalis Sancti Pancratij & summus poenitentiarius Pontifex 30. Ianuarij 1592. est renunciatus. Erat siquidem magnæ apud omnes æstimationis, quod incredibili prudentia & dexteritate res Ecclesiæ difficilimas & gravissimas cōsecisset Clementis nomen illi impositum est. Princeps ijs animi dotibus præditus



tus. quæ in summo viro & vniuersali pastore desiderari possunt. Henricum Nauarræum Gallia Regem ab excōmunicationis anathemate absoluit. Sigismundo Transyluania Principi inuictissimo, qui murum sese in Oriente pro domo Israel fortiter opposuit, Moldauis quoque & Valachis, vt Turcæ iugum excuterent author fuit, Cæterosque Orbis Christiani Reges & primates ad concordiam inter se & arma in barbarum dirigenda non intermissis laboribus paterna sollicitudine adhortari non desistit. Quem si Deus vti ætate est adhuc vegeta, in multos annos incolumẽ feruet, ausim ominari tam multa & præclara gesturũ, vt nec successoribus sanctitatis & rerum bene gerendarum exempla nec scriptoribus scribendi argumenta sint defutura.

F I N I S.





*Quia Romanorum Pontificum ex Platina aliorumq<sub>3</sub> historijs in Epitomen redacta, eorundemque imagines studio & industria Ioannis à Glano Leodicensis ad viuum expresse, seriem succedentium sibi mutuo Romanorum Pontificum, veluti digito ostendunt, eandemq<sub>3</sub> fidei & Sacramentorum doctrinam per eos sine vlla interruptione, semper fundatam fuisse clarissimè demonstrant (quod ad Christi fideles in Catholica Romana vera Christi Ecclesia retinendos maximum momentum habet) vtiliter admodum typis excudentur.*

*Ioannes Chapeauille  
Canonic. Leodic.*















